

S T E N O G R A M
30. RADNE SJEDNICE SKUPŠTINE KANTONA SARAJEVO,
ODRŽANE U PONEDJELJAK, 28.10.2020. GODINE SA POČETKOM RADA U 10,00
SATI U SALI CENTRA MLADIH SKENDERIJA

Predsjedavajući Mirza Čelik (u daljem tekstu predsjedavajući):
Otvaram 30. Radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

Sjednici prisustvuje 8 zastupnika, što je nije dovoljan broj za punovažan rad i odlučivanje, stoga prekidam ovu sjednicu a o nastavku ćemo obavijestiti zastupnike, članove Vlade i naše gledaoce o terminu. Zahvaljujem.

STENOGRAM
NASTAVKA 30. RADNE SJEDNICE
ODRŽANE 03.11.2020.GODINE ONLINE

Predsjedavajući:

Molim da potvrdite prisustvo na Viber grupi Skupštine Kantona Sarajevo. Hvala. Vam.

Otvaram nastavak 30. Radne sjednice Skupštine Kantona Sarajevo.

Pozdravljam uvažene kolegice i kolege zastupnike, članove Vlade i uvažene goste, kao i sve one koji prate rad današnje sjednice.

Svima nama želim uspješan rad i ugodnu radnu atmosferu.

Sjednici ONLINE prisustvuje 26 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su Sabahudin Delalić i Admela Hodžić.

Prijedlog dnevnog reda 30. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 15.10.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 23.10.2020. godine, prihvatio je da se Prijedlog dnevnog reda 30. radne sjednice, dopuni sa sljedećim tačkama:

1. Prijedlog Zakona o dopunama Zakona o ublažavanju negativnih ekonomskih posljedica i uštedama u Kantonu Sarajevo - hitni postupak; (razmatraće se kao tačka 2.);
2. Prijedlog Odluke o davanju saglasnosti na Prijedlog Ugovora o prenosu prava vlasništva nekretnine uz naknadu, između Općine Novo Sarajevo i Kantona Sarajevo - Ministarstvo saobraćaja radi realizacije projekta izgradnje stambeno-poslovnog objekta kao zamjenske lokacije u cilju obezbjeđenja zamjenskih stambenih jedinica vlasnicima stanova u ulici Grbavička br. 62-68 u Sarajevu koji se uklanja radi izgradnje saobraćajnice –Južne longitudinalne; (razmatraće se kao tačka 4.);
3. Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata „IKRE“ sa izvještajem o finansijskom poslovanju za 2019. godinu; (razmatraće se kao tačka 12a.);
4. Prijedlog Odluke o davanju saglasnosti na Program rada sa finansijskim planom Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" za 2020. godinu (razmatraće se kao tačka 12b.);
5. Prijedlog odluke o davanju saglasnosti na Izmjene i dopune Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu sa Odlukom o izvršavanju Izmjena i dopuna Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu. (razmatraće se kao tačka 19.);
6. Informacija o aktuelnoj epidemiološkoj slici u Kantonu Sarajevo; (razmatraće se kao tačka 24.);
7. Inicijativa za donošenje Zaključka u vezi Zaključka Skupštine Kantona Sarajevo broj: 01-04-35283-3/20 od 28.09.2020. godine; (razmatraće se kao tačka 25.).

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na Prijedlog Zakona o dopunama Zakona o ublažavanju negativnih ekonomskih posljedica i uštedama u Kantonu Sarajevo, po hitnom postupku.

Ima li potrebe da predstavnik Predlagača obrazloži razloge donošenja ovog Zakona po hitnom postupku? Zahvaljujem. v.d. premijeru Anis Kriviću da li? Mi vas čujemo ministre Halebiću izvolite. Imate riječ.

Ministar Jasmin Halebić:

Pozdravljam vas i pozdravljam ostale zastupnike prisutne kao i one koji prate ovu sjednicu Skupštine Kantona Sarajevo. Razlozi za hitnost su praktične prirode. Imamo potrebu da uradimo dodatnu intervenciju prema privrednim subjektima koji su pogođeni ovim negativnim efektima pandemije korona virusa što u okviru sadašnjeg zakonskog rješenja nije optimalno postavljeno. U tom smislu predložili smo, čini mi se dva člana Zakona za izmjenu i to nas je opredijelilo da se ne otvara javna rasprava da se ne troši to dragocjeno vrijeme. Pa smo predložili hitni postupak. Također riječ je o sredstvima koja se trebaju implementirati do kraja ove kalendarske godine tako da je i to jedan od razloga zašto želimo da uz ovaj hitni postupak praktično dođemo što prije do mogućnosti da se ponovo interveniše prema privredi. U suštini inicijativa je došla od Ministarstva privrede, ali je Ministarstvo finansija predlagač Zakona, tako da evo u tom smislu ja izvještavam.

Predsjedavajući:

Zahvaljujem uvaženi ministre Halebiću. Ima li pitanja? Molim zastupnike da izgase mikrofone. E hvala vam. Molim zastupnike da se prijavljuju u Viber grupu koja koristi za rad samo kada je Skupština Kantona Sarajevo. Kolegica Dizdarević je imala pitanje, da li je za dnevni red. Možemo li to ostaviti za kasnije kolegice Dizdarević. Kada budemo došli do dnevnog reda ja ću vama svakako dati. Kolega Stojanoviću još nismo došli do prijedloga dnevnog reda, molim vas da ne koristite Viber grupu prije nego što otvorimo pitanja ili poslaničke intervencije za dnevni red. To možete iskoristiti. Ali prijedlog za dnevni red možete samo kada se utvrditi dnevni red. Nemamo pitanja. Otvaram raspravu. Ukoliko se niko ne javlja za riječ, zaključujem raspravu.

Molim zastupnike da pristupe izjašnjavanju da se Prijedlog Zakona o dopunama Zakona o ublažavanju negativnih ekonomskih posljedica i uštedama u Kantonu Sarajevo donese po hitnom postupku.

Molim sekretara Skupštine da napravi anketu, zastupnike da glasaju. Otvaram glasanje. Zaključujem glasanje.

ZA JE GLASALO 29 ZASTUPNIKA, SUZDRŽANIH I PROTIV NIJE BILO.

Konstatujem da je Skupština usvojila Prijedlog da se Zakon o dopunama Zakona o ublažavanju negativnih ekonomskih posljedica i uštedama u Kantonu Sarajevo donese po hitnom postupku.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Ima li smo poslovničku intervenciju, tako ćemo je tretirati. Kolegice Dizdarević i kolega Stojanović. Kolegica Dizdarević izvolite.

Poslanik/zastupnik Neira Dizdarević:

Hvala predsjedavajući. Pozdrav našim građanima koji prate današnji rad kao i prisutnim kolegicama i kolegama. Moje pitanje je vezano za dnevni red. Zašto se na današnjem dnevnom redom ne nalazi informacija o aero zagađenju, koju smo, podsjetit ću, jednoglasno usvojili na Kolegiju Skupštine na moj zaključak.

Predsjedavajući:
Kolega Stojanoviću?

Poslanik/zastupnik Igor Stojanović;
Moj prijedlog je vezan za Kolegij, predsjedavajući, za tačke dnevnog reda gdje smo govorili da tačka 25 Informacija o zdravstvu zamijenimo.

Predsjedavajući:
Kolega Stojanoviću morat ću vas prekinuti. Ja bih vas lijepo molio nakon što utvrdimo dnevni red, vi se javite dat ću vam odmah riječ. Ali moramo se izjasniti o predloženom dnevnom redu kako je to i na Kolegiju. Nakon usvajanja dnevnog reda vi možete predložiti. Evo smatrat ćemo da ste vi predložili da se tačka 25, razmatra kao tačka 2 i rado ću staviti na glasanje taj prijedlog. Ali prije nego što utvrdimo dnevni red to ne mogu. Kolegice Dizdarević vama da odgovorim. Kao informativni materijal. Pretpostavljam da niste vidjeli na službenoj stranici Skupštine Kantona Sarajevo i na mail dobili ste prijedlog dnevnog reda i informativni materijal koji je u prijedlogu dostavljen. I tamo je Informacija o zaštiti zraka u Kantonu Sarajevo koji je pripremila Ministarstvo prostornog uređenja, građenja i zaštite okoliša Kantona Sarajevo. Pošto je došlo kao informacija mi smo to u informativni materijal uvrstili. Ima li još neko da se javlja za riječ? Nema, zahvaljujem.

Na osnovu naprijed navedenog, Prijedlog dnevnog reda današnje, 30. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Zakona o dopunama Zakona o ublažavanju negativnih ekonomskih posljedica i uštedama u Kantonu Sarajevo-hitni postupak;
3. Nacrt zakona o izmjenama i dopunama Zakona o državnoj službi u Kantonu Sarajevo;
4. Prijedlog Odluke o davanju saglasnosti na Prijedlog Ugovora o prenosu prava vlasništva nekretnine uz naknadu, između Općine Novo Sarajevo i Kantona Sarajevo - Ministarstvo saobraćaja radi realizacije projekta izgradnje stambeno-poslovnog objekta kao zamjenske lokacije u cilju obezbjeđenja zamjenskih stambenih jedinica vlasnicima stanova u ulici Grbavička br. 62-68 u Sarajevu koji se uklanja radi izgradnje saobraćajnice –Južne longitudinale;
5. Prijedlog odluke o ispravci Odluke o davanju saglasnosti na Nacrt Sporazuma koji se zaključuje između Univerziteta u Sarajevu, Fakulteta zdravstvenih studija Univerziteta u Sarajevu i Javne ustanove „Studentski centar“ Sarajevo, broj: 01-04-38520/20 od 05.10.2020. godine;
6. Prijedlog Odluke kojom se daje saglasnost na notarski obrađen Nacrt ugovora o osnivanju prava građenja između Univerziteta u Sarajevu i Općine Centar Sarajevo u svrhu izgradnje spomen obilježja „Ored Lasta“ na uglu ulica Patriotske lige i Bolnička u Sarajevu, na zemljištu označenom kao k.č. 40/27 k.o. Sarajevo IV;
7. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu K-36, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Ljuca Džemal);
8. Prijedlog odluke o davanju saglasnosti na nacrt ugovora o kupoprodaji nekretnine nastale nadziđivanjem postojećeg stambenog objekta u ulici Behdžeta Mutevelića broj 10, općina Novo Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Mahmutović Adil);
9. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu “3B”, izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i

- poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Suljović Mirsad);
10. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Huremović Samir);
 11. Utvrđivanje datuma održavanja sjednice Skupštine Kantona Sarajevo u vezi prijedloga za glasanje o nepovjerenju Vladi Kantona Sarajevo;
 12.
 - a) Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata „IKRE“ sa izvještajem o finansijskom poslovanju za 2019. godinu;
 - b) Prijedlog Odluke o davanju saglasnosti na Program rada sa finansijskim planom Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" za 2020. godinu;
 13. Prijedlog Odluke o davanju saglasnosti na Program rada sa finansijskim planom Javne ustanove za 2020. godinu:
 - a) Narodno pozorište Sarajevo
 - b) Sarajevska filharmonija;
 - c) Pozorište mladih Sarajevo;
 - d) Kamerni teatar ' 55 Sarajevo;
 - e) MES - Međunarodni teatarski festival - Scena MESS;
 - f) Muzej Sarajeva;
 - g) Kantonalni zavod za zaštitu kulturno-historijskog i prirodnog naslijeđa, Sarajevo ;
 - h) Historijski arhiv Sarajevo;
 - i) Bosanski kulturni centar Kantona Sarajevo ;
 - j) Biblioteka Sarajeva;
 - k) Muzej „Alija Izetbegović“ Sarajevo;
 14. Prijedlog Odluke o davanju saglasnosti na Program rada i Finansijski plan Javne ustanove "Kantonalni centar za socijalni rad" za 2020. godinu;
 15. Prijedlog Odluke o davanju saglasnosti na Program rada i Finansijski plan Kantonalne javne ustanove "Gerontološki centar" za 2020. godinu;
 16. Prijedlog Odluke o davanju saglasnosti na Program rada i Finansijski plan Kantonalne javne ustanove Dom za djecu bez roditeljskog staranja za 2020. godinu;
 17. Prijedlog Odluke o davanju saglasnosti na Program rada i Finansijski plan Kantonalne javne ustanove "Porodično savjetovalište" za 2020. godinu;
 18. Prijedlog Odluke o davanju saglasnosti na Program rada i Finansijski plan Kantonalne javne ustanove "Odgojni centar Kantona Sarajevo" za 2020. godinu
 19. Prijedlog odluke o davanju saglasnosti na Izmjene i dopune Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu sa Odlukom o izvršavanju Izmjena i dopuna Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu.
 20. Prijedlog Zaključka o izmjeni i dopunama Zaključaka Skupštine Kantona Sarajevo broj: 01-04-35283-3/20 od 28.09.2020. godine;
 21. Izvještaj o radu Nezavisnog odbora za period mart 2020. godine - avgust 2020. godine;
 22. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2019. godinu;
 23. Izvještaj o snabdjevenosti Kantona Sarajevo lijekovima i sanitetskim materijalom u 2019. godini sa osvrtom na implementaciju Liste lijekova koji se propisuju i izdaju na

- teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti;
24. Informacija o finansijskom poslovanju javnih ustanova iz oblasti predškolskog, osnovnog i srednjeg obrazovanja za 2019. godinu (zbirno)
 25. Informacija o aktuelnoj epidemiološkoj slici u Kantonu Sarajevo;
 26. Inicijativa za donošenje Zaključka u vezi Zaključka Skupštine Kantona Sarajevo broj: 01-04-35283-3/20 od 28.09.2020. godine.

Molim sekretara da napravi anketu kako bi se izjasnili o predloženom dnevnom redu. Kolegica Dizdarević je tražila poslovničku intervenciju ili repliku. Ne možemo dati sada kolegica Dizdarević samo u Viber grupi da napišete da tražite poslovničku intervenciju i ja vama dajem riječ. Kolegica Dizdarević izvolite.

Poslanik/zastupnik Neira Dizdarević:

Hvala predsjedavajući. Nismo se na Kolegiju dogovorili da tačka ide kao informativni materijal, prva stvar. A druga stvar, informativni materijal koji je postavljen je ustvari rezultat inicijative zastupnika Igora Stojanovića iz negdje jula mjeseca i odnosi se samo na jedan aspekt aero zagađenja i zaštite zraka. Dakle smatram da zaključak Kolegija nije ispoštovan i danas zato u okviru redovne informacije ne razmatramo, u okviru dnevnog reda Informaciju o aero zagađenju.

Predsjedavajući:

Nama je tako dostavljeno. Ukoliko vi smatrate da mi trebamo to da razmatramo kao tačku dnevnog reda, svakako se zastupnici mogu obavezati da razmatraju sve tačke koje su predložene kao informativni materijal. I o toj tački možemo svakako da zauzmemo stav. I da uvrstimo u dnevni red Skupštine Kantona Sarajevo. Prije toga ćemo morati da se izjasnimo za predloženi dnevni red. Molim sekretara da napravi anketu kako bi se izjasnili o predloženom dnevnom redu.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Zaključujem glasanje.

ZA JE GLASALO 28 ZASTUPNIKA, PROTIV niko i SUZDRŽANIH 1.

KONSTATUJEM DA JE SKUPŠTINA ZA 30. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- a) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april-juni 2020. godine;
- b) Akcioni plan za provedbu Zaključaka Skupštine Kantona Sarajevo broj: 01-04-32508/20 od 25.08.2020. godine, a u vezi sa Informacijom o preduzetim mjerama i prijedlozima mjera za suzbijanje širenja pandemije koronavirusa (COVID-19), a koja je razmatrana na sjednici Skupštine Kantona Sarajevo od 25.08.2020. godine;
- c) Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec avgust 2020. godine;
- d) Informacija u vezi sa realizacijom Zaključka Skupštine Kantona Sarajevo broj: 01-04-3436- 6/20 od 25.02.2020. godine, koju je pripremilo Ministarstvo prostornog uređenja, građenja i zaštite okoliša Kantona Sarajevo
- e) Izvještaj o razvoju Kantona Sarajevo za 2019. godinu;
- f) Informacija o zaštiti zraka u Kantonu Sarajevo, koju je pripremilo Ministarstvo prostornog uređenja, građenja i zaštite okoliša Kantona Sarajevo;
- g) Informacija o realizaciji Zaključka Skupštine Kantona Sarajevo broj: 01-04-10778-2/20 od 23.04.2020. godine sačinjena od strane Zavoda zdravstvenog osiguranja Kantona Sarajevo od 21.09.2020 i 20.05.2020. godine.

Prije nego što pređemo na realizaciju prve tačke Dnevnog reda obavezni smo da razmatramo Zapisnik sa stenogramom sa 26. Radne sjednice, koji vam dostavljen uz poziv za sjednicu.

Ima li primjedbi na isti?

Molim vas da se izjasnite o Zapisniku sa 26. Radne sjednice Skupštine Kantona Sarajevo. Sekretara molim da napravi anketu kako bi se izjasnili o istom Zapisniku. Zastupnike molim da pristupe glasanju u Viber grupi pod nazivom "Skupština Kantona Sarajevo". Zaključujem glasanje.

ZA je glasalo 29 zastupnika, PROTIV i SUZDRŽANIH nije bilo.

Konstatujem da je Skupština potvrdila Zapisnik sa 26. Radne sjednice Skupštine Kantona Sarajevo održane 16.06.2020. godine.

Prelazimo na realizaciju dnevnog reda, sada je 10 sati i 24 minute. Ali imamo poslovničku intervenciju. Zastupnik Stojanoviću izvolite imate riječ.

Poslanik/zastupnik Igor Stojanović:

Hvala predsjedavajući. Moj prijedlog je ono o čemu smo već razgovarali, prvi prijedlog je ono o čemu smo razgovarali na sjednici Kolegija. To je da tačka 25. informacija o aktuelnoj epidemiološkoj slici u Kantonu Sarajevo bude tačka 2, s obzirom na važnost situacije. Ja bih vas zamolio da ovaj prijedlog stavite na glasanje za izmjenu dnevnog reda. I tačka 20 koja se odnosi na moratorij Prijedlog zaključka o izmjeni i dopunama Zaključka Skupštine Kantona Sarajevo bude tačka 3. to nismo razgovarali na Kolegiju ali bih vas molio da stavite na glasanje.

Predsjedavajući:

Ja bih vas lijepo molio samo radi stenograma. Kazali ste tačka 25, da se razmatra kao tačka 2. i tačka 20. kao tačka 3. hvala. Ja bih vas lijepo molio ukoliko ste završili kolega Stojanoviću da isključite mikrofona. Vas molim da se ne prijavljujete za inicijative i pitanja dok ne otvorimo tu tačku dnevnog reda. Ko god se prijavio smatrat ćemo da se nije prijavio i to ćemo tražiti da se ponovi na prijavi za prvu tačku dnevnog reda a to su Poslanička/zastupnička pitanja i inicijative i odgovori.

Molim sekretara da napravi anketu za Prijedlog zaključka uvaženog zastupnika Stojanovića da se tačka 25. razmatra kao tačka 2. i tačka 20. da se razmatra kao tačka 3., a ostale tačke da se razmatraju po redoslijedu.

Molim sekretara da napravi prijedlog ankete kako bi se izjasnili zastupnici. Molim da pristupite glasanju u Viber grupi "Skupštine Kantona Sarajevo". Otvaram glasanje. Zahvaljujem uvaženi zastupnici. Zaključujem glasanje.

ZA JE GLASALO 31 ZASTUPNIK, PROTIV I SUZDRŽANIH NIJE BILO.

KONSTATUJEM DA SMO NA PRIJEDLOG ZASTUPNIKA STOJANOVIĆA KOJI JE PREDLOŽIO ZAKLJUČAK DA SE TAČKA 25. RAZMATRA KAO TAČKA 2. I DA SE TAČKA 20. RAZMATRA KAO TAČKA 3. USVOJILI.

Prelazimo na realizaciju prve tačke, a to su
AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Molim zastupnike da se prijave. Prvi se prijavio uvaženi zastupnik Damir Marjanović. Kolega izvolite, imate riječ.

Poslanik/zastupnik Damir Marjanović:

Zahvaljujem predsjedavajući. Pozdravljam sve prisutne, pozdravljam sve koji prate ovu Skupštinu. Bit ću konkretan i brz pošto imam dosta pitanja. Pitanja se odnose za Krizni štab i za Ministarstvo za obrazovanje i nauku mlade Kantona Sarajevo. Na sva pitanja očekujem usmene odgovore. Prvo pitanje za Krizni štab koja novo propisanih mjera objavljenih jučer 02.11.2020 je direktno usmjerena ka smanjenju ukupnog broja novo pozitivnih slučajeva u budućim danima i sprečavanju daljeg širenja ovog virusa? Nadalje, kome će biti dostavljeno 59.000 PCR testova koje ste nabavili? To sam saznao jutros iz medija i o kojim testovima je riječ? Dalje, u kojem procentu u ukupnom broju novo zaraženih u periodu u kojem se škola radile su zastupljeni slučajevi koji se mogu povezati sa osnovnim i srednjim školama kao izvorom zaraze? Jako me zanima taj broj. Dalje, koji parametar se koristi kao podatak na osnovu kojeg se donosi neka mjera, npr da li će škole raditi ili neće? Da li je to ukupan broj zaraženih, da li je to ukupan broj mrtvih, hospitaliziranih, da li je to popularni (nerazumljivo), ili nešto drugo? Dalje, zavod za zdravstveno osiguranje ovih dana je konačno sklopio ugovore sa privatnim laboratorijama. Ko i kako je odredio cijenu analize? Da li su privatne laboratorije preko softvera uvezane u centralni softverski sistem? Koliko uzoraka dnevno ovaj sistem može sada da procesuirati? Znači koliko očekujemo da će se dnevno sada analiza raditi? Pitanje za Ministarstvo zdravstva, ne za ministricu novu, čestitam joj na hrabrosti što je preuzela tu ulogu pored svih ovih svojih osobnih problema s kojima se susreće. Znači pitanje je više za krizni štab, pa može i za Vladu, zašto nikada do sada u proteklih 10 mjeseci, niste uposlili kapacitete za testiranje koji su u vlasništvu Kantona Sarajevo iako su vam se kao kriznom štabu Ministarstvu Vladi, te institucije više puta obraćale. Naime da li vam je poznato da u sklopu UNSA imate laboratorije od kojih su neke vodeće u procesu genetičkih testiranja ne samo u BIH, nego i u regionu, i koje bi svojim kapacitetima mogle procesuirati na stotinu uzoraka dnevno pa čak i nekoliko hiljada ako se uposle u potpunosti. Znači jako me zanima zašto ikada niko nije razmišljao o tome i zašto nisu odgovorili na inicijativu koje su dolazile iz tih institucija? Vezano za Ministarstvo obrazovanja. Da li uskoro planirate vratiti učenike u osnovne škole i srednje škole? Ako ne planirate, objasnite na osnovu kojih podataka ste donijeli takve odluke? Ali govorimo o učenicima koji za sada ne idu, ne govorim o onima koji imaju. Dana 08. oktobra usvojen je Program utroška tekućih kapitalnih sredstava i preraspodjele u okviru vašeg Ministarstva. Pojasnite mi sljedeće: šta vas je rukovalo da škola skijanja dobije 225.000 i da li to znači da iako djeca ne idu u škole ići će u školu skijanja? Isto pitanje se odnosi na školu plivanja? Isto pitanje se odnosi na školu u prirodi i isto pitanje se odnosi na iznos koji ste predvidjeli za posjetu Srebrenice. To izuzetno podržavam, znači naša djeca moraju tamo otići, upoznati se s tim dijelom naše istorije. Ali da li će se u ovim uvjetima tako nešto organizirati, šta će biti sa tim novcem? Šta se podrazumijeva pod stavom 5, tačka 1. Dokumenta podrška projektima i programima iz oblasti obrazovanja u iznosu od 47.000. šta podrazumijeva podrška mladim talentima od 500.000 u istom tom dokumentu navedeno? Da li je to novac iz budžeta, novac iz EU? Jako me zanima tačka 6.tačka 1. u kojoj je predviđen 1.396.630 KM od čega 700.000 KM za projekte iz oblasti nauke iz 2019. kako ste došli do cifre od 700.000 KM kada prema preliminarnim informacijama imam da je taj iznos duga preko milion KM i da li to znači da nećete isplatiti sav novac koji ste predvidjeli projektima iz 2019? šta znači. Evo hvala velika, izvinite još jednom. Samo još jedno pitanje. Šta znači 100.000 za razvoj Naučno-istraživačkih centara u istom dokumentu? Izvinjavam se ako sam prekoračio vrijeme. Zahvaljujem se i očekujem usmene odgovore na ovaj pitanja.

Predsjedavajući:

Zahvaljujem uvaženi zastupniče Marjanović. Kolega Čampara Aljoša.

Poslanik/zastupnik Aljoša Čampara:

Zahvaljujem predsjedavajući. Nadam se da se čujemo. Dakle ja imam jednu inicijativu i jedno pitanje. Pokušat ću biti što kraći.

Inicijativa se odnosi na Ministarstvo zdravstva, odnosno na samu Vladu i Skupštinu i tražim da se o njoj Skupštini danas izjasni. Prije svega ona se odnosi na pitanje ministra Rusmira Mesihovića koji je podnio neopozivu ostavku, koji se nalazi na bolovanju. I čuo sam se čovjekom. Dakle radi se o tome da ima određenih zdravstvenih problema i mislim da nema ni jednog razloga da mi danas kao Skupština ne izglasamo njegovo potpuno razrješenje zato što je to uradila i Komisija za izbor i imenovanje, i nema razloga da neko ko ne obnaša tu dužnost i dalje se provlači po medijima, da prima plaću. Tako da građani su s pravom reagirali na ovu činjenicu i smatram da i Vlada i Skupština prije svega ima odgovornost da razriješi čovjeka sa ovoga mjesta, jer je evidentno da se on neće vratiti na ovu poziciju a Vlada je svakako imenovala do sada nekoliko v.d. vršilaca i mislim da bi bilo krajnje korektno da danas izglasamo razrješenje gospodina Mesihovića sa ove funkcije. I nije korektno u najmanju ruku da se neko krije iza ovih postupaka. Mislim da imamo sve formalno pravne uslove da se on razriješi sa ove pozicije. To je jedna stvar.

I druga stvar imam pitanje vama gospodine predsjedavajući. Vi ste najavili da ćete nas disciplinski sankcionisati, kazniti ili kako već ste to rekli i evo ja tražim od vas odgovor kada ćete to uraditi i na osnovu čega, jer ste u javnosti rekli da ćemo svi koji nismo došli na sjednicu u Dom mladih biti sankcionisani disciplinski pa me interesuje nas veliki broj zastupnika željno očekuje tu vašu disciplinsku mjeru, pa da nas obavijestite i o tome. Hvala.

Predsjedavajući:

Zahvaljujem. Kolega Okerić Elvedin.

Poslanik/zastupnik Elvedin Okerić:

Zahvaljujem predsjedavajući. Želim prije bilo šta da kažem da sve srdačno selamim i pozdravim, uvažene zastupnike i zastupnice kao i građane pored malih ekrana. Moja inicijativa će ići kao nastavak borbe za prava studenata na USNA: također želim da naglasim da je u pripremi ove inicijative bio aktivno uključen i naš profesor Marjanović. Inicijativa se odnosi na Ministarstvo za obrazovanje nauku i mlade. A glasi:

1. Obavezuje se Univerzitet u Sarajevu (UNSA) da u roku od 15 dana po donošenju ovog zaključka predlagачu ove inicijative, dostavi tačne podatke o broju studenata koji su upisani kao samofinansirajući studenti, a koji su položili sve ispite iz predhodne godine u prosjeku većem od 8.0.
2. Obavezuje se da u dostavljenim podacima u tabelarnom prikazu bude naznačen ostvaren ukupni prosjek i prosjek u zadnjoj godini navedenih kandidata.
3. Obavezuje se UNSA da dostavi ukupni iznos školarina za ove studente za školsku 2020/2021. godinu.
4. Nalaže se UNSA da do isteka ove godine ne vrši naplatu preostalih sredstava iz školarine do kraja zimskog semestra školske 2020/2021. godine.

Obrazloženje: polazeći od činjenice da je Kanton Sarajevo iskazao strateško opredjeljenje da podrži i stimuliše ostanak mladih u BIH a posebno visokoobrazovanih i perspektivnih kadrova koji predstavljaju garanciju izgradnje i prosperitetne države BIH predložena inicijativa bi doprinijela ostvarenju tog proklamiranog opredjeljenja i doprinijela funkciji podizanja kvaliteta obrazovanja jer se na ovakav način stimuliše i nagrađuje rad i zalaganje vrijednih studenata tokom studija. Hvala.

Predsjedavajući:

Zahvaljujem uvaženi zastupniče Okeriću. Kolegica dopredsjedavajuća Kristić.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne i gledaoce kraj malih ekrana. Ja imam jedan zaključak, jedno pitanje i inicijativu.

Na osnovu člana 117 i 120 Poslovnika Skupštine Kantona Sarajevo predlažem da Skupština Kantona Sarajevo donese sljedeće zaključke:

1. Obavezuje se Vlada Kantona Sarajevo, Ministarstvo privrede, Kantonalna uprava za inspeksijske poslove i Općina Ilidža da dostave Skupštini Kantona Sarajevo cjelovitu informaciju o nelegalnoj gradnji u I i II vodozaštitnoj zoni izvorišta Sarajevsko polje.
2. Obavezuje se Kantonalna uprava za inspeksijske poslove da izvrši nadzor shodno članu 147. Zakona o prostornom uređenju nad izradom i provođenjem planskih dokumenata koje donosi Skupština Kantona, a koje se tiču gradnje u I i II vodozaštitnoj zoni izvorišta Sarajevsko polje gdje je gradnja zabranjena Odlukom o zaštiti izvorišta.
3. Obavezuje se Kantonalna uprava za inspeksijske poslove da izvrši nadzor shodno članu 147. Zakona o prostornom uređenju nad radom Općine Ilidža i njenih općinskih urbanističko-građevinskih inspektora u provođenju propisa iz oblasti prostornog uređenja jer je očito da je Općina Ilidža u proteklom periodu izdavala građevinske i urbanističke dozvole bez saglasnosti KJKP Vodovod i kanalizacija Sarajevo za gradnju u I i II vodozaštitnoj zoni izvorišta Sarajevsko polje gdje je gradnja zabranjena Odlukom o zaštiti izvorišta.
4. Obavezuje se Ured za borbu protiv korupcije i upravljanje kvalitetom da iz svoje nadležnost provjeri postupanje svakog javnog organa i javnog preduzeća, a naročito Općine Ilidža i Kantonalne uprave za inspeksijske poslove jer im se KJKP Vodovod i kanalizacija više puta obraćao zbog nelegalne gradnje u I i II vodozaštitnoj zoni i prema dostupnim informacijama nisu učinili ništa.
5. Obavezuje se Općina Ilidža, Kantonalna uprava za inspeksijske poslove da ODMAH zaustave svaku nelegalnu gradnju na području I i II vodozaštitne zone.
6. Obavezuje se svi gore pomenuti javni organi da Skupštinu Kantona Sarajevo izvijeste o poduzetom u roku od mjesec dana od dana dostavljanja zaključka.
7. Ovaj zaključak stupa na snagu danom donošenja, a objavit će se u “Službenim novinama Kantona Sarajevo”.

Molila bih zastupnike da se izjasne o ovim zaključcima.

Drugo pitanje u javnosti smo mogli vidjeti saopštenje za javnost ispred ZOI 84 gdje je rečeno da ste vi sazvali sastanak i da su donijeti određeni zaključci. Jedan od zaključaka je obaveza refundiranja razlike u cijeni ski karata u akcijskoj pretprodaji u odnosu na ovogodišnji cjenovnik da će preuzeti Skupština Kantona Sarajevo i Ministarstvo privrede. Postavljam vama predsjedavajući pitanja da li ste vi mogli donijeti odluku u ime Skupštine? Da li vi donosite te odluke ili te odluke treba staviti na glasanje Skupštini Kantona Sarajevo?

I jedna inicijativa Ovim putem podnosim inicijativu da oforme se mobilni timovi koji će pružiti pomoć porodicama koje su u izolaciji i koje nemaju nikoga za pomoć oko kupovine osnovnih potrepština i lijekova. Obrazloženje i sve dalje ću u pismenoj formi dostaviti. Hvala.

Predsjedavajući.

Zahvaljujem uvažena kolegice Kristić. Kolegica Dizdarević Neira ima riječ. Izvolite kolegice.

Poslanik/zastupnik Neira Dizdarević:

Ja za danas također imam više pitanja i inicijativa. Uputit ću jedno ministarstvu obrazovanja i molit ću za usmeni odgovor. Da li je tačna informacija da ugovori o subvencioniranju boravka djece u predškolskim ustanovama nisu potpisani sa Ministarstvom obrazovanja? Ukoliko nisu, zašto nisu i kada se može očekivati da se ove aktivnosti završe?

I dostavit ću jedan zaključak na e-mail i zamolit ću predsjedavajućeg da ga pročitate kako bi se zastupnici i zastupnice mogli izjasniti o istom. Toliko hvala.

Predsjedavajući:

Zahvaljujem uvažena zastupnice Dizdarević. Kolegica Kerla Bibija je sljedeća.

Poslanik/zastupnik Bibija Kerla:

Dobar dan svima prisutnima i gledaocima pored malih ekrana. Ja sam imala inicijativu sličnu kao što je podnio moj kolega Aljoša Čampara pa molim da se ta inicijativa ipak stavi na glasanje. Mislim da doktor Mesihović nije zaslužio da ga se proziva po novinama i po nekim portalima i molim zastupnike Skupštine da se izjasnimo o inicijativi da skinemo konačno Rusmira Mesihovića sa ministra zdravstva. Hvala lijepo.

Predsjedavajući:

Zahvaljujem uvažena zastupnice Kerla. Kolega Hasanović Senad. Jeste li spremni, izvolite.

Poslanik/zastupnik Senad Hasanović:

Zahvaljujem predsjedavajući. Pozdravljam sve prisutne kao i sve one koji prate rad Skupštine Kantona Sarajevo. Za današnju sjednicu imam jednu inicijativu.

Pokrećem inicijativu prema Vladi Kantona Sarajevo u cilju raspisivanja novčane nagrade za dostavljanje informacija koje bi dovele do rasvjetljavanja ubistva policajaca Adisa Šehovića i Davora Vujinovića, te hapšenja počinitelja ovog svirepog ubistva. OBRAZLOŽENJE: Imajući u vidu da se navršila druga godišnjica ubistva Adisa i Davora, porodice ubijenih ali i javnost ostaju uskraćeni za informacije da li ima napretka u istrazi, da li se na ovom predmetu i dalje radi ili se od istog odustalo. Nije poznato da li su MUP KS i Tužilaštvo KS iskoristili sve domaće i strane resurse u cilju rasvjetljavanja ovog slučaja, te da li je bilo opstrukcija i od koga tokom provođenja istražnih radnji. Neposredno nakon ubistva javnosti je poručeno „policija i Tužilaštvo će prevrnuti svaki kamen dok ne nađu ubice“. Stoga toj istoj javnosti se duguje odgovor koliko „kamenja“ je prevrnutu za dvije godine istrage. Cijeneći sve navedeno, molim Vladu Kantona Sarajevo da uloži dodatne napore kako bi se na sve moguće načine, pa i raspisivanjem novčane nagrade, pomoglo istražiteljima u rasvjetljavanju ovog ubistva. Zahvaljujem.

Predsjedavajući:

Zahvaljujem uvaženi kolega Hasanović. Kolegica Duraković Jasna ima riječ.

Poslanik/zastupnik Jasna Duraković:

Dobar dan, da li se čujemo predsjedavajući? Zahvaljujem. I prije svega ja vas želim srdačno pozdraviti, naravno sve prisutne na današnjoj sjednici i sve oni koji prate rad današnje sjednice putem malih ekrana. Ja imam nekolicinu pitanja koja ću usmjeriti prvo prema Ministarstvu za obrazovanje, mlade i nauku i Kantonu Sarajevo. Prema ministru Kriviću. I evo počet ću, ostale usmjeravam prema Kriznom štabu Kantona Sarajevo. Dakle prvo pitanje se odnosi na Ministarstvo obrazovanja nauke i mladih. Ministre mene zanima na osnovu kojih parametara će se odlučiti o ponovnom povratku djece od I do V razreda OŠ na online nastavu u narednom periodu kada je već potpuno evidentno da je postotak zaraze tj oboljenja od COVID-19 jako mali kada govorimo o ovom uzrastu te da se klasteri stvaraju izvan škola. Dakle, ne u školama, pa evo zanima me da li imate neki odgovor. Naravno tražim usmeni odgovor na ovo pitanje. Sljedeći set pitanja usmjeravam prema kriznom štabu. Kako je moguće da osobe koje nemaju povišenu tjelesnu temperaturu a većinu drugih simptoma kliničke slike oboljelog od COVID-19 ne mogu biti upućeni na PCR testiranje pa kada te iste osobe zaraze sve oko sebe tada nastaje ili porodični ili radni klasteri i tek onda se panično organizira samoizolacija i testiranje. Zašto je samo temperatura mjerilo za izdavanje uputnice za COVID testiranje? Drugo pitanje zašto se nije inicirala promjena Zakona o zdravstvenoj zaštiti u kojem se otklanjaju mehanizmi nedodirljivosti KCUS bez obzira na visinu finansiranja od strane Kantona Sarajevo? Treće pitanje, za koliko je novaca ZZO Kantona Sarajevo smanjio uplate KCUS s obzirom da isti radi na stand by modu, gdje se zapravo taj novac preusmjerio u svrhu liječenja oboljelih. Četvrto pitanje da li su formirani i ako jesu mobilni timovi za uzimanje brisa za COVID-19 test kod kuće za osobe koje nisu u stanju doći

na COVID-19 drive in punkt? Peto pitanje, da li je Krizni štab odredio brzi i olakšani put za onkološke i sve druge teško oboljele osobe i pacijente, za pristup EZZ kao i prioritetni pristup testiraju? Peto pitanje, ko je od članova Kriznog štaba uopće obišao Podhrastove i utvrdio kakvo je stanje kakvi su uslovi za bolesnike, kakvi su uslovi za uposlenike, da li se koriste adekvatni kreveti za pacijente na respiratorima? Da li je adekvatan promjer kiseonika s obzirom na maksimalne minutne protoke koji su potrebni za liječenje? I posljednje pitanje, zašto se nije povećao broj COVID ambulanti? Ja vas molim da date adekvatne odgovore zaista jer do sada je jako malo pitanja odgovorno. Dakle tražim usmene odgovore na sva ova pitanja. Toliko, zahvaljujem.

Predsjedavajući:

Zahvaljujem uvažena kolegice Duraković. Kolega Zvonko Marić, imate riječ. Kolega ako ste spremni.

Poslanik/zastupnik Zvonko Marić.

Zahvaljujem predsjedavajući, dame i gospodo, drugarice i drugovi, poštovani gledatelji. Pa ovako imam dvije inicijative i molio bih da se s obzirom na neki način da ulazimo u jednu kritičnu fazu, barem prema broju zaraženih i umrlih, a odnosi se na rad Kriznoga štaba. Ja sam jučer na sjednici Kolegija to potencirao na način da sam molio i ranije sam to učinio, i kada sam saznao i kritizirao rad čelnog prvog čovjeka ili prve osobe na čelu kriznog štaba koja nam je demonstrirala neodgovornost i nedoraslost trenutku odlaskom na godišnji odmor. I ja sam zahtijevao da se u Krizni štab na bilo koji način, i čak i razgovarao sa premijerom Nenadićem da se pojača na neki način strukovno od ljudi koji su danas u mirovini, a koji zaslužuju svaki respekt za medicinsku karijeru koju su imali. Dakle i rad u zdravstvu. Prema tome, postoje imena i na neki način po tom modelu je i Opća bolnica napravila svojevrni Senat od tih ljudi, ali volio bih da se podhitno s obzirom na dolazeću situaciju i epidemiolozi predviđaju (nerazumljivo) da se pojača na neki način, da se neki ljudi u tom Kriznom štabu zamjene sa ljudima koji će adekvatno obavljati svoju dužnost. Jer to iznošenje statističkih podataka o broju zaraženih i umrlih podsjeća me na uredništvo nekog statističkog biltena koji vam saopći samo broj novo zaraženih i umrlih itd, po mjestima. Ja bih volio i sigurno građani više očekuju od tog kriznog štaba ili stožera, kako god hoćete, i volio bih da donosi neke značajnije odluke koje će pomoći građanima u ovakvoj situaciji. Zato molim da se na svaki mogući način ili ojača nekim novim imenima a znate vanredne situacije mogu mobilizirati i dozvoljavaju da se mobiliziraju ljudi čak iz mirovine, sve raspoložive snage, kako bi ojačali taj front u borbi protiv korona virusa. I ono što bih još istakao ovom prilikom zaista uz kolegu Marjanovića želio bih da odam priznanje i respekt prema odgovornosti i hrabrosti gospođe Jasne Agić koja je preuzela tu važnu funkciju i mislim da će joj svi zdravstveni radnici biti zahvalni jer ministar zdravstva je tu potreban prije svega da se ne koče neki procesi a sigurno da će biti podijeljene plate radnicima u zdravstvu. Uz to dobit će i paraplegičari ono svoje itd. Nabavit će se testovi i lijek protiv korona virusa itd. Puno je tih stvari koje ovise od potpisa ovlaštene osobe iz Ministarstva zdravstva. I druga inicijativa, naravno ne adresiram ovo sada krivicu na bilo koga, niti na Ministarstvo za boračka pitanja ali znam da u ustanovi Ikre postoji veliki problem jer 2000 stipendija čeka na isplatu ali sasvim sigurno je to važno pogotovo u ovom vremenu da se učini, i molim da se ulože naponi, iznađe način, ja razumijem generala Grabovicu, odnosno ministra Grabovicu, da tamo nema upravljačkih struktura, ali imenovani, konkursna procedura je neupitna čelni čovjek te ustanove, i da se iznađe način jer 4500 djece je konkurisalo za tih 2000 stipendija koje znače neprocjenjivo mnogo za njihovo školovanje da se iznađe mogućnost i da se otkoči taj proces i da se počne sa tom isplatom. Dakle molim da se uloži napor, ne adresiram na Ministarstvo za boračka pitanja, ni ministru Grabovici ovo, ali da imate to u vidu jer taj novac čeka na isplatu a sasvim sigurno puno znači ljudima, odnosno djeci koja bi dobila tu stipendiju, pogotovo u ovom vremenu. Hvala vam.

Predsjedavajući:

Zahvaljujem kolega Mariću. Kolega Suljević Samir je sljedeći zastupnik, kolega imate riječ.

Poslanik/zastupnik Samir Suljević:

Hvala predsjedavajući. Pozdravljam sve koji učestvuju u današnjem radu Skupštine kao i gledaoce koji prate pored malih ekrana. Moja pitanja su usmjerena također Kriznom štabu Kantona Sarajevo jer situacija u zdravstvu Kantona Sarajevo je na ivici kolapsa ne samo zbog korone, već zbog potpuno pogrešnog sistema rukovođenja. Odmetnutost KCUS je dosegla već nivo krivične odgovornosti. Imajući to u vidu, postavljam sljedeća pitanja:

1. Na koji način će se organizirati smještaj prethodno pomenutih 350 bolesnika, ako direktorica KCUS-a kaže da je organizirano tako da je učinjena “disperzija” bolesničkih kreveta, što je medicinski non-sens, nezabilježeno u medicinskoj praksi, jer infektivni bolesnici moraju biti smješteni na jednom mjestu, izolirani, a ne da se miješaju sa drugim bolesnicima?
2. Kako misle organizirati medicinski kadar da “leta” po klinikama?
3. Da li su timovi za liječenje organizirani u stručne timove, što znači da li je to:
Prvi ešalon: infektolozi, pulmolozi, anesteziolozi
Drugi ešalon: internisti
Treći ešalon: ostale specijalnosti koje su prošle obuku za intubiranje, rad sa respiratorima.....?
4. Tražim hitan odgovor od federalnog ministra zdravstva, zašto ne djeluje na vaninstitucionalno djelovanje KCUS-a, i poduzme sve moguće zakonske mjere, od raspuštanja UO do uvođenja prinudne uprave, kako bi se zaustavila dalja šteta po zdravlje građana KS?
5. Kako je organizirana kontrola, briga i pomoć bračnim parovima, onima koji nisu u mogućnosti izaći po lijekove, osnovno potrepštine, zašto za njih nije otvorena hot linija u slučaju pogoršanja kliničke slike

Hvala vam.

Predsjedavajući:

Zahvaljujem kolega Suljeviću. Kolegica Bešlija Vildana ima riječ. Kolegice da li ste vi spremni?

Poslanik/zastupnik Vildana Bešlija:

Jesam predsjedavajući. Hvala vam. Pozdravljam sve koji nas prate. Ja ću, evo izdvojila sam samo neke teme, interesuje me, s obzirom da smo već u periodu kada je zdravstveno stanje naših građana dodatno ugroženo pojavom raznih drugih virusa gripe, interesuje me šta je sa vakcinom za gripu. Koliko će ih biti u Kantonu Sarajevo? Ko će moći dobiti vakcinu? Kada će građani biti obaviješteni o tome? Kako će se organizovati davanje uz izbjegavanje rizika zaraze? Znači imamo li definisane ove aktivnosti i protokol? Molila bih da mi se to usmeno odgovori, zato što je tema hitna i aktuelna. Također zanima me, evo već drugi put postavljam ovo na osnovu zaključka Skupštine je bilo usvojeno da će se ne jednoj od narednih sjednica znači tačno precizirano, na prvoj narednoj sjednici naći informacija o stanju prostornog uređenja, građenja te zaštite šuma na prostorima planina Bjelašnice i Igmana. Znači to je Skupština usvojila još 28.jula da hitno ta informacija bude na narednoj sjednici. Desilo se više sjednica. Ovu informaciju nismo dobili. Interesuje me zbog čega, zamolila bih da to ministar odgovori, jer napominjem da je ta bila informacija, odnosno cjelovita bila predviđena da se sastavi od strane Vlade Kantona Sarajevo, njenih resornih ministarstava, KUIP, kao i općina

Trnovo, Ilidža, i Hadžići. I još na kraju, evo da postavim i vama predsjedavajući, svima nama. Čemu služe zaključci uopšte Skupštine ako se oni ne provode? Hvala vam.

Predsjedavajući:

Zahvaljujem uvažena zastupnice Bešlija. Kolega Stojanović Igor ima riječ. Kolega da li ste vi spremni?

Poslanik/zastupnik Igor Stojanović.

Spreman sam predsjedavajući. Imam jedno pitanje i jednu inicijativu.

Inicijativa za koju bih želio da se Skupština izjasni odnosi se na sljedeće:

Podnosim inicijativu da Skupština Kantona Sarajevo usvoji zaključak kojim se zadužuje se Vlada Kantona Sarajevo da pripremi materijale o realizaciji 14 tačaka Mišljenja Europske komisije o zahtjevu Bosne i Hercegovine za članstvo u Europskoj uniji kako bi se isti razmatrali na sjednici Skupštine.

Obrazloženje je da BIH je čvrsto opredijeljena za euroatlantske integracije, te s tim je potrebno nastaviti raditi na reformama na svim nivoima vlasti radi što bržeg pristupa EU. Mišljenje EU komisije o zahtjevu BIH za članstvo predstavlja nacrt potrebnih reformi na kojima treba raditi i cilj ispunjenja kriterija za pristup EU. Smatramo da je veoma važno obratiti posebnu pažnju ovim preporukama koje predstavljaju nepristrasan i objektivan stav o trenutnom stanju u državi. S tim u vezi potrebno je što prije da zakonodavna i izvršna vlast pokrenu raspravu i u institucijama započnu realizaciju 14 tačaka Mišljenja EU komisije. Iz tog razloga ovom inicijativom pozivam Skupštinu da usvoji zaključak kojim će zadužiti Vladu Kantona Sarajevo da pripremi potrebne materijale o dosadašnjoj realizaciji kao i o potrebnim koracima za potpunu realizaciju 14. tačaka u oblastima koje su u nadležnosti kantona kako bi se pomenuto pitanje što prije našlo na dnevnom redu i razmatralo na sjednici Skupštine. Ovu inicijativu podnosim u ime Kluba zastupnika SDP-a.

Postavljam pitanje Vladi kantona, vezano je za slučaj u Suhodolu. Dakle u Suhodolu, u opštini Hadžići, došlo je do poplava 2014 godine, gdje su mnoge kuće ostale oštećene. Imam čak i nalaz tužilaštva vezano za predmet konkretno gospodina Pašića kojem je kuća oštećena. Međutim Tužilaštvo je donijelo nalaz u kojem se ne smatra krivičnim djelom ono što je uradila firma Bosman pri sjeći šume. S obzirom da je šteta na objektima ispod 30.000 KM po procjeni njihovog čovjeka koji je uradio nalaz, a krivično djelo je samo ako štete preko 30.000 KM. Ono što mene zanima, od Vlade Kantona Sarajevo, kao i Ureda za korupciju, ko će obešteti ljude koji su kroz poplave oštećeni, s obzirom da je utvrđeno da nakon djelovanja firme Bosman na ovom području nestala su dva izvora pitke vode, šuma je posječena bespravno, i to je Tužilaštvo utvrdilo da bez i jednog dokumenta za građenje, bilo kakve urbanističke dozvole, bilo kakve dozvole za građenje, je napravljeno kompletno jedno naselje koje je sada prouzrokovalo na ostalim objektima štetu. Moje pitanje je ko će obešteti ove ljude i da li je kažnjena uopšte firma Bosman za ovakav rad na terenu gdje direktno oštećeno prirodno bogatstvo Kantona Sarajevo? Hvala.

Predsjedavajući:

Zahvaljujem uvaženi zastupniče Stojanoviću. Kolegica Segmedina Srna Bajramović. Kolegice jeste li spremni?

Poslanik/zastupnik Segmedina Srna Bajramović:

Dobro jutro svima. Hvala. Ja danas na osnovu člana 117. i 120, Poslovnika Skupštine Kantona Sarajevo predlažem da Skupština Kantona Sarajevo donese sljedeće zaključke:

1. Obavezuju se Vlada Kantona Sarajevo, Ministarstvo privrede, kao i Pravobranilaštvo Kantona Sarajevo da izvrši provjeru svakog fizičkog i pravnog lica koje koristi prirodno bogatstvo, dobro u općoj upotrebi, bez potpisanog ugovora o koncesiji, naročito vode.

2. Obavezuju se Vlada Kantona Sarajevo, Ministarstvo privrede, kao i Pravobranilaštvo Kantona Sarajevo da shodno članu 34. Zakona o koncesijama KS prekršajno kazne svako fizičko i pravno lice koje koristi prirodno bogatstvo, dobro u općoj upotrebi, bez potpisanog ugovora o koncesiji, naročito vode.
3. Obavezuje se Pravobranilaštvo Kantona Sarajevo da Skupštini Kantona Sarajevo dostavi cjelovit izvještaj o do sada pokrenutim sudskim sporovima protiv korisnika prirodnih resursa koji nisu izmirili svoje obaveze shodno Zakonu o koncesijama.
4. Obavezuje se Vlada Kantona Sarajevo da odmah zabrani bilo kakve eksploatacije prirodnih bogatstava, a naročito vode u slučaju odbijanja fizičkog ili pravnog lica da zaključi ugovor o koncesiji.
5. Obavezuje se Ministarstvo finansija Kantona Sarajevo da poduzme u okviru svoje nadležnosti provjeru izvršavanja svih uplata koncesionara, a u slučaju ne ispunjenja ugovorenih obaveza poduzme sve mjere naplate istih kod nadležnih organa.
6. Zabranjuje se Vladi Kantona Sarajevo i resornim ministarstvima da dodjeljuju poticaje i kapitalne transfere, te ostala javna sredstva svim fizičkim i pravnim licima koja imaju dug po osnovu naknada za koncesije ili koriste prirodno bogatstvo bez potpisanog ugovora o koncesiji.
7. Obavezuju se svi gore pomenuti javni organi da o poduzetim radnjama po osnovu ovih zaključaka izvijeste Skupštinu Kantona Sarajevo u roku od mjesec dana.

Molim zastupnike da se izjasne o navedenim zaključcima.

Imam dva kratka pitanja na koja ću zamoliti usmeni odgovor. Da li je istina kako je resorni ministar potpisao ugovore o subvenciji u vrtićima samo za djecu koja su i prošle godine ostvarivala subvenciju, te da djeca koja su se tek ove godine upisala, još čekaju na potpis i svoje subvencije? Ako je istina, molim usmeni odgovor šta je razlog da se vrši segregacija djece na stare subvencionirane i nove subvencionirane pošto su svi prema istim kriterijima dobili subvencije. I još jedno, da li je istina kako je NO Sarajevo gasa, nakon zaključka Skupštine Kantona Sarajevo o moratoriju usvajao dokumente koji se odnose na reorganizaciju povećanjem broja zaposlenih te da su pri tome izdavana rješenja sa datumom prije moratorija. Dakle napominjem tražim usmene odgovore na pitanja. A zaključke ću proslijediti na skupštinski mail. Zahvaljujem.

Predsjedavajući:

Zahvaljujem uvažena zastupnice Bajramović Srna. Kolega Vreto Elvis ima riječ.

Poslanik/zastupnik Elvis Vreto:

Hvala predsjedavajući. Koristim priliku da pozdravim sve kolegice i kolege kao i građane koji nas prate. Ja imam jedno pitanje. A radi se o odgovoru koji sam dobio vezano za odgovor koji sam dobio po pitanju Zavoda za izgradnju i planirana sredstva od 4 miliona KM za otkup zemljišta u vodozaštitnoj zoni Sarajevsko polje. U odgovoru koji sam dobio navedeno je da još uvijek ni jedan zahtjev nije podnesen za otkup zemljišta od strane građana. Pa me zanima na koji način su građani informisani uopšte da postoje ova budžetska sredstva i da imaju priliku da iskoriste to svoje pravo koje desetinama godina čekaju. Moje drugo pitanje i prijedlog zaključka koji imam namjeru predložiti

obzirom na činjenicu da je započet proces obnove i rekonstrukcije odnosno procedura obnove i rekonstrukcije stare željezničke stanice na Ilidži i da su izdvojena budžetska sredstva, zatim održana neka dva radna sastanka, kako u opštini Ilidža, tako i kanton, ostalo je da Vlada FBiH shodno svojim nadležnostima da saglasnost jer je 2007 godine proglašeno objekat nacionalnim spomenikom. Ja ću prijedlog zaključka uputiti naravno na mail a pročitat ću ga kada se budemo izjašnjavali o njemu a radi se o sljedećem

Zadužuju se Vlada Kantona Sarajevo i Ministarstvo kulture i sporta da shodno planiranim budžetskim sredstvima za rekonstrukciju i obnovu Stare željezničke stanice na Ilidži odmah uputi zvaničan zahtjev za dobivanje neophodne saglasnosti prema Vladi FBiH i nadležnom

ministarstvu obzirom da je navedeni objekat proglašen nacionalnim spomenikom 2007. godine od strane FBiH.

Znači da bi se procesi mogli nastaviti, neophodna nam je ta saglasnost, mislim da Vlada u ovom trenutku treba što prije reagovati. A evo ja ću ovo poslati na zvaničan mail kako bi se mogli kolege i kolegice zastupnici izjasniti na kraju. Hvala predsjedavajući.

Predsjedavajući.

Zahvaljujem kolega Vreto. Kolega Jakupović Vedran.

Poslanik/zastupnik Vedran Jakupović:

Pozdravljam predsjedavajući vas i sve gledaoce pored malih ekrana, kolege i kolegice i želim uspješan rad danas. Imam dosta pitanja danas. Odlučio sam ad li da ih sada postavim ili kada bude tačka dnevnog reda epidemiološka situacija. Evo krenut ću sa vezano za zdravstvo. Ministarstvo, neka idu usmeni odgovori. Obzirom da na neka pitanja znam odgovor podnijet ću jednu inicijativu koja se može spojiti s inicijativom kolegice dopredsjedavajuće Danijele Kristić. Dakle po redu idemo s pitanjima.

Da li Vlada provodi aktivni plan za borbu protiv COVID-a koji je donijela nakon zaključaka Skupštine? Da li Ministarstvo zdravstva prati provođenje Akcionog plana? Da li je primljen novi zdravstveni kadar preko Zavoda za zapošljavanje, kako je obećano? Da li se mijenjaju protokoli o prijemu pacijenata ili isti protokol iz marta mjeseca ili rade kakve izmjene. Namjerno ne postavljam pitanje koje sadrži onu konstrukciju "put pacijenta" i zanima me da li imate promjene u protokolima o prijemu pacijenata? Da li je razmatrana nabavka lijekova antivirusika i stavljanje ovog lijeka na bolničku listu ili eventualno pod posebnim uslovima na Esencijalnu listu uz višestruku kontrolu propisivanja? Svjedoci smo da je lijek došao ali pitanje je nabavke lijeka koja je za većinu naših građana misaona imenica obzirom na iznos. Razmišljate li uopšte o vakcinaciji protiv virusa gripe? Virus raznih tipova gripe. Da li je razmatrano proširenje testiranja? Kolega Marjanović je dosta pitanja po ovoj temi postavio, tako da se naslonim i ja. Da li ima dovoljno rentgen aparata u COVID centrima i jesu li svi u funkciji? Koliko dugo se čeka u COVID ambulancama? Da li je potrebno poboljšati i jačati rad na telefonima u call centrima? Na ovo ću pošto znam i odgovor na ovo pitanje, na ovome će se zasnivati i inicijativa koju ću podnijeti. I šta je u Ministarstvu zdravstva evo definitivno imamo neke informacije, šta je odlučeno konačno po pitanju novih prostora za nove pacijente? I pitanje kada je riječ o primarnoj zdravstvenoj zaštiti, gdje je 9 direktora općinskih Domova zdravlja? Da li su oni odgovorni za svoje organizacije, za svoje jedinice, neki vidim da rade dosta dobro, ali neki kao da su i nezainteresovani.

I podnosim inicijativu vezano je za ove call centra da se osim pojačavanja, hitnog pojačavanja call centara da se pri svakom Domu zdravlja ili ambulanti čak organizuje telefonski timovi za monitoring simptoma ljudi koji su u (nerazumljivo). Organizacija da ide po kvartovima. Jako je bitno, pacijenti da imaju kontakt sa zdravstvenim službama jer se realno osjeća bespomoćno. Dakle ne znaju kada da dođu, kada da se jave, kada e to vrijeme da analiza ide u smjeru da čak budu upućeni u COVID bolnicu. Dakle ovi mobilni timovi da li telefonski mogu zvati, mogu i dolaziti, voditi zapis svakodnevno o stanju pacijenata uz inicijativu da se nabavi još oksigenometara da ljudi mogu redovno pratiti saturaciju. Također, ljudi ovo nabavljaju privatnim kanalima, mislim da DZ mogu ove mobilne aparate nabaviti da vrše redovnu kontrolu jer smo.

Predsjedavajući:

Kolega Jakupoviću vrijeme vam je proteklo. Hvala vam.

Poslanik/zastupnik Vedran Jakupović:

dakle svjedoci smo jako brzih promjena kliničke slike koje izazivaju čak smrtno ishode. Hvala vam puno.

Predsjedavajući:

Zahvaljujem kolega Jakupović. Kolega Dević Mahir ima riječ. Kolega Deviću da li ste vi spremni?

Poslanik/zastupnik Mahir Dević:

Da li se čujemo predsjedavajući? Koristim priliku da vas predsjedavajući toplo poselamim i pozdravim, sve kolegice i kolege zastupnike u Skupštini Kantona Sarajevo. Imam jedno pitanje prema Ministarstvu prostornog uređenja a vezano je za Izmjenu i dopunu Zakona o građenju a u pitanju su stare teme koje se tiču legalizacije, naravno bespravno izgrađenih objekata na području Kantona Sarajevo. Svjedoci ste da takvih objekata u Kantonu Sarajevo ima skoro 50.000 a da Zakon kojeg smo usvojili u prethodnom mandatu uopće ne tretira tu materiju i mi sada imamo Zakon koji je na snazi u kojem takvi objekti ne postoje. A na terenu u praksi imamo stanje da takvih objekata ima nekoliko desetina hiljada. Prema tome, postavljam pitanje prema ministru prostornog uređenja, gospodinu Kapidžiću da mi odgovori na pitanje, kada planira predložiti Izmjenu i dopunu Zakona u smislu legalizacije bespravno izgrađenih objekata, pa makar u nekoj vrsti kategorizacije kojoj bi se dozvolilo da se ti bespravni objekti legaliziraju. Naravno, mi smo svjedoci da veliki dio tih objekata je izgrađen i možda neće nikada imati priliku da bude legaliziran međutim, dosta tih legalizacija nije urađeno zbog imovinsko pravnih odnosa. Evo govorim konkretno za Općinu Ilijaš. Jako veliki broj ljudi je napravio objekte na građevinskom zemljištu ali pošto nisu bili riješeni vlasnički odnosi, ljudi nisu mogli u redovnoj proceduri da dođu do građevinske dozvole. U međuvremenu, jer općina Ilijaš recimo provodi aktivnost izlaganja zemljišta i premijera katastra, ljudi su riješili imovinske odnose, objekti im se nalaze na građevinskom zemljištu a nisu u stanju da ih legaliziraju iz prostog razloga jer Zakon im je to na neki način zabranio. Pa evo pitam ministra da mi da usmeni odgovor kada se građani Kantona Sarajevo mogu nadati da bi moglo doći do izmjene tog Zakona makar u ovom dijelu da svi oni koji zbog imovinsko pravnih odnosa nisu bili u prilici da legaliziraju te objekte, jer su ih bespravno na neki način napravili, kada će oni biti u prilici da prema planu Ministarstva legaliziraju te objekte? Evo, toliko.

Predsjedavajući:

Zahvaljujem kolega Deviću. Kolega Konaković Elmedin ima riječ. Kolega Konakoviću da li ste vi spremni?

Poslanik/zastupnik Elmedin Konaković.

Jesam predsjedavajući.

Predsjedavajući:

Mi uvijek kada se vi javite imamo problem bar što se tiče tona. Ali evo, hajte probajte pa da nastavimo. Mi vas ne čujemo. E sada vas čujemo izvolite.

Poslanik/zastupnik Elmedin Konaković:

A sve pokušavam što mogu da prevaziđem ove tehničke probleme ali evo borimo se predsjedavajući. Pozdravljam vas, cijenjene kolegice i kolege, gledaoce TVSA, želim nam uspješan rad i ugodnu radnu atmosferu. Imam jedno pitanje na koje tražim usmeni odgovor. Pitanje postavljam v.d. premijera Kantona Sarajevo gospodinu Kriviću i ministru finansija gospodinu Halebiću. Tražim naravno usmeni odgovor. Da li ste u proteklom periodu izvršili preraspodjelu sredstava sa određenih pozicija na poziciju predsjedavajućeg Skupštine Kantona Sarajevo kolege Mirze Čelika, a koji je ista sredstva u 18 dana čini mi se, od 12 do 30.10.u iznosu od 49.300 KM doznačio udruženjima, vjerskim zajednicama, za realizaciju njihovih projekata. I molim vas zbog stenograma da mi kažete da li je to zakonito? Je li to legalno što ste uradili vi u Vladi i ono što je uradio kolega Čelik? I mala jedna konstatacija bio je brže i lakše ruke nego ja, za 18 dana 49.300 KM. Kolega Čelik čestitam.

Predsjedavajući.

Zahvaljujem kolega Konakoviću. Kolegica Jasmina Bišćević-Tokić. Kolegice jeste li vi spremni?

Poslanik/zastupnik Jasmina Bišćević-Tokić:

Zahvaljujem predsjedavajući. Evo pozdravljam sve zastupnike u Skupštini kao i Vladi Kantona Sarajevo i naravno naše građane Kantona Sarajevo. Imam par pitanja i jedan zaključak. Pitanje je za ministra finansija. Radi složenosti situacije u Kantonu Sarajevo zdravstvene i privredne situacije tražim usmenu informaciju od ministra finansija o procjeni finansijskog stanja u Kantonu Sarajevo, do kraja godine, i u narednoj 2021 godini, a vezi sa planiranjem budžeta Kantona Sarajevo?

To je jedno pitanje. Drugo pitanje imam za Ministarstvo zdravstva. Koliko zdravstvenih ustanova nema upravljačke strukture zbog moratorija koji je donesen na Skupštini Kantona Sarajevo? Želim također usmeni odgovor.

I imam zaključak gdje predlažem Skupštini Kantona Sarajevo donošenje zaključka da se stavi van snage zaključak o moratoriju jer on proizvodi i društvenu i finansijsku štetu te onemogućava Vladi Kantona Sarajevo u ovim teškim uslovima, donošenje adekvatnih i potrebnih odluka za građane Kantona Sarajevo, u gotovo svim oblastima. Zahvaljujem predsjedavajući.

Predsjedavajući:

Zahvaljujem uvažena zastupnice Bišćević-Tokić. Kolega Nikšić Damir je sljedeći kolega koji ima riječ. Kolega da li ste vi spremni?

Poslanik/zastupnik Damir Nikšić:

Ja sam spreman, ali sam odustao jer mogu da postavim isto pitanje i kasnije u vezi informacije za zdravstvo za infekciju. A mogu i sada ako je OK:

Predsjedavajući:

Ajte vi naravno imate riječ. Možete i sada a i kasnije ćete svakako imati da diskutujete.

Poslanik/zastupnik Damir Nikšić:

Ovo je pitanje iz baze od građana koji mole nekoga iz Vlade da im pojasni kako se prikupljaju podaci novozaraženih od COVID -19? da li je istina da PCR uređaj na KCUS da su ograničenog kapaciteta i da ne mogu u jednom datu obraditi sve uzete uzorke pa onda nemamo tačne dnevne rezultate već prikupljene i već imamo prikupljene rezultate od više dana koji se predstavljaju kao dnevni rezultat. Onda zatim pitanje da li Krizni štab ili Zavod za javno zdravstvo imaju neke zvanične preporuke u smislu jačanja imuniteta kod građana jer vidjeli smo da ljekari u liječenju preporučuju vitamin C i D. Američki i britanski ekvivalenti Zavoda za javno zdravstvo (smetnje) za svoje stanovništvo imaju preporuku za korištenje D, čak i prije pandemije. A trenutno imamo opservaciju čak i jednu klinički duplo slijepu randomiziranu kliničku studiju koja potvrđuje da korištenje vitamina D smanjuje broj težih oblika bolesti od COVID-19. Pa eto volio bih da se građanima obrate i objasne ove dvije stvari. Ovo su stvari pitanja građana iz baze. Hvala vam.

Predsjedavajući:

Zahvaljujem kolega Nikšić. Kolegica Hasagić Amra je sljedeća zastupnica koja se prijavila za pitanja i inicijative. Kolegice izvolite.

Poslanik/zastupnik Amra Hasagić:

Jel se čujemo? Pozdravljam vas, uvaženo rukovodstvo, pozdravljam kolege i kolegice kao i sve one koji na bilo koji način prate rad današnje sjednice. Upućujem pitanje ministru Alikadiću da mi pojasni načine uplate sredstava po osnovu raspisanog javnog poziva u tranšama, te načine pravdanja tih sredstava koja su uplaćena. Zahvaljujem.

Predsjedavajući:

Imamo li još prijavljenih zastupnika za pitanja i inicijative. Ukoliko nema evo imami ja inicijativu jednu o kojoj se nismo na prošloj sjednici izjasnili a Vlada nije dostavila pisano izjašnjenje te ja podnosim inicijativu. Upućujem inicijativu Ministarstvu kulture i sporta Kantona Sarajevo koje se odnosi na uvrštavanje Udruženje građana "Princess krofne" u Budžet. Obrazloženje. Gore navedeno udruženje je 2009 godine zaključilo sporazum o saradnji na provođenju javnog interesa u oblasti dječjeg i muzičkog kulturnog stvaralaštva sa resornim Ministarstvom u okviru kojeg je imalo i stalni izvor finansiranja za svoje aktivnosti. Smatram da je potrebno sarajevskom dječjem horu "Princess krofne" vratiti pozicije koju je 2009 i 2010 godine imalo kao udruženje od javnog interesa na godišnjem nivou u iznosu od 60.000 KM. Na taj način bi se omogućilo njihovo normalno funkcionisanje obzirom da svojim djelovanjem podstiču druženje djece i mladih kako u procesu sticanja osnovnih muzičkih kulture tako i socijalne etike. Skupština Kantona Sarajevo na osnovu ove inicijative može izjasniti jer nemamo stav Vlade. I imam dva pitanja. Da li radi još eksperti iz oblasti prava u Javnom kantonalnom preduzeću Butmir? Da li još zastupaju navedeno preduzeće pred sudovima u BIH? I da mi se usmeno odgovori da li su još angažovani po osnovu ugovora za zastupanje na sudovima JKP PD Butmir? Također pitanje za v.d. ministricu zdrastva, i v.d. premijera da li se može izvršiti još nabavke antivirusika Favovira u količini od 5000 kutija sve u svrhu liječenja naših sugrađana u Kantonu Sarajevo? Da li imamo još prijavljenih zastupnika? Nema. Molim zastupnike koji nisu prosljedili svoje zaključke da nam to isto dostave kako bi se mogli izjasniti. E sada v.d. premijeru da li ste vi spremni odmah da odgovorite na postavljena pitanja ili ćete tražiti neku pauzu kako bi se pripremili?

v.d. premijera Anis Krivić.

Budući da se prvi put javljam hvala vam predsjedavajući što ste mi dali riječ. Pozdravljam vas i sve građane Kantona Sarajevo, svakako i naše zastupnike. Budući da smo zaprimili veći broj pitanja ja bih zamolio ukoliko bi članovi Vlade imali, ukoliko bi ste nam odobrili pauzu od najmanje pola sata kako bi smo pripremili odgovore na pitanja zastupnika. Hvala vam.

Predsjedavajući:

Neko od šefova klubova bi trebao tražiti pauzu pola sata ili. Da li se neko javlja od šefova klubova da dajemo pauzu? Kolega Dević Mahir izvolite imate riječ. Vi ste tražili pauzu. Kolega Nikšić, Zvonko Marić je tražio pauzu. Sada se moramo izjasniti da li je to pauza od pola sata na zahtjev kluba ili ćete veću pauzu uvažene kolegice i kolege.

Poslanik/zastupnik Mahir Dević:

Ma evo predsjedavajući zbog premijera sam tražio pauzu ali mislim da ste mogli i vi dati kao predsjedavajući da se Vlada pripremi da ne traži niko od vas. Eto.

Predsjedavajući:

Zahvaljujem. Pa imamo i mi dosta zaključaka koje moramo obraditi i prosljediti zastupnicima, sve zaključke zastupnicima. Pa evo i meni je potrebno najmanje 30 do 40 minuta, pa evo ukoliko se slažete pauza od 45 minuta kako bi se i Vlada i zastupnici u Skupštini Kantona Sarajevo pripremili za realizaciju zaključaka odnosno za odgovore. Da li je potrebno da napravimo anketu da se glasa o istom? Dajemo, moramo pošto je 45 minuta pauza. Ja bih vas lijepo molio, evo sekretar će napraviti anketu pauza 45 minuta.

Molim zastupnike da iskomuniciraju sa sekretarom Skupštine vezano za inicijative koje su prosljedili kako bi mogli se o istima izjasniti. Zastupnici molim da pristupe glasanju. Molim

zastupnike koji nisu glasali da se izjasne u Viber grupi Skupštine Kantona Sarajevo. Zaključujem glasanje. Za je glasalo 26 zastupnika, odnosno 27 zastupnika, protiv i suzdržanih nije bilo. Konstatujem da smo usvojili pauzu od 45 minuta. Nastavljamo u 11,10 minuta. Hvala.

NASTAVAK NAKON PAUZE

Predsjedavajući:

Za 30 sekundi nastavljamo. TVSA samo da se direktno uključi. Premijeru da li ste vi spremni? v.d. premijeru?

Nastavljamo sa radom. Sjednica Skupštine Kantona Sarajevo. 30. Radna sjednica. Poslanička pitanja i inicijative, prva tačka na današnjoj sjednici Skupštine Kantona Sarajevo. Neko od članova Vlade da krene sa odgovorima na postavljena pitanja. Uvažena ministrica Agić je prva. Izvolite. Samo kada budu ministri odgovarali i ministrice samo neka se predstave radi stenograma. I neka krenu u odgovore na postavljena pitanja. Izvolite ministrice Agić.

Ministrica Jasna Agić:

U redu. Zahvaljujem predsjedavajući. Pozdravljam sve gledatelje i građane Kantona Sarajevo i uvažene zastupnike i zastupnice. Prije svega zahvaljujem se uvaženim zastupnicima Damiru Marjanoviću i Zvonki Mariću na pohvala koje su uputili. Na pitanja koja su upućeni Ministarstvu zdravstva i kriznom štabu Ministarstva zdravstva Kantona Sarajevo odgovorit ćemo ja i dr. Enisa Bajramović, v.d. predsjednica Kriznog štaba Ministarstva zdravstva Kantona Sarajevo. Prvo pitanje je bilo od uvaženog zastupnika Damira Marjanovića na koje ću ja dati odgovor. On je pitao koje su cijene postignute sa privatnim laboratorijama u provođenju testova? Želila bih da obavijestim javnost da je nakon provedene nabavke od strane ZZO tokom vikenda, su zaključeni ugovori sa tri laboratorije i to: privatni mikrobiološki i parazitološki laboratorij, privatna zdravstvena ustanova Eurofarm i privatna zdravstvena ustanova Zavod za biomedicinu i dijagnostiku i ispitivanje nalaza. Tokom dana očekuje se potpisivanje i sa laboratorijom Alea dr. Kandić. Ovaj poziv je otvoren još 14 dana i očekujemo da će još laboratorija ispuniti uslove i da će biti zaključeni ugovori sa njima. Postignuta je cijena testiranja od 30 KM po uzorku ukoliko rade po testovima koji su kupljeni od strane UNDP, a ukoliko rade sa svojim testovima cijena je 75 KM. Uvažena zastupnica Jasna Duraković da li je smanjen iznos koji je ZZO uplaćuje KCUS? ZZO sve zdravstvene ustanove finansira prema Finansijskom planu koji je usvojen od strane Skupštine. Nema zakonskog osnova za smanjenje iznosa. Prema tome odgovor na ovo pitanje da finansiranje KCUS nije smanjeno. Što se tiče pitanja zastupnice Vildane Bešlije o vakcinama za gripu više će govoriti dr. Bajramović ja bih samo napomenula da je ove godine cijena ovih vakcina na tržištu 22,8% skuplja i napominjem da je u i prethodnim godinama nabavka vakcine rađena u ovom periodu i vakcine su bile na tržištu tek sredinom novembra. Odgovor na pitanje cijenjenog zastupnika Jakupovića da li je primljen novi zdravstveni kadar preko službe za zapošljavanje? Ugovor sa zdravstvenim ustanovama po programu za zapošljavanje medicinskog kadra su potpisani i dodijeljena je 88 medicinskih radnika, 36 Općoj bolnici, 36 DZ i 10 Hitnoj pomoći. Da bi ovaj program bio nastavljen danas je Rebalans Službe za zapošljavanje na dnevnom redu i kojim se treba novih 10 miliona usmjeriti za zapošljavanje medicinskog kadra. Drugo pitanje se odnosilo na organizaciju rada zdravstvenih ustanova. Vlada Kantona Sarajevo je zdravstvenim ustanovama osigurala sve potrebno za rad, zaposlili smo ljude, opremili ustanove, dajemo im novo osoblje, nabavljamo opremu, i sve to javno i bez ikakvih afera. Ne znam da li su od Vlade ministra očekuje i da organizuje rad ustanova koji imaju direktore i upravljačke strukture čija je to primarna zadaća. Sljedeće pitanje također cijenjenog zastupnika Jakupovića. Da li Vlada Kantona prati provođenje Akcionog plana donesenog na osnovu zaključaka Skupštine? Ministarstvo zdravstva prati redovno provođenje Akcionog plana putem izvještaja zdravstvenih ustanova u Kantonu Sarajevo o

provođenju aktivnosti koje ustanove redovno dostavljaju Ministarstvu. Zatim imamo pitanje da li, sljedeće pitanje odnosi se na stavljanje antivirusika na listu lijekova. Kao što znamo stavljanje antivirusika na listu lijekova razmatra Komisija za stavljanje i skidanje lijekova s liste lijekova u Kantonu Sarajevo. Zastupnica cijenjena Jasmina Bišćević-Tokić, koliko ustanova nema upravljačke strukture u zdravstvu? Trenutno je to 6 zdravstvenih ustanova. I to UO nema DZ, Zavod za javno zdravstvo, Hitna pomoć, Zavod za bolesti ovisnosti, sportska medicina i Zavod za zdravstvenu zaštitu studenata Kantona Sarajevo. Dok NO nema Hitna pomoć, Zavod za zdravstvenu zaštitu studenata, Medicina rada, Zavod za javno zdravstvo i Apoteke Sarajevo. Imali smo još pitanje cijenjenog predsjedavajućeg Mirze Čelika a odnosilo se na nabavku 5000 kutija antivirusika. Želim da vas obavijestim da je formirana radna grupa ispred Ministarstva zdravstva da napravi protokol liječenja COVID oboljelih, a jučer tom radnom tijelu dodan zadatak i da dodaju na protokol dijagnostiku o trijažnim kriterijima, kada oni budu rekli u kojoj fazi bolesti će se upotrebljavati antivirusik, onda će se donijeti i odluka o dodatnim količinama koje treba nabaviti i ko će ih propisivati. Eto od mene toliko. Sada ću zamoliti dr. Anisu Bajramović da preuzme.

v.d. šef Kriznog štaba Kantona Sarajevo dr. Anisa Bajramović:

Dobar dan. Pozdrav svim uvažanim zastupnicima i zastupnicima i građanima Kantona Sarajevo. Ja sam dr. Anisa Bajramović, epidemiolog sam specijalista epidemiologije Zavoda za javno zdravstvo Kantona Sarajevo. Inače voditelj Odjela za imunizaciju i Centra za vakcinalnim punktom. Ovako, ja ću, pošto nisam znala ja danas da trebam biti ovdje. Ja sam bila jutros na press konferenciji za novinare, tako da sam ja povodom toga ovdje, a onda su mi rekli da moram prisustvovati sjednici Skupštine Kantona Sarajevo, tako da ja nisam vična ovom zapisivanju brzom pitanja koja su postavljena. Tako da ću ja na većinu pitanja odgovoriti ćemo pismenim putem, ovako što sam brzinski zapisala odgovoriti ću na određena vaša pitanja. Što se tiče pitanja uvaženog zastupnika Damira Marjanovića vezano za škole, osnovne i srednje, vrtiće. U većini europskih zemalja koliko god da je lock down nastupio određenim zemljama EU, škole i vrtići uglavnom se ne prekida njihov rad za djecu do 10 godina se u studijama dokazalo da ne prenose jedni drugima COVID oboljenje. Tako da smo se i mi u to uvjerali, od početka u vrtićima i u osnovnim školama djeca od prvog do četvrtog razreda smo imali slučajeve gdje su djeca bila zaražena ali nisu zarazili nikoga od kolega u vrtiću ili školi osnovnoj. Ova djeca koja su u srednjim školama, oni su već rizičnija populacija, znači u toj populaciji oni se smatraju kao odrasle osobe tako da oni mogu širiti zarazu. Ali mi smo svo ovo vrijeme imali svoje ekipe koje su obilazile i osnovne i srednje škole. Imali smo ček liste koje popunjavaju školama i naši tehničari i inženjeri koji su obilazili, u školama je izvanredno stanje u svakom trenutku kada smo obilazili škole. Poštivale su se sve mjere u najvećem broju škola i razreda. Jedino smo imali zaražavanja i to smo pravili napravili smo Eksel bazu nakon svakodnevnog pozivanja pozitivnih osoba uzima se zanimanje. I kada smo došli do saznanja da dijete ide u školu ili da je nastavnik ili u osnovnoj srednjoj školi ili u vrtiću odgajatelj, napravili smo bazu tako da smo imali uvid svakodnevno koliko je bilo novozaraženih krajem septembra početkom oktobra. I uglavnom u tom anketiranju učestvuju i epidemiolozi. To je nama bilo vrlo bitno na tom početku školske godine, tako da smo došli do zaključka da skoro ni u jednoj školi nije došlo do zaražavanja djece između sebe, niti nastavnika, niti odgajatelja niti profesora. Uglavnom oni su 99% bili zaraženi u kućnim uslovima odnosno prilikom druženja ili na nekim zabavama ili proslavama. I onda sve te škole i svi vrtići su nama uvijek bili su s nama u kontaktu i dobivaju su savjete od nas. Mi smo ispitivali datum početka simptoma, da li još neko od ukućana ima simptome i onda smo u odnosu na datum početka simptoma i dva dana prije toga pošto je zaraznost od COVID oboljenja počinje dva dana prije pojave simptoma, u tim situacijama smo odlučivali šta treba da se radi dalje. Uglavnom ni jedan razred nije išao u samoizolaciju, jer sve mjere koje je propisao Zavod za javno zdravstvo, ukoliko se primjenjuju takve kakve jesu nema potrebe za izolacijom, pa makar da je nastavnik ili učenik dolazio u školu sa simptomima taj dan. Drugo pitanje koje je bilo i koje sam zapisala, kako je moguće da osobe koja imaju

simptome, a koji nemaju povišenu temperaturu ne budu upućeni na PCR testiranje? Mi smo još na samom početku epidemije, odnosno pandemije napravili odmah protokole testiranja, i uputili ih u više navrata na sve nivoe primarne zdravstvene zaštite. Znači svaka zdravstvena ustanova u Kantonu Sarajevo je dobila protokol testiranja i još jedan poseban protokol testiranja za određene rizične grupe poput uposlenika u Gerontološkim staračkim domovima. Domova za socijalno zbrinjavanje djece i odraslih gdje oni imaju pravo da se testiraju svakih mjesec skrining testiranje. Isto tako i zdravstveni radnici koji roku od 15 do 30 dana dođu u kontakt sa COVID oboljelim imaju pravo na skrining testiranje. A što se tiče obaveznog testiranja svakog građanina koji dobije simptome, i to su dobili pobrojano. Pojava bilo kojeg jednog simptoma opšteg infektivnog sindroma je indikacija za testiranje. Znači to ne mora biti samo temperatura to može biti i samo kašalj, i samo malaksalost i samo glavobolja i samo proliv, znači ljekari to imaju na svojim protokolima napismeno gdje stoji da ima pravo svaki pacijent koji ima infektivni simptom, jedan, dva, tri, nebitno, da se testira. Ali gdje se dešavaju isto greške, da se testiraju građani prvi, drugi, treći dan kada je prerano. Naravno da se može desiti da on bude pozitivan i u prava dva, tri dana. Ali da bi pozitivnost imali višu, odnosno to je cilj, da mi uhvatimo pozitivnost pacijenta, on se treba testirati između petog i sedmog dana jer tada najviše pozitivnosti imamo u tom periodu od ta tri dana. Šta je još bilo? Što se tiče raspodjele ovih PCR testova, do sada je Krizni štab pravili smo na osnovu potrošnje dnevne u ranijim mjesecima koje su potrebe. Zadnji put smo napravili krajem ljeta šestomjesečnu potrebu za narednih šest mjeseci tražili smo da se nabavi 100.000 testova za Kanton Sarajevo. I da to bude raspoređeno, bris štapići kojima se uzima uzorak i virusna podloga, ona epruvetica, to ide na primarni nivo. Za ove osobe koje uzimaju briseve za zdravstvene radnike. A testovi su upućivani u KC. A koliko sada vidim s obzirom da su uključene ove privatne laboratorije, dio testova će se sada i njima dostaviti da bi oni radili za ovaj dio koji nije komercijalni, ovo što je osnovno zdravstveno osiguranje. Eh ovo sam htjela da napomenem za uvaženom zastupnika Marjanovića da a imam listu zdravstvenih ustanova, to se može naći na stranici ZZO Kantona Sarajevo, kojom su tačno nabrojane ustanove koje imaju dozvolu od Federalnog Ministarstva zdravstva da se bave PCR testiranjem. Ustanova za koju ste vi pitali treba da podnese vjerovatno zahtjev da dobiju tu dozvolu. Ovako kaže: „PCR detekciju SARS COV 2 virusa mogu obavljati samo laboratoriji zdravstveni ustanova koji su verificirani od strane Federalnog Ministarstva zdravstva za obavljanje predmetne djelatnosti od strane Federalnog ministarstva zdravstva do sada su verificirani KCUS, u Tuzli, u Mostaru, Opća Bolnica Abdulah Nakaš, Kantonalna bolnica Zenica, Tešanj, Bihać, Alea Kandić, Plava poliklinika Tuzla, Eurofarm centar poliklinika Sarajevo, privatni mikrobiološki parazitološki laboratorij Sarajevo, Zavod za bio medicinsku dijagnostiku i ispitivanje Nalaz, poliklinika i dnevna bolnica dr. Al Tawil i Zavod za javno zdravstvo SBK Travnik. Znači ovdje u ovim nabrojanim ne vidim ovu ustanovu za koju ste vi pitali. Tako da njih treba obavijestiti da se prijave pa da dobiju to odobrenje od Federalnog Ministarstva zdravstva da bi se mogli uključiti. Uvaženi zastupnik koji je pitao za liječenje vitaminom C i D. Znači rekla je ministrica Agić da je formirana ta radna grupa ispred Ministarstva zdravstva koja je imala rok do jučer da napravi protokol liječenja COVID oboljelih, od prvog do posljednjeg dana liječenja od primarne do hospitalne faze. Tako da docent Bajić koji je tu grupu trebao da predvodi, on je u međuvremenu obolio od COVID tako da zbog toga nije završen taj protokol iako je Federalno Ministarstvo zdravstva reklo da će oni napraviti protokol za federalni nivo, međutim s obzirom da mi nismo dočekali taj protokol onda smo se mi dogovorili da u Kantonu se napravi naš poseban protokol koji će naravno biti vjerovatno isti kao i taj federalni, ali eto da ga brže imamo da bi smo ga mogli brže distribuirati ljekarima u primarnoj i na svim nivoima. Da imamo svi vjerovatno zajedničke stavove i tamo će biti nabrojana sva suportivna terapija. Ja moram naglasiti da ova suportivna terapija tipa vitamina C i vitamina D da su dokazana izvrsna svojstva vitamina D na imuni sistem i na sve prevenciju svih hroničnim oboljenja, uključujući i karcinome, i astmu i dijabetes. Ali s tim da suportivna terapija ne pomaže u momentu uključivanja. To se mora dugoročno koristiti, koristit šest mjeseci, godinu dana da bi imuni sistem imao to svoje pravo djelovanje u momentu

korištenja. Što se tiče vakcinacije za gripu, ja sam inače već šest godina uključena u nadzor nad gripom u FBiH. To je Sentineo mjesto Novi Grad, DZ Novi Grad sa najviše stanovnika, inače sam epidemiolog u Novom Gradu na primarnom nivou. Vodim opštinu sa 125.000 stanovnika gdje je izabrano mjesto od strane FBiH i CBC američkog da Novi Grad DZ Kumrovec bude lokalitet Sentineo mjesto za nadzor nad gripom. Gdje se svake godine od 40 sedmice, kada počinje sezona gripe, to je obično početak oktobra pa do 20. sedmice naredne godine, to je sezona gripe, znači traje u dvije kalendarske godine. Traje 33 nedjelje. Gdje mi svaki ponedjeljak imamo metodologiju uzorkovanja virusa gripe ponedjeljkom na sve tri službe. Školsko, porodična i pedijatrijska služba. Tako da se ti uzorci analiziraju, ovo je šesta sezona u KCUS. I mi kada prvog pacijenta otkrijemo da ima virus gripe, ti se podaci prijavljuju Federalnom Zavodu za javno zdravstvo a Federalni Zavod za javno zdravstvo zajedno sa RS je uvezan preko Ministarstva civilnih poslova kao državi ti se podaci šalju u Euro flu net, gdje je BiH prošle godine prvi put imamo mogućnost da pogledamo podatke kakva je aktivnost gripe u FBiH. To se može sve naći na stranici Federalnog Zavoda za javno zdravstvo, sve ove godine unazad imaju bilteni. I u sklopu toga sam ja bila uključena i ove godine u Komisiji za nabavku vakcina pri Kantonalnom Zavodu zdravstvenog osiguranja. Mi smo mali sastanke prve u augustu mjesecu, kada je u skladu sa iskazanim potrebna, odnosno javnim nabavkama su početkom godine u ZZO obezbijedili oko 350.000 KM za dvogodišnju nabavku vakcine za gripu. Da napomenem da vakcinacija protiv gripe nije obavezna, ona je preporučena, tako da oni u skladu sa svojim finansijama odvojene određena sredstva na početku godine i obzirom daje ove godine, to je napomenula ministrica Agić, poskupila je vakcina, cijena pojedinačne doze poskupila, nije 22%, nego skoro 30%. 28%. oni su planirani da nabave 12000 doza za ovu godinu i 12 000 za narednu. Međutim za taj novac ove godine mogu kupiti 9400 doza u skladu s tom vakcinom. Vakcina će doći sredinom novembra, ne samo u Sarajevo nego u čitavoj BiH. Od Banjaluke do Goražda, svi će dobiti sredinom novembra, tako da će vakcinacija za gripu početi tek sredinom novembra. Imali smo ponovo sastanak sa Zavodom da dogovorimo kako će ići raspodjela vakcina. Još vrlo bitan podatak je da kažem da je Ministarstvo zdravstva prošle godine formiralo komisiju, čiji sam ja član za povećavanje obima imunizacije, inače za obavezni program i za fakultativnu imunizaciju gdje smo mi kao komisija predložili nakon odobrenih tih 9400 doza od strane fonda da se nabave još dodatne količine. Taj je dopis upućen krajem augusta eventualno početkom septembra u Ministarstvo zdravstva, ne znamo šta se desilo sa tim našim upitom. Imamo još informaciju odličnu da je Federacija isto raspisala tender, to je sve završeno za nabavku 10.000 doza vakcina protiv gripe isključivo za zdravstvene radnike. Tako da je to planirano da se rasporedi na tri Kantona: TK, HNK i KS. S tim da su sada odlučili da od te količine daju pomalo i svim ostalim kantonima zbog ovakve situacije. Tako da ja ne znam tačno koliko će KS dobiti, ja očekujem barem 2000 do 3000 doza. I onda smo poslali dopise prema svim zdravstvenim ustanovama da iskažu potrebe za zdravstvene radnike i sve što bude ostalo viška kusura ne potrošenih doza će se spustiti na nivo DZ. Moj prijedlog je bio za DZ da organizuje na nekoliko punktova pri svakoj opštini vakcinisanje na posebnom mjestu gdje se neće susretati sa oboljelim osobama da se to istrijažira da to bude u roku od dva do tri sata, da se organizuje sa terminima da bi se na što sigurniji način za građane, odnosno za ove rizične grupe koje su inače preporučene da dobiju vakcinu protiv gripe. I ovo pitanje kako se prikupljaju podaci vezano za PCR pozitivne. Znači s obzirom da je prema federalnoj naredbi dužan svaki PCR pozitivan nalaz bez obzira da li je urađen u javnoj ili privatnoj zdravstvenoj ustanovi, svi su oni uvezani i u federalnu COVID bazu, oni to unose i na dnevnoj bazi svi dostavljaju prijave za te laboratorije potvrđene PCR pozitivne osobe. Mi to sve dobije u roku od 24 sata i printane i pismene forme i plus imamo mogućnost uvida kroz MEDIC sistem koji nam je pomogao u ovoj epidemiji. Da nije bilo MEDITA ne znam kako drugi kantoni koji nemaju taj informatizacijski sistem uspijevaju išta, jer mi se i sa takvim sistemom opet ne uspijevamo sve da postignemo. Sada imamo veliki broj zaraženih, imamo dnevno po 350 ljudi koje moramo da nazovemo u roku od 24 sata što e nemoguće misija. Tako da kolega naš koji radi specijalizant uz pomoć naših inženjera on svako jutro ima tačno bukvalno svaki uzorak koji su

testirani po datumima, i onda te podatke svako jutro se prave do 9 sati detaljan izvještaj bilten prema premijeru, prema Kantonu Sarajevo koliko je bilo novozažeženih, koliko hospitaliziranih, koliko umrlo, ukupno testiranih, pozitivnih i koliko je trenutno u samoizolaciji u Kantonu Sarajevo kao i broj hospitaliziranih. Sada imamo još dva parametra koliko je Općoj bolnici, koliko u KCUS i koliko je osoba na respiratoru. Evo to je ovaj dio što sam ja uspjela da pribilježim a ostatak ćete dobiti u pisanoj verziji. Hvala.

Predsjedavajući:

Zahvaljujem uvažena doktorice. Sljedeća nam je uvažena ministrica Glamoč. Kolegice da li ste vi spremni?

Ministrica Nihada Glamoč.

Jesam zahvaljujem. Cijenjeni predsjedavajući, uvaženi zastupnici, i uvaženi gledaoci TVSA srdačno vas pozdravljam. Ja imam jedno pitanje od cijenjene zastupnice Srna Bajramović da li je bilo ikakvih izmjena rješenja u preduzeću Sarajevo gas. Na upit telefonski prije sat vremena prema upravi dobila sam negativan odgovor. Znači nakon izglasavanja Zaključka Skupštine Kantona nikakva promjena rješenja ili bilo kakav prijem u Sarajevo gasu nije bio. Zahvaljujem.

Predsjedavajući:

Zahvaljujem ministrice Glamoč. Uvaženi ministar Grabovica nam je sljedeći.

Ministar Hajrudin Grabovica:

Zahvaljujem predsjedavajući. Uvaženi zastupnici u Skupštini Kantona Sarajevo, sve vas pozdravljam kao i gledaoce TVSA. Najprije se moram zahvaliti uvaženom zastupniku Zvonku Mariću što je uputio inicijativu ovoj Skupštini i prepoznao problem dodjele stipendija djeci boračke populacije za školsku 2020/21 godinu. Moram istaći da nakon donošenja ovog zaključka Skupštine 28.09. Fond IKRE ostaje bez upravljačke struktura u vrijeme raspisivanja konkursa za dodjelu stipendija djeci pripadnika boračke populacije. I ostaje ne regulisan radno pravni status imenovanog direktora na čije je imenovanje Vlada Kantona dala saglasnost a iz razloga što UO sa istim nije potpisao ugovor o radu. Iz navedenih razloga Fond IKRE, onemogućen je da raspiše konkurs za dodjelu stipendija djeci boračke populacije a što mu je obaveza u skladu sa članom 6 stav 1 Uredbe o načinu i uslovima ostvarivanja prava na dodjelu stipendija borcima, braniteljima BIH, i njihovoj djeci. Prema ovoj Uredbi Fond IKRE raspisu je konkurs za dodjelu stipendija najkasnije do 10. oktobra tekuće školske godine. Ministarstvo za boračka pitanja u budžetu ima planirana sredstva za isplatu stipendija za 1930 srednjoškolaca i studenata te smo kao Ministarstvo u jednom momentu razmišljali o mogućnosti da mi raspišemo ovaj konkurs međutim to bi bilo protivno odredbama važeće Uredbe koju sam pomenuo maločas a i narušio bi se princip postepenosti u odlučivanju jer je Ministarstvo drugostepeni organ koji rješava žalbe. Rješenje naravno postoji, ukoliko Skupština Kantona Sarajevo, imajući u vidu inicijativu uvaženog zastupnika Marića kao i zbog razumijevanja prema djeci najranjivije populacije i zamijeni zaključak donesen 28.09. na način da se Vladi dozvoli imenovanje upravljačkih struktura istog kako bi se stekli uvjeti za raspisivanje konkursa za dodjelu stipendija. Toliko hvala.

Predsjedavajući:

Zahvaljujem uvaženi ministre Grabovica. Sljedeći nam je uvaženi ministar Krivić, v.d. premijera i ministar obrazovanja. Kolega Kriviću izvolite imate riječ.

v.d. premijera i ministar obrazovanja Anis Krivić:

Zahvaljujem predsjedavajući. Sve srdačno pozdravljam. Ja sam imao pitanja iz oblasti obrazovanja od uvaženih zastupnika Marjanović, Dizdarević, Duraković i Srna Bajramović. Prvi dio pitanja se odnosi, na jedan dio pitanja uvaženog zastupnika Marjanovića djelomično

je odgovorila dr. Anisa Bajramović. Ja bih odgovorio na drugi dio pitanja koji se o odnosi na sam budžet i plan utroška sredstva Ministarstva za obrazovanje nauku i mlade. Dakle ja ne znam na pamet ove stavke koje je uvaženi zastupnik naveo budući da plan utroška je poprilično obiman. Ali ono što smatram da bilo važno odgovoriti u ovom trenutku a to je onaj dio koji se odnosi na školu skijanja, školu u prirodi, školu plivanja. Dakle, iako pandemija je onemogućila realizaciju redovnog nastavnog procesa mi smo željeli da ostavimo mogućnost ukoliko ove aktivnosti se budu mogle realizirati da ih realiziramo na neki način. Kada je počela nova školska godina, ova, trenutno tekuća mi smo se bavili povratkom učenika u školske klupe. I svakako da smo željeli da sve one nastavne aktivnosti koje je naši učenici mogu realizirati da ih realiziramo. Da pandemija ne zaustavi sve procese u nastavi. Dobijamo bezbroj signala da će sama pandemija i online nastava ostaviti ogroman trag na našoj djeci. Smatrali smo da je neophodno ne zaustaviti ove projekte, ne ukinuti ih, jer njihova realizacija ne dolazi sada, njihova realizacija, škola skijanja dolazi u vrijeme kada padne snijeg. Ja ne znam da li će u tom trenutku pandemija biti u takvom zamahu da mi ne možemo to realizirati. Isto tako i škola plivanja. Ja bih podsjetio da u ovom trenutku se u Kantonu Sarajevo nastava u razrednoj nastavi realizira po kombinovanom modelu. Dakle, određeni broj učenika pohađa nastavu. Isto tako i određene aktivnosti koje nastava nalaže. Sve ove aktivnosti nisu u vrijeme donošenja ovog plana utroška nije im bilo vrijeme. Dok recimo aktivnost koju je uvaženi zastupnik spomenuo a to je posjeta Srebrenici mi smo tu aktivnost otkazali, zato što u vrijeme kada e trebala biti realizirana, epidemiološka slika i situacija nije bila povoljna za realizaciju tog projekta, te posjete. Ta sredstva će ostati ne utrošena, odnosno moći će se preusmjeriti na nešto drugo. Plan utroška je podložan izmjenama i svakako je da ćemo ga mijenjati u skladu sa potrebama Ministarstva. Za pitanja koja se odnose na taksativno navedene stavke budžeta iz Budžeta Ministarstva za obrazovanje, nauku i mlade, ja ću vrlo rado dostaviti u pismenoj formi obrazloženje za svaku od tih stavki. Također želio bih istaći da Ministarstvo za obrazovanje, nauku i mlade je pretrpilo jako velike uštede, odnosno smanjenje u budžetu, tako da je sasvim sigurno da plan utroška i generalno sama preraspodjele prvenstveno neće biti podložne promjenama, ali prvenstveno gledamo da održimo kontinuitet nastave. Kada govorimo o svim procjenama određenih stavki koje je uvaženi zastupnik naveo, ja imam sve te procjene i sasvim je sigurno da ću to i dostaviti. Na pitanje uvažene zastupnice Duraković o razrednoj nastavi, kada će naši učenici ići Online? Moram priznati da zbog loše konekcije nisam shvatio da li pitanje ide u pravcu, da li će ići ili kada neće ići? Ali evo pokušat ću dati jedan kratki odgovor koji će smatram zadovoljiti. Dakle u razrednoj nastavi naši učenici i roditelji naših učenika imaju mogućnost izbora da djeca pohađaju odnosno ne pohađaju nastavu. Želio bih da istaknem i to da prilikom donošenja odluka o tom na koji način će se nastava realizirati mi, prvo smo u komunikaciji s direktorima, Vijećem roditelja, sindikatom. Sa svima komuniciramo. Svakako i sa strukom. Odluke, modeli, sve ovo što u Ministarstvu radimo konsultujemo struku i imamo i evo prilikom izrade kombinovanog modela smo angažirali oko 50 stručnjaka iz te oblasti koji su nam ponudili svoje mišljenje kao savjetodavno tijelo su djelovali u Ministarstvu. Ne odlučuje se samo na osnovu toga na koji način se realizira nastava. Mogli smo da čujemo od dr. Bajramović da u školama smo uspjeli da sačuvamo da se odbranimo od virusa. I to je iz razloga što smo imali kvalitetne smjernice i dobre procedure prilikom pohađanja nastave u klupama zbog kombinovanog modela. Paralelno radimo sve na poboljšanju online nastave za sve one učenike koji ne idu u školske klupe. Na pitanja uvažene zastupnice Srne Bajramović i uvažene zastupnice Dizdarević, a koje se tiču pitanja liste čekanja u predškolskim ustanovama. Ja bih ponudio odmah jedan odgovor. Uvažena zastupnica Dizdarević da li su ugovori o subvencioniraju dostavljeni a uvažena zastupnica Srna Bajramović je pitala zašto smo podijelili subvenciju na korisnike koji su ranije primali subvenciju i one koji su se našli na listi čekanja nove? Pitala je zašto radimo segregaciju? Ja bih odgovorio ovako. Lista čekanja je već i prošle godine kao odluka podrazumijevala samo onu djecu koja su bila na listi čekanja u JU Djeca Sarajeva. I ta djeca su primala subvenciju, što je dovelo do toga da iz moje pozicije imam određeni broj djece u privatnim školskim ustanovama koji trebaju subvenciju ali se ne mogu podjednako, ne

podjednako, ne mogu se po istom osnovu subvencionirati kao i djeca sa liste čekanja koja su ove godine primljeni. Zašto? Pa zato što bi se desilo da onda djeca moraju mijenjati vrtiće. To je jedini osnovni razlog zašto smo išli na dva različita kriterija. Jedan je da se ima pravo ostvariti subvencija ukoliko ste prošle godine ostvarili subvenciju kako bi dijete ostalo u vrtiću. Smatram da je u cijeloj priči subvencioniranja najlošija stvar ko ja nam se mogla desiti jeste da dijete ko je u grupi trećoj, četvrtoj, petoj, bez obzira, grupi u vrtiću da ga onda iz tog vrtića vraćamo u javnu ustanovu, pronademo mjesto, da se prebacuje, da mijenja okruženje, promijeni učiteljicu, promijeni drugare. Mislim da to nije pametno, nije dobro. To je osnovni razlog za što se išlo u dva različita kriterija. Kada govorimo o ugovorima, jedan dio ugovora je potpisan. Dok za drugi dio ugovora iza odluka koje donosimo, postoji i onaj jedan administrativni dio posla koji se ne vidi ali se svakako mora odraditi. Mi u Ministarstvu za obrazovanje zaista se trudimo da radimo najbrže što možemo. Ja sam pratim svaki proces, i taj dio će biti svakako završen. Ono što je važno istaći kada govorimo o tome da ničije pravo neće biti narušeno. Svi koji su ostvarili pravo na subvenciju će svoje pravo i ostvariti. Smatram važnim da naglasim da Ministarstvo u komunikaciji sa privatnim predškolskim ustanovama. Da imamo sjajnu saradnju. Da kontinuirano saraduje ne samo po pitanju subvencioniranja djece već i po pitanju realizacije predškolskog odgoja i obrazovanja u vrijeme pandemije. I evo to bi bila sva pitanja koja sam zaprimio iz oblasti obrazovanja. Hvala vam predsjedavajući. I srdačan pozdrav za sve.

Predsjedavajući:

Hvala vam uvaženi ministre Kriviću. Kolega Halebić se javio da odgovori na postavljena pitanja. Ministar finansija Halebić Jasmin. Izvolite kolega. Ministre Halebiću morate uključiti mikrofona da ponovite ništa vas nismo čuli.

Ministar Jasmin Halebić:

Izvinjavam se, dakle ja sam imao dva pitanja. Jedno se odnosilo na jednu kratku ocjenu stanja u 20 i 21 u vezi sa javnim finansijama u Kantonu Sarajevo imajući u vidu da se nalazimo u jednoj zdravstvenoj krizi koja se reflektuje i na stanje privrede. A drugo pitanje je bilo u vezi sa preraspodjelama koje su obavljene, koje su provedene na jednoj od sjednica Vlade. Ja ću prvo odgovoriti oko preraspodjela jer je kraće. Riječ o preraspodjeli koja se dogodila 08.10. na sjednici Vlade Kantona Sarajevo, gdje je sa Ministarstva finansija sa ekonomskog koda kamate na domaće pozajmljivanje preraspodijeljeno 40.000 na kabinet predsjedavajućeg i zamjenika predsjedavajućeg Skupštine Kantona Sarajevo na ekonomski kod rekonstrukcija, adaptacija, sanacija, otkup, izgradnja vjerskih i drugih pratećih te kulturno historijskih objekata. Pravni osnov za ovu preraspodjelu sadržan je u članu 17 Zakona o izvršenju budžeta, koji kaže da Ministarstvo finansija može jednom kvartalno na zahtjev budžetskog korisnika donijeti odluku o preraspodjeli rashoda i izdataka u okviru tog budžetskog korisnika a koji su odobreni u budžetu i to najviše do 10% ukupno odobrenih prihoda i izdataka za tog budžetskog korisnika. Mi to zovemo kolokvijalno „interna preraspodjela”. Ova preraspodjele o kojoj je riječ je također sadržana u ostalim stavovima ovog člana, člana 17, stav 3, koji kaže, a to kolokvijalno zovemo eksterna preraspodjela, ili vladina preraspodjela, ona objašnjava mogućnost preraspodjele između dva budžetska korisnika. Pa tako stav 3, ovog člana 17 Zakona o izvršenju budžeta kaže:” U okviru odobrenog budžeta preraspodjelu sredstava iznimno je dozvoljeno između budžetskih korisnika o čemu odlučuje Vlada na prijedlog ministarstva finansija. Šta se događa. Događa se da dva budžetska korisnika jedan iskazuje potrebu, drugi iskazuje mogućnost da na tu potrebu finansira iz svog razdjela budžeta. Ta dva zahtjeva po Zakonu dolaze u Ministarstvo finansija. Ministarstvo finansija priprema materijal i taj materijal se razmatra na sjednici Vlade. Ovaj slučaj koji je postavio uvaženi zastupnik Konaković je zapravo bila eksterna preraspodjela između dva budžetska korisnika. Riječ je o 40.000 KM na kabinet predsjedavajućeg sa Ministarstva finansija. Pitanje koje je također postavljeno je Informacija ili jedno viđenje Ministarstva šta se događa sa javnim finansijama u ovoj godini u 2020 i kakva su očekivanja u pogledu 2021 godine za koju se priprema

budžet. Što se tiče budžeta želim vas izvijestiti da se budžet priprema u skladu s budžetskim kalendarom. To je zakonska kategorija i taj budžetski kalendar praktično propisuje aktivnosti i odgovorne ustanove kao i ključne datume sa planiranjem budžeta. Pa je tako jedan od datuma koji se odnosi na aktivnosti Ministarstva finansija a koji je završen, je podnošenje Nacrta budžeta Kantona Sarajevo prema Vladi Kantona Sarajevo koja usvaja Nacrt budžeta i podnosi ga skupštinu daljoj proceduri. Datumi ovdje su zakonom propisani. 15. oktobra Ministarstvo finansija je obavilo taj korak. Napravilo jednu radnu verziju ili okvir za nacrt budžeta. Taj nacrt se sada nalazi u mogućnosti da o njemu odlučuje Vlada. Da Vlada dodatno razmotri koji su to prioriteti koji se trebaju finansirati u 2021 i da se od toga sačini praktično i formalna verzija Nacrta budžeta. Onda naravno Nacrt budžeta ide u skupštinsku proceduru. Skupština utvrđuje nacrt budžeta i određuje u pravilu jedno mjesečnu raspravu ili blizu jednog mjeseca i onda ide ovaj drugi dio prijedloga tj glasanja o prijedlogu budžeta. Dakle mi smo u kalendaru u smislu poštivanja ovih rokova koji su propisani. Što se tiče stanja u 20 godini ovoj tekućoj, ona je prilično specifična. Do sada smo donijeli jedan budžet i dvije njegove izmjene i dopune. Ukupno tri puta je budžet razmatran pred skupštinom. Svaki put je prošao istu proceduru. Kroz Ministarstvo finansija pa preko Vlade, do Skupštine. Što se tiče dešavanja finansijskih podataka, u prvih 9 mjeseci, a to je posljednji kvartal koji je završen, za koji imamo podatke, dakle četvrti kvartal je onaj u kojem se sada nalazimo. Ova prva tri smo završili i u računovodstvenom smislu i o njima možemo govoriti. U periodu januar-septembar 2020 na depozitni računa za javne prihode Kantona Sarajevo uplaćeno je 623 miliona KM. Ove ostale brojeve ću ako se slažete zaokruživati u smislu hiljada i jedinica KM smatram da je to manje važno. A u sitom periodu prošle godine 2019 priliv je bio 689 miliona. Dakle oko 65 miliona je za prvih 9 mjeseci prihod na depozitni računa za javne prihode Kantona Sarajevo manji. Za oktobar naredni mjesec nakon ova tri kvartala pad prihoda je nastavljen i sada je oko 75 miliona pad prihoda u budžetu Kantona Sarajevo. Pola od tog iznosa preko 30 miliona se dogodilo praktično u prva četiri mjeseca. Tada je bio onaj lock down, blokada i zatvaranje Kantona, pa je tada priliv prihoda bio manji za preko 30 miliona. U međuvremenu uplaćena su sredstva od MMF-a kao što znamo u augustu 2020 koja su donekle ublažila ovu donekle dosta tešku situaciju u prikupljanju javnih prihoda. Tih 36 miliona KM je uplaćeno na Trezor Budžeta Kantona Sarajevo. Ali i nakon augusta, i u septembru, pa evo i u oktobru, pad prihoda se nastavlja. Što se tiče strukture, u tom padu strukture prihoda. Znae na prihodovnoj strani se nalazi jako puno prihoda, ali nisu svi iste vrijednosti, iste veličine. Najveći udio u ukupnim prihodima imaju naravno prihodi od indirektnih poreza ili prihodi od PDV koji čine gotovo polovinu od ukupnog prihoda Kantona Sarajevo. Tačnije 46%. oni će prema našoj procjeni biti manji za oko 40 miliona u odnosu na plansku veličinu koja se nalazi u budžetu. Ovo je vrlo bitno kazati. Dakle u odnosu na plansku veličinu koja se nalazi sada u budžetu ne u odnosu na 19, imat ćemo pad procjenjujemo do kraja godine na poziciji prihoda od indirektnih poreza oko 40 miliona. Preostale dvije velike pozicije su porez na dobit, za koji procjenjujemo da će biti manji do kraja godine, a planirano je da neće biti manji za oko 17 miliona i porez na dohodak za oko 18 miliona. U zbiru očekujemo da će u odnosu na plan, na ovaj budžet koji mi sada izvršavamo prihodi budžeta biti manji za oko 57 miliona. Šta to znači? To znači da rashodovna strana sa ovih 57 miliona neće moći biti finansirana ukoliko naravno se nešto značajnije ne promijeni. Naravno ovo su sve procjene ali smatramo da kako idemo kraju godine da ovo više nisu grube procjene nego da zaista ćemo imati manji priliv prihoda u odnosu na rashode za budžet koji je usvojen. Ne za 19 nego za ovaj budžet koji sada, drugi rebalans, ovaj budžet koji mi sada imamo. Šta uraditi? Moguća su dva scenarija. Jedan je da se u skladu sa zakonom o budžetima poduzme niz mjera kojima bi se budžet uravnotežio, a taj niz mjera se svodi na obustavu izvršenja određenih rashoda. Dakle da se odlukom Ministarstva finansija obustavi od izvršenja rashodi koji su planirani da će se izvršiti. To je zakonska kategorija da bi se budžet jednostavno uravnotežio. Mi tu mjeru još nismo poduzeli. Da li ćemo je poduzeti ili ne evo vidjet ćemo u ova prestala dva mjeseca. Drugo, ono što nam stoji kao mogućnost jeste da jedan dio namjenskih prihoda prenamijenimo. Šta to znači? To znači da ona sredstva koja se ne troše istom dinamikom kao

ova budžetska sredstva, a riječ je o namjenskim prihodima po raznim osnovama i njih na kraju godine, podsjetit ću vas sve, razgraničavamo. Prenesemo ih u narednu godinu pa se ona iz godine u godinu troše, da ih sada u ovoj godini prenamjenom, u skladu sa Zakonom o u ublažavanju negativnih ekonomskih posljedica jednostavno ja ću to pojednostaviti, pretvorimo u budžetske prihode i da ih onda trošimo za ovih 57 miliona koja će nam evidentno nedostajati. Prema tome, da skratim. Moguće je ili da smanjimo rashodovnu stranu, odlukom Ministarstva finansija da uvedemo određeni vid moratorija na izvršavanje budžeta, da kažemo nećemo više trošiti budžet, zabranjuje se, obustavlja se ima naravno u Zakonu tačno piše taj termin, obustavlja se od izvršenja zbog velikog pada prihoda rashodi, pa onda se nabroje rashodi koji se obustavljaju od izvršenja i budžetski korisnici nemaju zakonski osnov da izvršavaju taj budžet. Naravno ne mislimo pri tome da bi trebalo obustavljati od izvršenja ove stvari koje su povezane sa zakonima kao što su plate, kao što su socijalna davanja za socijalne kategorije i druge kategorije boračke kategorije nego prvenstveno mislimo na one rashode koji su sada u budžetu a koji nisu zakonska kategorija nego na neki način predstavljaju izraz određenih projekata, programa, politika Vlade, a njihovo obustavljanje neće rezultirati tužbom prema Kantonu Sarajevo. Koja će od te dvije opcije ili odluke biti donesena evidentno je da ćemo morati do kraja godine nešto uraditi da se budžet ponovo uravnoteži. I nije to naravno neuobičajeno, nije ovo da kažemo neki crni scenario. I druge organi vlasti će se i nalaze se već u sličnoj situaciji, vjerovatno i težoj nego Kanton Sarajevo jer Kanton Sarajevo u odnosu na druge kantone ima više budžetskih prihoda, više i ih i kreira u smislu uplata po raznim osnovama oporezivanja, ali to su stvari koje će uslijediti u narednom periodu. Tako da evo smatram da sumiram. Dakle 20 ova u kojoj se nalazimo imamo evidentan pad prihoda. Morat ćemo nešto uraditi ili sa smanjenjem rashoda ili ćemo određene prihode prenamijeniti. Pa onda isfinansirati ove rashode koji postoje, koji su već koji se nalaze u budžetu Kantona Sarajevo za 20. godinu. Što se tiče 21 godine i donošenja budžeta za 21 godinu, u kalendaru smo. Poštujemo budžetski kalendar, to je naša zakonska obaveza cijeloj FBiH i u skladu sa tom zakonskom obavezom pripremamo ovaj budžet. Naredni korak koji se očekuje jeste da Vlada formalno utvrdi Nacrt budžeta i da ga onda usmjeri prema Skupštini. Evo predsjedavajući bilo je vjerujem malo duže, ali smatram da je ova informacija bila korisna, prije svega zastupnicima, da znaju kako se u kakvom se stanju nalaze javne finansije u ovom trenutku.

Predsjedavajući:

Zahvaljujem uvaženi ministre Halebić. Riječ ima Kapidžić Faruk, sljedeći ministar koji će odgovori na postavljena pitanja. Ministre Kapidžiću jeste li spremni?

Ministar Faruk Kapidžić:

Zahvaljujem predsjedavajući. Nadam se da se čujemo. Bilo je jedno pitanje direktno za moj resor od gospodina Devića vezano za procese legalizacije, odnosno pitanje koje je vrlo interesantno ljudima u Kantonu Sarajevo obzirom da nam svim opštinama postoji veliki broj objekata koji su trenutačno nelegalni, a trebali bi ići u proces legalizacije. Ono što moram da kažem Zakon o prostornom uređenju koji je na snazi od 2017, taj vid ne prepoznaje i ne postoji mogućnost uopšte za bilo kakvom legalizacijom. Jedini način je da e uradi donese izmjena ili izmjena i dopuna Zakona postojećeg ili ovi Zakon. Obzirom da je stari Zakon, odnosno važeći Zakon o prostornom uređenju toliko loš i da tako kažem šupalj, pa je djelimično i došlo do svega ovoga, mi smo uradili Zakon o prostornom uređenju. On je gotovo i spreman. Obzirom na ovu situaciju, mi tokom novembra dali u proceduru donošenje Zakona. Tako je pitanje bilo kada će se moći doći do legalizacije. To je sve vezano za usvajanje Zakona o prostornom uređenju. Novog Zakona o prostornom uređenju koji po proceduri i svemu kako bi se išlo, ako bi mi stavili u novembru ovaj Zakon, odnosno u ovom mjesecu u proceduru, znači negdje vjerovatno tek januar, februar ili možda do marta bi se mogao usvojiti. I po usvajanju bi se onda moglo ići u taj Zakon. Zakon oko legalizacije, Zakon obrađuje legalizaciju u poglavlju 20, novi Zakon obrađuje način legalizacije u

poglavlju 20, sa članovima 88, 89, 90 i 91. ono što je interesantno i ono na čemu smo radili jer je legalizacija veliki problem za Kanton obzirom da ima po mojoj procjeni blizu 20.000 nelegalnih objekata koji bi došli u situaciju da se legalizuje. Ono kako je postavljen ovaj način legalizacije u ovom novom Zakonu jeste da bi bila ta jedna legalizacija propisana sa tačno vremenskim rokom i poslije toga legalizacije opet više ne bi bilo. Zašto mi to radimo? Veliki broj objekata koji su nelegalno napravljeni, obično nisu napravljeni iz razloga što su ljudi htjeli napraviti nelegalni objekat nego što ostale strukture vlasti kao što su imovinsko-pravno nije pratila ova regulativa a ljudi nisu mogli da čekaju a onda su pravili, a recimo po svim dokumentima je OK da se naprave takvi objekti. Međutim, ono što je problem i to sam ja tražio i radio na tome, da se u ovoj legalizaciji postavi malo na drugi način, odnosno da se odnos spram objekata koji su nelegalno napravljeni a ugrožavaju zdravlje ljudi u Kantonu i ugrožavaju razvoj Kantona. To su objekti koji ni po jednoj legalizaciji prije nisu mogli biti legalizovani, ali nikada do sada nisu uklonjeni. To su objekti koji se nalaze na prvoj vodozaštitnoj zoni, drugoj vodozaštitnoj zoni, na trasama saobraćajnica koje su vrlo bitne za razvoj saobraćaja. A sve to direktno utiče na zdravlje ljudi. U ovom načinu legalizacije, kako je postavljeno u novom Zakonu, legalizacija bi bila po pravilniku bi bila podijeljena na opštinama. Dakle kada se usvoji Zakon, išlo bi se po opštinama, ali tako što bi prvo komisija ustanovila koji su to objekti koji se moraju srušiti zbog zdravlja ljudi i tek kada opština sruši i ukloni te objekte, dobila bi dozvolu da uđe u legalizaciju ostalih objekata koji se mogu legalizovati. To je vrlo bitno dakle da proces legalizacije ne može početi prije nego što se objekti takvi ne uklone. Mene ne interesuje koji su kako su nastali, čiji su, ko je stajao iza toga. Mene interesuje da se ti objekti konačno uklone i to će biti jedini način kroz pritisak ljudi da se takvi objekti uklone. To su objekti u prvoj vodozaštitnoj zoni npr. koji direktno ugrožavaju zdravlje svih građana Kantona ili objekti na saobraćajnicama zbog kojih ne možemo da razvijamo saobraćajnu infrastrukturu, pa nam i zbog toga, zbog ne razvijanja infrastrukture opet nam je ugroženo zdravlje obzirom na vazduh i onečišćenje vazduha. Dakle, odgovor je sljedeći, da u najboljem slučaju se sa procesom legalizacije bi se moglo krenuti u januaru ili februaru ako bi ovaj Zakon se usvojio. Znam da će biti pritisaka da se ne usvoji, obzirom da Zakon rješava mnoga sporna pitanja koja su nas dovela u ovaj haos. Tu je sve pobrojano i sve je regulisano tako da se nadam da će se ići u tom pravcu. Drugo pitanje je bilo pitanje od Bešlije Vildane vezao za zaštitu šuma, na prostoru Igmana i Bjelašnice. Zašto nije pripremljena informacija? Informacija nije pripremljena iz istog razloga kao što je i pitanje je postavljeno pogrešnom resoru. Zaštita šuma na prostoru Igmana i Bjelašnice i bilo gdje je vezano za Sarajevo šume i to je Ministarstvo privrede koje je uzelo da priprema tu informaciju. Međutim, ministar je otišao na bolovanje i to je stalo. Ta informacija, ja ću direktno sa Ministarstvom privrede da pripremam detaljno informaciju oko toga, ali Ministarstvo privrede je to koje treba da dadne osnovne podatke. Ono što je nama bitno je da te šume ne samo na Bjelašnici i Igmana, nego na bilo kojem dijelu, da se zaustavi to tako, taj takav odnos spram šuma, jer te šume nisu samo šume ljudi u opštinama na kojima su nego svih ljudi u Kantonu, Državi pa mogu sigurno reći, obzirom na ova ekološke pravce Europe da su to zapravo od svakog čovjeka Europe, svako drvo. Tako da moramo kudi kamo ozbiljniji po takvim pitanjima. Morate i vi u Skupštini biti ozbiljniji i tražiti insistirati prave stvari da se rješavaju i da Vlada i ova, i bilo koja koja dođe da se uhvati u koštac sa svim tim problemima a ne da formalno gledamo kako se takve stvari dešavaju. Hvala vam.

Predsjedavajući:

Ministar Alikadić je sljedeći ministar. Izvolite kolega ministre.

Ministar Kenan Alikadić:

Jel se čujemo predsjedavajući?

Predsjedavajući:

Mi vas čujemo. Izvolite ministre Alikadiću.

Ministar Kenan Alikadić:

Dobar dan svima koji prate današnju sjednicu Skupštine Kantona Sarajevo. Ja sam imao jedno pitanje a odnosi se na način finansiranja projekata i aplikanata iz oblasti kulture i sporta. Tačnije finansiranju u ratama. To je koncept koji je osmišljen u mjesecu martu i za cilj je imao da svi oni kojima budu odobrena određena finansijska sredstva ih ne dobijaju integralno već parcijalno u dijelovima kako bi lakše mogli imati uvid o utrošku sredstva kao i pravdanju istih gdje bi spriječili eventualno da određen aplikant dobije sredstva da ih ne utroši za projekat i da kasnije imamo problem da ta sredstva nisu opravdana odnosno da nisu vraćena u budžet Kantona Sarajevo. Kada je u pitanju sport, 203 aplikanta su zadovoljila propozicije javnog poziva a odnose se na projekt za trenažni takmičarski proces, dok su 64 aplikanta zadovoljili za sportske priredbe ili manifestacije koje se organizuju u oblasti sporta. Do ovog trenutka je 107 aplikanata pravdalo sredstva koja su dobili, odnosno dio sredstava koja su dobili. I krenuli su u nastavak finansiranja, odnosno u drugu ili treću ratu, zavisno od same dinamike njihovih projekata. Vrlo je bitno istaći da iznos koji je odobren u prvoj rati ne znači nužno da će isti biti i u drugoj rati. Znači da se može desiti da bude veći ili manji iznos, zavisi od same dinamike realizacije projekta, odnosno troškova koji su specifični za određeni dio manifestacije ili rad nekog kolektiva. Kada je u pitanju kultura, 251 aplikant je zadovoljio propozicije javnog poziva. Ono što je poražavajuće u ovom slučaju jeste da je samo 50 aplikanata pravdalo prvu ratu. A čak 39 aplikanata je sredstva koja su dobili iz Kantona Sarajevo prebacilo na svoja lični račun, u vidu honorara, ili samo direktnom transakcijom, što nam govori da sredstva nisu utrošena za projekte za koje su aplicirali, već uglavnom za lične potrebe. Mislim da je to koncept koji nije održiv koncept za koji se ne zalaže Kanton Sarajevo i Ministarstvo kulture i sporta Kantona Sarajevo. Ranije smo govorili o tim temama i stvarima koje su vrlo bitne kada je u pitanju kultura i sport da se finansiraju projekti a ne plate i naknade pojedinaca. Prvi put se progovorilo o tome objavljivanjem spiskova svih onih koji su dobili sredstva. Ovi koji su potrošili sredstva na taj način neće krenuti u realizaciju druge rate i bit će obavezni da vrate sva sredstva koja su dobili po javnom pozivu u budžet Kantona Sarajevo. Svi aplikanti, napominjem, su potpisali ugovore u kojima su definisali prava i obaveze po pitanju odobrenih sredstva i vrlo je bitno, ma koliko to koštalo da se jednom počne govoriti i razgovarati na tu temu kako se troše sredstva iz budžeta Kantona Sarajevo. Ono što je vrlo bitno istaći jeste da ministar ima i određeni vid diskrecionog prava da dodjeljuje sredstva izvan poziva. Ja to pravo nisam koristio u dosadašnjem mandatu. Jesam u nekim iznimnim situacijama. Navest ću jedan konkretan primjer. Kanton Sarajevo finansira 90% reprezentacija BIH, obzirom da smo jedan od rijetkih Kantona koji su raspisali javni poziv, a ni drugi nivoi vlasti nisu bili baš ažurni kada je u pitanju finansiranje naših reprezentativnih selekcija tako da smo finansirali troškove naše Rukometne reprezentacije. To je bilo diskrecioni pravo ministra, i ja sam to iskoristio za jedan takav projekat. Pored toga pomogli smo rad Zetre i Skenderije kroz ta sredstva tako da je to ono što se koristilo u ovom segmentu. Želim također istaći da nije bilo masovnog dodjeljivanja sredstva. Po prijavi uvažene doktorice Amre nama je u Ministarstvu prisutna budžetska inspekcija pored još par inspekcija, kojima nas je ona prijavila. Želim reći da oni pregledaju svaku aplikaciju, a ne metodom slučajnog uzorka. I čekamo taj nalaz koji će svakako pokazati na osnovu našeg rada kako su se sredstva trošila i vrlo će bitno biti da se iskažu koja je prednost ovog sistema po pitanju sredstava. Sredstva su maksimalno zaštićena i postoji mogućnost da se rješavaju neki projekti. Nama su jučer govorili na pres konferenciji da neki aplikanti iskoriste sredstva iz budžeta Kantona Sarajevo odnosno im budu odobrena i da nikada ne realizuju taj projekat i da ista sredstva ne vrate u Budžet Kantona Sarajevo. Vrlo odgovorno moramo pristupiti finansiranju kako kulture tako i sporta, pogotovo u pandemiji koja je zaista suspendovala sve aktivnosti, kako kulturne, tako i sportske. I danas su vrlo ograničeni. Evo već se najavljuju neke nove restrikcije koje bi moglo ponovo da djeluju vrlo loše na kulturu i sport u Kantonu Sarajevo, vrlo je bitno da se sredstva ulažu onako kako bi to trebalo da bude po svakom normalnom principu bilo koje europske zemlje. I mi smo se trudili da u prethodnom periodu

provedemo sve aktivnosti koje će osigurati jedno takvo finansiranje. Ovom prilikom želim da apelujem i da pozovem sve one koji nisu pravdali sredstva da to urade, kako bi mogli nastaviti sa svojim finansiranjem, naravno ukoliko su sredstva utrošili u svrhe za koje su aplicirali. A sve one koji nisu imaju potpisani ugovori tako da za njih zaista ovom neće biti moguće da se dese određene malverzacija sa budžetskim sredstvima. Također ne trebamo biti zatvoreni, trebamo govoriti o fiktivnim udruženjima koja postoje samo na papiru. Ona su vrlo široko rasprostranjena. I oni su bili aplikanti na ovom javnom pozivu. Vjerovatno su zadovoljili propozicije javnog poziva. Možda su im čak i odobrena sredstva, ali obzirom da nemaju mogućnost da oni pravdaju sredstva vrlo brzo će se pokazati da ti klubovi nemaju mogućnost da realizuju sve one projekte za koje su aplicirali i bit će obavezni da vrate sredstva u budžet Kantona Sarajevo. Vrlo je bitna i pohvalna inicijativa uvažene zastupnice Kristić koja je prije par sjednica pokrenula jednu inicijativu koja je jednoglasno usvojena u kojoj se kaže da svi oni koji nisu pravdali sredstva i nisu ih utrošili u skladu sa namjenom odnosno sa projektom u kojem su aplicirali neće više biti u mogućnosti da apliciraju na sredstva i dobiju sredstva iz budžeta Kantona Sarajevo. Ja vam se ovom prilikom još jednom zahvaljujem zastupnice na jednoj takvoj inicijativi i mislim da će ona u mnogome riješiti sve one probleme koji su ranije bili a svakako i podržati sve ono što sam do sada uradio i uglavnom se pokazuje da je to jedna ispravna metoda. A ova inicijativa će zasigurno biti jedna velika pomoć da se ovo realizuje.

Predsjedavajući:

Zahvaljujem uvaženi ministre. Molim samo da izgasite mikrofona. Imamo nekoliko zastupnika prijavljenih a tiče se nezadovoljstvo odgovorom. Kolega Marjanović, pa neka se pripremi uvaženi zastupnica Duraković i uvažena zastupnica Bešlija.

Poslanik/zastupnik Damir Marjanović:

Zahvaljujem se predsjedavajući. Šta da vam kažem? Dakle opet mogu samo da zahvalim ministrici koja se potrudila da odgovori konkretno na jedno od pitanja koja sam postavio prema Kriznom štabu. Mogu se zahvaliti doktorici koja je pokušala da odgovori na neka od pitanja. Ja sam i dostavio ova pitanja u pismenoj verziji baš zato da ne bi promaklo neko, možda niste dobili, sva ta pitanja pa neka ste nadam se slučajno, a ne namjerno preskočili. Nije odgovoreno primarno na pitanje koje od novopropisanih mjera od jučer, koje imaju konkretno su usmjerene ka smanjivanju ukupnog broja novo pozitivnih slučajeva i sprečavanja daljeg širenja zaraze. Jučer su bile neke druge mjere koje su se više bavile nekim odnosima dvije zdravstvene ustanove a imam osjećaj da se zanemarilo stvarno stanje i prema kome su se te mjere trebaju usmjeriti ka sigurnosti građana. Znači ja u tim mjerama koje ste jučer donijeli nisam prepoznao niti jednu. Evo danas su medijima vidim neke najave. Bit će jako zanimljivo da vidim da li će se realizirati nešto od toga. Ono što mi je bilo zanimljivo ni ministar iz obrazovanja mi nije odgovorio na osnovu čega i da li uskoro planira da vrati učenike u osnovne škole, pa čak i u srednje škole. Ako ne planira, na osnovu čega donosi takvu odluku jer malo mi je kontradiktorno. S jedne strane i doktorica i uvaženi ministar govori o tome kako škole nisu izvori zaraza, kako, nisu mi normalno tačno procenat mogli reći, mada se spominju neki podaci, ali ja ne vidim te statističke podatke. Znam koliko u Hrvatskoj dolazi zaraza iz osnovnih i srednjih škola, a ne znam koliko u BIH i Kantonu. A više me zanima normalno moja država i moj grad. Na stranu da stavimo, s jedne strane govorimo da je stanje OK, da oni nisu izvor zaraza, s druge strane imamo da se nastava odvija u jako malim kapacitetima samo za malu skupinu djece, pa me je zato zanimalo, zašto, kako i na osnovu čega se donose takve odluke posebno vezano za trendove, vi ste vidjeli Europa ide u lock down ali obrazovni sistem mora da funkcioniše jer to za budućnost zalaganje. Također nije mi dogovoreno o kojim se PCR testovima tu radi, to je jako bitno da vidimo koja je kvaliteta tih testova. Ovaj komentar vezano za institucije koje mogu da rade, to ću ostaviti za ovu tačku koja nam ide poslije i onda ćemo pojasniti na koji način birokratski vi sprečavate najjače i najbolje institucije genetičke za genetička testiranja sa najvećim kapacitetima da rade te

testove zato što imate neke stare pravilnike koji su pisali neki ljudi koji ne znaju baš puno o genetičkim testovima a izgleda da ih se držimo kao pijan plota, ako smijem to reći. Ina kraju, vezano za novac. Ja sam se pozvao na dokument od 08.10. kojim se stavio izvan snage dokument čini mi se, od 02.jula. Pa mi je bilo logično da smo od 02.07. do 08.10. mogli neke stvari sagledati i mogli napraviti neke druge preraspodjele. Na žalost. Nisam dobio niti jedan odgovor vezano za ove finansijske stvari, posebno vezano za projekte, posebno za projekcije koliko novca tek treba naučnim institucijama da se da, vezano za ugovor iz 2019 itd. Tako da malo postavljam sebi pitanje, sebi i kolegama, evo i vama predsjedavajući, da li su uopšte isplati postavljati ovako pitanja usmena i očekivati odgovore, a na žalost kada dobijemo pismeni odgovor onda je već prošao voz. Tako da ne tražim sada stvarno nikakva dodatna pojašnjenja znam da ih neću ništa posebno dobiti, mada je bilo očekivano od ministra za obrazovanje da zna ove preraspodjele i dokument koji je on predložio a Ministarstvo finansija usvojilo. Moram priznati da na žalost ovi odgovori mi nekako nuliraju povjerenje da u ovom momentu imamo ljude koji vladaju situaciju kako u finansijskom tako i u ovom dijelu i aspektu borbe protiv COVID-19 širenja. Hvala velika.

Predsjedavajući:

Zahvaljujem uvaženi zastupniče Marjanoviću. Kolegica Duraković Jasna. Izvolite.

Poslanik/zastupnik Jasna Duraković:

Zahvaljujem predsjedavajući. Ja bih se prije svega složila sa kolegom Marjanovićem ja zapravo i ne vidim svrhu postavljanja ovih pitanja pa na njih nećemo dobiti odgovore. Ja također izražavam svoje nezadovoljstvo zato što na sedam postavljenih pitanja dobila sam tek dva paušalna odgovora. Dakle morat ću naravno postaviti ista pitanja i na drugoj tački dnevnog reda kada bude raspravljali o epidemiološkoj situaciji u Kantonu Sarajevo, a naime vo samo izražavam nezadovoljstvo zaista najviše sa odgovorim uvažene ministricice Agić nije tačno kako ste vi rekli da ne postoji zakonsko uporište o kojem bi se smanjili sredstva koja izdvaja ZZO prema KCUS: i te kako postoji jasno zakonsko tj radno uporište koje je definisano članom 7 ugovora između ZZO i KCUS koje kaže da se moraju pružati zdravstvene zaštite osiguranim licima Kantona Sarajevo koji kaže ukoliko zdravstvena izvršava ugovorom preuzetu obavezu pružanja zdravstvenih usluga osiguranim licima Zavoda, Zavod će izvršiti korekcije utvrđene naknade iz ovog člana ugovora za iznos sredstva refundiranih osiguranim licima po predmetnom osnovu. Dakle ovdje je evidentno da se krši ovaj Ugovor i da je nejasno opet i to sam pitanje postavila gdje su, zapravo na šta su utrošena ta sredstva koja jesu uplaćena a znamo svi naravno evidentno je da KCUS u proteklom periodu, pogotovo od početka pandemije, ne izvršava kompletno preuzetu obavezu pružanja zdravstvene zaštite u svom punom kapacitetu. Dakle to je netačno bilo, ja vas molim da možda provjerite. A vezano za odgovor koji sam dobila od ministra Krivića, također ne znam šta je bilo sporno. Mislim da mi zvuk savršeno funkcioniše da me možete čuti. Ja ću ponoviti pitanje jer mi niste, a rekli ste da ste imali problema da niste tačno čuli šta je bilo pitanje. Postavila sam pitanje na osnovu na kojih parametara ili analize neke koju ćete možda napraviti ili ste već napravili, će se odlučivati uopšte o narednom periodu o ponovnom povratku djece, od prvog do petog razreda osnovne škole, na full Online nastavu. Kada je svima nama evidentno ovdje da je postotak zaraze tj oboljenja od COVID-19 jako mali kada govorimo o ovom uzrastu i da se klasteri stvaraju izvan škole a ne u samim školama. Na koncu, to je i doktorica potvrdila u svom izlaganju i svojim odgovorima. Dakle naglasila je više puta ako se ne varam da ova kategorija zapravo uopće nije rizična, da nema nekako ni naznaka da bi se škole mogle u potpunosti ponovo zatvoriti u narednom periodu. Ja sam vas pitala da mi kažete samo na osnovu kojih parametara ili neke analize ćete odlučivati uopće o tome. Evo toliko, zahvaljujem.

Predsjedavajući:

Zahvaljujem uvažena zastupnice Duraković. Ja bih vas lijepo molio da u skladu s Poslovníkom, član 217 držimo se predviđenog vremena za dodatna pitanja. Tako da evo molit ću naredne zastupnike koji se jave da ispoštuju ovaj član Poslovnika Skupštine Kantona Sarajevo. Kolegica Bešlija Vildana izvolite.

Poslanik/zastupnik Vildana Bešlija:

Pa evo naravno nisam zadovoljna odgovorima. Prije svega da krenem evo redom kako sam i postavljala a tiče se ove redovne vakcinacije protiv gripe gdje sam pitala da li imamo neki plan vezano za to. Nisam to pitala zaista onako slučajno, nego zato što građane to stvarno zanima-. Zato što smo između ostalog imali priliku da vidimo informaciju u Agenciji Anadolujia, i to sam pronašla u ovom periodu dok sam slušala odgovore, još u septembru mjesecu od predsjednice Kriznog štaba koja nam je tada poručila javno da se zna šta nas čeka, da to je redovna aktivnost, da trebamo biti spremni na to što dolazi i shodno tome sam htjela da upoznamo građane Kantona Sarajevo šta smo to uspjeli obezbijediti. Znači šta je Vlada po pitanju poduzela, šta je Krizni štab preventivno poduzeo kada znamo da nas čeka miješanje simptoma i standardne gripe koja nije nešto novo. Na žalost ja iz ovog odgovora, evo pokušala sam i sa nekim kolegama, ljudima koji prate Skupštinu, zaista da shvatim od gospođe epidemiologinje da li imamo, meni stvarno nije jasno koliko mi ukupno u ovom momentu, nejasan mi je odgovor, koliko mi imamo tih vakcina, koliko ćemo imati. Na kraju krajeva nismo dobili čak ni informaciju, a ovdje je, evo opet ću reći, ponoviti ono što je predsjednica Kriznog štaba govorila ko je ustvari tu, prije svega zdravstveni radnici, to smo čuli da su jako važni, pa štićenici u nekim socijalnim ustanovama, pa znamo da su to ljudi koji su stariji od 65 godina. Znači mi trebamo imati te podatke, mi moramo znati šta nam treba a ne da pričamo na nivou onoga šta ćemo eventualno dobiti pa ćemo u skladu s tim što dobijemo možda nešto eventualno raspoređivati. Znači zaista nam treba ozbiljan plan kao i za sve drugo da se ne stekne dojam da uvijek nekako gasimo vatru a ništa preventivno ne radimo. S tim u vezi ja ću uputiti konkretno još jednom i pisanim putem da mi se dostave ove informacije i da obavežemo i Vladu i krizni štab da te informacije budu dostupne javno da građani znaju na koji način se mogu zaštititi jer očigledno vrlo često to moraju sami uraditi, na žalost. Što se tiče odgovora koji sam dobila, odnosno nekog pokušaja odgovora od ministra prostornog uređenja, da ne bi nešto malo grublje to komentarisala, u smislu neke kritike lično meni, pa čini mi se i kolegama zastupnicima u Skupštini. Znači zaključak koji sam ja predložila a koji su kolege moje u Skupštini podržale, tiče se tačno obavezivanja i Vlade i Ministarstva kojim kolega Kapidžić, ministar rukovodi, gdje naravno ima ličnu odgovornost ali i kompletna Vlada i opštine i sve ono što je nabrojano u tim zaključcima. A postoje tri zaključka. Ja sam dobila neke informacije, odnosno neke odgovore od inspektorata, odnosno glavnog inspektora gdje je i njegov zaključak u suštini bio da se zaista hitno mora pristupiti tome da se usaglasimo u kom pravcu ćemo (nerazumljivo). Svi smo svjesni šta se dešava i na lokalitetu Igmana i Bjelašnice i podhitno trebamo djelovati. Znači taj odgovor koji smo dobili u suštini potvrđuje one zaključke koje smo donijeli u Skupštini. I ono što je sigurno ovo nije prvi put i opet ću to podcrtati da odgovornost Vlade, ministara i resornih ministarstava. Znači vi ste dužni pripremiti informacije na osnovu zaključaka koje smo mi usvojili. Nikako da nam drži predavanja. I ako kažete ministre Kapidžiću da je to jako važno i da se treba raditi, da se ne radi proforme, onda vas molim da prvo krenete od (nerazumljivo) i da za narednu sjednicu pripremite ove informacije. Ovo je upućeno naravno kompletnoj Vladi. Hvala.

Predsjedavajući:

Zahvaljujem uvažena zastupnice Bešlija. Zastupnik Konaković. Izvolite imate riječ.

Poslanik/zastupnik Elmedin Konaković:

Hvala predsjedavajući. Slažem se s vama potpuno. Poslovník je precizirao da u odgovorima moramo biti kratki koncizni, kao što su i ministri imali Poslovníkom propisano vrijeme za davanje odgovara, niko ih nije na to upozorio. Pa je pet ljudi pričalo sat i po. I odgovaralo čak

i na pitanja koja im nismo tražili usmeni odgovor. Ministar Halebić zahvaljujem se na odgovoru. Zaboravili ste još jednu preraspodjelu, jedna se desila tih 40 prije nekoliko dana, na kabinet predsjedavajućeg Čelika. Dodali ste novih 10. tako da čini ukupno 50. Hvala vam na odgovoru da je to sve zakonito i legalno, nekako me eto, vi vjerovatno znate zašto sve to, zanimalo. Hvala vam puno.

Predsjedavajući:

Zahvaljujem kolega Konakoviću. Kolega Nikšić Damir je tražio dodatno pitanje. Izvolite.

Poslanik/zastupnik Damir Nikšić:

Hvala predsjedavajući. Ja izražavam nezadovoljstvo odgovorom, ustvari nisam dobio odgovor za ove kapacitete za PCR uređaj, testiranje na KCUS. Kakvi su, koliko su ograničeni. Drugo, zadovoljan sa sa odgovorom u vezi ove suportivne terapije. I volio bih da počnemo što prije s tom terapijom za građane jer ona manje košta. Eto toliko od mene. Hvala vam.

Predsjedavajući:

Zahvaljujem uvaženi zastupniče Nikšić. Da li ima neko od Vlade odnosno od resornih ministara ili ministrica da odgovori na dodatna pitanja koje su postavili uvaženi zastupnici. Ali evo molit ću samo da ministricice Agić imamo još kolegu Jakupović, je imao dodatno pitanje pa ostavit ćemo poslovničku mogućnost da svakako nam postavi pitanje. Kolega izvolite imate riječ.

Poslanik/zastupnik Vedran Jakupović:

Zahvaljujem predsjedavajući. Vezano za nabavku, mislim da ste i vi predsjedavajući postavili slično pitanje vezano za nabavku antivirusa odnosno stavljanje na listu. Postoje liste jedna se zove bolnička lista. Ja znam način na koji se donosi. Svaka bolnica ima, KCUS a i Opća bolnica ima svoje liste na kojima su lijekovi koji su unutar tih ustanova koriste. Postoji Esencijalna lista Kantona Sarajevo koja mora pratiti federalnu listu ako ima novca naravno. Mi imamo trenutno situaciju pandemije u kojoj postoji velika potreba za nabavkom lijeka iz Turske neću mu sada govoriti ime zbog reklame. Znamo jako bitna stvar u ovom trenutku naći način da li da ide na esencijalnu listu pa da se pronađe način na koji će se propisivati ili da ide preko bolničke liste pa da onda unutar, kao što je za neke lijekove veći odranije korišteno za liječenje gripe H1N1, da se ti troškovi refundiraju. Ovo je jako bitna stavka. Infektolozi propisuju lijek, kontrola mora biti maksimalna ali ne smijemo gubiti vrijeme. U ovom trenutku taj lijek se može i mora nabaviti i da ne bude cifra kakva jeste trenutno da mogu samo bogati stanovnici Kantona Sarajevo sebi priuštiti. Cijena je 300 KM. Mislim da bi hitno morali se dogovoriti svi. Odgovor ministricice je bio da postoji komisija koja nešto. Znamo da postoji komisija, to su normalne procedure. Ovo nije normalna situacija. Ta komisija bi morala zasjedati, ako je Esencijalna lista u pitanju ili bolničke liste ili jedne ili druge bolnice, dakle KCUS ili Opće bolnice, da se nabavi ovaj lijek da bude na raspolaganju stanovnicima Kantona Sarajevo besplatno. Eto to je bila čisto reakcija na odgovor v.d. ministricice zdravstva. Hvala.

Predsjedavajući:

Zahvaljujem uvaženi zastupniče Jakupoviću. Također i ja sam imao ovo isto pitanje pa evo molit ću svakako ministricicu Agić da nam odgovori da li je moguće da nabavimo 5000 kutija antivirusa, da ne govorim ime lijeka. Čisto kako bi imali spremne zalihe za naše građane u Kantonu Sarajevo, a svakako intencija da se ovaj lijek subvencionira ili da bude na listi lijekova koji se mogu nabaviti besplatno. Ministricice Agić vi ste spremni da ponudite odgovore na postavljena pitanja, pretpostavljam. Izvolite. Ako jeste.

Ministricica Jasna Agić:

Zahvaljujem predsjedavajući. Prvo bih odgovorila uvaženoj zastupnici Duraković pošto je izrazila nezadovoljstvo odgovorom koji je dobila od mene a tiče se da li se može umanjiti tranša koja se prebacuje za KC. Prema važećim mjerilima i kriterijima koji su propisani, koji su trenutno na snazi, nije moguće izvršiti umanjenje KC. Prema sadašnjem propisima sve zdravstvene ustanove se finansiraju prema broju uposlenih a ne prema broju pruženih usluga. To bi bilo moguće jedino ako se donese nova odluka o kriterijima i mjerilima za ugovaranje. I još bih evo iskoristila priliku da odgovorim uvaženom zastupniku Jakupoviću. Znači ovaj lijek antivirusik neće biti lijek za bolnice, taj lijek će se koristiti na početku oboljenja, čim pacijent dobije respiratorne simptome bez pozitivnog testa jer se isti lijek koristi i za gripu i za bilo koje drugo respiratorno oboljenje i uključivat će se u primarnoj zdravstvenoj zaštiti. Toliko. Hvala.

Predsjedavajući:

Zahvaljujem ministrice. Samo bih vas molio da isključite mikrofon.

A sada prelazimo na realizaciju zaključaka koje su dostavili kolege zastupnici na izjašnjenje.

Prvi zaključak je dostavila uvažena dopredsjedavajuća Kristić Danijela. Ja ću moliti sekretara da napravi anketu a ja ću pročitati prijedlog zaključaka.

- 1. Obavezuje se Vlada Kantona Sarajevo, Ministarstvo privrede, Kantonalna uprava za inspeksijske poslove i Općina Ilidža da dostave Skupštini Kantona Sarajevo cjelovitu informaciju o nelegalnoj gradnji u I i II vodozaštitnoj zoni izvorišta Sarajevsko polje.*
- 2. Obavezuje se Kantonalna uprava za inspeksijske poslove da izvrši nadzor shodno članu 147. Zakona o prostornom uređenju nad izradom i provođenjem planskih dokumenata koje donosi Skupština Kantona, a koje se tiču gradnje u I i II vodozaštitnoj zoni izvorišta Sarajevsko polje gdje je gradnja zabranjena Odlukom o zaštiti izvorišta.*
- 3. Obavezuje se Kantonalna uprava za inspeksijske poslove da izvrši nadzor shodno članu 147. Zakona o prostornom uređenju nad radom Općine Ilidža i njenih općinskih urbanističko-građevinskih inspektora u provođenju propisa iz oblasti prostornog uređenja jer je očito da je Općina Ilidža u proteklom periodu izdavala građevinske i urbanističke dozvole bez saglasnosti KJKP Vodovod i kanalizacija Sarajevo za gradnju u I i II vodozaštitnoj zoni izvorišta Sarajevsko polje gdje je gradnja zabranjena Odlukom o zaštiti izvorišta.*
- 4. Obavezuje se Ured za borbu protiv korupcije i upravljanje kvalitetom da iz svoje nadležnost provjeri postupanje svakog javnog organa i javnog preduzeća, a naročito Općine Ilidža i Kantonalne uprave za inspeksijske poslove jer im se KJKP Vodovod i kanalizacija više puta obraćao zbog nelegalne gradnje u I i II vodozaštitnoj zoni i prema dostupnim informacijama nisu učinili ništa.*
- 5. Obavezuju se Općina Ilidža, Kantonalna uprava za inspeksijske poslove da ODMAH zaustave svaku nelegalnu gradnju na području I i II vodozaštitne zone.*
- 6. Obavezuju se svi gore pomenuti javni organi da Skupštinu Kantona Sarajevo izvijeste o poduzetom u roku od mjesec dana od dana dostavljanja zaključka.*
- 7. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".*

Zaključci, inače nije bila, ovako ćemo to dati na glasanje. Idemo sve po jedan zaključak ćemo dati na glasanje. Molim sekretara Skupštine da napravi anketu kako bi se o prijedlozima zaključaka uvažene zastupnice Kristić izjasnili. Otvaram glasanje. Molim zastupnike da se izjasne o predloženim zaključcima koje sam pročitao. Zaključujem glasanje.

Za je glasalo 22 zastupnika, protiv 6, suzdržano 1.

Konstatujem da smo usvojili zaključke a na prijedlog uvažene zastupnice Kristić.

Zastupnik Stojanović Igor, ispred Kluba zastupnika SDP-a,

Inicijativu da se Skupština Kantona Sarajevo usvoji Zaključak kojim se zadužuje se Vlada Kantona Sarajevo da pripremi materijale o realizaciji 14 tačaka Mišljenja Europske komisije o zahtjevu Bosne i Hercegovine za članstvo u Europskoj uniji kako bi se isti razmatrali na sjednici Skupštine.

Molim sekretara Skupštine da napravi anketu kako bi se o istoj mogli izjasniti. Otvaram glasanje. Molim zastupnike da glasaju. Zaključujem glasanje.

Za je glasalo 29 zastupnika. Protiv i suzdržanih nije bilo.

Konstatujem da smo usvojili Zaključak na prijedlog uvaženog zastupnika Stojanovića.

Inicijativa da Skupština Kantona Sarajevo hitno razriješi Rusmira Mesihovića sa pozicije ministra zdravstva u Vladi Kantona Sarajevo, s obzirom da su se stekli svi formalno pravni uslovi.

Molim sekretara da napravi anketu kako bi se izjasnili o predloženoj inicijativi zastupnika Čampare. Otvaram glasanje, molim zastupnike da se izjasne o predloženoj inicijativi zastupnika Čampare. Zaključujem glasanje.

Za je glasalo 26 zastupnika, protiv i suzdržanih nije bilo. Konstatujem da smo usvojili inicijativu zastupnika Čampare.

Kolegica zastupnica Neira Dizdarević je podnijela sljedeće zaključke, i molim sekretara da napravi anketu za izglasavanje zaključaka zastupnice Dizdarević. A ja ću pročitati:

- 1. Obavezuje se Ministarstvo prostornog uređenja, građenja i zaštite okoliša da naloži svim upravicima da nakon usvojene odluke etažnih vlasnika o izboru fizičkog ili pravnog lica na pojedinim poslovima redovnog ili vanrednog održavanja zgrade potpišu kooperantski ugovor sa izabranim fizičkim ili pravnim licem koji je registrovan za obavljanje određene djelatnosti i koji ima zaposlene kvalifikovane izvršioce.*
- 2. Obavezuje se Ministarstvo prostornog uređenja, građenja i zaštite okoliša da izvrši izmjenu i dopunu člana 5. stav (1) tačka g) Pravilnika o uvjetima za obavljanje poslova upravnika („Službene novine Kantona Sarajevo”, br. 30/17) kojim će biti obavezujuće da nakon odluke etažnih vlasnika o izboru fizičkog ili pravnog lica na pojedinim poslovima redovnog ili vanrednog održavanja zgrade potpišu kooperantski ugovor sa izabranim fizičkim ili pravnim licem koji je registrovan za obavljanje određene djelatnosti i koji ima zaposlene kvalifikovane izvršioce.*
- 3. Rok za izvršenje zaključka je mjesec dana.*
- 4. Obavezuje se Ministarstvo prostornog uređenja, građenja i zaštite okoliša da o realizaciji ovih zaključaka obavijesti javnost putem Televizije Sarajevo, svoje zvanične web stranice i FB profila.*

Otvaram glasanje. Molim zastupnike da se izjasne o predloženim zaključcima uvažene zastupnice Dizdarević. Zaključujem glasanje. Za je glasalo 21 zastupnik, protiv nije bio niko, suzdržanih je bilo 7.

konstatujem da smo usvojili prijedloge zaključaka uvažene zastupnice Dizdarević.

Mirza Čelik upućuje inicijativu Ministarstvu kulture i sporta Kantona Sarajevo koje se odnosi na uvrštavanje Udruženja građana "Princess krofne" u Budžet u iznosu od 60.000 KM.

Molim sekretara da napravi anketu. Molim zastupnike da glasaju u Viber grupi Skupštine Kantona Sarajevo. Zaključujem glasanje.

Za je glasalo 27 zastupnika, protiv niko, suzdržanih 1.

konstatujem da smo usvojili zastupničku inicijativu odnosno Zaključak zastupnika Čelika.

Zastupnica Segmedina Srna Bajramović:

1. *Obavezuju se Vlada Kantona Sarajevo, Ministarstvo privrede, kao i Pravobranilaštvo Kantona Sarajevo da izvrši provjeru svakog fizičkog i pravnog lica koje koristi prirodno bogatstvo, dobro u općoj upotrebi, bez potpisanog ugovora o koncesiji, naročito vode.*
2. *Obavezuju se Vlada Kantona Sarajevo, Ministarstvo privrede, kao i Pravobranilaštvo Kantona Sarajevo da shodno članu 34. Zakona o koncesijama KS prekršajno kazne svako fizičko i pravno lice koje koristi prirodno bogatstvo, dobro u općoj upotrebi, bez potpisanog ugovora o koncesiji, naročito vode.*
3. *Obavezuje se Pravobranilaštvo Kantona Sarajevo da Skupštini Kantona Sarajevo dostavi cjelovit izvještaj o do sada pokrenutim sudskim sporovima protiv korisnika prirodnih resursa koji nisu izmirili svoje obaveze shodno Zakonu o koncesijama.*
4. *Obavezuje se Vlada Kantona Sarajevo da ODMAH zabrani bilo kakve eksploatacije prirodnih bogatstava, a naročito vode u slučaju odbijanja fizičkog ili pravnog lica da zaključi ugovor o koncesiji.*
5. *Obavezuje se Ministarstvo finansija Kantona Sarajevo da poduzme u okviru svoje nadležnosti provjeru izvršavanja svih uplata koncesionara, a u slučaju neispunjenja ugovorenih obaveza poduzme sve mjere naplate istih kod nadležnih organa.*
6. *Zabranjuje se Vladi Kantona Sarajevo i resornim ministarstvima da dodjeljuju poticaje i kapitalne transfere, te ostala javna sredstva svim fizičkim i pravnim licima koja imaju dug po osnovu naknada za koncesije ili koriste prirodno bogatstvo bez potpisanog ugovora o koncesiji.*
7. *Obavezuju se svi gore pomenuti javni organi da o poduzetim radnjama po osnovu ovih zaključaka izvijeste Skupštinu Kantona Sarajevo u roku od mjesec dana.*

Ovo je bio sedmi zaključak. Molim zastupnike da se izjasne o predloženim zaključcima uvažene zastupnice Segmedine Srne Bajramović. Otvaram glasanje. Molim zastupnike da pristupe glasanju i Viber grupi Skupština Kantona Sarajevo. Zaključujem glasanje.

Za je glasalo 23 zastupnika, protiv niko, suzdržanih 6. konstatujem da smo usvojili zaključke na prijedlog uvažene zastupnice Segmedine Srne Bajramović.

Kolega zastupnik Okerić Elvedin ima prijedlog za izjašnjavanje. I ja ću pročitati a sekretara molim da napravi anketu.

1. *Obavezuje se Univerzitet u Sarajevu (UNSA) da u roku od 15 dana po donošenju ovog zaključka predlagaču ove inicijative, dostavi tačne podatke o broju studenata koji su upisani kao samofinansirajući studenti, a koji su položili sve ispite iz predhodne godine u prosjeku većem od 8.0.*
2. *Obavezuje se da u dostavljenim podacima u tabelarnom prikazu bude naznačen ostvaren ukupni prosjek i prosjek u zadnjoj godini navedenih kandidata.*
3. *Obavezuje se UNSA da dostavi ukupni iznos školarina za ove studente za školsku 2020/2021. godinu.*
4. *Nalaže se UNSA da do isteka ove godine ne vrši naplatu preostalih sredstava iz školarine do kraja zimskog semestra školske 2020/2021. godine.*

Otvaram glasanje i molim zastupnike da se izjasne o istoj. Zaključujem glasanje. Za je glasalo 26 zastupnika, protiv i suzdržanih nije bilo. Konstatujem da smo usvojili inicijativu odnosno zaključke uvaženog zastupnika Okerića.

Vreto Elvis je predložio Zaključak:

Zadužuju se Vlada Kantona Sarajevo i Ministarstvo kulture i sporta da shodno planiranim budžetskim sredstvima za rekonstrukciju i obnovu Stare željezničke stanice na Ilidži odmah uputi zvaničan zahtjev za dobivanje neophodne saglasnosti prema Vladi FBiH i nadležnom ministarstvu obzirom da je navedeni objekat proglašen nacionalnim spomenikom 2007. godine od strane FBiH.

Molim zastupnike da se izjasne o predloženom zaključku zastupnika Vrete Elvisa. Zaključujem glasanje. 20 zastupnika je glasalo za, protiv niko, suzdržanih 6. konstatujem da smo usvojili prijedlog zaključka uvaženog zastupnika Vrete.

Jasmina Bišćević-Tokić zastupnika je podnijela prijedlog Zaključka: *Predlažem Skupštini Kantona Sarajevo donošenje zaključka da se stavi van snage Zaključak o moratoriju na sjednici 28.09.2020.godine broj:01-04-35283-3/20 jer on proizvodi i društvenu i finansijsku štetu te onemogućava Vladu Kantona Sarajevo u ovim teškim uslovima donošenje adekvatnih i potrebnih odluka za građane Kantona Sarajevo u gotovo svim oblastima.*

Molim zastupnike da pristupe glasanju u Viber grupi Skupština Kantona Sarajevo. Zaključujem glasanje. Za je glasalo 10 zastupnika, protiv 15, suzdržanih 3. konstatujem da nije usvojen prijedlog zaključka uvažene zastupnice Jasmine Bišćević-Tokić.

Jel ima neko od zastupnika da je poslao neki prijedlog zaključka a da se nismo izjasnili o istom. Ukoliko ima molim da se javite u Viber grupu kako bi mogli dati na glasanje prijedlog zaključka o kojem se nismo izjasnili

Ukoliko nema prelazimo na realizaciju tačke 2, to je. Samo da vidimo, imamo zastupnika koji, nije ostalo nejasno kako smo glasali o prijedlogu Bišćević-Tokić. Ja sam to kazao 10 zastupnika je glasalo za, protiv 15 i 3 su bila suzdržana. Bez da smo. Da, nešto drugo se priča.

Imali smo pojedinačno izjašnjavanje. Ja bih vas lijepo molio uvaženi zastupniče Deviću da, poslovnička je bila. Pojedinačno izjašnjavanje za pretpostavljam zaključak uvažene Jasmine Bišćević-Tokić. Sekretaru ću dati riječ. Kolega Deviću je li pojedinačno izjašnjavanje za zaključak uvažene zastupnice Jasmine Bišćević-Tokić radi stenograma?

Poslanik/zastupnik Mahir Dević.

Naravno, naravno, naravno.

Predsjedavajući:

Da, evo sekretaru ću dati riječ kako bi se pojedinačno izjasnili. Sekretaru izvolite.

Sekretar Aida Zeković:

Hvala predsjedavajući. Dobar dan svima. Molim vas da se izjasnite

1. Aljović Hamed ODSUTAN
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša ODSUTAN
5. Čelik Mirza ZA
6. Čosović-Hajdarević Samra ZA
7. Delalić Sabahudin OPRAVDANO ODSUTAN
8. Dević Mahir ZA
9. Dizdarević Neira PROTIV
10. Duraković Jasna PROTIV
11. Handžić Vibor PROTIV
12. Hasagić Amra ZA
13. Hasanović Senad ZA
14. Hodžić Admela OPRAVDANO ODSUTNA
15. Jakupović Vedran PROTIV
16. Junuzović-Kaljić Amra PROTIV
17. Kerla Bibija ZA
18. Konaković Elmedin:

- bez mišljenja Zakonodavno pravne komisije PROTIV
19. Krstić Danijela PROTIV
 20. Marić Zvonko ODSUTAN
 21. Marjanović Damir:
zbog nedostatka mišljenja Zakonodavno pravne komisije SUZDRŽAN
 22. Mekić Amel PROTIV
 23. Memić Arijana PROTIV
 24. Milavica Sead ZA
 25. Nikšić Damir:
zbog nedostatka mišljenja Zakonodavno pravne komisije SUZDRŽAN
 26. Okerić Elvedin:
dok ne dobijemo mišljenje PROTIV
 27. Pecikoza Fahrudin ZA
 28. Pleho Haris ZA
 29. Poturak Dževad ODSUTAN
 30. Srna- Bajramović Segmedina PROTIV
 31. Stojanović Igor PROTIV
 32. Suljević Samir PROTIV
 33. Šahman Bilsena SUZDRŽANA
 34. Viteškić Smiljana ZA
 35. Vreto Elvis PROTIV

Dobro, Aljović Hamed?
Aljović Hamed ZA.

Predsjedavajući:

Deviću ja bih vas lijepo molio vi ste imali poslovničku, dajem vama riječ dok sekretar izbroji glasove.

Poslanik/zastupnik Mahir Dević:

Zahvaljujem predsjedavajući. Da li se čujemo? Poslovnička intervencija se odnosi, vezano za netačne navode kolege Konakovića, poslije njega kolege Marjanovića, Okerića i ne znam još ko je od ovih zastupnika pogrešno informisao javnost iz tog razloga se javlja. Oni su spominjali mišljenje ZPK. ZPK je zaključak ovaj kazala da je nezakonit i u skladu s tim kolegica Jasmina je tražila poništenje tog zaključka. Znači potpuna pravna čista analogija je da se pokrene procedura poništenja nezakonitog zaključka. Da ne bi otišla pogrešna informacija da po tom pitanju ZPK nije dala mišljenje. Ona jeste dala mišljenje i rekla je da je taj zaključak nezakonit, i u skladu s tim je predsjednica ZPK pokrenula inicijativu i pretvorila je u zaključak da se taj zaključak nezakoniti stavi van snage. Hvala najljepša.

Predsjedavajući:

Imamo i poslovničku intervenciju zastupnik Marjanović Damir, kolega Marjanoviću izvolite. A ja ću da.

Poslanik/zastupnik Damir Marjanović:

Zahvaljujem se predsjedavajući. Nakon ovog pojašnjenja mijenjam svoje mišljenje Suzdržano u Protiv. Hvala velika.

Predsjedavajući:

Ne možemo mijenjati. Za je glasalo 12 zastupnika, protiv 15, uzdržanih je bilo 3. Konstatujem da nismo usvojili prijedlog Zaključka uvažene zastupnice Bišćević-Tokić.

Prelazimo na realizaciju tačke dva, a to je:

INFORMACIJA O AKTUELNOJ EPIDEMIOLOŠKOJ SLICI U KANTONU SARAJEVO

Informaciju ste dobili u dopunskom materijalu.

Molim predstavnika Predlagača da podnese uvodne napomene. Izvolite imate riječ. Predstavite se samo radi stenograma.

dr. Anisa Bajramović član Kriznog štaba: UVODNO IZLAGANJE (NA 2,40)

Predsjedavajući:

Zahvaljujem. Da li predstavnici radnih tijela žele riječ? Ima li pitanja? Konaković je prvi. Kolega Konakoviću izvolite, imate riječ.

Poslanik/zastupnik Elmedin Konaković.

Predsjedavajući. Dobili smo statističke podatke ono što iz Zavoda za javno zdravstvo i gospođe Bajramović vjerovatno jeste maksimum. Mi smo to dobili ali ništa ozbiljno o epidemiološkoj situaciji nismo dobili. Imam pitanje za v.d. premijera ili nekoga iz Vlade, v.d. ministrice zdravstva. Imate li Akcioni plan pred sobom koji ste vi donijeli, na osnovu zaključaka Skupštine Kantona Sarajevo. Šta je od ovog Akcionog plana urađeno, implementirano? Ja ću vam odmah reći da ništa nije. I da li su sankcionisane odgovorne osobe, mislim na menadžmente JU u zdravstvu prije svega KC i DZ jer nisu uradili skoro ništa iz ovog akcionog plana koji se desio nakon sjednice 25.08.2020. zanima me još jedna konkretna stvar kako bih mogao diskutovati koliko tačno još imamo PCR testova u laboratorijama JU i za koji period nam je to dovoljno? Recite nam samo koliko vi dnevno testirate ljudi, ispričajte nam o tim famoznim kvotama testova za pojedine opštine i gradove pa ću onda reći šta mislim i o kvotama testova. Pitanja se odnose na predstavnike Vlade. Hvala.

Predsjedavajući.

Zahvaljujem kolega Konakoviću. Kolegica Danijela Kristić dopredsjedavajuća ima riječ. Kolegice izvolite.

Dopredsjedavajuća Danijela Kristić:

Zahvaljujem predsjedavajući. Moje prvo pitanje je za v.d. ministricu zdravstva. Da li vi smatrate da Kanton Sarajevo treba i dalje finansirati KCUS sa 80% ukupnih sredstava koje dobije sam KCUS a da se desi situacija da zvaničnicima Kantona Sarajevo koje je ovlastio Krizni štab onemogućiti se ulazak u KC? Da iz budžeta Kantona Sarajevo se izdvajaju tolike tranše a da se ne pružaju usluge u KC, da su zatvoreni za bolesnike? Drugo pitanje, zašto se nije ispoštovao usvojeni zaključak Skupštine Kantona Sarajevo da Infektivna klinika bude otvorena za inficirane pacijente korona virusom? Možete li mi reći da li su nabavljene vakcine za gripu, da li su stigle i koja količina je u pitanju? Toliko.

Predsjedavajući:

Zahvaljujem. Kolega Damir Marjanović.

Poslanik/zastupnik Damir Marjanović:

Ja neću ponavljati koja su postavljanja u prvom dijelu. Postavit ću tri nova pitanja. Na neodgovorena pitanja ću se svakako u diskusiji malo referirati a i rado ću objasniti možda i kolegi Dini Konakoviću vezano za brojeve testiranja kako i šta može tu da se uradi. Nešto malo znam o tome. Dakle prvo pitanje će biti koliko uzoraka dnevno ovaj sada sistem može da procesuirati i koliko uzoraka dnevno će procesuirati sada kada su uključene četiri nove

laboratorije privatne? Drugo pitanje, da li osjećate potrebu, ovo je pitanje i apel za preciziranje mjere koja se tiče nošenja maske. Dolazimo do jednog nonsensa da ljudi nose maske kada hodaju cestom a onda kada uđu u kafanu skinu masku i sjednu zato što je tako precizirano. A vi ćete se vjerovatno složiti kao zdravstveni radnik da je to u biti nonsens. Treća stvar jeste, vezano za Ministarstvo zdravstva. Žao mi je ministrice tek ste sjeli ali nekako imam apel prema vama, a odnosi se da li ste razmišljali, često se sugerira koliko jednokratno maske moraju da se koriste jednokratno. A onda treba da se sjetimo koliko ljudi u Kantonu Sarajevo ne može sebi da priušti 30 maski u mjesec dana. Da li ste razmišljali da za ugrožene kategorije i one sa slabijim primanjima obezbijedite besplatne maske, ako niste, ovim putem apelujem da to stvarno uradite, jer postoje ljudi koji žele i moraju da poštuju pravila, žele da sačuvaju svoje zdravlje a ne mogu sebi priuštiti upravo ove maske koje tražimo od njih. Hvala velika.

Predsjedavajući:

Zahvaljujem uvaženi zastupniče Marjanoviću. Kolegica Dizdarević Neira ima riječ. Kolegice izvolite. Hvala predsjedavajući. Moje prvo pitanje je da ako možete da nas upoznate ko je tu danas sve prisutan da razgovaramo o ovoj temi. Da li su tu prisutni rukovodioci zdravstvenih ustanova? Imali smo priliku vidjeti da je direktor DZ u izolaciji. Ko ga mijenja dok je odsutan? Dakle moje prvo pitanje da znamo i sa kim diskutujemo i kome upućujemo eventualno današnje kritike. Molila bih za odgovor dokle je implementacija zaključaka iz mjeseca augusta. Molim vas zaključak po zaključak, zanima me šta je konkretno na terenu urađeno. I treće pitanje koje će se možda ponoviti ali zamolit ću predstavnici Ministarstva zdravstva za konkretan odgovor. Tiče se konkretno lijeka Favipir za kojeg smo čuli da cijena u apotekama iznosi oko 300 KM. Imamo određene informacije da je to turski lijek koji je više puta jeftiniji u samoj Turskoj. Da li se išta uradilo po ovom pitanju? S obzirom da se očekuje masovna upotreba koliko sam shvatila za kućno liječenje oboljelih u narednom periodu, zanima me da li se ikakve aktivnosti na eventualnoj korekciji cijena ili eventualnom subvencioniranju rade u Ministarstvu zdravstva? Toliko hvala.

Predsjedavajući:

Zahvaljujem uvažena zastupnice Dizdarević. Kolegica Jasna Duraković je prijavila se sljedeća za pitanja. Kolegice izvolite. Imate riječ.

Poslanik/zastupnik Jasna Duraković:

Zahvaljujem predsjedavajući evo ja bih imala nekoliko pitanja ali na početku samo da kažem da se slažem u potpunosti s kolegicom Dizdarević. Mislim da je neophodno da znamo ko su trenutno prisutni članovi Kriznog štaba ili direktori zdravstvenih ustanova, s kim to razgovaramo, kome upućujemo kritike, kome upućujemo pitanje. Evo prosto da znamo koga imamo na raspolaganju. Prva stavka i vrlo jedno zapravo banalno pitanje, mislim da je jako bitno. Možemo li dobiti statistički podatak u ovom trenutku koliki je broj oboljelih od sezonske gripe trenutno u Kantonu Sarajevo? Moje drugo pitanje se odnosi na socijalne ustanove. Zašto uposlenici socijalnih ustanova koji imaju zdravstvenu službu, dakle nemaju prednost još uvijek pri testiranju na COVID-19? Vi znate da je obaveza testiranja radnika jednom mjesečno radi sprječavanja širenja virusa a u ambulanta uposleni imaju problem testiranja, neće da ih testiraju jer navodno ne postoji takva naredba još uvijek. Zašto se ne osposobe timovi za COVID koji ne dolaze i ne testiraju ove zaposlene u socijalnim ustanovama i odmah urade zajedno sve te nalaze? I ona pitanja koja sam postavila i u prvom dijelu na koja mi nije na žalost odgovoreno. Ja bih voljela da ponovim da pokušamo naći neke odgovore, takve kakve. Pitanja su se odnosila na Krizni štab Kantona Sarajevo. Niti na jedno nisam dobila odgovor osim ona dva koja su bila vrlo paušalna. Dakle da li su formirani i ako jesu, mobilni timovi za uzimanje brisa za COVID-19 test kod kuće za osobe koje nisu u stanju doći na COVID-19 drive in punktove? Da li je Krizni štab odredio brži i olakšani put za onkološke i sve druge teško oboljele osobe za pristup EZZ kao i prioritetni pristup

testiranju? I ovo je ključno pitanje, i na to apsolutno nije bilo odgovora, ko od članova kriznog štaba jeste u proteklom periodu obišao Podhrastove i utvrdio kakvo je stanje, kakvi su uslovi za bolesnike, kakvi su uslovi za uposlene, te da li se koriste adekvatni kreveti za pacijente koji su na respiratorima? Da li imamo adekvatan promjer cijevi za kiseonik s obzirom na maksimalne minutne protoke koji su potrebni za liječenje? I zašto se nije povećao broj COVID ambulanti? Toliko, zahvaljujem.

Predsjedavajući:

Zahvaljujem uvažena zastupnice Duraković. Kolega Jakupović Vedran.

Poslanik/zastupnik Vedran Jakupović.

Nadam se da me čujete. Zanima me je li dr. Ta koja je dozvolila da tako kažem, dala preporuku za održavanje sjednice Skupštine uživo uz sve ove mjere, samo me zanima da vidim jel to ta osoba koju smo mi naravno prebacili u ovaj dio Online? Konkretno kada je riječ o ovome puno je pitanja iz oblasti porodične medicine. Znamo da je ključ pravovremeno liječenje u ranim fazama bolesti. Pitanje koje sam postavio i ranije na koje je onako malo nemušto odgovoreno, shvatam da je ministrica tek sada došla na dužnost v.d. ministra zdravstva. Tako da vjerovatno nije upoznata detaljno. Znači govorimo o plaćanju lijeka. Ovdje su kolegice Dizdarević i Duraković pomenule već, lijek Favira trenutno košta 300 KM. Puno je niža cijena u Turskoj. On je trenutno moguće ga je naći u apotekama, ali kako ministrica reče on treba da bude korišten u ranim fazama bolesti. Da ga prepisuju ljekari porodične medicine. To jeste po turskom vodiču. To još ide (nerazumljivo) ali pitanje ko će platiti taj lijek? Ja evo ponavljam to je jedna stvar, a druga stvar koji će to baš u Sarajevu ljekar porodične medicine se da kažem usuditi pa ga on sam propisivati bez neke preporuke infektologa? I tu dolazimo do jednog bloka jer infektolozi su uglavnom zauzeti liječenjem težih pacijenata. Dakle govorim o stvarima koje poznajem, govorim o mentalitetu propisivača o onome što je jako bitno, o našim ljekarima porodične medicine. Koliko će oni htjeti da koriste taj lijek s jedne strane sami? A s druge strane koliko će moći građani Kantona Sarajevo da sebi priušte taj lijek bez konkretnog plana nabavke i smanjenja cijene čak i da kažem da ovaj lijek bude besplatan za oboljele u ranoj fazi. I odatle ide ustvari moje najbitnije pitanje. Zanima me definitivno taj način postupanja sa pacijentima u početnoj fazi bolesti. Postavio sam pitanje za call centre, nisam dobio odgovor, postavljam pitanje vezano za mobilne timove, za testiranje. Postavili smo pitanje za dolazak pacijenata, prijevoz pacijenata, dijagnostiku u DZ. Možete proći ispred DZ pa ćete vidjeti kolike su gužve ispred centralnih objekata. Taj dio nije urađen kako treba i taj dio se mora pojednostaviti i za pacijenta i za ljekare, i medicinske sestre i tehničare koji se bave ovom problematikom. Zanima me gdje ima napisan način, neću uopšte da koristim tu riječ, frazi "put pacijenta". Znači kako pacijent koji trenutno je dobio simptome koliko brzo i kako može doći do terapije pravovremeno? Gdje to piše? Hvala.

Predsjedavajući:

Zahvaljujem uvaženi zastupniče Jakupović. Kolega Marić Zvonko ima riječ. Kolega Izvolite.

Poslanik/zastupnik Zvonko Marić.

Zahvaljujem predsjedavajući. Dakle na fonu onoga što je govorio kolega Marjanović vezano za maske. Ja bih postavio pitanje ili svojevrsnu inicijativu prema Kriznom štabu i dr. Bajramović, s obzirom da danas ona predstavlja Krizni štab. Vi znate da sam negdje na početku epidemije ja sam pokrenuo inicijativu koja je usvojena i realizirana, jer je direktor Terović, direktor CZ Kantona Sarajevo, dao na raspolaganje oko 50.000 maski ugroženoj populaciji i najranjivijim kategorijama stanovništva, prevashodno umirovljenicima i penzionerima. Da li s obzirom daje bilo tu i donacija i kasnije je bilo raznih donacija i mislim da u magacinima, barem tako moja informacije govore, ima tih maski, da li može uz jednu svojevrsnu preporuku Kriznog štaba da se pokrene ponovo se realizira ta vrsta pomoći našim

građanima za koje mi evo tvrdimo stalno da ih predstavljamo i itd. Molim vas ako je to moguće i da apeliram evo i na gospođu Nihadu Glamoč da vidi kako je situacija vezano za tu vrstu pomoći koja bi se mogla realizirati u narednom periodu kako bi bili naši građani što sigurniji. I na koncu, postavio bih sljedeće pitanje jer s obzirom kako neko ovdje voli često da se poziva na baze, baza pita pitam se čemu testiranje ako je moj sin šesti dan dobio rezultat. Hvala Bogu simptomi su mu blagi pa mu od ovog zdravstva nakaradnog ne treba pomoć. Ko je sa simptomima težim njemu treba hitna pomoć a ne da čeka šesti dan test. Pazite jednu stvar, da li se to može ubrzati? Zaista na mjestu je ova primjedba ovog našeg građanima. Evo neko je već pomenuo i četiri dana da se čekaju rezultati na briseve itd. dr. Bajramović molim vas, ja jako dobro razumijem šta vi govorite, i vaš rječnik je prilagođen svima onima koji žele da čuju i da razumiju ono što govorite. Možete li da nam odgovorite koji je način da se smanji rok rezultata na testiranje na COVID -19? da li postoje mehanizmi, mogućnost, ili bilo šta ili da Krizni štab utiče na te laboratorije da što prije dostavljaju te rezultate testiranja. Vidjeli smo, interesantno je da u privatnim laboratorijama znatno kraće traje. Zato vas molim da mi odgovorite na ovo pitanje,ustvari da odgovorite svim onim ljudima koji su zainteresirani za ovu vrstu odgovora. Hvala vam.

Predsjedavajući.

Zahvaljujem kolega Mariću. Kolegica Jasmina Bišćević-Tokić.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo, ja imam možda tri četiri pitanja. Na prvo bih htjela da mi odgovori kolegica iz Zavoda za javno zdravstvo, dr. Bajramović. Da li ima informaciju koliko zdravstvenih radnika je oboljelo u Kantonu Sarajevo? I zanima me u kojoj ustanovi je najviše oboljelih zdravstvenih radnika od COVID-19? Jučer je Krizni štab donio odluku o preraspodjeli kadra vezano za primarnu zdravstvenu zaštitu. Pa bih molila da mi neko pojasni kako misle regulisati radno pravni status tih osoba pošto se radi o noćnim satima i noćnim dežurama s obzirom da primarna zdravstvena zaštita ne poznaje u svojim ugovorima takav oblik dežure i ko bi snosio finansiranje? To bih voljela da mi neko iz Ministarstva zdravstva odgovori. Zanima me ko je bio jučer na sastanku u Kriznom štabu a nije član Kriznog štaba? Te bih molila dr. Bajramović da mi ih tačno po imenu i prezimenu kaže ko je sve prisustvovao jučerašnjem sastanku Kriznog štaba. Nešto slično kao što je već kolegica Danijela pitala. S obzirom da je Opća bolnica dobila milion KM iz ZZO a vezano za pravljenje izolatorija. Da li će ZZO potražiti ta novčana sredstva da se vrata jer građani Kantona Sarajevo su svjedoci da ne postoji izolatorij u Općoj bolnici. I također zanima me za CT aparat koji je gdje su odvojena sredstva također ZZO koji je svjedoci smo nije u upotrebi i kada će Vlada Kantona Sarajevo staviti prema Zakonu o zdravstvenoj zaštiti, Opću bolnicu u upotrebu koja bi bila dostupna svim građanima Kantona Sarajevo? Zahvaljujem.

Predsjedavajući:

Zahvaljujem kolegice Bišćević-Tokić. Kolega Vibor Handžić je imao pitanje,izvolite kolega. Zahvaljujem predsjedavajući. S obzirom da se javljam prvi put danas, dobar dan svima. Želim nam ugodnu radnu atmosferu. Dakle imam nekoliko pitanja. S obzirom da smo ovu tačku imali predviđenu ranije, da su bili zahtjevi za hitnu sjednicu samo sa ovom temom. Iskreno da vam kažem očekivao sam jedan ozbiljniji uvod i zaista želim da pitam da li je sve od uvodnog izlaganja što ćemo dobit za današnju sjednicu. Ono što je govorio moj kolega Konaković zaista volio bih da nam neko iz Vlade kaže u kojoj fazi je realizacija Akcionog plana koji je formiran i napravljen na osnovu čini mi se 15 zaključaka Skupštine Kantona Sarajevo sa augustovske radne sjednice Skupštine. Također, da li će nas neko informisati vezano za aktivnosti cjelodnevne vanredne sjednice Vlade i donesene zaključke. Da li se krenulo u realizaciju tih zaključaka? Kakva je generalno situacija vezana za realizaciju tih zaključaka? Interesuje me jedna stvar a vezana je upravo za te zaključke. Da mi neko kaže da li smo zaista morali čekati šesti ili sedmi mjesec pandemije iako su svi stručnjaci relevantni ranije

upozoravali da nas čeka izuzetno teška jesen, da u novembru mjesecu tek nakon što smo već tkao da kažem upali u izuzetno tešku situaciju, tražimo od zdravstvenih ustanova u Kantonu Sarajevo, tek krajem oktobra mjeseca da nam dostave stanje raspoloživog medicinskog kadra u tim ustanovama. Da tražimo informacije od Službe za zapošljavanje koliko oni na Birou imaju medicinskog kadra nezaposlenog. Tek smo ustanovili potrebu da treba da angažujemo dodatni medicinski kadar. Zašto tek sada pravimo protokol vezan za oboljele medicinske radnike od COVID i njihove bliske kontakte itd? I molim kao laiku da mi se pojasni još jedna stvar. Čini mi se da je bio august negdje oko ove naše posljednje hitne sjednice Skupštine kantona i jedna presica Kriznog štaba Ministarstva zdravstva u kojem je istaknuto, tada smo imali jedno povećanje broja oboljelih da smo mi u Kantonu Sarajevo dostigli peek ili vrhunac pandemije sa čini mi se 60 ili 70 oboljelih dnevno. A danas, dva mjeseca poslije imamo 300 oboljelih dnevno u Kantonu Sarajevo. Pa molim da mi se to pojasni, šta se to dogodilo u međuvremenu i da li su te procjene bile relevantne? Evo toliko za sada zahvaljujem.

Predsjedavajući.

Zahvaljujem dopredsjedavajući Handžiću. Zastupnica Arijana Memić. Izvolite, imate riječ.

Poslanik/zastupnik Arijana Memić:

Zahvaljujem predsjedavajući. Obzirom da se prvi put javljam, koristim priliku da pozdravim sve prisutne i gledaoce kraj malih ekrana. Ja imam jedno pitanje. Da li je istina da na Podhrastovima postoje problem s dotokom kisika za bolesnike? Imali smo priliku čitati u medijima da se firma koja se bavi održavanjem i kontrolom kisika oglasila te iznijela neke zabrinjavajuće podatke. Zanima me da li je iko provjerio te informacije? Hvala.

Predsjedavajući.

Zahvaljujem. Kolegica dopredsjedavajuća Smiljana Viteškić.

Dopredsjedavajuća Smiljana Viteškić.

Zahvaljujem predsjedavajući. Pošto se prvi put javljam, pozdravljam sve koji prate naš rad. Ja imam nekoliko pitanja. Prvo je predsjedavajući upućeno nama svima zašto nemamo mišljenje radnog tijela Skupštine Kantona Sarajevo Komisije za zaštitu javnog zdravlja, sanitarnu zaštitu i zaštitu stanovništva koja se nije sastala od početka epidemije, pandemije, evo kako ćemo to nazvati. Znam to sigurno jer sam članica te komisije od kada sam članica ona se nije sastala. A bilo bi nam korisno da imamo njeno mišljenje. Drugo pitanje je da li je planirana izmjena normativa kadra infektologa, sanitarnih inženjera, sanitarnih tehničara i drugog kadra u smislu potreba bolničkih kapaciteta i kapaciteta DZ I HMP? Da li postoji propisana kvadratura za izolatorij? Koji je kapacitet izolatorija u odnosu na broj stanovnika Kantona Sarajevo? I da li je propisana posebna oprema koju trebaju imati COVID ambulante pri DZ? Toliko za sada, hvala.

Predsjedavajući:

Zahvaljujem uvažena dopredsjedavajuća Smiljana Viteškić. Kolega Nikšić Damir. Ja se Izvinjavam imali smo kolegice Bilsena Šahman, ja se Izvinjavam nisam vidio. Zahvaljujem sekretaru. Kolegice Šahman da li ste vi spremni?

Poslanik/zastupnik Bilsena Šahman:

Jesam. Hvala predsjedavajući. Pozdravljam sve kolege. Pozdravljam sve koji prate naš rad. Ja imam par pitanja i nešto što bi možda ostavila za diskusiju ali ću reći da preduhitrim i doktoricu i v.d. ministricu kojoj se zahvaljujem da je prihvatila uopšte da radi ovaj posao. Kolegica, odnosno dr. Bajramović je rekla da nisu dozvolili da se u svim općinama se otvore COVID ambulante? Ko to nije dozvolio? Zašto imamo samo COVID ambulante zajedno Novo Sarajevo sa Novim Gradom, Centar sa Starim Gradom, i Ilidža sa Hadžićima? Zašto je nemoguće otvoriti COVID ambulantu u svakoj opštini u svakom DZ kada imamo ljekare koji

već rade u ŽGP, Medicini rada, MUP, Studentskoj poliklinici, koji rade samo prvu smjenu i koji ne rade za vikend. A naši doktori se u DZ odnosno u COVID ambulantom slamažu od posla. I mislim da ili tamo otvoriti još dodatne punktove ili te kolege preraspodijeliti ovamo. A sada da stavimo pošto je ovakva situacija da stavimo po strani sve te prepreke pravne koje bi onemogućile rad dodatni našim ljekarima u drugoj smjeni. Interesuje me još ko diktira Kriznom štabu koliko uzoraka tj koliko testova smije da se dostavi u KC jer imamo situaciju da su neki brisevi stajali četiri pet dana i da su 28.10. uzeto bilo 200 briseva koji su stajali. Ljudi su zvali danima, čekali, radili privatno briseve i nekima se i zdravstveno stanje jako pogoršalo za to vrijeme. E sada oko lijeka o kojem smo pričali. Favipiravir je lijek koji je izuzetno hepatoksičan i nefrotoksičan i koji se ne može koristiti masovno, kako je neko rekao tu, i njega ne može prepisati dr porodične medicine već mora imati preporuku infektologa, pulmologa ili interniste. I mora se prije toga uraditi CT ili RTG nalaz da bi se on uključio. Tako da sa njim treba biti pažljiv. On jeste pokazao dobre rezultate ali ne još tako sigurne za ostale stvari. Da ne trčimo sa tim, i da u apotekama ga tačno ima i uzima se isključivo na recept a ne u slobodno prodaji. To govorim više zbog javnosti nego zbog vas. Molim da mi odgovorite i da kažete šta je dokle ste stigli sa ovom preraspodjelom koju ste najavili i šta je do sada čekalo, jer već sada imamo situaciju da ljudi čekaju po četiri pet sati na test i ne dočekaju? Zahvaljujem.

Predsjedavajući:

Zahvaljujem uvažena zastupnice Šahman. Kolega Nikšić Damir je sljedeći zastupnik za pitanja.

Poslanik/zastupnik Damir Nikšić:

Zahvaljujem. Ja sam dobio neku informaciju od novinara da je u jednom danu, malte ne u par minuta u Podhrastovima umrlo četiri pacijenta zbog nefunkcionisanja kisika ili te opreme. Ja bih volio da znam, pošto su novinari zvali Vladu i članove Vlade i v.d. premijera ali nisu dobili nikakve odgovore. Možemo li dobiti odgovor odnosno možemo li znate je li ovo "fejk njuz" ili je stvarno bio slučaj? Da li neko iz Vlade zna da li je istražio taj slučaj i da li im je poznat taj slučaj? Hvala vam.

Predsjedavajući:

Zahvaljujem uvaženi zastupniče Nikšiću. Kolega Milavica Sead je imao pitanje. Kolega Milavica Izvolite.

Poslanik/zastupnik Sead Milavica:

Zahvaljujem predsjedavajući. Imam jedno pitanje. S obzirom na Odluku Kriznog štaba FBiH da se do daljnjeg obustavi hladni program u svim zdravstvenim ustanovama. Moje pitanje je da li je Krizni štab Kantona Sarajevo uputio bilo kakav plan ili instrukciju kada je u pitanju zbrinjavanje pacijenata koji ulaze u tzv platni hladni program? Hvala.

Predsjedavajući.

Zahvaljujem uvaženi zastupniče Milavica. Ima li još neko od zastupnika da bi se prijavio? Kolega Marić traži pauzu.- kolega Mariću izvolite, imate riječ. Ako tražite pauzu od pola sata dajem bez obrazloženja, a ako tražite veću pauzu moramo tražiti da se izjasni Skupština Kantona Sarajevo.

Poslanik/zastupnik Zvonko Marić.

Zahvaljujem predsjedavajući. Ja tražim pola sata jer siguran sam da bi izbjegli onu situaciju nezadovoljstvo odgovorima i da se ne odgovori na neka pitanja. Sasvim sigurno za ova pitanja ako želimo biti zadovoljni neophodno je da se konsultiraju članovi Vlade i Kriznog štaba i da nam daju adekvatne odgovore i onda mislim da ćemo skratiti i raspravu itd. Međutim evo pošto je sada već 14,45. možda ako vi želite ili zastupnici da ujedno spojimo

ovu pauzu sa pauzom za ručak. Pa ako vi smatrate da je možda prigodno i prikladan trenutak da se izjasnimo za dužu od pola sata.

Predsjedavajući:

Zahvaljujem. Naravno evo i to će biti prijedlog moj. Ja ću zamoliti sekretara da napravi anketu da se zastupnici izjasne za pauzu od sat vremena. A dat ću riječ uvaženoj zastupnici Bešliji Vildani kako bi mogla postaviti pitanje.

Poslanik/zastupnik Vildana Bešlija.

Hvala vam. Samo sam htjela još da bi imala kompletnu sliku s obzirom da se pravi i ta pauza. Interesuje me da li bi mogli dobiti informacije da li su napravljene procjene dnevnih potreba spram toga koliko je angažovano privatnih laboratorija. Znamo da je to prije par dana urađeno. Koliki su kapaciteti angažovanih? Da li će se ustvari moći zadovoljiti dnevne potrebe jer smo, evo već čuli i više pitanja i znamo i sami da obrada testova traje sve duže i duže. Bila je nekada dva, pa četiri, pa evo i šest dana. Znači, ako može i ovo da se pripremi. Hvala.

Predsjedavajući:

Zahvaljujem uvažena zastupnice Bešlija. Molim sekretara da napravi anketu kako bi se izjasni za pauzu od sat vremena. Zastupnike molim da glasaju. Molim zastupnike da glasaju u Viber grupi kako bi mogli. Zaključujem glasanje. Pauza pola sata obzirom da nismo izglasali pauzu za ručak. Sada je 14,50. Nastavljamo u 15,20.

NASTAVAK NAKON PAUZE

Predsjedavajući:

Evo za minutu, dvije možemo da krenemo s nastavkom, samo da javimo TVSA, odnosno da oni nama jave da su spremni. Nastavljamo sa radom, sjednica Skupštine Kantona Sarajevo 30. Radna sjednica. Na tački smo 2. a to je:

INFORMACIJA O AKTUELNOJ EPIDEMIOLOŠKOJ SLICI U KANTONU SARAJEVO

Zastupnici su postavili pitanja. Molim nekoga od članova Vlade ili Kriznog štaba da krenu s odgovorima na postavljena pitanja. Ako su spremni, izvolite premijeru.

v.d. premijera Anis Krivić:

Hvala predsjedavajući. Poštovani predsjedavajući, gospodo zamjenici, uvažene zastupnice i zastupnici, prije svega hvala vam na vrlo konstruktivnoj raspravi kojoj smo svjedočili danas, pitanjima. Vaše izjave bile su više nego ciljane i konstruktivne. Neki od vas kao prethodno pitanje zatražili ste informaciju ko je prisutan danas ovdje s nama, tj ko će odgovarati na postavljena pitanja. U tom smislu sam se uvodno javio da vas obavijestim da su prisutni svi članovi Vlade Kantona Sarajevo koji su inače na radnom mjestu, tj, koji nisu na bolovanju, v.d. ministrica zdravstva Jasna Agić, v.d. predsjednica Kriznog štaba Ministarstva zdravstva dr. Bajramović, predstavnici državni službenici Ministarstva zdravstva, odnosno gospođa Amra Isić, sekretarka Ministarstva. Kada sam se već javio za ovu uvodnu riječ, zamolio bih samo za jednu minutu pažnje. Naime, kao vršitelj dužnosti premijera Kantona Sarajevo ovih par dana sam ustvari shvatio koliko je ovo odgovorna pozicija i bez obzira što imam stalnu podršku premijera i svih članova Vlade, osjećam se u oblasti zdravstva poprilično limitirano u predlaganju odgovarajućih koraka i mjera u upravljanju ovom krizom. Želio bih vas zamoliti da se danas pažnja svih nas skupa usmjeri pored ostalog i da pokušamo riješiti i ovo pitanje izbora ministra zdravstva Kantona Sarajevo. Podsjetit ću vas da sam za v.d. nakon usaglašavanja sa našim premijerom Nenadićem, imenovao kolegicu Jasnu Agić koja je i diplomirani ekonomista. U ovakvim uslovima inače da imamo ministra zdravstva koji je

ekonomista je vjerovatno jedinstven primjer, odnosno da totalno je neprirodno i svakako ad hock rješenje koje je premijer morao primijeniti prije ovog imenovanja. Bilo je isto tako vrlo slično. Tj za v.d. dužnost ministra zdravstva imenovao je gospodina Draška Jeličića, također ekonomistu. Posebno se ovo pitanje zakompliciralo jer su brojna pitanja iz nadležnosti Ministarstva zdravstva jednostavno stajalo, sve je bilo zaustavljeno od imenovanja novog šefa Kriznog štaba do nabavke medicinske zaštitne opreme do imenovanja upravljačkih struktura zdravstvenih ustanova, isplata naknada, plata zdravstvenim radnicima u Ministarstvu itd. U jednoj takvoj situaciji, svjesni da ćemo sve teže dobiti novu ministricu, posebno u uvjetima da je promijenjena skupštinska većina koja je najavila izglasavanje nepovjerenja postojećoj Vladi, premijer i ja smo razgovarali sa svim članovima Vlade. Ovu odgovornu dužnost prihvatila je jedino ministrica Agić koja je pokazala veliku odgovornost pa i hrabrost da u ovakvim uslovima preuzme ovaj resor, i otkoči brojne procese koji su bili zaustavljeni. Njoj se ovim putem zahvaljujem. A naše uvažene zastupnike molim za razumijevanje. Mi smo pripremili odgovore na pitanja koja su postavljena. Ovoliko broj pitanja i sam karakter ovih pitanja možda i najbolje održavaju potrebu za održavanjem tematske sjednice. Možda najbolje pokazuju koliko pitanja stoji u zraku. Ne mislim da nemamo odgovore. Imamo veliki broj odgovora na ova pitanja. S tim da određeni broj pitanja se ne odnosi na članove koji su danas ovdje prisutni. Mi smo odgovore pripremili i ja se iskreno nadam da će zastupnici biti zadovoljni ovim odgovorima budući da su jedini mogući, odnosno istiniti. Sada pozivam v.d. ministricu zdravstva, Jasnu Agić da počne sa odgovaranjem na pitanja.

Predsjedavajući:

Zahvaljujem ministre Kriviću. Evo dok čekamo ministricu Agić. Izvolite ministrice.

v.d. ministrica zdravstva Jasna Agić:

Zahvaljujem predsjedavajući. Imali smo veliki broj pitanja. Možda neće biti odgovorena redom, nemojte mi zamjeriti ali evo, potrudit ću se dio pitanja ću odgovoriti, na dio će dr. Bajramović. Znači mali smo pitanja uvaženih zastupnika za smanjenje tranše KC, što smo već odgovarali Jasni Duraković, zastupnici uvaženoj. Evo ja ću ponoviti. Znači novac se zdravstvenim ustanovama prema važećim propisima raspodjeljuje prema broju zaposlenih, a ne prema broju pruženih usluga, te da bi smo uspjeli smanjiti tranše KC, ukoliko smatrate da je to neophodno, potrebno je donijeti novu Odluku o kriterijima i mjerilima za ugovaranje. Dalje pitanje je bilo o izvršenoj inspekciji od strane FUIP. Federalni inspektori su jučer izašli na teren u KC da izvrše inspeksijske provedbe federalnih naredbi kriznog štaba ministra Mandića. Jutros smo obaviješteni da inspeksijski nadzor nije završen i da se nastavlja i tokom današnjeg dana. Čim dobijemo nalaz federalne inspekcije javnost će biti upoznata, kao što smo upoznali i sa nalazom Kantonalne inspekcije o nadzoru koji je izvršen u Opštoj bolnici. Pitanje je bilo o kapacitetima testiranja sada kada su i privatna laboratorije uključene u to. Kapacitet dnevnog testiranja KC je 450 testova, po privatnom laboratoriju dnevni kapaciteti su 250 testova. Što znači da smo sa četiri privatne laboratorije sa kojima su zaključeni ugovori dnevni kapaciteti povećani za hiljadu testova. Dalje pitanja su bila oko nabavke antivirusa. Troškovi nabavke 2000 kutije antivirusa padaju na teret ZZO, nabavka je provedena u saradnji sa UNDP. I antivirusi će stići u narednoj sedmici. Nadalje, naglašavam da je rečeno da će se oni uključivati primarnoj zdravstvenoj zaštiti. Njih neće uključivati doktori opšte prakse nego pulmolozi koji također rade u primarnoj zdravstvenoj zaštiti. Što se tiče call centara i povećanja broja ljudi koji će raditi u njima, Vlada Kantona Sarajevo ima jedino na raspolaganju angažovanje kadra putem Službe za zapošljavanje. Za što je neophodno usvajanje Rebalansa budžeta Službe za zapošljavanje, koje je danas na dnevnom redu i usmjeravanje novca u aktivne politike zapošljavanja. Naredno pitanje je bilo od uvaženog zastupnika Milavice. Što se tiče obustave hladnog programa koji je spominjao uvaženi zastupnik Milavica, Ministarstvo zdravstva će na prijedlog Kriznog štaba Ministarstva zdravstva Kantona Sarajevo pripremiti i donijeti naredbu koja će biti u skladu sa

federalnom naredbom, tj. naredbom Kriznog štaba Ministarstva zdravstva FBiH. Cijenjeni zastupnik Konaković je postavio pitanje o provedbi Akcionog plana koji je donesen na osnovu zaključaka usvojenih od strane zastupnika u Skupštini Kantona Sarajevo. Šest zdravstvenih ustanova je dostavilo izvještaje o provedbi Akcionog plana. A šest zdravstvenih ustanova isto nije bilo u mogućnosti dostaviti radi nemogućnosti funkcioniranja upravljačkih i rukovodnih struktura. Radi toga mi još jednom apelujemo na Skupštinu Kantona Sarajevo da se dozvoli uspostavljanje ovih struktura. Čim se uspostave upravljačke strukture još 6 zdravstvenih ustanova dostavit će izvještaje. Ministarstvo će iste objediniti i dostaviti zastupnicima. Naredno pitanje medicinsko osoblje koje nedostaje u DZ kako je to navela uvažena zastupnica Viteškić. Također bit će angažovano putem Službe za zapošljavanje, odmah po usvajanju Rebalansa Službe. Hvala vam.

Predsjedavajući:

Zahvaljujem uvažena ministrice. Doktorica Bajramović pretpostavljam.

v.d. šef kriznog štaba Ministarstva zdravstva Kantona Sarajevo dr. Anisa Bajramović:

Ovako, zapisivala sam pitanja. Pa evo pokušat ću da odgovorim onoliko koliko ja mogu. Što se tiče pitanja nošenja maski u ugostiteljskim objektima pošto je dozvoljeno da se u ugostiteljskim objektima skinu maske za vrijeme konzumacije hrane i pića, ali pod uslovom da se ispoštuju sve preporuke koje je napisao Federalni Zavod za javno zdravstvo. To znači da između ivice dva stola bude 2 m, i da razmak između dvije osobe za jednim stolom bude 1 m. znači za jednim stolom ne mogu sjediti više od 2 osobe. Gdje god vidite da sjede tri ili četiri osobe, to je neispravno i samim tim sve je neispravno. U objektu ne može biti više od 30 ljudi, u trenutnoj naredbi. Tako da ukoliko se ne obezbijedi između dva stola dva metra, onda tu uslovi nisu ispunjeni za pridržavanje higijensko epidemioloških mjera. Što se tiče vakcine za gripu. Vakcina za gripu će stići sredinom novembra. To sam ja maloprije kada sam izlagala rekla i rekla sam da radimo taj sentinel nad gripom. Mi još od 40 sedmice, ovo je sada 44 sedmica, ušli smo u 45 ja mislim, ni jedan uzorak nije pozitivan na gripu. Tkao da trenutno gripe nema. A inače gripa je krenula na južnoj hemisferi prije sjeverne, tako da podaci kojima ja raspolazem, da aktivnost gripe na južnoj hemisferi je niska, a sve zahvaljujući nošenju maske. Tako da ove mjere koje primjenjujemo za sprečavanje COVID su isto uspješnije za sprečavanje gripe tako da ne bi trebalo da bude ni previše širenja gripe ukoliko se budu poštivale ove mjere nošenja maske, držanja distanci i pranja ruku. Jer to su iste mjere koje se primjenjuju za gripu i za COVID. Vakcina za gripu je inače propisana Pravilnikom o imunizacijama, gdje ona nije obavezna ali je preporučena i stoje tamo rizične grupe koje su predviđene za primanje vakcine protiv gripe, a to su starije osobe od 65 godina, osobe sa hroničnim respiratornim oboljenjima, osobe kardio-vaskularnim oboljenjima, sa imunološkim problemima, karcinomima i naravno da su tu uključene po Svjetskoj zdravstvenoj na prvom mjestu su trudnice. Njima se preporučuje pošto je to prava mrtva vakcina tako da nema kontraindikacija i mogu djeca od 6 mjeseci i naviše da primaju vakcinu. Ali u ovoj situaciji kada ćemo imati 9400 vakcina koje naručio ZZO, nabavka je završena, samo se čeka isporuka. Za BIH imam saznanja da je farmaceutska kuća, (nerazumljivo) koji zastupa farmaceutsku kuću koji su prošli na tenderu za izbor vakcine, je obezbijedila trenutno 18000 doza za čitavu BIH. Nije bilo pravog zagovarača za vakcine što se tiče komercijale. Ta firma koja isporučuje vakcine ona će ispoštovati sve nabavke javne koje su izvršene u RS i FBiH. Tako da to nije regulisano. Rekla sam isto da smo podnijeli zahtjev Ministarstvu zdravstva za nabavku vakcina za populaciju stariju od 65 godina sa procjenom da u Sarajevu ima preko 10% stanovnika koji imaju preko 65 godina. Znači bilo bi nam neophodno 42000 vakcina da bi smo pokrili tu populaciju. Nismo dobili odgovor od Ministarstva zdravstva što se tiče vanredne nabavke vakcina protiv gripe koja bi bila namjena za ovu populaciju koja je starija od 65 godina. Naravno za zdravstvene radnike na prvom mjestu. U Zaključcima koje smo donijeli, odnosno preporukama kada smo za Vladu pripremali naših 15 zaključaka bilo je da se za svaki DZ, za svaku opštinu nabavi po jedno sanitetsko vozilo, to je 9 vozila. Ti DZ oni

su deficitarni što se tiče sanitetskih vozila. Sada odgovaram u ime DZ jer znam kakva je situacija. Oni nemaju te automobile, nemaju sanitetska vozila, oni imaju jedno eventualno dva i oni kada treba da organizuju testiranje, to su tzv H timovi koji odlaze da testiraju ljude u kućnim uslovima koji nemaju mogućnost da dođu do COVID centara, odnosno drive in testiranja, tako da tu je stvarno i to je za DZ veliki problem jer se valja organizirati za jednu opštinu da imaš samo na raspolaganju jedno ili dva auta, to je mali kapacitet, tako da mi smo ponovo zahtijevali iz Kriznog štaba prema Ministarstvu da se nabave ta sanitetska vozila da se može odlaziti na testiranje u tim kućnim uslovima. Mada se stvarno iz DZ potrude da se i to organizira jer eto hvala bogu pa se testiranje može obaviti između petog i sedmog dana, tako da u ta tri dana kada padne testiranje oni nađu neki termin uglavnom. Samo valja telefonom dobiti te ambulante. Što se tiče socijalnih ustanova. Zavod za javno zdravstvo je napravio protokol testiranja za te uposlenike koji rade u socijalnim ustanovama, a koji rade sa tim šticienicima, pogotovo sa starijom populacijom, da se testiraju jednom mjesečno kao skrining i hvala bogu evo novembra mjesec je krenuo još uvijek nismo imali ni jedno žarište ni u jednom tom gerontološkom centru. Zahvaljujući tim mjerama koje oni stvarno primjenjuju na način na koji smo mi to propisali. Na početku smo imali, dok su se uhodali, imali smo češće te kontakte. Sad asu oni naučili pravila kako se treba ispravno ponašati, tako da stvarno poštuju te naše preporuke da se testiraju jednom mjesečno. E sada, opet je do DZ, i do dogovora sa socijalnom ustanovom da li će se dogovoriti da na jedno mjesto dolaze ti uposlenici tih socijalnih ustanova u grupama po pet, deset jer se ne može zbog tih ograničenih njihovih kapaciteta koje moraju u toku dana da testiraju oboljele ljude, KC prima 450 uzoraka dnevno iz Kanton Sarajevo. Ostatak se stavlja u frižidere. Evo sada su se pokrenule privatne laboratorije koje će taj ostatak testirati, jer KC ima isto uzorke koje uzima iz FBiH. Njima dostavlja Goražde, Bihać, ne znam tačno još koji kantoni. Oni te uzorke njihove testiraju, tako da ja ne znam na kraju koliki je kapacitet KC. Što se tiče Kantona Sarajevo je 450 uzoraka. Olakšani put za onkološke pacijente to je opet stvar dogovora ljekara porodične medicine i tih pacijenata. Oni vode te pacijente, oni stvarno gledaju da im se izađe u susret. I ja sam mala par prilika da pomognem tim osobama da se završi test u roku od 24 sata da bi mogli da obave svoju onkološku terapiju. Čak smo imali i pozitivne onkološke bez ikakvih simptoma gdje smo testirali te ljude još dva puta za redom, jer u određenim situacijama kada niko od ukućana nema simptome, niti ta osoba koja je testirana a pozitivna imamo pravo da za takve pacijente kojima je neophodna terapija ili operativni zahtjev lično ja napišem mišljenje, nakon dva negativna testa i poslije 48 sati da ta osoba nije zarazna i da može da primi terapiju i da bude operisana u slučaju potrebe. Da li je neko od članova Kriznog štaba išao u obilazak izolatorija. dr. Alma Kadić je potpisala onu naredbu o održavanju sjednica Skupštine. Ja sam doktorica Anisa Bajramović. Samo na osnovu te naredbe napisali iz Zavoda za javno zdravstvo preporuke na koji način da se napravi distanca, koji razmak i u kojim uslovima. Mi smo dali mjere iz Zavoda za javno zdravstvo. Što se tiče ovog da li CZ može donirati maske. To ćemo mi iznijeti kao pitanje na jednoj od naših sljedećih sjednica Kriznog štaba. Da vidimo šta se tu može uraditi jer ima tih donacija. Ali uglavnom se sva ta oprema čuva za zdravstvene radnike, ali ukoliko se može pronaći što da ne da se tim građanima koji ne mogu sebi da priušte maske da se podijeli u skladu sa tim, sa tom praksom na početku koja je bila. Testiranje uvaženi zastupnik Zvonko Marić. Čemu testiranje ako dobije nalaz šesti dan. Ovako, mi imamo situaciju i preporuke da osoba koja dobije simptome danas, danas mora ostatu kući odmah. Ne izlazi se više iz kuće, niti se ide na posao, nit se vode djeca u vrtić. Osoba koja dobije simptome u jednoj porodici, i svi članovi njene porodice od danas odmah ostaju svi u tzv izolaciji. Ta osoba koja ima simptome će sačekati peti dan, testirat će se. U vremenima kada je bilo manje uzoraka KC sve što dobije uzorke u toku dana svih 450 oni budu gotovi u roku od 24 sata. Znači onog momenta kada oni uzorke u KC na mikrobiologiji, svi testovi u roku 24 sata budu gotovi. Sada je druga tvar što se ti uzorci drže u frižiderima pa čekaju svoj red da se testiraju. Zato su neke osobe do sada čekale po četiri dana. I kada pacijent dobije nalaz šesti dan, prvo da vam samo to pojasnim da testiranje nije lijek i neće pomoći pacijentu u njegovom nastavku da li će se pogoršati klinička slika ili će se simptomi

povući. Tako da ja ponavljam ponovo onu priču s početka. Nama je sada najbitnija klinička slika, test će doći kad tad. Ukoliko pacijent koji nije dočekaо nalaz svog PCR dobije pogoršanje simptoma, dobije otežano disanje, dobije kratak dah, ne može, zamara se dok hoda, ima puno proljevastih stolica, on će se odmah spremiti i otići u COVID ambulantu da se tamo uradi RTG pluća, laboratorija, da se odredi gdje će se smjestiti i tamo će onda na licu mjesta u bolnici se uraditi antigenski brzi test i dobit će rezultat za 15 minuta. Ako je hitno. Jel me razumijete. Taj test u kućnim uslovima, pogotovo kod osoba koji imaju blage simptome, oni svakako nemaju ni gdje otići. Oni su u izolaciji, njihovo je da budu kući 14 dana u slučaju da sve ide svojim tokom, normalnim. U slučaju pogoršanja, imamo put pacijenta. Što se tiče organizacije ovih COVID centara i ambulanti na svim lokalitetima opština, to bi bila najbolja verzija. Isto jedan od zahtjeva koji je uputio Krizni štab prema Vladi je bio da se kupe dva RTG aparata. Te su potrebe izrazili članovi Kriznog štaba DZ. Sada ja ne znam tačno da li oni za svaki DZ bi imali sa ta dva RTG aparata da li mi mogli da popune u svakoj opštini. Imamo devet DZ, da li bi to značilo da bi imali devet punktova. To će vam dati odgovor direktor DZ. Koliko je zdravstvenih radnika u Kantonu Sarajevo pozitivno. Ja znam podatak neki dan je direktor iznio podatak da je u DZ 60 osoba COVID pozitivno. Skoro je bio podatak da je u KC ukupno 200 oboljelih od početka ne znam trenutno u ovoj fazi koliko imaju. Odnosno Zavodu za javno zdravstvo trenutno 8 uposlenika je u izolaciji, neki su pozitivni, neki čekaju rezultate. Na ovoj posljednjoj sjednici Kriznog štaba koju smo imali jučer postavila je uvažena zastupnica Tokić pitanje ko je bio prisutan. Prisutni su bili: Adem Zalihić, Muhamed Ahmić, Milan Mioković, Ja Anisa Bajramović, Refet Gojak umjesto Rusmira Baljića, Anis Krivić, Jasna Agić, Amra Isić, Ednan Drljević, Ismet Gavrankapetanović, Sakib Katana, Alen Katović, Amra Junuzović-Kaljić, Kemal Beganović i Izet Smajić. Od ovih ovih nabrojanih, to su sve članovi Kriznog štaba, Refet Gojak je poslat kao zamjena ispred KC, a prof dr. Ismet Gavrankapetanović je došao sa Ednanom Drljevićem infektologom koji nije član Kriznog štaba. Što se tiče Federalne naredbe koja je zadnjom naredbom 25.10. propisala da se hladni programi u zdravstvenim ustanovama obustavljaju oni nalažu Kantonalnom kriznom štabu da donesu naredbu kojom će da naloži zdravstvenim ustanovama da obustavu hladnog programa. Moj jedini prijedlog je da kada napravimo tu naredbu da možda se iz Ministarstva zdravstva napravi jedan uz to kao obrazloženje neko kojim bi se možda nabrojali koji su to hladni programi koje bi trebalo u narednih mjesec dana dok ne dođe do smanjenja broja oboljelih šta bi to podrazumijevalo. To je neko od rješenja da bi zdravstveni radnici znali da postupaju šta bi obustavili u narednom periodu. Eto to je to. Hvala.

Predsjedavajući.

Zahvaljujem uvažena dr. Bajramović. Molim vas samo da isključite mikrofون. Otvaram raspravu. Prvi za raspravu se javio zastupnik Konaković Elmedin. Kolega Konakoviću imate riječ, izvolite.

Poslanik/zastupnik Elmedin Konaković.

Hvala vam predsjedavajući. Krenut ću od ovoga što vi stalno sebi tražite kao alibi. Ne postojanje upravljačkih struktura, čak kako ovdje kažete ne možete dostaviti običnu informaciju o provedbi Akcionog plana jer nemate upravljačke strukture i apelujete da se to što prije otkoči, jer to je bože dragi najveći problem Kantona Sarajevo, niste imenovali UO I NO. A podsjećam vas da ste te ljude brutalno bez razmatranja njihovih izvještaja posmjernjivali. Nelegalno i nezakonito. Pa imate izvršne sudske presude koje ne poštuјete i vi sad ako fol kukate neko vam kriv što nemate upravljačke strukture. Da niste bili takvi kakvi ste , pola vam se ovih stvari siguran sam ne bi dozvolilo. Podsjećam vas na početak rada ove Vlade. Ima snimak kada sam vas pitao je li moguće da ne smijete ni jedno slovo u Ekspozeu napisati koje ni jednu riječ ili rečenicu u kojoj piše KCUS. Da nam kažete šta je plan i program i šta ćete tamo raditi. Naravno da je moguće. Kada vi ne smijete ništa nego šta vam iz KC kažu. Dakle tada sam to tvrdio i evo danas nisam sretan što se većina onoga što sam

govorio kod vašeg imenovanja obistinilo i što ste se vi pokazali zaista takvim kako smo vas mi najavili. Nisam naravno sretan ni zbog večere na koju niste došli kada sam rekao ako imenujte Šanku, vodim vas na večeru jer sam znao kakav ćete cirkus napraviti u zdravstvu. Ali nisam znao na žalost da će biti korona i da će biti u pitanju ljudski životi. To nisam znao i možda mi je danas djelimično zbog toga žao. Mislio sam da će to proći u miru da ćete vi samo pokazati svoju nesposobnost. Podsjetit ću vas koliko sam se bunio i pokušao apelovati na vas. Pa izdejstvovali smo zaključak Skupštine po kojem vam je naloženo da napravite reviziju Esencijalne liste i lista A i B lijekova. Ne da trošite novih 7 miliona nego da taj novac ostavite za potrebe zdravstvenog sistema i zdravstvenih radnika. Izigrali ste to. Ismijali ste se. Imate dole taj UO koji nije reagovao uopšte i nije ispoštovao Zaključak Skupštine Kantona Sarajevo. Imate Akcioni plan koji je korektno napisala Vlada Kantona Sarajevo ali na osnovu rasprave i zaključaka skupštinskih zastupnika i koji danas ja sam pročitao, vidio sam, ne trebate vi nama slati šta su oni vama rekli. Niste uradili ništa od tačaka koje su vam bile naložene od strane Skupštine zato što vi kao Vlada ne možete ništa uraditi, jer vi ste Vlada koja ne vlada. Vi ste Vlada koja sluša šta da radi šta joj se kaže. Brutalno, prestrašno, tužno, ružno je danas ogoljena ta cijela slika u kojoj ministar Kapidžić kaže: „eee, mi iz SDA ne bi da sada preuzmemo Ministarstvo zdravstva. Ne, ne, ne to su zakuhali DF i SBB, nek oni sada to vade”. Imate na onom Faktoru piše od riječi do riječi da je tako rekao ministar Kapidžić. Zna li vi ljudi da je pandemija? Zna li vi da ljudi umiru? Zna li vi da su ljudi (nestao snimak). Mogli smo mi, ali nećemo. Mi puno radimo, neće SDA, to su zakuhali DF i SBB. Dakle to je ono što ja govorim, vi ste se zaista urušili sami. I zdravstveni sistem zbog toga trpi. Naši časni, poštteni i dobri ljekari, izloženi svim vrstama pritisaka ne znaju šta da rade kada dođu na posao jer niste uradili ni jednu ozbiljnu stvar. Famosni put pacijenta nikada nije preciziran ni definisan. Šanko kaže:” Imaju dva, tri. Eto tri su čak u optičaju, vidjet ćete vi. Sada ćemo mi to brzo povezati”. Naravno toga nema zato što se vi ne možete baviti s ovim poslom, vi imate druge prioritete. Nije vam bio prioritet zdravstveni sistem. Šta je protokol liječenja? Šta radite?* pogledajte kako sada ova gospođa Bajramović govori, šesti dan ćete vi testirati pacijenta. Zna li vi da je meni šesti dan, jer pet dana nisam znao da imam koronu, došlo do zapaljenja oba plućna krila? A znate li da bih ja puno bolje prošao da sam imao prvi dan test i da sam znao šta da radim i da uzmem taj famosni Sumamed. Pa da uzmem drugi antibiotik kao prevenciju za moguću bakterijsku infekciju. Pa da uzmem potrebne vitamine. Zna li vi koliko ljudi prolazi kroz ono što smo mi prošli. I opet se vraćam na pojedinca, vrhunskog ljekara u sistemu do kojeg ja mogu doći. A šta sa onima koji ne mogu doći? Ova sjednica izaziva toliko pažnje da ljudi ponovo pišu. Piše mi žena čije dvije komšinice leže kući, nema ko da ih preveze u bolnicu za hospitalizaciju su. Dobila je COVID ambulantu, imam ovdje njeno ime i prezime, gleda ona sada sigurno. I rekli su joj prebacite nekako te ljude sami. Dvije starije žene, jedna '37 , jedna '58. I sada mi javlja našli su komšiju da ih odveze. Jel čujete vi kakav je to zdravstveni sistem Kapidžiću? Nećemo mi, vi to sredite. Vi to ne živite. Vi to ne osjećate uopšte. Ne postoji protokol liječenja koji u svim zemljama normalnim. Pa evo u Turskoj od koje prepisujete. Pogledajte šta ti ljudi odmah rade kod prvih simptoma. Pogledajte protokol liječenja kod pacijenata onog trena kada bude testiran i kada bude pozitivan. Danas uključujete privatne zdravstvene ustanove. Zna li vi kada vam je to Marjanović govorio? Kada su to kolege iz struke. Pogledajte njihove nastupe na televizijama. Kumili molili ljudi. Zna li vi da je to prevencija? Zna li kada PCR otkrijete tog što nema izražene simptome da on ne hoda, da on ne šeta, da ne širi zarazu. Jel moguće da to ne razumijete. Moguće je, jer vi koji treba da razumijete ste po kućama, zaključali ste. Pobjegli ste. Neki opravdano, imate simptome. Prepustili se sistem samom sebi i zavisi od lutrije, od dobrog ljekara do kog mi možemo doći ili neko koji ne zna. Onaj jedan što je pisao na Klixu je bilo, uzmite pileću supu i bibera malo više i liječite koronu. Ljudi, bolest od koje je oboljelo 10% populacije svjetske, kako kažu ljudi iz Svjetske zdravstvene organizacije. Milion mrtvih. Dakle to nije pileća supa i to je sistemsko, moralo je biti sistemsko rješenje. Kod vas toga naravno nema. Ovdje samo vodim. Prestrašne su ove moje kolege iz SDA. E koje bi na tom, ko je došao, ko nije smio biti na sastanku Kriznog štaba. Aha, Drljević nije

smio, sramota. Nek vrati milion maraka Opšta bolnica koja je dobila za liječenje. A dobio KC desetine miliona. I šta je uradio KC? Nema COVID bolesnika u krugu bolnice. Infektivna klinika zatvorena. Sve bi tu bilo normalno da oni normalno pružaju usluge dalje kao da se ništa ne dešava i kao štite COVID pacijente da uđe u sistem koji radi. Ali ne radi. Vi ste sve operacije, hronične pacijente ostavili kućama. Ni njima ne date u bolnicu kao zbog COVID-a, a ne date COVID-u kao zbog njih. Zašto? Da bi vi mogli nama na kraju napisati e KC za još par desetina miliona smanjio svoj dug. Onim tempom kojim oni govore oni su dug smanjili druge godine. Sto miliona su morali do sada biti u plusu koliko su dobili para a koliko ne rade. I naravno da hoćemo ministrice Agić ali vi ste rekli jednu stvar ali niste rekli do kraja. Ako novac prati broj uposlenih, pa zašto dajete novac za ovih 150 ljekara koji više gore ne rade. Zašto dobijaju taj novac po broju uposlenih? Zato što ne smijete u kontrolu onako kako su s vrata vratili Ismeta Gavrankapetanovića kog je poslao najveći finansijer. Ne daju da mi kontrolišemo. Kao što nisu dozvoli imenovanje dva člana UO kojeg imenuje najveći finansijer. Nikada to više nećete raditi. Prva stvar koju ćemo uraditi je Rebalans plana finansijskih ZZO u kom ćemo praviti svoju kantonalnu bolnicu, a Klinički će dobiti po uslugama. Koliko god treba i još malo na kafu. Tako da to ugrožava ljudi cjelokupan sistem. Ljudi jeste li vi toga svjesni? Dakle danas u ovoj reprezentaciji u kojoj vi predstavljate potencijal, stanje, najavljujete rješenja, pa vi ne možete odgovoriti na problem jedne opštine a kamo li cijelog Kantona u ovom sazivu, jer nema vas ljudi. Desetkovani ste. A obavljanje funkcija smatrate toliko nebitnim da SDA koja se busa u prsa, kaže: „znate eto to su DF i SBB zakuhali, nek oni sada to malo sami riješe”. Ovdje ima nekoliko stvari, slažem se, neko je govorio ili sam to čuo, ne znam, jel to kod pitanja, da se od sada, to će biti jedan od prijedloga zaključaka, svaku sjednicu prva tačka razmatra implementacija Akcionog plana i treba vam zato gđo Bajramović, gđo Agić Upravni odbor, da javi ova organizacija uradila to, uradili smo toliko i šta vam od nas treba. Da li postoje neke potrebe. Da li imate potrebu za nekim dodatnim sredstvima, materijalno-tehničkim? Da ljudima govorite evo rebalans, u redu. Podržavamo rebalans. U redu. Pa što niste ranije to tražili. Zašto vi niste tražili hitnu sjednicu ako vam se rješava stvar? Zašto vi (smetnje) pravimo politiku usporavate (smetnje). Ali naravno ne može pripremiti, kako ćete pripremiti kada troje ministara radi po dvije, tri funkcije jedva. I ni to ne stižete. Dakle to je naše realno stanje a ljudi nam, ljudi, umiru. Pitanje maske, ja sam vas lično pitao ko je propisao maske vani? Jel znate da struka kaže da to pravi druge zdravstvene probleme? Maska u slučajevima kada nije moguće napraviti fizičku distancu je potpuno opravdana. Maska kada šetam gradom i 100 metara nema niko oko mene, zašto se ta maska nosi? Pitam Krizni štab, oni kažu rekla nam policija. Sretnem Džafera Hrvata u hodniku Kantonalne Vlade nakon presa, jeste li vi to policajci tražili? Mi nismo. Niti imate komunikacije ili neko petlja. Ne znam ko petlja. Hoće ljudi maske. Što ne radi inspekcija te kontrole? Dakle imate ugostiteljske objekte. Opet ste se na ove ljude koji jedva preživljavaju okomili, a naravno ne možete ih zaključati jer treba država izdvojiti pare kao neko obeštećenje zato što ne rade. Na svim ste poljima pukli a ne date da neko dođe i objasni kako treba da se radi. I kada slučajno, vidi ovaj sastanak Krizni štab, OK, aha može s Kliničkog zamjena za Baljića neki Gojak. Nije to problem jel de. Ali ne može Ismet dovesti nekoga sa sobom. To je problem, jel de? Pa jest vama u SDA, koji samo brojite krvna zrnca ko je koja stranka i ko ne sluša gospođu. Vi samo to radite a ovamo ljudi traže terapiju. Pogledaj šta radite s ovom Opštom bolnicom. Maltretirate ljude. Kada vam oni zatraže da pomognete da nešto riješe, ne date im prostora. Niste dali prostor Federalna Vlada, Klinički centar, bunite se, da oni uzmu zgradu u kojoj ima čak i kisik sproveden. Ne, nego od njih tražite da na VI i VIII spratu budu pacijenti COVID izmiješani sa drugim bolesnicima u zgradi u kojoj je jedan ventilacioni sistem. I to što ovi izdišu na šestom i osmom, struji kroz cijeli sistem. A u Kliničkom ne može ući u krug pacijent, pa ni u fizički odvojenu zgradu Infektivne klinike jer ne daju. Ali daju da novac i dalje dolazi. Dakle šta rade drugi kantoni. Pogledaj brojni, 450 testova dnevno. Šta to nama znači. Hoćete li vi testovima nešto prijavljivati. Pa nećete. A ne govorim vama, vi se ne pitate. Hoće li oni gore prijavljivati neće. Šta im možete? Ništa. Zašto? Ne smijete. Dakle, u tome je poenta. Ovdje treba biti hrabar,

odlučan i znati šta treba da se radi. Dakle ništa od ovih važnih stvari vi niste uradili. Naredba o sjednici, jedino što ste uradili. Mogli ste vi. Aha hoćete uživo, da ne bi bilo 18 ruku, onda stiže vidite ovo iz Kriznog štaba potpisano pa optuže Pilav koja nije ni bila tu. Aha vi možete, a ne može Federalni parlament otjera ga kantonalni inspektor. Vi se ljudi igrate. Dok ovdje ljudi umiru. O tome se radi. Da vam ja sada kažem šta bi vi sve mogli sa onih 37 kojim se ova predizborna asfaltiranja, evo ne može se mrdnuti nigdje već zakrpljenih ili čistih ulica. Šta se s tim parama u zdravstvu uraditi, koliko zdravstvenih radnika, koliko testova, materijalno tehničkih sredstava. Ali ne može se to vama govoriti, vi imate druge naloge. Ali ovo je apel da shvatite dok ste tu još malo, ljudi odgovorni ste, odgovarat ćete. U članu 226 Krivičnog Zakona potpisat ću lično krivičnu prijavu vama koji ste odbili, pročitajte taj član Krivičnog Zakona, pročitajte te ga i ozbiljno ga shvatite. Do godinu dana zatvora rukovodiocu ustanove koji odbije postupiti u slučaju epidemije po nalog organa koji je naložen za to. Pa ljudi, vi ćete u zatvor neki. Klinički centar je kriv. Izetbegović dobit će krivičnu prijavu. Odbija postupiti po nalogu i Federalne i kantonalne Vlade i kriznih štabova. Ovo nije ljudi igra, ovo je ozbiljna situacija koju morate shvatit ozbiljno dok ste tu. Nemojte se prepucavati vi. Kako možete Kapidžiću reći nismo mi to htjeli, nek se oni malo oni igraju. Pa evo svaka čast Agićki, svaka vam čast. Ona hoće, žena smije iako je već dala ostavku. Pogledajte šta radite. Imate ćemo prijedloge nekih zaključaka. Naravno da nema smisla s vama hitna sjednica. Šta ćete nam reći na hitnoj sjednici? Šta vi nama možete ponuditi? Koja rješenja možete ponuditi? Nego da malo držimo još ovaj brod dok ne dođe nova Vlada. Vidim da razvlačite i danas sjednicu nekim pauzama da ne bi došlo do tog datuma o izglasavanju nepovjerenja Vladi. Hoćete da vladate ovakvi. Ma otjerat će vas ljudi palicama. Jel shvatate kakvo je nezadovoljstvo, kakvu odgovornost vi nosite a i dalje se nešto eto koprcate nećete da glasamo o tom datumu. Uozbiljite se. Ovi koji su vas stavili kao pijune da izginite na ovom šahovskom polju, smiju vam se. Smiju se, a oni su krivi. Dovedi ste zdravstvene radnike u teško stanje u kom ljudi jedva rade. Padaju s nogu. Mi hoćemo da pomognemo njima da ne bude više panike. Uveli ste napokon privatne ustanove a niste precizirali sa njima način funkcionisanja. Dakle može vam se nabrajati do sutra. Čovjek ne zna bil vam govorio il ne bi govorio jer boga mi do vas i to što dođe, mi vidimo da od toga vi malo što smijete uraditi. Dakle upravljačke strukture, predložit ćemo u ovoj izmjeni Zakona i to da možete neke v.d. produžiti ali ne da zarobite ustanove. A ljudi trgovali ste DZ u jeku pandemije. Dovedi ste čovjeka koji je svašta radio (smetnja) platili ste Domom zdravlja. Ovog čovjeka koji nije mrdnuo prstom u toj ustanovi. Šta se desilo? Ništa. Dobio Pleho svog direktora. I ? I mislite da za to nećete odgovarati. Dakle, zaista je ovo jedna tužna slika, ne možemo da likujemo zbog svih vaših propusta jer su ljudi u teškom stanju. Sa nekoliko zaključaka mi ćemo pomoći da ovaj brod još malo eto ne potone potpuno, a onda ćemo vrlo brzo novim aktivnostima nove Vlade riješit ono što vi niste smjeli. A tada će vam biti žao jer će vam se smijati ovi koji su vas žrtvovali kao pijune na političkom polju. Hvala.

Predsjedavajući:

Zahvaljujem Konakoviću. Kolega Damir Marjanović ima riječ. Izvolite.

Poslanik/zastupnik Damir Marjanović:

Zahvaljujem predsjedavajući. Evo probat ću i sa video linkom da može to biti onako kako bi trebalo da bude. Počet ću izlaganje sa onim, da možda će zvučati nepopularno, ali će zvučati istinito. Ja uistinu vjerujem u naše (nerazumljivo). Vjerujem u one ljude koji rade po 12 sati u Izolatoriju, koji svo svoje znanje i umijeće daju da bi jednoga pacijenta doveli iz bolesnog stanja u stanje zdravog čovjeka i vjerujem u njih da će uspjeti mnogo, mnogo puta u tom svom naumu, čak i u nedostatku onoga što se zove sistem. Čak i u nedostatku menadžmenta institucija koje bi trebali da upravo uređuju sve ove stvari o kojima je kolega Konaković govorio, o kojima smo govorili kroz pitanja i da dovede do toga da kada ministrica dođe bez obzira jel tu par dana ili par godina, i kada dođe predsjednica ili v.d. predsjednica Kriznog štaba da zna da ponudi i da može da ponudi odgovore na poprilično jednostavna pitanja koja

smo postavili. Ona su istinu jednostavna. Ja neću ići u one stvari koje nisu iz moga domena. Ali evo potrefilo se, desila nam se pandemija, desilo nam se mnogo toga što nismo željeli da nam se desi. Ali evo desilo da i u ovoj Skupštini Kantona Sarajevo imamo ljude koji znaju o pojedinim, dosta bitnim segmentima ponešto i koji znaju i objasniti i pojasniti gdje se griješi i savjetovati i kritikovati i pohvaliti kada treba da se tako nešto desi. Od samog početka cijele priče, i Krizni štab i tadašnjeg ministra i tadašnje njegove savjetnike i sve one koji su sudjelovali u toj cijeloj priči stalno smo bombardovali informacijama, pitanjima i savjetima vezanim za testiranje. Ja ću se zadržati samo na tom dijelu. Neće mi niko zamjeriti, nešto malo razumijem o tom PCR-u, malo sam magistrirao i doktorirao iz te oblasti i 20 godina sam zajedno sa kolegama, koji čak i mnogo više znaju od mene iz te oblasti, radio i primjenjivao taj PCR i radili smo veliki broj genetičkih analiza i znam kako izgleda procesuirati veliki broj uzoraka. Prije 20 godina, ova zemlja, BIH, je pronašla momke i djevojke iz BIH koji su uspostavili temelje primjene PCR u ovom regionu, pokazali kako se to radi, i svoje znanje dijelili nesebično, ne samo sa svim ljudima iz BIH, nego u regionu pa i dalje. Danas širom svijeta imate ljude koji su završili ovdje škole, i koji su pozitivni na prestižne institucije, fakultete, od strane drugih država da im pomognu da uspostave PCR sisteme za različita genetička ispitivanja. Srećom, mi te ljude još uvijek imamo ovdje u BIH. Srećom, oni znaju primijeniti taj test, i srećom znaju objasniti šta PCR jeste, šta PCR nije. Ljudi pratite određene diskusije među običnim ljudima. Zbog onoga što je izazvalo nedostatak menadžmenta na federalnom nivou, na kantonalnom nivou, u najbitnijim institucija, došlo se do toga da ljudi sumnjaju u sve, pa čak i u naučna dostignuća, pa čak i u konkretne rezultate koji su tako dizajnirani da su greške minimalne. Na žalost, upravo zbog ovoga što se sada dešava, upravo zbog toga što se danas bez ikakvog razloga čeka šest dana, sedam dana, pet dana, četiri dana, nebitno na rezultate jednog običnog malog, malog PCR testa ljudi su rekli, a posebno sada i zbog ove preporuke koja je sasvim logična, ja se u potpunosti slažem ja sam je dobro pročitao, i bilo bi dobro da objasnite ljudima jer neki ljudi su vašu preporuku od jučer shvatili.- “aha, PCR test je nebitan, on ništa ne pokazuje, svakako si bolestan, i možeš biti bolestan sa i bez PCR testa.” Ljudi to protumače na principu svi ovi pozitivni rezultati možda su lažno pozitivni i svi negativni možda su lažno negativni itd. Postavio sam prvo pitanje danas i niste mi odgovorili. Prvo pitanje je bilo da li bi ste bili ljubazni, jučer je v.d. premijera najavljiavao da će donijeti neke bitne odluke na osnovu preporuka Kriznog štaba i vjerujte ja sam čekao. Čekao sam da vidim te bitne odluke, bitne političke odluke. Idemo li u lock down, idemo li u zatvaranje, da li idemo sa policijskim satom, da li idemo sa nekim novim mjerama, da li sada moramo nositi vizire itd. Međutim kada sam pogledao preporuke, ja nisam vidio niti jednu jedinu preporuku koja se tiče populacije, govorim o jučerašnjem danu na kojem je v.d. premijera toliko iščekivao, nego sam vidio samo neke određene preporuke iz kojih se iščitavala međusobna svađa dvije institucije. I to menadžmenta dvije institucije, ne onih dobrih ljudi doktora, medicinskih sestara, tehničara, higijenskih tehničara, koji rade u jako otežanim uvjetima. Oni se međusobno jako dobro slažu, nego menadžmenta po principu ko će kome na koji način poslati pacijenta, ko će izbjeći pacijenta itd. Da se ja vratim nazad, neću se referirati na podatak da navodno u Kantonu Sarajevo imamo sigurno oko 900 slobodnih kreveta, a taj podatak sam čuo od ljudi čije znanje jako cijenim, dr. Nakaša, dr. Lera, dr. Stevanovića i mnogih drugih koji imaju iskustvo u tome mnogo veće. Vratit ću se na taj PCR. Da vam pojasnim gdje smo i šta smo. Određene nesposobnosti, nedostatak menadžmenta, želja da se ne uradi, ne miješa u svoj posao, doveli su nas do toga da mi sada u ovom momentu, na federalnom nivou imamo jedan Krizni štab koji se drži jednog pravilnika iz 2012 godine. Taj pravilnik, da vam ne čitam naslov jako je kompliciran, ali on se tiče tehničke opremljenosti, stručne spreme uposlenika, prostorija i drugih uvjeta kojima moraju udovoljavati zdravstvene koje obavljaju laboratorijsku izolaciju identifikaciju uzročnika zaraznih bolesti. Taj pravilnik je napisan 2012 godine niti jednom riječju ne dotiče se genetičkog testiranja, niti jednom riječju ne dotiče se PCR analiza. Dotiče se mnogih bitnih stvari ali se ne dotiče upravo onoga što pokušava da moderira i što pokušava na neki način da usmjeri. Zašto? U pravu je v.d. predsjednica Kriznog štaba koja je rekla da su one pozivaju na

listu laboratorija koje na neki način akreditira Federalno Ministarstvo. To Federalno Ministarstvo prilikom akreditacije genetičkih laboratorija poziva se na pravilnik koji se ne dotiče genetičkih analiza. Šta više ima nastavak tog pravilnika o načinu prijavljivanja zaraznih bolesti nekako je dodatak, a vidi čuda potpisao ga je bivši ministar federalni i bivši kantonalni ministar prof. dr. Rusmir Mesihović i u tom pravilniku o načinu prikupljanja, što mi je jako neobično, zaraznih bolesti ima lista zaraznih bolesti, i normalno da 2012 nije postojao COVID-19. Međutim i dalje dolazimo u poziciju da sa federalnog nivoa menadžment Federalnog Ministarstva mjesecima blokira laboratorije, prvo ne želeći da ih verificira a onda obrađujući njihove papire, dokumente i zahtjeve opet mjesecima i na kraju šta se desi. Opet ide u verifikaciju laboratorija na osnovu ovoga pravilnika koji se ne dotiče genetičkog testiranja. Znači laboratorije za genetičku analizu prisustva virusa SAR COV-2 uzročnika COVID-19 oni hoće da verificiraju na osnovu ovog pravilnika. I onda se desi sljedeća stvar: imate najjaču bh instituciju vezano za genetičko testiranje. Reći ću njeno ime i vidi čuda ona je državna, i vidi čuda ona je u vlasništvu Kantona Sarajevo, nalazi se pod UNSA. Zove se Institut za genetičko inženjerstvo i biotehnologiju. Pored toga imate još barem jednu laboratoriju na jednom od fakulteta koja može da radi i gdje tamo momci i djevojke jako dobro znaju da rade PCR analize. Na osnovu ovoga pravilnika zbog administrativnog člana koji opisuje koga bi morali da imate u toj cijeloj priči, da budete ta laboratorija na osnovu koje ćete odrediti da li neka laboratorija dobra za genetičko testiranje, a u pravilniku se ne spominje genetičko testiranje, vi jednostavno dolazite do toga da najjaču bh instituciju eliminišete i kažete vi niste sposobni, vi niste dovoljno dobri, nemate papire, ne popunjavate i ne ispunjavate administrativne i birokratske uvjete da sudjelujete u testiranju i na taj način obezglavite Kanton Sarajevo za kapacitet testiranja, ja vam garantujem, evo bit ću skroman, a evo neka me demantuju kolege sa Instituta ili kolege sa Farmaceutskog fakulteta, još pojedinih laboratorija koje su u našem vlasništvu, ja vam garantujem da u tim laboratorijama dnevno najmanje, sve zajedno može 1000 a da ne kažem i 2000 uzoraka da se testira. O tome smo pričali u aprilu. U aprilu pisali dokumente dostavljali ministarstvima. Upozoravali na to, objašnjavali kakav vid testiranja treba da se sprovodi i znate šta se dešavalo, uvijek je nekako kantonalno Ministarstvo se krilo iza federalnog. A onda kada stisnete Federalni Krizni štab a mi smo propisali da neko kantonalni Krizni štab može da propisuje nešto jače, nešto bolje. E evo da vam kažem. Znači u ovom momentu kapacitet momaka i djevojaka u KC koji spadaju s nogu, koji svoju opremu habaju maksimalno jeste možda malo veći. Ali ne bi smio da ide preko 400 ili 500. rade fenomenalan posao. Rekli smo prije par mjeseci, sjećam se svojih izlaganja ovdje da neće biti dosta. Uveli ste privatne laboratorije pojedinih laboratorijama tu skidam kapu s glave. Neke laboratorije prvi put čujem da znaju da rade PCR nadam se, evo oni ispunjavaju te birokratske uvjete. Znam da pojedine kolege iz privatnih laboratorija su fenomenalni stručnjaci. Pozdravljam barem to što su uradili. Snizili ste im cijenu maksimalno. Dok je početna cijena PCR testiranja u KC bila 300 KM, evo sada je snižena maksimalno. Ne znam zašto je bila tada 300 KM, ali evo sada možda je ovo realna cijena. Nema problema, snižena je maksimalno. I obezbijedili ste kako kažete 250 uzoraka po laboratoriji. Ne znam odakle vam taj podatak, znam da može i više, ali nema veze. Evo to je neka praksa. I opet ćete imati (nerazumljivo) jer Sarajevo nije centar svijeta, sjetite se kolike su kvote za ostale kantone koji nemaju laboratorije i da se mnogo oslanja između ostalog na sarajevske laboratorije. Odgovorno vam tvrdim da ovim načinom razmišljanja nismo ni na koji način mobilizirali sve kapacitete za testiranje u Sarajevu. I ljudske i laboratorijske, a mogli smo to još u aprilu uraditi a moglo se to napraviti jedan dobar sistem, dobro uvezati, mogli su se napraviti prave drive in a mogućnosti za prikupljanje uzoraka, to smo u aprilu pisali. To je tako jednostavno uraditi, i moglo se desiti, sjetite se, pogledajte zaključke tematske sjednice za stanje zdravstva u Kantonu Sarajevo, vezano je bilo od prije par mjeseci. Rekli smo da se obezbijede uvjeti da rezultati dođu u ruku od osam sati. To je sa recimo kapacitetom broja slučajeva hiljadu, hiljadu i nešto. Ali vam govorim da sada može se uz maksimalnu mobilizaciju ovih kapaciteta doći do toga da test čekate 24 sata. Jer imate ljude koji to znaju. Koji rade 20 godina, koji uz malo modifikacije, za dobru koordinaciju koju nemamo, na

žalost od tog Ministarstva neću da idem na Krizni štab. Neću da napadam Krizni štab, znam da je Krizni štab savjetodavno tijelo i vidjeli smo to više puta, vidjeli smo na federalnom nivou kada Krizni štab nešto savjetuje a onda ušuti se, mogu zamisliti kad se ušuti pa pretrpi da politika promijeni njihovu odluku. Ali moglo je Ministarstvo, mogla je Vlada Kantona Sarajevo, v.d. svi mogući, mogli su stvoriti uvjete da mi ne čekamo te rezultate duže od 24 sata. Odgovorno tvrdim. Imate najjače oružje vlasnici ste jakog oružja. Ti momci i djevojke, pa samo idite na njihovu web stranicu, pogledajte publikacije koje su imali. Pogledajte šta ti dječaci, šta momci i djevojke, to su moje kolege, kakve fenomenalne stvari. Pa njima je PCR rutina kao nekome napraviti kafu. Oni to znaju, imaju mašine, imaju mogućnosti, uz dobru koordinaciju, mobilizaciju, krupiranje punktova, bez ikakvih problema se moglo desiti da rezultate u ovako malom gradu, u ovako malom Kantonu, za taj broj uzoraka ne čekate. A ne peti šesti dan. Gospodin Konaković je spomenuo jednu stvar vezano, toliko je testiranja ljudi. Znači može se, siguran sam da se može. Sada ćete popraviti malo situaciju. Ali sam ja postavio pitanje između ostalog da li su uvezani u sistem. I zapitajte se koliko ja znam popunjavaju se dupli sistemi, ako niste promijenili to do sada. Ima kantonalni nivo, federalni nivo i ne koordiniraju oni tako često. I ti podaci su izuzetno bitni. Mi smo propustili priliku. Mi sada PCR više ne možemo koristiti kako smo mogli koristiti u aprilu, maju za predikciju gdje će se desiti žarište, kuda će se kretati putevi zaraze širenja virusa. Crvene one tačke što ste nedavno na GIS sistemu pokazali u Kantonu Sarajevo, to se moglo uraditi u aprilu maju, vi bi sada već znali, malte ne došli bi do toga da zatvarate pojedine kvartove, da ne kažem pojedine zgrade da možete zatvoriti da kažete jer je to izvor žarišta i da ih stavite u neku karantenu sve osam dana i da smirite to žarište. Toga više nema. Ovo uvođenje testova će biti jako zanimljivo. Ja se sjećam šta je federalni TV lik između ostalog jednom rekao za priču o serološkim testiranjima pa obećao da će ta serološka testiranja uvesti u nekoj matrici, pa onda se malo ugrizao za jezik i ta serološka testiranja ne govore ono što je on mislio da govori. Isto ko što PCR ne govori ono što on misli da govori i pojedinci drugih nivoa koji donose odluke. Ljudi, ovdje ste imali priliku u aprilu vam se ponudila skupina ljudi zajedno podržana imenom pet ili šest a iza njih još 20 ili 30 koji su znali kako treba realizirati i kako treba organizirati genetičke analize i to se nije desilo. I to je tako. I zato se danas čeka na PCR šest dana, da taj bitan momenat, posebno ono kada govorimo o asimptomatskim, slabo simptomatskim. Vi ste u pravu, ja se slažem što mi je poznata ta rečenica PCR nije lijek. Dobro se sjećam negdje je mart bio kada smo insistirali da se bar poveća broj analiza dolazila je ta rečenica od pojedinih koji su htjeli da drže monopol nad tim analizama jer su mislili da će ispasti heroji. I onda tek kada ih je Svjetska zdravstvena organizacija dobro naružila i kada ih je iznutra ovdje napravio se veliki pritisak tek su onda počeli da pričaju o pravim mogućnostima tog PCR-a. Ljudi malo stvari mi možemo da se pohvalimo da imamo tako dobre i sposobne ljude. Genetičke analize su jedna od tih malo stvari. Zbog administrativnih stvari, zbog pravilnika napisanih prije osam godina, u kojima se ne tretiraju genetička analize, a da ne ulazim u taj pravilnik pa da pronađem lobiranja za pojedine institucije i lobiranja za pojedini tip kadrova koji eto sasvim slučajno blizak sa nekom federalnom strukturom kada se donosio taj pravilnik. Ostavit ću to sa strane. Izvinjavam se.

Predsjedavajući:

Evo kolega Marjanoviću još minutu ćemo vam dati.

Poslanik/zastupnik Damir Marjanović:

Ja ću još 20 sekundi hvala vam na tome. Ne znam da sam prekoračio. U svakom slučaju da ne kažem da taj pravilnik je tako smiješan i ono što ja ne razumijem, evo nekako ću napraviti komparaciju između ratnog stanja i ovoga sada. Ovo me neodoljivo podsjeća kada imate veliku krizu i trebate da donesete odluku da se izvrši invazija na Normandiju a neko kaže ne možemo po tom pravilniku zato što u tom pravilniku kaže taj metal koji ćemo koristiti za brodove nije predviđen za morsku vodu nego je predviđen za riječnu vodu. Eto dotle smo došli, da zbog birokratskih procedura ljudi koji nisu spremni da ih izmijene, urade svoj posao,

ljudi koji su na neki način jednostavno ne miješaju u svoj posao, doveli smo do toga, tamo gdje smo najjači budemo najslabiji. E to ne mogu nikako da oprostim. To je trebalo hrabrosti. Ja vam se zahvaljujem.

Predsjedavajući:

Zahvaljujemo se i mi vama uvaženi zastupniče Marjanoviću. Imamo repliku Konaković replicira Marjanoviću. Izvolite.

Poslanik/zastupnik Elmedin Konaković.

Hvala vam predsjedavajući. Zaista moram iskoristiti ovaj trenutak nakon jedne vrlo kvalitetne naravno analize gospodina Marjanovića samo s jednom informacijom koja će možda još više, repliciramo naravno evo dijelom s velikim slažem, dakle koja će još više objasniti šta se nama zapravo nama ovdje dešava. Dok mi ovdje pričamo gleda nas cijela država BIH. Jedan ugledni ljekar iz Tuzle kaže ovako: slušajte me sada vi koji vodite procese, na UKC Tuzla u roku od 24 sata dobije se rezultat PCR nalaza. A u privatnim klinikama u Tuzli ukoliko uradite bris do 12, rezultat imate isti dan. Pošto imam lična iskustva isto je u Sarajevu u privatnim klinikama. Ako vam se žuri platite malo više i imate rezultat isti dan. Ako ne, u najgoroj opciji imate sutra dan. E možete li zamisliti vi ljudi, dakle Tuzla je za Sarajevo, nakon što smo neki dan vidjeli da idu na ortopedske operacije u Tuzlu, kardiologija dugo ide u Tuzlu, ako ne završi kod Kacile. Djeca idu u Tuzlu. Dakle sada nam Tuzla demonstrira kako može. A vaš je probleme samo zato što ne smijete sada ni pitati gore što vi to ne uradite u roku od 24 sata? Eto nas brzo i mi ćemo to boga mi propitati. Hvala.

Predsjedavajući:

Odgovor na repliku uvaženi zastupnik Marjanović Konakoviću.

Poslanik/zastupnik Damir Marjanović:

Zahvaljujem predsjedavajući. Replika gospodinu Konakoviću na ovo. Nemojte podcijeniti. Tuzla ima fenomenalne kapacitete, manje nego Sarajevo ali očigledno je imala dobre ljude i dobar menadžment koji je znao da postavi te stvari da riješi u onom vremenskom periodu u kojem je trebao da riješi. Poznajem te momke i djevojke a boga mi znam i te ljude iz menadžmenta i znam šta su uradili. Vjerovali ili ne, siguran sam da Sarajevo ima veće kapacitete i da bi mogao čak te termine da srkati. U svakom slučaju hvala vam na toj informaciji. Eto vidite nisam znao. Vrlo rado ću dodati u svojoj diskusiji.

Predsjedavajući.

Zahvaljujem uvaženi zastupniče Marjanoviću. Kolegica Duraković Jasna je zastupnica koja je sljedeća na redu za diskusiju. Izvolite kolegice.

Poslanik/zastupnik Jasna Duraković.

Zahvaljujem predsjedavajući. Nadam se da me čujete. Pa evo ja bih počela sa ovim izlaganjem koje imala, ustvari odgovaranjem koje je imala ministrica Agić. Jako cijenim njenu odlučnost, njene najbolje namjere i rekla bih nadasve hrabar potez da u ovom kritičnom momentu preuzme odgovornost v.d. Ministarstva zdravstva, ali se bojim da vam je ministrice Agić, da se ovako kolokvijalno uvaljen tzv. Vruć krompir u ruke i to neko kormilo broda, resora, koji već rekla bih mjesecima tone u moru nagomilanih problema i krucijalnih pitanja koja još uvijek nisu riješena. To dodatno potvrđuje i nesposobnost ove Vlade da rukovodi i upravlja procesima u vrijeme ove strašne pandemije koje smo svi svjedoci. I ovo imenovanje v.d. ministara nakon što je ministar Mesihović podnio tu ostavku, je po meni bilo vrlo vrlo neodgovorno s vaše strane, ovo govorim za Vladu Kantona Sarajevo. Kao neko cirkuzanje ili igranje s vatrom u momentu kada nam je zaista prijeko potrebna stručna osoba na čelu Ministarstva resora zdravstva koja može odgovoriti naravno na sva pitanja i preuzeti punu

odgovornost da sistem zdravstva u Kantonu Sarajevo ustroji i naravno olakša svima nama u ovim mucima. Jer mi ne smijemo zaboraviti da je Ministarstvo zdravstva izvršni organ, da to nije Krizni štab Kantona Sarajevo. Dakle Krizni štab Kantona Sarajevo ima nalog da Ministarstvu daje prijedloge, rješenja, sugestije i izdaje određene mjere, koje onda kako svi znamo Ministarstvo zdravstva implementira u praksi. I oni su tu da nam daju uvid kako najbolje upravljati ili voditi se se u ovoj zdravstvenoj krizi. I naravno evo ministar Krivić je rekao u svom uvodnom izlaganju, da je shvatio i svi smo naravno shvatili od momenta kada je gospodin Mesihović podnio ostavku da je ovo jedno vrijeme u kojem ćemo imati zaista jake izazove i teška vremena i shvatamo svi koliko je teška ova situacija, da je ovo nedopustivo bilo da Ministarstvo zdravstva ima vršitelje dužnosti, ljudi koji nisu stručni. Uz svo dužno poštovanje, koji nisu bili dovoljno zainteresirani da se uopće pozabave kako reko mnogobrojnim nagomilanim problemima koji stoje u resoru zdravstva da se stručnije uključe u rješavanje istih itd. Nego smo se bavili, čitali smo prepucavanje između DF i SBB oko kadrovskih rješenja, umjesto da smo odmah u ključnom tom momentu reagirali na vrijeme, postavili dakle ponavljam stručnu osobu koja će biti na čelu tog Ministarstva i do sada bi se, ja vjerujem ovi problemi mogli barem minimizirati svesti na neki minimum. Zdravstveni sistem se malo bolje ustrojiti kako bi smo svi mi kao krajnji korisnici svih usluga koje treba da imamo, bili u nekom stanju neke malo veće opuštenosti. Da se ne stvara dodatna panika među ljudima, na žalost bojim se da je to vrijeme davno prošlo. Da su ljudi zaista uspaničeni, vidjeli ste naravno podržavam apsolutno ovu diskusiju kolege Konakovića i diskusiju kolege Marjanovića koji su obadvojica preboljeli korona virus. Srećom. I to je jedna još ispravka vašeg krivog navoda, gdje ste rekli ministrice Agić da se testiraju ljudi pet dana od razvijanja simptoma, što je apsolutno netačno. Ne možemo dozvoliti da čeka toliko dugo, vi znate da je u prethodnom periodu bilo zaista vrlo ružnih ishoda i na kraju su ljudi fatalno završavali. Nakon što su se pojavili simptomi u roku od tri četiri dana. To moramo parafrazirati i reći da je to testiranje pet dana od kontakta sa zaraženom osobom. Na taj način moram vas demantovati. I ono što ste se ponovo povezali na ono pitanje koje nisam postavila na drugom setu, na drugoj tački, to je vezano za finansiranje KCUS: ja vas opet moram demantovati. Opet ponavljam uvaljen vam je na žalost vruć krompir gdje nemate pravu informaciju. Izrazila sam svoje nezadovoljstvo zato što evo imam i potvrdu. Iščitala sam i federalni Zakon o zdravstvenom osiguranju, koji je usklađen u nekoliko članova sa ovim ugovorom između ZZO i KCUS o pružanju zdravstvene zaštite osiguranim licima Kantona Sarajevo koji kaže: ukoliko zdravstvena ustanova ne izvršava ugovorom preuzetu obavezu pružanja zdravstvenih usluga osiguranim licima Zavoda, Zavod će izvršiti korekcije utvrđene naknade iz ovog člana ugovora, za iznos sredstava refundiranih osiguranim licima po predmetnom osnovu. Evidentno je ovdje ponavljam da se ovaj ugovor prekršio ili ga treba mijenjati ili treba donijeti neki novi pravilnik koji će ove stvari vratiti u okvire Zakona, ponavljam. Ovaj član 7 ugovora napominjem usklađen je s Zakonom o zdravstvenom osiguranju BiH, pominje isključivo usluge i njihovu vrstu, opseg i kvalitetu usluga koje pruža. Dakle mora se mijenjati u ovom pravilnikom kao neki podzakonski akt i to naravno potvrđuje opet taj tekst ugovora koji je usklađen sa ovim federalnim Zakonom. To finansiranje apsolutno nema veze sa brojem uposlenih koji su na KCUS. I ono što je kolega Konaković rekao vi očito ili ne smijete ili se bojite, da kažete šta je prava istina. Evo ja vas molim još jednom nećemo se vraćati na to ali morala sam vas prosto demantovati ponavljam nisam čak ni postavila to pitanje. Izostavili ste da mi kažete odgovore na ova pitanja koja jesam postavila u tom kontekstu evo zahvaljujem dr. Bajramović što mi je rekla da odgovorila na jedno moje pitanje. Odgovorila mi je da Krizni štab, niko od članova Krizni štab nije obišao Podhrastove ili izolatorij, apsolutno ne znam nema uvid u stanje ili uvjete u kojima ti ljudi gore rade. U kojima jesu pacijenti koji su trenutno tamo smješteni što je potpuno nedopustivo. Ja zaista ne znam zašto je do ovoga došlo. Kako to da nisu, nije mi jasno, prosto kako da do sada niko od članova Kriznog štaba nije otišao na te iste Podhrastove i onda mi uporno čujemo neku informaciju koja se kroz medije plasira kako su uvjeti fenomenalni. Ja sam čula zaista i uvjerala se svojim očitam da zdravstveni radnici koji gore rade spavaju u svojim automobilima u nedostatku opremljenosti

i prosto sala u kojima mogu da borave. Dakle ovdje su nam zdravstveni radnici zaista jako ugroženi isto kao i pacijenti. I niko zaista ne vodi računa o tome. Tako da ovo je vrijeme velikih izazova i ovo je strašno neodgovorno ponavljam od strane Vlade Kantona Sarajevo da je dopustilo da se ovako poigrava s ljudskim životima. Da na ovaj način vrlo neozbiljno, neprofesionalno i krajnje bahato rukovodi ovim procesima i da se svi ti ljudi koji su bili prethodno imenovani upuštaju uopće u ovakvu igrariju. To je za mene potpuno nepoznanica. Dakle to bi isto bilo kao da ja sada mogu reći stručan komunikolog se petljam u posao nekog ljekara. Dakle apsolutno za mene nepoznanica do sada. Nisam se s takvim stvarima susretala. Evo pokušajte mi vi objasniti zašto ste pristajali na takve funkcije ako niste u stanju da vodite procese onako kako treba. I toliko zahvaljujem. Ne bih dalje da se ne bi odvela u pogrešnom smjeru. Hvala.

Predsjedavajući:

Zahvaljujem uvažena zastupnice Duraković. Kolegica zastupnica Amra Kaljić-Junuzović.

Poslanik/zastupnik Amra Kaljić-Junuzović:

Zahvaljujem predsjedavajući. Srdačan pozdrav obzirom da se prvi put javljam svima koji nas prate, i naravno svim kolegama i kolegicama. Obzirom da evo kroz današnju raspravu, diskusiju, postavljena pitanja i odgovore na pitanja vidimo i suočavamo se sa nizom problema, zaista u nadi da ćemo doći do dobrih zaključaka ali najbitnije provođenja istih kao što je na prijem provođenje više puta spomenutog Akcionog plana čiji je monitoring je trebalo da provodi svo vrijeme Ministarstvo zdravstvo, a evo u ovim svim problemima jesmo bez odgovarajućih upravljačkih struktura u kojima jesmo, koje su u nivou Ministarstva zdravstva jer od tamo dolaze odluke potpisane. Nalazimo u jednoj situaciji u kojoj možda možemo uporediti i sa ratom. Mi ratujemo protiv jednog nevidljivog neprijatelja, mikro biološkog, nevidljivog pa mnogi u njega i ne vjeruju dok ne počnu ljudi, dok ne oboli neki član porodice, dok možda i sami ne postanemo pacijenti itd. Situacija je takva kakva jeste. U tom kontekstu evo i kao aktivan zdravstveni radnik i politički angažirana osoba itd. Kumim, molim na sve strane i svakoga koga sretnem molim vas nosite maske, molim vas pridržavajte se mjera. To su opšte preporuke koje primjenjuje sav svijet. I ovo što mi danas radimo kroz sve diskusije i donošenje zaključaka na osnovu kojih će proizaći odluke potpisane na izvršenje svima nama zdravstvenim radnicima su izuzetno bitne. U ovom kontekstu samo sam željela još nešto da dopunim a vezano za funkcioniranje Komisije za zaštitu javnog zdravlja Skupštine Kantona Sarajevo. Obzirom na ovu epidemiološku situaciju kojom se bavimo sve vrijeme, mjesecima, pa i otežanost u radu svih institucija, a boga mi i preokupiranost obavezama samih zdravstvenih radnika, evo ja bih tu samo kao jednu digresiju napomenula,. U Hrvatskoj su parlamentarci zdravstveni radnici pridružili se onima na prvoj liniji da daju svoj doprinos. A ujedno i radi preklapanja nadležnosti ove Komisije za zaštitu javnog zdravlja Skupštine Kantona Sarajevo i Kriznog štab kantonalnog Ministarstva zdravstva, čiji sam član, to su savjetodavne funkcije. A pored svog ličnog angažmana u obje komisije željela bih reći da sastajanje još jedne komisije ne bi imalo nekog značajnijeg efekta. Glavne zaključke i smjernice o postupanju izvršne vlasti u pogledu ove borbe protiv COVID-19 dala je i sama Skupština u kojima smo svi učestvovali na određeni način. Na osnovu tih zaključaka je nastao Akcioni plan koji zahtjeva odluke i monitoring nad njegovim izvršenjem. Tako da sastajanje još jedne komisije ne bi značajno doprinijelo bilo čemu. Naprotiv. Manje sastanaka a više konkretnog rada u okviru svojih mogućnosti svima nama bi više pomoglo. Zdravstveni radnici rade sve vrijeme, rješavaju, bore se, po svojoj profesionalnoj etici funkcioniraju maksimalnom kapacitetu. I naravno među nama ima puno bolesnih i zaraženih i svakako. Međutim dosta neprilika u svemu ovome doprinosi politiziranje zdravstva kao takvog. Tako da evo, hvala vam lijepo.

Predsjedavajući:

Zahvaljujem uvažena doktorice Junuzović-Kaljić. Kolega Stojanović Igor ima riječ. Kolega Stojanoviću da li ste vi spremni za vašu diskusiju?

Poslanik/zastupnik Igor Stojanović:

Jesam predsjedavajući. Hvala vam. Diskusiju započinjem rečenicom zahvale prema svim zdravstvenim radnicima koji u ovom trenutku i sve ovo vrijeme se bore s pandemijom bez ikakve značajne pomoći bilo koje od Vlada. Bez bilo koje značajne pomoći politike, kao da jednostavno nisu dio nikakve države. Ja moram iskreno reći da je pandemija pokazala da je sve izašlo na vidjelo. Sav naš prljav veš, sav naš nerad tokom proteklih 25 godina pokazalo je kako sistem ne funkcioniše. I u tom svemu gubimo ljude. Gubimo doktore u bolnicama, odlaze u izolaciju, umorni su, na granicama su svojih snaga, i gubimo ljudske živote građana bespotrebno. Mogli smo ih i spasiti, mnoge od njih a nismo uspjeli samo zato što nikada niko nije razmišljao o crnim danima u proteklih 25 godina, kao što je recimo nekada u ona vremena uvijek se prepadalo od strane države o nekom vanjskom neprijatelju. E danas se izgleda vidi taj značaj da je to prepadanje ljudi i građana i priprema na tešku situaciju imalo efekta da dočekamo evo ovakve scene, ovakvu situaciju na pravi način. Na žalost situacije nije uopšte takva ali možda ćemo naučiti za budućnost mada sam i tu veliki skeptik, pogotovo kada vidim kako se ponašamo s aspekta politike. Neću ulaziti u struku, evo o tome su mnogo govorile moje kolege i ima mnogo pozvanijih ali ću govoriti o političkim aspektu odnosa prvo među nama, političarima a onda i među zdravstvenim radnicima koji jednostavno evo najbolje to vidimo kroz odnos Opšte bolnice i Kliničkog centra, kao i kroz odnos evo konkretno prijedloga bilo kojeg od stručnih ljudi, ako ne pripada vladajućoj stranici onda se ti prijedlozi smatraju apsolutno nebitnim a posljedice su katastrofalne. To pokazuje samo jedno. Ne treba ovoj zemlji nikakva rat niti vanjski neprijatelj. Ja mislim da je dovoljno da imamo ovakvu Vladu, da imamo ovakve vrste politika na sceni i nije nam potrebno ništa drugo da nas razjedinjuje i da nam ljudi umiru. Evo dovoljno je ovako jer smo mi očigledno na tom nivou političke svijesti da imamo neodgovorne ljude u Vladi, nestručne ljude koji nemaju karakter liderstva i onda vrlo često odustaju i to je pokazatelj aktuelne Vlade Kantona Sarajevo. O čemu govorim? Kada je pitanju politički sukob najbolje će se možda vidjeti iz sljedeća prijedloga. Sada ću vam pročitati samo par prijedloga SDP iz aprila o ovome o čemu je govorio dr. Marjanović šta se to sve pokušalo predložiti i Vladi i Kriznom štabu i na žalost ništa od toga nije usvojeno. A to su recimo sljedeće stvari. Da se formira COVID bolnica, infektivna klinika, da se odmah naredbom ministra PCR testovi rade na Veterinarskom fakultetu i kod dr. Rijada Konjhodžića da se također on uključi u rad, da se uvede call centar, da se u rezervu stave bolnički kapaciteti u privatnom sektoru, da se privatni sektor i javni sektor integrišu, da se angažuju MZ CZ i to su sve prijedlozi iz aprila, i sada šest sedam mjeseci nakon tih prijedloga mi dolazimo u poziciju da evo sada dolaze prijedlozi, ti koji su nekada predlagani i nisu usvojeni. Ili nije bilo dovoljno struke ili je bilo previše političke sujete. E zbog toga će Klub SDP i na ovoj sjednici predložiti 17 zaključaka za koje ću se ja najvjerovatnije javiti na kraju koje sam već uputio predsjedavajući na skupštinski mail za koji bih molio da se dostavi svim zastupnicima i ja ću ga na kraju ove tačke ću predložiti nove zaključke sa nadom da ćemo sada biti mnogo odgovorniji. Jer ako ne budemo bojim se da će politika ponovo koštati građane Kantona nekih novih života a to je za mene nepojmljivo da se neko tako može ponašati jer nikakvo mi opravdanje nije niti ima neki značaj. Po prvi put sam od nekoga iz Vlade čuo, od gospodina Krivića da kaže kako nas je koštalo to što sve ove mjesece nismo imali ministra zdravstva. To je prvi put neko izrekao iz Vlade i nešto i neka odgovorna rečenica ali to i dalje ne opravdava odnose unutar Vlade i govori puno o tome na kojim se uopšte osnovama organizovala ova Vlada. Da nikakve struke ni liderstva nema niti kod stranaka niti bilo kakve prije svega odgovornosti kod stranaka. Pogotovo mislim na ljude iz SDA koji su dosljedno branili ovu Vladu bez ministara i bez ovih planova i sa pokazateljima u kojima se jasno vidi da nemamo sigurnost građana i da niko živ ne osjeća se u ovom gradu danas kako bih rekao siguran da će dobiti adekvatnu pomoć jer jednostavno sve informacije koje dobijamo ne ulijevaju nam nikakvu sigurnost. Ne rade respiratori, nema

dovoljno kisika, sve manje stručnih ljudi, svađa između bolnica, dovoljan razlog za strah svih građana. Još jednom ću apelovati na sve stranačke predsjednike da pri izboru novih ljudi na bilo koje izvršne funkcije, pogotovo u zdravstvu, a o tome ćemo sigurno voditi računa kao četvorka, dovedemo ljude koji ne moraju biti iz stranaka, nego treba da budu stručni i karakterni ljudi koji neće otići i pobjeći napustiti poziciju, koji će praviti plan alternativni ako i njih zadesi korona virus, jer mi ga sada nemamo. Ko god nam ode od lidera mi smo jednostavno prepušteni sami sebi, a da ne kažem i ovi koji dođu ne osjeti se uopšte da su došli da vode bilo kakav proces, tako da nemamo ni struke ni liderstva ni karaktera, niti imamo bilo kakav plan borbe sa korona virusom. Zato apelujem da dovedemo stručne ljude, karakterne sa znanjem da konačno pokažemo jedinstveno u borbi protiv neprijateljskog korona virusa. Jer ovo što sada imamo politička prepucavanja i obračune da bi smo pokazali ko bolje radi, nije vrijeme za to. Nije vrijeme da se koristi sazivanje sjednica da bi se ugrabio neki politički problem, da bi se zaustavila smjena Vlade. Nije dobro da koristimo bilo koju bolnicu niti Krizni štab niti članove, ni da se obračunavamo ko je bio na kojem sastanku, nego je apsolutno vrijeme za liderstvo za komandante koji će napraviti plan, preuzeti uloge za koje su izglasali i voditi nas negdje. Dakle, ako niste spremni upozorenje svima onima koji budu predloženi da u ovom teškom trenutku preuzmete odgovornost i liderstvo nemojte se ni hvatati ukoštac sa ovim ne želimo vaše neiskustvo i vašu lošu procjenu plaćati novim životima građana Kantona Sarajevo. Hvala.

Predsjedavajući:

Zahvaljujem uvaženi zastupniče Stojanoviću. Kolega Marić Zvonko. Kolega Mariću da li ste vi spremni za vašu diskusiju?

Poslanik/zastupnik Zvonko Marić:

Jesam, zahvaljujem predsjedavajući. Evo puno je toga rečeno, ali ja ću se samo osvrnuti na par stvari. Prije svega vezano za Krizni štab. Ja sam već govorio, ja mislim da je on veoma važna karika jer odatle potiču sve inicijative, i pridržavamo se mjera koje oni propišu i uglavnom ih Vlada usvaja. Na žalost, u neku ruku upozoravali smo da se treba pripremiti za ovaj period. Vi se sjećate, Nijemci su dakle predvidjeli šta će se dešavati u ovom periodu i kada sam na proljeće govorio da su odgodili Oktobarfest, neki ljudi su govorili da će to proći vrijeme i moje kolege zastupnici, a ja sam bio ubijeđen da su oni u potpunosti u pravu i da se treba pripremiti čak i za onaj crni scenarij. Dakle ljudi samo treba pratiti u svijetu šta rade i to nije nikakav problem i prepisivati od svega onoga što oni predlažu i predviđaju, poduzimaju određene mjere itd. Dakle, stanje se zakompliciralo i ljudi su unaprijed vidjeli a mi čini mi se da tih procjena nemamo baš puno jer se bavimo raznim spletkama i intrigama i pogotovo u razjedinjenom zdravstvenom sistemu. To nije zapravo ni sistem. I neko je pomenuo da se borimo protiv nevidljivog neprijatelja ali svjedočimo zapravo jednoj borbi dva vrlo vidljiva neprijatelja ili više njih unutar zdravstvenog sistema. Ne znam kakvu mi poruku šaljemo ali interesantno je da ti ljudi koji su pod zakletvom, Hipokratovom zakletvom zaboravljaju vrlo često da su u službi zaštite zdravlja građana. Isto kao i mi zastupnici što vrlo često zaboravimo da smo pod zakletvom i da smo se zakleli da ćemo raditi u interesu građana. To se odnosi isto i na ministre, ali svi su zakleli nekome i nešto da će raditi u interesu građana. Imate li vi uvijek dojam da svi mi koji smo pod zakletvom radimo u interesu građana? Pa teško je to reći. Sujete su nevjerovatne stvar, te lične netrpeljivosti, animoziteti, šta ja znam, imate svega takoreći i jedni druge ne slušamo u ovoj teškoj situaciji. Ako se sjećate, ja sam pokrenuo i inicijativu prema Vladi o onome o čemu je bilo riječi ovdje, nemamo elementarne stvari da bi zadovoljili sve ono što je potrebno građanima, pa sam inicirao i to je usvojeno da se nabave sanitetska vozila za sve domove zdravlja, vi se toga sjećate, nadam se. I ta inicijativa je usvojena i sada smo čuli danas od dr. Barajmović da DZ upravo nemaju sanitetska vozila. Bilo je načina možda i kroz donacije da se nabave ta vozila ili na bilo koji način da se izdvoje sredstva. To je elementarna stvar koju moraju imati DZ. Dakle o tom

famoznom putu pacijenta, koji je prema mnogima i ja ga ne razumijem nije baš definisan na adekvatan način, nije ni približno takoreći. I znate to me sada podsjeća, pošto uvijek u BIH ima tog duha, vidio sam na društvenim mrežama jedan vrlo ovako duhovit komentar vezano za put pacijenta gdje čovjek pita šta da radimo sa tim putem pacijenta. I onda on kaže pa asfaltiraj ga. Dakle to je rješenje. Nudi se rješenje u ovom ambijentu svih asfaltiranja raznoraznih jer svake godine kada su izbori, u tim izbornim ciklusima, par mjeseci prisustvujemo asfaltiranju raznih puteva ili popravci puteva itd. Tako da i to odgovara, otprilike taj duhoviti komentar ovo stanju u kom se mi nalazimo. Ono što bih zamjerio i vidim tu nemoć, nesposobnost da se riješi to pitanje u činjenici da recimo nema rješenja za neke stvari koje su potrebne u ovakvim trenucima, vidite prisustvujemo izbornim skupovima ili vidimo na društvenim mrežama bez bilo kakve zaštite, elementarno poštivanja mjera itd, pazite, ja zapravo mislim da smo mi nemoćni da takvo nešto zabranimo ili svi izbjegavaju, svi su nekako pod pritiskom politike nemaju načina da se zabrane ti skupovi i onda se tu vidi. Zapravo svi ti koji organiziraju takvu vrstu rizičnih skupova šta im je prioritet. Prioritet je vlast, ne u ovakvom trenutku borba za zdravlje građana. I oni organiziraju predizborne skupove. I zamislite sada u kakvu situaciju ćemo doći. Zašto vam to govorim. Ne znam sa tim predizbornih skupova ko će se zaraziti korona virusom iz prostog razloga. Evo konkretno, premijer Nenadić koji nadljudske napore ulaže od samoga početka i znate da je završio u bolnici. Upravo prije možda pola sata je saznao da je i on pozitivan na korona virus. A sve aktivnosti je zakazao. Mislio je da će izaći iz izolacije i već je zakazao sastanke sa UNDP, oko Prve transferzale, poslovi i obaveze, čovjek je planirao. Iz tog razloga, s obzirom da živimo u ovom rizičnom vremenu morali bi nekako pokazati i mi više tolerancije, više solidarnosti jedni prema drugima jer nikada ne znamo kako će na koji način neko završiti. Što se tiče ovih nekih stvari, ne bih da govorim puno, ali treba objasniti možda i ljudima kako i na koji način, mada sumnjam da je i medicina odgovorila na takvu vrstu pitanja jer to je potpuno nešto novo. U slučaju da se nekako sastanu unutar nekog organizma čovjeka dva virusa, obične gripe i ovog COVID-a, na koji način postupiti, kako prepoznati, šta uraditi? Fali nam više tih stručnih savjeta, zato ja insistiram, apeliram da se možda štampaju neke brošure, preko društvenim mreža da se angažiraju ljudi da prepoznaju takve stvari. Jer u suprotnom, bojim se da nećemo rješavati ove probleme, nego ćemo prisustvovati tim nemilim scenama i na neki način tom ratu unutar zdravstvenog sistema. Dakle, ministarstvo zdravstva ima unutar sebe pet ljekara, ima stručnog osoblja, ima sve, ali uvijek ili pod strahom od korone, ili svojevrsnih opstrukcija, odu na bolovanje, i to je taj dio, najslabija nam je karika bila apsolutno upravo to Ministarstvo iz prostog razloga što sam uvjeren da jedan sistem ne smije zavisiti od jednog čovjeka. Apsolutno. I mi znamo koliko je evo sada govorili smo i o ministrici Jasni Agić, zato što nije niko htio drugi, prihvatila se toga da deblokira mnoge procese, i zapravo taj čovjek u Ministarstvu pored pet ljekara, zaista on mora biti čovjek koji je sposoban da nešto organizira da iskoordinira te segmente, te punktove zdravstvene itd. I prema tome zaista još jednom joj čestitam na hrabrosti i osjećaju za odgovornost iako će se uvjeren sam, naći na udaru onih zlonamjernih ljudi zašto se toga prihvatila. A ona je i kao što znate i ministrica u ostavci. Moga je i ona da odbije i niko joj ne bi zamjerio. Ali taj osjećaj odgovornosti da pomogne u najtežim vremenima ukoliko je u moći da deblokira neke procese ja to ne znam. I na kraju krajeva, zašto sam maloprije apelirao na solidarnost i više osjećaja da na neki način pomognemo u ovim trenucima bespotrebnih svađa, bez predizbornih predstava, bez zloupotrebe medijskog prostora itd. I evo upravo iz tih razloga, evo danas je doktorica Anisa Bajramović bila sa nama, saslušala je sve to što se dešavalo, i onda je prepoznala neke stvari sa kojima se ona ne slaže profesionalac, i zamislite na odlasku maloprije dala ostavku na poziciju zamjenika predsjednice Kriznog štaba. Dakle da povedemo malo računa i da ja apeliram na jedinstvo svih nas. Ako budemo sugerirali, neki ljudine razumiju zapravo i ovo što se dešava ovdje i na ovaj način će reagirati. Šta da uradimo, kako da objedinimo taj zdravstveni sistem. Kako tu razjedinjenost da pobijedimo? Mi se borimo protiv nevidljivog korona virusa, a imamo vidljive stvari koje ne možemo da pomirimo i da pobijedimo. I zbog tih nekih sitno sopstveničkih stranačkih, političkih i ne znam i svakih drugih interesa. Nikada

nam nije potrebnije bilo jedinstvo u zdravstvu. Daj pokažite i onda i u izvršnoj vlasti. Bit će opozicija i pozicija, i koalicija itd ali dajte da uložimo maksimalne napore da ne dovodimo ljude, građane u beznadežan položaj, jer kada vidimo šta mi zapravo radimo koji bi trebali da rukovodimo tom krizom i da neki način da smo lideri, mi zapravo smo zakazali, upravo pali na tom ispitu ljudstva i kolegijalnosti i solidarnosti. I dosta je toga rečeno i zaista ne bi volio da opterećujem ni građane bilo kakvim analizama kojekakvim stručnim opservacijama i od onoga što sam čuo od nekih drugih ljekara itd. I ovih što sam rekao da obično Krizni štab podsjeća, barem mene, na uredništvo nekog biltena za statistiku gdje nam samo plasira određene informacije. Ja bih volio da se taj Krizni štab posveti i fokusira na savjete građanima i više savjeta. Da se posveti svom poslu i da ne sluša puno političke opservacije itd nego da se i suzdrži od eventualno tih animoziteta. Prema tome, ja bih vas molio još jednom te vrste polemika sada ostavimo po strani i da vidimo šta nam je činiti kroz određene zaključke. Evo vidim iz kolege iz SDP su najavili te zaključke, da što prije dođemo da konstruktivnim pristupom izglasamo i eventualno naložimo izvršnoj vlasti da radi prema tim uputama, hvala vam. I još jednu samo rečenicu, oko ovih podataka. Ja naprosto ne vjerujem te podatke iz prostog razloga što poznajem dvije obitelji, dvije porodice, osobno ih poznajem, od njih osam samo je jedno testirano. I svi su imali iste simptome i oni nisu prijavili. Zamislite osam ljudi, jedna prijava jedno testiranje. Pa neka mi neko da odgovor i pokuša ubijediti da su ti podaci tačni. Nisu tačni, oni su više puta veći i sasvim sigurno da ne odgovaraju onome što nam se prezentira kroz mediji i kroz oglašavanje kriznog štaba o statističkim podacima novozaraženih i oboljeli. Osam ljudi jedno testiranje, pa vi vidite. Hvala.

Predsjedavajući:

Zahvaljujem uvaženi zastupniče Mariću. Imate repliku od uvažene zastupnice Amre Kaljić-Junuzović.

Poslanik/zastupnik Amra Kaljić-Junuzović:

Hvala lijepo predstavljajući. Replika se ustvari odnosi evo upravo na ovo da sa žalošću evo konstatujem čujem da je dr. Bajramović, jedan vrhunski epidemiolog upravo napuštajući ovu sjednicu rekla kako nam je to uvaženi zastupnik Marić rekao da je dala ostavku na v.d. Zašto se to dešava? Zato što nas, zdravstvene radnike, maltretira se. Maltretira se između ostalog i ovo proglašavajući nas lažcima, znate. Jer ako vjerujemo u nauku i ako nauka, ono što je medicinska nauka, a to je evidence based, dakle na osnovi utvrđenih činjenica i iznesene statistike donose se zaključci, to što je uvaženi zastupnik Marić, kako se to popularno kaže, COVID denier, neko ko odbija uopće postojanje COVID ne treba druge ljude da dovodi u zabludu. Dakle zdravstvenim radnicima valjda treba podrška a ne ovakva neprekidna objeda, ovakvi su, onakvi su, iznose lažan podatke, podaci koji se iznose iz Zavoda za javno zdravstvo Kantona Sarajevo zasnovani su na činjenicama. Zasnovani su na nauci. Hvala vam lijepo.

Predsjedavajući:

Zahvaljujem uvažena doktorice Junuzović-Kaljić. Imamo odgovor na repliku Marić - Kaljić-Junuzović. Izvolite.

Poslanik/zastupnik Zvonko Marić.,

Zahvaljujem predsjedavajući. Dakle dr. Kaljić nikoga ovdje ak ste aludirali na to da ja proglašavam lažcima, ali spletom okolnosti, upravo zbog ovakvog zdravstvenog sistema o kojem sam govorio, koji zapravo i nije sistem, dešava se to da vi naravno prezentirate ono što ste dobili. Ali ja vam tvrdim da ima više onih neprijavljenih upravo zbog nepovjerenja u zdravstvo koje je pod uticajem politike, pa se ljudi ne prijave. I ja vam odgovorno tvrdim, znači i svojom čašću da poznajem te dvije porodice od osam njih se testiralo jedno. Shvatilo da je pozitivno i onda zbog tih dugih redova, dugog čekanja, i na rezultate itd, svi su imali iste simptome i oni su to uradili. To nije jedini slučaj. Ja ne govorim da vi plasirate lažne podatke

već one podatke do kojih vi dođete. A stvarno stanje je nešto drugo. Nisam ja rekao da vi skrivate podatke, i prema tome nemojte misliti da ne poštujem struku. Vrlo poštujem. I meni je iskreno žao zbog dr. Enise Bajramović, bila je komunikativna, raspoložena, kooperativna itd da se stavi na raspolaganje. Ali je shvatila gdje je došla i potpuno je bila zbunjena i ja vam kažem to se desilo na taj način i ona ostaje član Kriznog štaba ali ne želi da odgovara na neka pitanja jer ona se ne snalazi u ovome. Takav je ambijent i takvo je doživjela. Meni je drago zbog nje da je ostala kao takav stručnjak kako je vi predstavljate u Kriznom štabu. Ali evo vidite ostajemo bez tih ljudi upravo zbog nerazumijevanja onog što mi radimo. I kao politika i izvršna vlast itd. Samo sam to mislio. A ne da ste vi lašci. Ako ste aludirali onda krivo ste me shvatili. Hvala vam.

Predsjedavajući:

Zahvaljujem uvaženi zastupniče Mariću. Zastupnik Čampara ima riječ. Izvolite.

Poslanik/zastupnik Aljoša Čampara:

Zahvaljujem predsjedavajući. Nadam se da me čujete. Prošlo je evo već dugo vremena i moram iskren biti i reći da mi je malo sumorno gledati ovu Skupštinu. Dakle učestvovati u njoj ja kao jedan od 35 zastupnika. I možete misliti kako je onda građanima Kantona Sarajevo. Šta smo mi napravili građanima Kantona Sarajevo. Sada govorim o jednom sistemu vlasti koji je bez obzira je li neko u poziciji ili opoziciji da ovakve stvari slušaju u jeku pandemije kada imamo ovoliki broj zaraženih, kada imamo ovoliki broj umrlih, kada slušaju još ovo ovdje na Skupštini šta se sve dešava, možete misliti njihovih strahova i njihove percepcije sadašnjeg stanja. Neko je rekao na početku ove tačke, mislim da smo mi trebali i ranije imati ovu sjednicu, i posebno ovu sjednicu vezano za stanje zdravstva u Kantonu Sarajevo, jer to zaslužuju naši građani, ali evo imamo ovu tačku danas, dakle sam uvod, sam materijal koji smo dobili, ili nismo dobili govori o tome da je potpuno sistem urušen. Mi imamo urušen sistem. Žalosno je da danas pred zastupnicima u Skupštini Kantona Sarajevo nisu bili menadžment svih institucija zdravstvenog sistema u Kantonu Sarajevo koji su se trebali pojaviti i govoriti građanima Kantona Sarajevo šta se dešava i kako se dešava. Žalosno je da mi imamo dobre ljekare, jako dobre ljekare, profesionalce u svim institucijama od KC, Opće bolnice, DZ, drugih zdravstvenih institucija ali na žalost mi imamo urušen sistem. Kada imate urušen sistem onda vam ništa ne može ići dobro. Ne može jedan pojedinac vladati sistemom na ovakav način. Ne može se vladati van sistema. Zato imamo ovu situaciju koju imamo danas ovdje u Sarajevu. Pa samo sjetite priča prije četiri, pet, šest mjeseci, ja mislim da je prof Marjanović i dr. Konjhodžić da su govorili oko laboratorija. Kada su inspekcije navalile na te privatne laboratorije da im se ne da samo da oni rade. Mi smo u tom momentu mogli biti lider u regionu, po tri, četiri pet možda i više hiljada dnevno da testiramo ljudi, takve smo kapacitete imali i dan danas ih imamo. A šta se radilo? Zato što je jedan čovjek ili neko, govorio ne mogu ti raditi. I zato što jedan čovjek ili jedna osoba misli da sve zna na ovome svijetu. Zato imamo uništen u potpunosti sistem. Mi imamo uništen zdravstveni sistem. Nemamo mi uništeno zdravstvo. Mi imamo ljekare, mi imamo i opremu, mi imamo sve, samo imamo uništen sistem. Mi nemamo sistema. To je najveći problem Kantona Sarajevo. I ovo ako se ovako. Pa mi smo jedina država ja mislim, ili regija ili grad kako hoćete da nemamo u funkciji Infektivnu kliniku KC. Pa to je žalosno. I sada neko će nam pričati ovdje o nekim štabovima, ko je bio na štabu, ko nije bio na štabu. Mene uopšte ne čudi što je ova gospođa podnijela ostavku. Pa mene više ništa ne može ovdje začuditi. Ja se samo nadam radi građana Kantona Sarajevo da ćemo što prije uspostaviti sistem, da ćemo imati ministra koji treba da bude ministar koji treba da odgovara, da donosi odluke, da stoji iza tih odluka itd. Pa ne mogu se ponižavati građani Kantona koji izdvajaju 400 do 500 miliona KM za sistem svoje zdravstvene zaštite, što u KC u Kantonu Sarajevo, što u Opću bolnicu, DZ, Hitnu pomoć itd. Vjerujete mi da nisam imao namjeru ni da se javim jer više izgubim volju kada vidim ovo sve šta se radi od naših građana i kako ovo sve funkcionise, na koji način funkcionise, koje su svađe, koji su neki privatni interesi, politički interesi. Pa ne može biti

politički interes zdravstvo. Pa tu je jedino interes valjda građanin da se zaštiti da mu se omogući sve, da se liječi, da ima mogućnost da se testira. Sada smo se sjetili privatnih laboratorija. O tome smo pričali. Pa postoje izvještaji ovo Stručnog tima koji je pisao izvještaje za Vladu Kantona Sarajevo u kojem su bili od dr. Marjanovića do dr. Konjhodžića, do dr. Nihada Fejzovića itd. Ništa se od toga nije nikada ispoštovalo. I sada smo se sjetili da trebamo uvesti privatne laboratorije, odnosno da smo ih uveli prije šest mjeseci. Sada smo se sjetili da nam trebaju izolatoriji itd a nismo nikada krenuli u popunjavanje ovih postojećih kapaciteta. Žalosno je ovo stvarno, nemam više ni snage da diskutujem na ovu temu, ali ja mislim da građani jednostavno apsolutno vide ovo sve i da vide u čemu je stvar. Ja se iskreno nadam da ćemo mi brzo moći dobiti i ministra zdravstva koji će konkretno odgovarati na zadatke i na ciljeve, koji će imati snage da donosi odluke a sve u cilju spašavanja života i zaštite građana. Ali sam siguran da imamo i vrsne ljekare i stručne ljekare, i dobre ljude koji će sigurno pomoći građanima. Ali na ovakav način, kada je sistem urušen, kada se sistem urušava, i kada se prepucavaju pojedinci između sebe, nema tu hajra vjerujte mi. Hvala lijepo.

Predsjedavajući:

Zahvaljujem uvaženi zastupniče Čampara. Kolegica Smiljana Viteškić je sljedeća. Dopredsjedavajuća ima riječ.

Dopredsjedavajuća Smiljana Viteškić:

Zahvaljujem predstavljajući. Evo kao i što su moji prethodnici rekli, dosta toga je rečeno, uglavnom je rečeno dosta kritika. Ono što ja mogu reći iz svog dugogodišnjeg rada u zdravstvenoj ustanovi, mogu reći da je put pacijenta postojao uvijek kao nepisano pravilo u DZ, u Hitnoj pomoći i u obje bolnice i u Općoj bolnici i KCUS. Ovaj put pacijenta aktivirao se donošenjem plana reorganizacije zdravstvenih ustanova u Kantonu Sarajevo i naravno tada nije nikada donesen a posebno se aktivirao proglašenjem epidemije COVID-19. Zdravstvene ustanove u Kantonu Sarajevo imaju posebno iskustvo u akreditaciji i certifikaciji o čijoj se potrebi govorilo i ovdje u Skupštini u trenutku kada je došlo do kratkog zastoja u tim aktivnostima. Na osnovu tog iskustva sve zdravstvene ustanove su donijele niz procedura, naloga za postupanje koje trasiraju put pacijenta sa oboljenjem COVID -19, postupanje zdravstvenih radnika, evo neke najvažnije su put pacijenta u COVID centrima, ambulantom, postupanje sa pacijentima kod sumnje ili oboljenja COVID 19. procedura rada COVID ambulanti, procedura kod prihvatanja većeg broja oboljelih od COVID infekcije. Znači procedure postoje, put pacijenta sa COVID oboljenjem postoji, ali evo stalno se postavlja to neko pitanje kako. Koliko se taj puta sada može ostvariti u ovom nedostatku i kadra i opreme i svega e to je sada drugo pitanje. Znači sve ustanove, ja možda malo i emotivno, moram hvaliti JU DZ Kantona Sarajevo, su donijeli te procedure. Nezadovoljstvo pacijenata je veliko. I to svakodnevno smo svjedoci tog nezadovoljstva, ali to treba posmatrati i u smislu oboljevanja i od drugih bolesti koje nisu, drugih oboljenja koja nisu zanemariva, posebno stres na ovu situaciju koja traje, i sa kojom se ljudi sigurno teško nose. Štrajk zdravstvenih radnika koji traje i traje. Nikada nije okončan, veliki je problem. Nezadovoljstvo zdravstvenih radnika. Treba posmatrati kroz odsustvo i nedostatak zdravstvenog osoblja. Premorenost osoblja koje između ostalog svakodnevno ima nove naredbe, nova uputstva , nove procedure i sve to mora primjenjivati. Pomoć u materijalnim sredstvima svake lokalne zajednice bila je značajna. Općine su na početku epidemije sa svojim štabovima CZ i svakodnevnom zasjedanjem sigurno doprinijeli, dali veliki doprinos u nabavci materijala i prema koja je bila potrebna lokalnim domovima zdravlja. Ja svakako tu moram pohvaliti Općinu Ilidža jer sam bila svjedok te pomoći DZ. I općine su lokalne zajednice su do sada uvijek pokušavale da pomognu u nabavci vakcine protiv sezonskog gripa i evo ja se nadam ta pomoć za vakcinu protiv sezonskog gripa neće izostati ni ove godine. Potrebno je svakako ispoštovati Zakon o obavezama, pravima i odgovornostima pacijenata. Čili smo danas i primjedbe na dostavu lijekova našim bolesnim ili nepokretnim sugrađanima. Ja sam pokušala da se malo raspitam da li je tu stalno i da li ima potrebe za aktiviranjem volontera Crvenog križa, međutim imam

informaciju da su pozivi za takve aktivnosti manji, a naravno i ove ustanove su u obavezi da čuvaju zdravlje svojih volontera posebno u uslovima kada nemaju zaštitna odijela kojima bi se morali pojaviti pred građanima kojima je potrebno donijeti sve to što treba. Plan reorganizacije zdravstvenih ustanova u Kantonu Sarajevo donešen je u prošlom sazivu Skupštine Kantona Sarajevo. Ovaj saziv nije ništa učinio na njegovoj realizaciji. Pa ako nam se taj isti plan nije dopadao, pod navodnicima, mogli smo ga bar revidirati i revidiran početi realizirati. Lično sam postavljala pitanja bivšoj ministrici kada će se početi sa implementacijom plana reorganizacije zdravstvenih ustanova u Kantonu Sarajevo i naravno nisam dobila odgovor. Ispalo je da hvalim zdravstvene ustanove to svakako ne sporim jer su ljudi u velikom opterećenju, u borbi sa virusom, sa kojim evo svakodnevno dobijaju nove upute, nova saznanja, novu borbu i na kraju nisam nikada mislila da ću morati reći, ali ja sam ljekar, najstarija zastupnica u Skupštini Kantona Sarajevo, koja se prvi danom epidemije javila bivšem direktoru DZ, profesoru Kuliću da volenterski ponudim svoje usluge, pa ako ništa, s obzirom da sam u rizičnoj kategoriji, neki telefonski centar, nešto. Nisam pozvana ali moja aktivnost prema građanima Ilidže prema kojima uvijek osjećam veliko poštovanje nije izostala, ja sam to radila svakodnevno. I hvala na vremenu koje ste mi dali.

Predsjedavajući:

Zahvaljujem uvažena dopredsjedavajuća Viteškić. Molim zastupnike da isključe mikrofone koji su možda ostali slučajno uključeni. Kolegica Bišćević-Tokić je sljedeća zastupnica. Kolegice izvolite, imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo prije svega želim reći da moja da kažem pitanja, bilo ih je šest, dobila sam samo jedan odgovor. Na ostala pitanja nisam dobila odgovor. Evo nije problem, neke ću stvari obrazložiti kroz svoju diskusiju. Ali prije nego što uopšte počnem govoriti o samom problemu zdravstvene zaštite, čula sam da ja dr. Bajramović, od naše dr. Amre, podnijela ostavku. Doktorica Bajramović prije svega želim da kažem da je dobar epidemiolog, vrstan epidemiolog i da sam svjedok da dr. Anisa svaku noć do 3 , 4 sata radi. Da svim zdravstvenih radnicima odnosno ljekarima zna poslati u tri navečer poruku kako bi nam pomogla. Nije lako, vjerujte voditi, kao ljekar ni samoizolacije, ni bolovanja, ni testiranja. Za jednog pacijenta, vjerujte da bi sve to uradili treba pola sata. I sama nemogućnost svih naših zdravstvenih radnika gdje se mi svi susrećemo jeste a kažem manjak vremena, željeli bi da pružimo svu najbolju da kažem pomoć građanima Kantona Sarajevo ali vjerujte da smo u nekim situacijama stvarno svi nemoćni. Tako da ja još jednom molim Vladu Kantona Sarajevo koja imenuje Krizni štab da ne prizna ostavku dr. Anise Bajramović, i da je vrati da bude v.d. predsjednica kriznog štaba, jer svjedok su svi ljekari, evo i ja kao ljekar koji radim u primarnoj zdravstvenoj zaštiti koliko dr. Bajramović pomaže svima nama. Koliko je stvarno predana u svom poslu i koliko je jako puno uradila za građane Kantona Sarajevo a i za zdravstvene radnike. Evo dok cijeli dan, što kažu prethodne kolege, cijeli dan pričamo o zdravstvenom sistemu koji je takav kakav jeste i moramo biti svjesni da imamo trenutno stanje onakvo kakvo jeste i da ga ne možemo ad hock promijeniti, želim prvo da se zahvalim svim zdravstvenim radnicima, pogotovo onim koji smiju raditi sa COVID pacijentima. Moram se osvrnuti na neke diskusije prijašnjih kolega vezano za neke predizborne kampanje koje su na žalost već počele ali moramo ih podsjetiti da prije nego što kaže da je ova Vlada nestručna, da u ovoj Vladi sjede ministri koji nisu stručni da vode procese, da je u prethodnoj Vladi sa premijerom Fortom bila ministrica Amela Sofić koja čak nije odgovarala na zastupnička pitanja, nego je odgovarao pomoćnik iz Ministarstva koji je bio za pravne poslove, mislim da se radi o gospodinu Alenu Katoviću. Znači, imali smo ministricu koja u godini dana svog mandata nije ništa donijela, ikakve strategije nikakve pomake u zdravstvenom sistemu i mi sada trebamo da ovoj Vladi spočitavamo neka prava koja se stvarno suočavaju sa stanjem pandemije COVID-19, koji evo vidimo odnosi sve više života u Kantonu Sarajevo. Slušala sam kolegu Konakovića koji kaže da uopće nema COVID

pacijenata na KC, da ne postoje takvi pacijenti. Pa evo ja kažem kolegi Novakoviću da je Federalna uprava za inspekcijske poslove izvršila nadzor na KC prema odluci Vlade FBiH i Kriznog štaba FBiH, i naravno Ministarstva zdravstva na čelu s gospodinom Mandićem i konstatovala da je KC osigurao 30% kapaciteta za COVID pacijente odnosno tačno da ima 457 kreveta. Iz tog izvještaja evo želila bih da pročitam par stvari, ne želim uopšte politizirati ali želim da građani Kantona Sarajevo znaju istinu. Prema stanju na dan 02.11.2020 godine broj ukupno ležećih pacijenata na organizacionim jedinicama KC je 808, od čega su 200 COVID pacijenti a 608 ostali ležeći pacijenti. Prema stanju na dan 02.11.2020 godine raspoloživost bolničkih kapaciteta za ležeće pacijente na svim organizacionim jedinicama KC je ukupno 1524 kreveta od čega su 457 COVID kreveti a 1066 kreveti predviđeni za ostale pacijente. Stanje popunjenosti izolatorija u prostoru Klinike za plućne bolesti i tuberkulozu Podhrastovi na dan 02.11.2020 godine je 103. od ukupno 109 bolničkih kreveta za hospitalizaciju i zbrinjavanje zaraženih pacijenata. To je negdje cca oko 95%. Klinika za infektivne bolesti sa proširenim kapacitetima raspolaže sa ukupno 205 bolničkih kreveta. Oni su na dva punkta, to su punkt Podhrastovi i punkt u krugu KCUS. Od ukupno 219 COVID 132 pacijenta su hospitalizirana na Klinici za efektivne bolesti, to su punkt Podhrastovi i punkt u krugu KC. Tako da sve stvari koje je kolega Konaković iznio ne mogu da prihvatim, ne stojim iza toga i smatram da ne trebamo raditi politizaciju zdravstvenog sistema. Građani Kantona Sarajevo su svakako vidjeli kako to sve funkcioniše i gdje je problem. Ali sada mi je bilo jasno da to bilo ko od nas zastupnika koji smo u prvom mandatu željeli da unaprijedimo, željeli da poboljšamo zdravstveni sistem, da omogućimo građanima sve bolje uslove za život, ali čovjek koji je bio premijer Kantona Sarajevo, u mandatu od 2014 do 2018, koji je bio u Skupštini Kantona Sarajevo kao zastupnik, to ne mogu da prihvatim. Ja poslije da kažem šest godina mogu uvidjeti da Ministarstvo zdravstva na čelu sa ministricom Zilhom Ademaj, je radilo dobro svoj posao. Moram prihvatiti ministricu Ademaj, ona je po prvi put uradila Registar uposlenih doktora u zdravstvenim ustanovama, ne znam dali je završila znam da je radila, koje su specijalizacije potrebne u svim zdravstvenim ustanovama. Pa mi sada imamo problem da nemam vjerujte pulmologa u DZ. Da nam penzioneri rade kao pulmolozi. Znači nikakve strategije nemamo zapošljavanja. Imamo problem da su nam tri pulmologa bila pozitivna i da su bili u izolaciji. Od toga jedan je u Vrazovoj, dva su iz DZ Novo Sarajevo. I vjerujte kada dođe doktor medicine u COVID ambulantu svi traže pulmologa. Moramo biti svjesni da ih nemamo. Zašto ih nemamo? Ne zato što je Vlada Kantona trenutno nesposobna i stručna, zato što nismo radili strategiju potrebnih specijalizacija. Ja i kolega Konaković se u jednom slaćemo da je 2014 godine bila neophodna reorganizacija i reforma zdravstvenog sistema. Imali smo problem sa Zakonom o zdravstvenoj zaštiti koji nije dozvoljavao ugovore da se mijenjaju. Zato sam danas pitala koji je radno pravni status ljudi da idu u preraspodjelu kadra. Idemo svi gdje treba pomoći, svi ćemo pomoći. Ali na koji način da osiguramo da nema povreda na radu, koji ih prijavljuje. Jer vidite, stanje nije nesreće proglašeno, nije mobilizacija proglašena, na osnovu čega radimo preraspodjelu? Ne možemo na osnovu odluke Kriznog štaba. Mora biti Zakon o zdravstvenoj zaštiti. Kolega Konakoviću, koliko god vi podnosili krivične prijave protiv nekih ljudi da ne rade svoj posao, pročitajte Zakon o zdravstvenoj zaštiti član 97 i 98 gdje decidno kaže šta moraju raditi bolnice, ne kažu može li primiti pacijenta s COVID-19 nego kažu da moraju primiti sve bolesnike na tom dijelu sekundarne ili tercijarne zaštite. Ne može bolnica kantonalna imati 30 kreveta ne zato što mi imamo nekakav problem s kantonalnom bolnicom, nego upravo da stavimo na raspolaganje sve resurse, da ne gledamo šta je to politički nego da upravo što kaže Kolega Marić, mi smo položili zakletvu. Da otvorimo kapacitete. Da li je to izolatorij ŽIŠ-a? Mi svi digli halabuku oko izolatorija ŽIŠ-a ali vjerujte otvorite ili pogledate novine iz susjedne nam države Hrvatske koja je članica EU, i koja kaže da je opremila Arenu da bude izolatorij. Da je opremila sa svim ležećim krevetima i da će kadra iz svih zdravstvenih ustanova poslati tamo. Znači ne mogu reći, ne mogu kuditi Krizni štab da nisu imali dobrih odluka, mislim da su svi potrebni ljudi koji treba da sjede u kriznom štabu upravo tu sjedili. Sve odluke to možda bolje dr. Kaljić-Junuzović zna da kažem, sve odluke koje su donijeli ne vjerujem da je išlo na uštrb

građana Kantona Sarajevo a mislim da su dali potpuni svoj kapacitet. Osim dvije bolnice, tu je HMP, i DZ koji rade vjerujte bez prestanka. Nije lako raditi u COVID ambulanti. Svako jutro u 7 ujutro kada prođem pored COVID ambulante Vrazove pa vjerujete do ceste su gužve. Ti ljudi 24 sata rade pod vizirima, pod maskama, pod kapama u odijelima. Vjerujte probajte da 2 sata budete u takvim odijelima na poslu da radite. Po meni predsjednik Kriznog štaba bi trebao biti epidemiolog. To je struka iz da kažem specijalizacije javnog zdravlja. I ne trebamo miješati neke struke. Jao kao medicina rada ne bih trebala uopšte da se oko toga bakćem. Treba struka da se stvarno vodim tim. Jel mislite da pacijenti koji treba da idu na operaciju na Neurohirurgiju i da su COVID pozitivni jel mislite da ih smještamo u izolatorij? ne. Na svakoj klinici imaju odvojene sobe za takve pacijente. Znači takve imamo i Hematologiju i Onkologiju, mislim da u ovom trenutku mora se pojačati kadar zdravstvenih radnika. Evo posmatrajući susjedne države u okolini, vidjet ćemo da su studente stavili V i VI godine medicine da rade na trijaži i da mjere temperaturu. Na taj način su olakšali specijalistima raznih oblasti kako bi bili ne u trijaži nego bi bili više sa pacijentima. Mislim da stvarno ne trebamo neke stvari gledati s aspekta politike.

Predsjedavajući:

Kolegice da li govorite u ime Kluba?

Poslanik/zastupnik Jasmina Bišćević-Tokić:

Jeste govorim u ime kluba. Pitala sam koliko u suštini je zaraženih zdravstvenih radnika. Ja otprilike znam da kažem za veće neke institucije koliko je zaraženo. Nisam znala da je 60 uposlenika zaraženih u DZ. Otprilike znam da je oko 200 ljudi kao što je dr. Anisa rekla gore na KC, kod njih je 8. u ovim malim Zavodima je to otprilike negdje do 10 do 15 ljudi koji su zaraženi COVID -129. a vjerujte kada 60 ljudi iskoči vam iz sistema onda je to stvarno problem i za menadžment takve firme i za samog šefa organizacije koji to radi. Ono što još mene kao zdravstvenog radnika da kažem interesuje a to su priče kao što nam je rekao kolega Stojanović, uopšte, otkud informacija da nema kisika? Znači volila bih da mi neko od njih kaže otkud ta informacija. Messer nije jedini dobavljač kisika vjerujte, to je ono što smo aludirali danas kolege i ja vezano za upravljačke strukture. Ne da bi se postavili ljudi ni na kakve mandate nego vjerujte stvarno nam zalihe u zdravstvenim ustanovama polako nedostaju, nemamo ih više. Da bi pokrenuli neku izmjenu javnih nabavki, to sve moje kolege zastupnici znaju. Mora biti odobrenje UO. Evo ne mora NO, ali UO stvarno treba. Domovi zdravlja je faktički baza neke primarne zdravstvene zaštite i hajde njima i HMP da omogućimo da imenujemo da li su to v.d. da li su to da kažem UO u mandatu, mene to stvarno iskreno da budem, ne interesuje ali želim da olakšamo menadžmentu te dvije ustanove. Mali zavodi mogu, oni se mogu pretrpiti bez upravljačkih struktura. Ali stvarno nešto kao što su DZ kao što je HMP ne možemo takav luksuz mi dopustiti ad im ne pomognemo za neku nabavku takvih nekih krucijalnih stvari. Evo ja se zahvaljujem, stvarno sam malo i odužila, ali nekako ponukana sa svim ovim današnjim vezano za zdravstveni sistem zahvaljujem još jednom predsjedavajući (nerazumljivo).

Predsjedavajući.

Zahvaljujem uvažena zastupnice Bišćević-Tokić. Imamo repliku. Konaković zastupnici Bišćević-Tokić.

Poslanik/zastupnik Elmedin Konaković:

Imam konkretan prijedlog, (smetnje)

Predsjedavajući:

Kolega Konakoviću mi vas slabo čujemo. Molim vas ako možete da ponovite. Nismo vas čuli, iz početka.

Poslanik/zastupnik Elmedin Konaković.

Hoću govoriti ću malo glasnije. Jel sada bolje predsjedavajući? Dakle pozvat ću samo kolegicu Bišćević-Tokić da predloži prijedlog zaključka koji upravo pišem, u kojem će Skupština Kantona Sarajevo formirati komisiju sedam ili devet ljudi od zastupnika, koji će u narednom periodu obići zdravstvene ustanove, pregledati njihove kapacitete, naravno u skladu sa propisima i epidemiološkim procjenama i nakon toga o tome izvijestiti Skupštinu. Da mi brate vidimo, obiđemo naravno i Opštu bolnicu, obiđemo i KC, i DZ, i sve druge vidimo šta je zapravo istina od onoga što mi s terena dobijamo. Nakon svega što je rekla kolegica Bišćević-Tokić ubijeđen sam da će glasati za prijedlog ovog zaključka, osim ako nešto nije govorila malo drugačije nego što. Hvala.

Predsjedavajući.

Zahvaljujem zastupniče Konakoviću. Kolegica Vildana Bešlija je sljedeća zastupnica koja ima riječ. Kolegice izvolite.

Poslanik/zastupnik Vildana Bešlija;

Hvala predsjedavajući. Pa evo bilo je dosta nekako žala i desilo se nekih drugih stvari, i evo ova doktorica je dala sada ostavku. Svi kao govorimo da trebamo imati neke konkretne prijedloge, dosta je nekih svađa i kritika. U cilju toga ja sam zaista već evo jutros postavila pitanja vezano za prevenciju, znači konkretno da preduhitrimo neke stvari vezano za vakcinaciju protiv gripe. To je nešto o čemu smo čuli, čitali pričali u septembru. Mi još uvijek nemamo nikakav pregled situacije. Na ovoj tački dnevnog reda dr. Je otprilike i rekla ono čega sam se i pribojavala da ta količina koja je nešto i nabavljena da je jako mala da ni u kom slučaju ne može zadovoljiti potrebe najstarijeg dijela našeg stanovništva. Čuli smo da otprilike njih koji su stariji od 65 godina ima više od 10 %. to je neka procjena. E sada zamislite koliko, naravno da su zdravstveni radnici prvi tu, postoje i trudnice, imamo kategorije stanovništva i u socijalnim ustanovama, i to je jako važno. To je samo jedno od pitanja koje sam evo htjela onako malo da zagrebem i da skrenem pažnju i da stvarno se ne tiče samo kritika, nego evo, i kada želimo predložiti neki prijedlog unaprijed, kada želimo da imao nešto čime ćemo se rukovoditi mi to jednostavno nemamo. Mi nemamo podatke, mi nismo naučili, odnosno ovaj sistem koji je snazi, ova Vlada koja nas vodi ovako obezglavljeno, sve ove mjeseci jednostavno nema nikakvu viziju. Mi nemamo pojma šta se dešava. Mi pokušavamo, odnosno oni pokušavaju krpiti neke rupe. Mi se pokušavamo ubaciti u to i onda nekako dolazimo u neke nesuglasice. Znači ovo sada što je kolegica Bišćević-Tokić citirala, evo ja sam našla na jednom od portala da su objavili, vrlo je indikativno da se od kompletne analize gdje stoji pretpostavljam da je to čitala, da je sveobuhvatni inspekcijski nadzor za KC bio naročito usmjeren na organizacijske pretpostavke, hronologiju postupanja, raspoloživost kadrovskih kapaciteta i kapaciteta bolničkih kreveta, u suštini samo je bio ovaj odgovor i cijeli jedan veći pasus i većina diskusije kolegice Bišćević-Tokić usmjerena samo na kapacitet kreveta koji treba biti obezbijeđen, to je 30%. prvo ne trebamo uopšte se dovoditi u situaciju, naravno da je to neophodno, ali nisam ni sumnjala da će takav ishod biti zato što popunjenost i pristup tom KC je već odavno ograničen. Tako da to me ne iznenađuje, ali me iznenađuje da ovdje evo u novinskom članku uopšte nam ništa o kadrovskom kapacitetu o hronologiji postupanja, što bi trebalo više da bude usmjereno ne samo kreveti. Tako da selektivno izvještavanje i pokušavanje navođenja nekako vode na svoj mlin, zaista nam ne ide, pogotovo u ovim okolnostima. Puno bi bolje bilo da zaista pričamo o konkretnim stvarima da predložimo konkretne prijedloge evo i kada su rekla sam penzioneri na početku lock down sjetite ćete se da su oni ustvari dobili prilikom tužbe Ustavni sud je presudio u korist ugroženih kategorija stanovništva a to su bili djeca do 18 godina i stariji od 65 godina kojima je bilo uskraćeno pravo kretanja. Jel opet trebamo se dovesti u situaciju da ovakvi građani traže svoja prava putem suda? Jel to ono što im poručujemo? Jel to ono što su svoj životni vijek proveli uopšte tu, jesmo li odustali od takvih ljudi? I još povrh svega da imamo jednog načelnika Opštine Centar Ajnadžića koji će im platiti, koji sam sada evo pročitala sam

je pozitivan, a platit će im kartu da idu na Trebević pa smo svjedočili i tim nekim redovima. Ili kojima će se dijeliti po 50 KM. Zar ti ljudi ne zaslužuju više? Znači totalno je ljudsko dostojanstvo uništeno. Naša obaveza je zaista da obezbijedimo jednake uslove eventualnu pomoć svim građanima. Apsolutno se slažem s prijedlogom kolege Konakovića i mislim da je krajnje vrijeme da se lično uvjerimo da vidimo šta je to čime mi raspolažemo, kakvi su kapaciteti, jer mi smo odgovorni prema ovim građanima. Mi također dižemo ruke za budžet, mi također prebacujemo novac građana u te ustanove, mi moramo imati uvid u to, i moramo imati odgovornost tih ljudi. Upravljačke strukture sa ovim moratorijem i ovo što se pokušava nametnuti da je to kao problem, jednostavno nema apsolutno nikakvog smisla. Već mjesecima ovaj sistem ne funkcioniše. Samo košta još više građane. Danas smo putem inicijative u suštini razriješili ministra zdravstva koji je uredno u ostavci koji je primao platu. I konstantno se protežu određene političke stranke koje učestvuju u svemu tome. Građani zaista ne smiju biti više taoci političkih prepucavanja ovakve nefunkcionalne Vlade. Hvala vam.

Predsjedavajući:

Zahvaljujem uvažena zastupnice Bešlija. Imamo repliku Jasmina Bišćević-Tokić. Replika zastupnici Bešliji. Izvolite.

Poslanik/zastupnik Jasmina Bišćević-Tokić:

Predsjedavajući, pa evo pošto je kolegica Bešlija pročitala medijske natpise vezano za inspeksijski nadzor molila bih je da pročita prve četiri rečenici samog teksta da je Federalna uprava za inspeksijske poslove postupila u skladu sa obavezama predviđenim naredbom Kriznog štaba Federalnog Ministarstva zdravstva, postupajući po zahtjevu za hitno provođenje inspeksijskog nadzora Federalnog Ministarstva zdravstva. Zahvaljujem.

Predsjedavajući:

Zahvaljujem. Pa evo i ja imam repliku. Čisto zbog građana ne da bi izazvao odgovor na repliku ili bilo što drugo. Pa evo ja ću pročitati i sada ću proslijediti svim zastupnicima izvještaj Federalne uprave za inspeksijske poslove u KCUS. A ja ću pročitati možda tri pasusa. Krizni štab KCUS je zbog nepredvidivog razvoja epidemiološke situacije, uporednih iskustava i prakse 01.03.2020.godine naložio internu reorganizaciju i preusmjeravanje slobodnih kapaciteta kako bi se još početkom marta osiguralo nivo od 30 kapaciteta za hospitalizaciju i liječenje COVID-19 pacijenata. Istaknuto je kako je ekspertni tim Kriznog štaba KCUS predviđajući mogući nepovoljni rast oboljelih i planirajući mogući priliv pacijenata išao u susret ozbiljnom pogoršanju situacije i faktički stvorio uslove iz naredbe skoro osam mjeseci prije nego što je ista donesena. U pogledu neposredno zatečenog stanja a po pitanju ispunjavanja uvjeta i osiguranja potrebnih organizacijskih sistemskih rješenja i procedura u poslovanju ovakvih vanrednim uvjetima rada nesumnjivo se može zaključiti da je KCUS sa suženim i iscrpljenim kadrovskim kapacitetima odgovorio i odgovara pritiscima, zahtjevima i potrebama u okviru vlastitih mogućnosti a u čemu u prilog govori uočena profesionalnost i posvećenost uposlenika KCUS. Zahvaljujem.

Kolegica Dizdarević Neira je sljedeća zastupnica.

Poslanik/zastupnik Neira Dizdarević:

Hvala predsjedavajući. Pa meni je potpuno neprirodno i neprihvatljivo a upravo sam sa namjerom i pitala ko je danas tu sve prisutan da nemamo na ovakvoj važnoj tački dnevnog reda u mjesecu novembru kada bilježimo rekordne brojeve oboljelih da nemamo prisutne predstavnike zdravstvenih ustanova jer smatram da je čitava ova kritika danas i od strane mojih kolega a evo i u mojoj diskusiji upućena upravo menadžmentu, vrhu, Ministarstvu, Vladi, rukovodiocima JU iz oblasti zdravstva. Ni na koji način zdravstvenim radnicima. Materijale koje smo dobili su poprilično skromni. Očekivala sam da ćemo nakon jučerašnje sjednice Kolegija dobiti određenu dopunu informacija, a ne ove statističke grafikone na 12

stranica gdje se podsjećamo da smo imali prvi slučaj u mjesecu martu. Očekivala sam bar i zaključke koji su jučer doneseni, a za koje smo saznali iz portala i medija. Ništa od toga nama danas nije kao zastupnicima prezentirano. Od nas 35 zastupnika, naravno izuzev par doktora među nama ne možemo naravno da ovu materiju poznajemo toliko dobro, nismo stručnjaci, nismo epidemiolozi, ne znamo kako će se pandemija kretati. Ukoliko iko i može znati šta nas to čeka. Možemo govoriti eventualno iz ličnog iskustva ili iz iskustva nama bliskih osoba koje su prošle borbu zvanu COVID odnosno i sugrađana koji nam svakodnevno pišu i obraćaju se. Bez ikakve namjere da se diže panika, zato nema naravno mjesta sada kada je potrebno trezveno donositi odluke koje se tiču ljudskih života, trebamo sve napore usmjeriti ka poboljšanju sistema koji je zapravo bolestan. Jer naš zdravstveni sistem je zapravo bolestan, on je bolestan godinama a ova pandemija je samo razotkrila u potpunosti sve njegove slabosti. Trebamo pogledati istinu u oči, ulazimo u deveti mjesec pandemije, a loša organizacija nas je koštala ljudskih života. Kada vam se jave prvi simptomi COVID pred vama je prva prepreka usko grlo na koje nailazite DZ. Mjesecima se kao mantra ne ponavlja da građani ne dolaze u DZ već da prvo telefonski pozovu. Gotovo je nemoguće uspostaviti telefonsku vezu s ambulantom. Građani upućuju po nekoliko stotina poziva stotina telefonskih poziva na koje im niko ne odgovara. Ovdje ni u kojem slučaju ne želim da se ovo shvati kao kritika zdravstvenih radnicima koji su ionako na izmaku snage, mjesecima biju bitku sa pandemijom kako najbolje znaju i umiju, često dajući i više od svog maksimuma već isključivo kritika onima koji su trebali rukovoditi procesima u zdravstvu. Ministarstvo zdravstva koje je mjesecima obezglavljeno kao i Vlada nisu učinili ništa na implementaciji zaključaka Skupštine još iz mjeseca augusta kako bi se obezbijedili potrebni uslovi za unapređenje primarne zdravstvene usluge. Prvenstveno mislim na unapređenje postojećih call centara za komunikaciju s pacijentima. Zar je toliko bilo teško i neizvedivo da se uključi da više telefonskih linija u domove zdravlja, Viber brojeva kako bi građanima se omogućio makar prvi kontakt sa ljekarom. Ovo oboljenje usljed svoje nepredvidivosti gdje se simptomi pogoršavaju klinička slika mijenja iz sata u sat, izaziva naravno dodatni strah i paniku kod oboljelih. Savjet zdravstvenog radnika na koji način sugrađani mogu sami sebi pomoći makar u tim prvim danima, prvim satima jeste zaista minimum sluge kakvu svi zaslužujemo. Također kapacitiranje mobilnih timova za tretman i praćenje COVID pozitivnih pacijenata. Jasno je vidljivo iz jučerašnje zaključaka da će veliki teret pasti na primarnu zdravstvenu zaštitu a svaki vid podrške u smislu ljudskih resursa bi morao jednostavno pratiti ove aktivnosti. Na rezultate testiranja čeka se danima jer ambulante šalju po 50 uzoraka briseva dnevno na KC, to smo čuli i od predstavnice kriznog štaba to je tih 450 po općinama sa kojeg se žale da ne mogu da analiziraju sve testove i onda se pitanje čuvanja i reprezentativnosti takvih uzoraka nakon više dana čekanja postavlja i pitanje zašto je Vlada čekala do prošle sedmice do zahtjeva za održavanje hitne sjednice na temu epidemiološke situacije da angažuje ove privatne laboratorije a sa ciljem uspostavljanja sistema prikupljanja i testiranja uzoraka koji će naravno omogućiti saopštavanje rezultata pacijentu dosta ranije. Dok vas neko obavijestio o rezultatima testa vi ste već ili dobrim dijelom se oporavili ili su vam se simptomi toliko pogoršali da ćete trebati hospitalizaciju. Dakle radi se o tih ključnih prvih četiri, sedam dana kada je najvažnije pravovremeno djelovati i ni na koji način nije prihvatljiva činjenica ili sugestija da se treba testirati peti ili šesti dan, pa onda gotovo isto tako dugo čekati rezultate testa jer ih praktično deset dana ukoliko niste dovoljno odgovorni vi ste hodajuća bomba. Hodajući ubojica tempirana bomba, i možete se slobodno šteti okolo i zaražavati ljude. Rješenje o samoizolaciji COVID pozitivnih pacijenata su posebna priča. Ista se više ne izdaju od strane Ministarstva zdravstva osim na vlastiti zahtjev. Od testiranja do prve kontrole poštivanja mjera samoizolacije također prolaze dani u kojima ukoliko niste odgovorni okolo možete sasvim bez ikakvih prepreka hodati, kao što sam već ranije spomenula. Ljudi gube živote, jer danima ne mogu da upadnu u sistem. U redu za tzv drive in testiranje koje sve samo nije drive in, ili se jednostavno drive in podrazumijeva da se dovezete, parkirate automobil onda stanete u red u kojem čekate po minimalno četiri sata što bolesne ljude, stare iznemogle, ljude pod temperaturom na ovim vanjskim nepogodnim vremenskim uslovima

dovodi doslovno do suza. Ukoliko i niste bili bolesni ili pozitivni, zarazit ćete se, kada uđete u čekaonicu u kojoj prije vas prošlo desetine zaraženih a na očitavanje nalaza RTG pluća čekat ćete u najgorem slučaju 24 sata sa ovakvom prirodnom bolesti kod koje se klinička slika mijenja iz sata u sat, šta se sve može ustvari desiti za 24 sata. Da ne idemo tako daleko pa da očekujemo da neko barem sa minimumom empatije objašnjava važnost preventivnih mjera, modus operandi je priječenje novčanim kaznama, stalno ponavljajući kako građani ne shvataju ozbiljno situaciju. Velika većina naših sugrađana je odgovorna i poštuje mjere. Šta više mjesecima koji su iza nas svjedoci smo da su upravo oni koji donose mjere upravo te mjere i kršili., upravo nadležni su ti koji ne shvataju ozbiljnost situacije a nikako građani Kantona Sarajevo. Kolega Nikšić je postavio pitanje važnosti određenih suplemenata vitamina D kojem svakodnevno čitamo. Veliki broj studija koje dokazuju njegovu djelotvornost u jačanju imuniteta i shvatam da je svaki organizam individua za sebe, ali iskustva evo drugih zemalja, ipak postoje određene preporuke koje mogu ojačati imunitet i eventualno uticati na sami tok bolesti. Nemamo zvaničnih istupa na ovu temu, prinuđeni smo čitati statute ljudi koji su se oporavili od COVID u potrazi sa savjetima, kako sebi olakšati. O uticaju karentine na mentalno zdravlje, kao i na zdravlje djece gdje se kao posljedica javljaju smanjena motorika i pretilost nisam sigurna ovom dinamikom da ćemo uopšte razgovarati u ovom mandatu. Dakle apelujem na Vladu, na ministarstva, krizne štabove, rukovodioce zdravstvenih ustanova da povučete odlučne poteze. Devet mjeseci nakon pojave COVID u našem Kantonu više jednostavno nema opravdanja. Imate odriješene ruke, imali ste i mjesecima unazad što se tiče Skupštine Kantona Sarajevo, na terenu ste vrlo malo uradili. Očekujemo puno od ministricice Agić znamo da je pred njom težak zadatak. Ne vidim problem u tome što je diplomirani ekonomista. I ministrica Zilha Ademaj je ekonomista pa je tu funkciju obavljala u prošlom mandatu. I nadam se da će evo konačnim imenovanjem v.d. ministricice završiti ova španska sapunica gdje je zaista, zaista jeste španska sapunica gdje javnost, ali i mi zastupnici, ustvari nagađamo ko igra koju ulogu jer je to više potpuno nemoguće upratiti. Ponavljam, svima nam je isti cilj. To je da unaprijedimo sistem koliko god je to u ovim uslovima moguće kako bi ove zime maksimalno amortizovali udare COVID na zdravlje naših sugrađana i mi ćemo insistirati na provedbi usvojenih zaključaka koji su sačinili zdravstveni savjeti sastavljeni od stručnih ljudi, ljudi iz struke a Skupština ih je usvojila i naravno tražit ćemo redovno izvještavanje o njihovoj provedbi. Toliko hvala.

Predsjedavajući:

Zahvaljujem uvažena zastupnice Dizdarević. Kolegica Segmedina Srna Bajramović je sljedeća zastupnica koja je prijavljena. Izvolite. Imate riječ.

Poslanik/zastupnik Segmedina Srna Bajramović:

Hvala predsjedavajući. Pa evo, nakon svega što smo čuli danas, a izgovoreno je puno toga, a najviše na tragu onoga kako je diskutovao kolega Čampara želim reći kratko sljedeće: da je ovo vrijeme u kojem nas građani neće cijeniti ni po partijama ni po strankama, ni odnosima starih ili novih parlamentarnih većina, nego isključivo po našoj zajedničkoj sposobnosti, sposobnosti da građanima Kantona Sarajevo omogućimo maksimalni funkcionalni kapacitet institucija u borbi sa svim posljedicama pandemije o čemu se, rekla bih, na žalost, do danas nismo proslavili. S obzirom da već dugo predugo u javnosti imamo krizno komuniciranje koje je neprihvatljivo spram javnosti jer je ista već dovoljno frustrirana epidemiološkim stanjem. U međuvremenu sam i sama, pored onih zaključaka koje je najavio kolega Stojanović koje će predložiti u ime Kluba SDP sačinila dva seta zaključaka koji će institucionalno, transparentno i javno ponuditi sve tražene odgovore prema građanima, osiguranicima a koje imamo u bazama čime će se zapravo utvrditi sve relevantne činjenice o stanju bolničkih kapaciteta i nadam se okončati frustrirajuće teorije zavjera o kolapsu sistema. Zaključci su sljedeći, prvi set:

1. Obavezuje se ZAVOD ZDRAVSTVENOG OSIGURANJA KANTONA SARAJEVO da sve podatke iz BIS-a (Bolnički informacijski sistem), a naročito broj hospitaliziranih bolesnika na svakoj klinici, broj pregleda, broj laboratorijskih nalaza učini dostupnim javnosti kako bi svaki građanin imao uvid u stanje svih javnih zdravstvenih ustanova na području Kantona Sarajevo uključujući i Klinički centar Univerziteta u Sarajevu.
2. Obavezuje se ZAVOD ZDRAVSTVENOG OSIGURANJA KANTONA SARAJEVO da ODMAH sve podatke objavi na svojoj web stranici i na dnevnoj bazi ih ažurira.
3. Obavezuje se ZAVOD ZDRAVSTVENOG OSIGURANJA KANTONA SARAJEVO da ukoliko je neki od podataka povjerljiv da ih posebno dostavi svakom zastupniku Skupštine Kantona Sarajevo.
4. Obavezuje se ZAVOD ZDRAVSTVENOG OSIGURANJA KANTONA SARAJEVO da odmah pristupi realizaciji gore pomenutih zaključaka, a Skupštinu izvijesti o učinjenom u roku od 7 dana.

Drugi set zaključaka koje predlažem na izjašnjavanje glasi ovako:

1. Obavezuje se ZAVOD ZDRAVSTVENOG OSIGURANJA KANTONA SARAJEVO da shodno članu 21. važećeg Ugovora o pružanju zdravstvene zaštite osiguranim licima Kantona Sarajevo sa Kliničkim centrom Univerziteta u Sarajevu izvrši kontrolu izvršenja SVIH obaveza koje je Klinički centar Univerziteta u Sarajevu preuzeo pomenutim ugovorom
2. Obavezuje se ZAVOD ZDRAVSTVENOG OSIGURANJA KANTONA SARAJEVO da shodno Ugovoru o pružanju zdravstvene zaštite osiguranim licima Kantona Sarajevo sa Kliničkim centrom Univerziteta u Sarajevu utvrdi da li je Klinički centar Univerziteta u Sarajevu izvršavao u 2020. godini sve obaveze pružanja zdravstvenih usluga osiguranim licima Zavoda, te izvrši korekciju utvrđene naknade ukoliko je potrebno
3. Obavezuje se Ured za borbu protiv korupcije i upravljanje kvalitetom da u okviru svojih nadležnosti utvrdi zakonitost postupanja Zavoda zdravstvenog osiguranja KS i Kliničkog centra Univerziteta u Sarajevu po pitanju pružanja zdravstvenih usluga osiguranim licima Zavoda i namjensku dodjelu kao i trošenje sredstava predviđenih za te svrhe
4. Obavezuju se ZAVOD ZDRAVSTVENOG OSIGURANJA KANTONA SARAJEVO da o poduzetim koracima i utvrđenom stanju obavijesti Skupštinu Kantona Sarajevo u roku od mjesec dana.

Molim zastupnike da se izjasne o navedenim zaključcima o oba seta.

Predsjedavajući:

Zahvaljujem uvažena zastupnice Segmedina Srna Bajramović:
dopredsjedavajući Handžić se javio za diskusiju. Izvolite kolega.

Dopredsjedavajući Vibor Handžić:

Zahvaljujem predsjedavajući. Zaista ću se truditi da ne budem dug i opširan, nema ni potrebe jer ne znam više šta imamo novo da kažemo jer se na istu temu mjesecima vrtimo u krug. A vidimo u uvodnom izlaganju ove tačke da se očito mi ne razumijemo kada pričamo o ovoj tematici. Dakle imali smo najavu jedne tačke na ovoj sjednici dnevnog reda, poslije smo imali

zahtjev za hitnom sjednicom koja bi bila sveobuhvatnija sa detaljnijom raspravom, puno ozbiljnije organizovana. I onda kada smo se odlučili da ipak ovu tačku održimo i da je pomjerimo naprijed, ja sam zaista smatramo da će ovo izuzetno skromno uvodno izlaganje koje smo dobili na početku, biti prošireno sa mnogim podacima i u mnogo drugih pravaca, međutim očito da sam se prevario i da od toga nije bilo ništa i da možda iz Vlade nisu baš shvatili ozbiljnost ove tačke dnevnog reda. Dakle, samim tim je ova tačka postala potpuno besmislena i ona se svela isključivo na naše žalopoljke i rasprave zastupnika, bez ikakvog relevantnog uvodnog izlaganja, bez ikakvih relevantnih odgovora na pitanja zastupnika ili neke razmijene argumenata sa ljudima koji rukovode ovim procesima o kojim govorimo. Dakle mi nismo dobili odgovore ni na ona pitanja koja smo uputili ljudima koji danas ovdje sjede i trebali bi da nam na ta pitanja odgovore, i nismo dobili odgovore ni na pitanja, evo konkretno ja, ni na pitanja koja su se odnosila na aktivnosti koje provodi sama Vlada Kantona Sarajevo. I ovo je po meni potpuni jedan dokaz zašto je zaista taj zahtjev za posebnom sjednicom bio opravdan i zašto je bila potrebna posebna sjednica Skupštine Kantona Sarajevo na ovu temu. Što se tiče ovog uvodnog izlaganja, mi smo saznali sve ono što nam za ozbiljnost ove situacije nije potrebno. Saznali smo neke puke brojke koje nisu nama trenutno u ovom trenutku ni za šta relevantne osim možda za neku arhivu Zavoda za statistiku. Dakle ono čime sam bio šokiran, moram vam iskreno reći, u nekom uvodnom izlaganju, nije uvodnom izlaganju, na početku davanja odgovora na naša pitanja je, da vi konstatujete da je ogroman problem u ovoj situaciji, pazite vi, nedostatak ministra zdravstva. Pa iskreno znači to je takav odgovor je za Nobelove nagrade u kategoriji otkrivanja tople vode. Mjesecima ovdje zastupnici upozoravaju na potrebu hitnog imenovanja ministra zdravstva. Zaključak Hitne sjednice iz augusta mjeseca upućuje na hitno imenovanje ministra zdravstva. Na to vas obavezuje i Zakon o Vladi. I pazite vi šta radite, imenujete za v.d. ministra čovjeka koji vodi drugi najgori resor koji se može baviti pandemijom i u ovoj situaciji u kojoj se nalazimo, i iskreno da vam kažem, da je upitno njegovo snalaženje i u samom tom resoru. Zatim prije nekoliko dana imenujete gospođu Agić koja vam mjesecima ranije podnijela ostavku iz zdravstvenih razloga, i umjesto da je zamijenite novim ministrom, vi joj prepustite najgori resor kojim trenutno neko može upravljati u ovoj situaciji. Dakle jedni drugima mjesecima blokirate imenovanje novog ministra i sada nama dođete nakon četiri mjeseca, nakon što je ministar zdravstva dao ostavku, i evo do danas očito uredno primao platu zato što nije radio, i kažete nama treba ministar. I obraćate se nama u Skupštini kao da smo mi odgovorno zbog toga što vama treba ministar. I stvarno nam s tim konstatacijama, izvinite, nemojte se ljutiti, vrijeđate nam inteligenciju. Baš nam vrijeđate inteligenciju. Dakle u augustu mjesecu zasjedala Skupština Kantona Sarajevo na Hitnoj sjednici i donijela zaključke. Zaključke koje su mnoge pisali i te kako relevantni ljudi. Formiran Akcioni plan za provedbu tih zaključaka. I gledajte šta vi nama odgovarate, ne krivim ja zaista ministricu Agić za takav odgovor jer je ona prije dva dana preuzela funkciju, a ona ne treba da preuzima tu funkciju i da vodi resor zdravstva, pogotovo u ovoj situaciji. Vi onda nama kažete ne znamo dokle je provedbe Akcionog plana jer nemamo upravljačkih struktura u šest zdravstvenih ustanova. Pa dobro, hajte mi recite šta je sa onih šest zdravstvenih ustanova u kojim ima upravljačkih struktura. Šta se tu radi na provedbi Akcionog plana? Imamo li tu ikakve informacije? Dakle iz druge strane ko ovdje rukovodi procesima? Jel Vlada išta zna šta joj se dešava na terenu? I vi meni kažete da Vlada nema informacije u kojoj je fazi provedba akcionog plana Vlade koji je ona sama donijela, a Vlada ne zna u kojoj je fazi provedbe Akcionog plana koji je donijela i zato joj treba neka upravljačka struktura da joj podnese izvještaj dokle je i šta je urađeno po tom pitanju. I opet mislim jedna, ono što je jako otrcano postalo u posljednje vrijeme, kažete nam da vam je moratorij problem za provedbu Akcionog plana. Vama je očito moratorij odlično došao da se amnestirate od svake buduće odgovornosti jer očito je da je svaki problem koji se ovdje ne rješava počeli ste da fakturišete Skupštini Kantona Sarajevo i zaključcima Skupštine vezano za moratorij. Samo ja mislim da valjda ne mislite da smo mi toliko naivni da zaista vjerujemo u te stvari i da su to razlozi zašto određeni procesi staju. Evo konkretno u ovom slučaju ovo o

čemu govorim. Ako vi ne znate, ja vam mogu reći, da ne čekate upravljačke strukture da vam podnesu izvještaj. Dakle ni dokle Akcioni plan nije došao i malo je toga jako iz njega realizirano. Infektivna klinika je još uvijek zaštićena od Hutovog blata, iako ljudi koji gore rade, neke ljude poznajem, mole i kume da pacijenti počnu dolaziti u najopremljeniju kliniku u državi za borbu protiv ove pošasti. Dakle telefonske centrale i dalje ne funkcionišu. Danima ljudi pokušavaju da dobiju informacije, preporuke, i ostalo. I dalje vam se na testiranja čeka jako puno sati. Ljudi kolabiraju u redovima oni koji su slabog zdravstvenog stanja. Puno je tu bolesnih ljudi. Jasan protokol tretmana pacijenata od prvog do zadnjeg dana COVID još uvijek nije formiran ili evo tek se posljednjih dana o tome počelo govoriti. Traženi su dodatni ljudski resursi za borbu protiv pandemije. A tek je evo prije neki dan Vlada Kantona Sarajevo na hitnoj sjednici donosi zaključak da Služba za zapošljavanje dostavi raspoloživ spisak raspoloživog medicinskog kadra na birou. Ministra zdravstva, kako sam to maloprije govorio u diskusiji, niste imenovali ni dan danas. Neću upotrebljavati neki grublji izraz. Međutim, ljude koje tamo imenujete dovodite kao potpuno nestručne i dovodite njih lično u najgoru moguću situaciju ,a uzročno posljedično u odsustvu takvog sistema i medicinske radnike i građane koji obolijevaju od COVID-a. Dakle, Krizni štab nije rekonstruisan kako je Skupština naložila u jednom zaključku. Mogu vam ja lično odgovoriti na to pitanje kao potpuni laik a vi mi kažete da vam trebaju upravljačke strukture u zdravstvenim ustanovama da pratite ono što ste sami donijeli. Mjesecima i ono što sam pitao u pitanju kada je počela tačka dnevnog reda, a nisam dobio odgovor, stručnjaci upozoravaju da dolazi paklena i opasna jesen i mi na kraju mjeseca oktobra na nekim vanrednim sjednicama Vlade tek tražimo informacije o raspoloživosti medicinskog kadra u zdravstvenim ustanovama, raspoloživost slobodnog medicinskog kadra u službi za zapošljavanje, protokol oboljelih medicinskih radnika odnosno njihovog tretmana itd. Nema ovdje na žalost nikakvog sistema niti se zna ko šta radi, ne zna se ni ko je za šta odgovoran, ko čime rukovodi itd. Posljedice takvog stanja isključivo snose ljudi na terenu, prvo medicinski radnici koji se svakodnevno bore sa vašim lošim upravljanjem. Oni na žalost trpe i udarce i kritike za vas. One su živi štit vjerujte mi. Posljedice na kraju snose građani potpuno pogubljeni u ovo suludom proizvoljnom putu pacijenta usljed odsustva sistema. A mi imamo dovoljno kapacitete da o ničemu ovom danas ne pričamo, ali imamo i pored toga svega probleme, što nam jasno govori da je sistem potpuno nakaradan. Dakle evo čuli smo da je i v.d. predsjednica Kriznog štaba nova podnijela ostavku na tu funkciju. Zaista na kraju dobronamjerna sugestija svakom pojedincu. Apsolutno ne sumnjam u stručnom smislu da ti ljudi znaju raditi svoj posao, dakle sugestija svakom pojedincu koji nije spreman u ovom teškom vremenu da se nosi sa pritiskom posla rukovođenja da ne pristaje da preuzima bilo kakvu poziciju jer će nas ovo kadroviranje na dnevnoj bazi i ove hokejaške izmjene na čelu u sistemu glave će nam doći. Dakle, mnogo ljudi je u prethodnom periodu u ovom sistemu pobjeglo od odgovornosti zadnjih pola godine, opet govorim, ne mislim na zdravstvene radnike nego ljude koji rukovode u sistemu. I nemojte molim vas na kraju da se ovdje danas igramo pepeljuga, ovdje je potpuni problem jednog ne snalaženja, jednog lošeg sistema i njegovog upravljanja krizom. A u svakoj parlamentarnoj demokratiji parlament zasjeda, o ovim stvarima raspravlja i o ovim se stvarima bavi. Zastupnici su predstavnici građana i šta sada treba, da mi šutimo da se neko ovdje ne bi uvrijedio, a očito da neke stvari u ovom sistemu, odnosno mnoge stvari u ovom sistemu ne funkcionišu. Dakle nije dobro ni zdravstvenim radnicima, nije dobro ni građanima, i pored dovoljno kapaciteta koje imamo. A mi sada ovdje treba da šutimo i da se pravimo da se ništa apsolutno ne dešava. E pa tako ne može. Zahvaljujem.

Predsjedavajući:

Zahvaljujem uvaženi dopredsjedavajući Handžić. Kolega Jakupović Vedran je sljedeći zastupnik koji se prijavio za diskusiju. A neka se pripremi uvaženi zastupnik Nikšić Damir.

Poslanik/zastupnik Vedran Jakupović:

Zahvaljujem se predsjedavajući. Idem audio zbog lošeg signala. Nisam imao namjeru da se javljam mada se od mene očekuje jer sam jedan od tih rijetkih ljekara, da ne kažem sa puno većim obrazovanjem u smislu menadžmenta u zdravstvu. Dogovor je bio da se ne javljamo da pokušamo ovu sramotu od izvještaja, od informacije koju smo dobili da prođemo i da dođemo konačno to te tačke 11 koju građani Kantona Sarajevo očekuju, da to je da ovu Vladu vrlo brzo pospremimo u možda je ružno reći smetlište, ali možda je i prava riječ. Ljudi nas 35 smo izabrani ovdje, građani su nas direktno izabrali, mi smo ti koji upošljavamo Vladu, Vlada upošljava UO, UO upošljava direktore zdravstvenih ustanova. Situacija u gradu trenutno je u Kantonu kompletnom je takva da šta god da kažemo malo je. Građani jako dobro znaju, i mi koji smo na terenu i koji radimo s ljudima koji imamo kolege koji jedan po jedan ostaju da kažem van stroja, govorim o kolegama zdravstvenim radnicima, ne možemo a da ne reagujemo. I ja sam stvarno, iako je dogovor, ponovit ću da se ne javljam, ja se moram javiti. Postoje stvari koje su od 2002, 2004, primarno 2002 od te neke plave knjige. Evo znam da je tu knjigu potpisao Denis Zvizdić koji je tada bio predsjedavajući. Znae od kada je to. Ništa se nije izmijenilo. Primarna zdravstvena zaštita u Kantonu Sarajevo je dovedena zbog političkog raskusurivanja ne na nulu, nego na minus u organizacijskom smislu. Ljudi su postali žrtve administrativnih zahtjeva, što ZZO, što nekakvih akreditacijskih ustanova, i ljudi ne mogu da obavljaju svoj posao. Planiranje specijalizacija, evo pomenula je kolegica Bišćević-Tokić, planiranje specijalizacija od pulmologije, od infektologije. Mi sada nemamo ni infektologa. O pedijatrija smo kukali ranije, evo sada imamo možda i sreću što djeca ne obolijevaju toliko, pa ne spominjemo pedijatre koje smo spominjali prošle godine. Ovo ovog trenutka mora prestati. Ovaj odnos personalizacija, svađe osoba mora prestati. Ovog trenutka. Ja sam bio u Turskoj početkom septembra, obišao od nule, od sela jednog porodične zdravstvene zaštite pa do Ministarstva zdravstva Turske. Mogu evo, nisam govorio o tome. Nema vakcina na svjetskom tržištu neće biti vakcina, ne za COVID nego za gripu. Neće se moći nabaviti te vakcine i o čemu mi pričamo sada. Turska ih neće moći nabaviti a gdje smo mi. Ovo nije nikakvog ni paničarenje ni uljevanje neke negativne energije. Ja sam samo dužan sam da kažem da ovo ovog trenutka mora prestati. Ja bih zamolio kolege da ne idemo iz replike u repliku. Ja neću spomenuti ni Sebiju Izetbegović, ni KC, ni Gavrankapetanovića, ni Jahića, i bilo koga. Niko me ne zanima više. Ovo ovog trenutka mora prestati jer situacija u kojoj se nalazi organizacijski, ne o kolegama koji liječe. Situacija u kojoj se organizacijski nalazimo zadnjih pola godine, evo kažem pokušavam da biram riječi da ne unosim paniku. I možda je čak bolje da ne govorim ništa da ne unosim paniku građanima ovog Kantona. I dok se neki od nas koji su jako visoko pozicionirani, ne govorim o sebi, nego govorim o ljudima koji su na vlasti trenutno, i koji odlučuju o tim stvarima, ne razbole, a razbolijevaju se jedan po jedan, tek tada vidite kako je problem nazvati i dobiti tu telefonsku vezu. A kad samo mi govorili, kada sam ja, pominjao te call centre. Najjednostavnija stvar da se zaposle djeca od 1 godina da zovu svaki dan, govorim o sestrama koje su tek završile Srednju medicinsku školu, da kažu dobar dan i kakvi su simptomi, ima li promjena? Svakog od tih pacijenata. Ne da on zove nego sestra njih zove iz call centara. Gdje taj BHTelcom koji je ta neka državna kompanija gdje da te telefonske linije? Da doktorima da besplatne minute i giga i megabajte da ljudi mogu kontaktirati. Tu govorim o ljekarima primarne medicine. Mi smo se fokusirali samo na završnu fazu to je KC koji je zatvoren i mi ne možemo ništa osim da ne damo novac ljudima. Znači ovom trenutku nemamo nikakvog uticaja osim da ne damo novac KC ni za šta. Pa će se javiti tih 3000 ljudi i reći kako neko ne da plate nekome. A šutimo. Svi šutimo. I hoće li stati ovo više? Ovo pucanje od lake do teške artiljerije jednih prema drugima. I hoće li kolegica Bišćević-Tokić prestati braniti KC napadati i hoće li moje druge kolege prestati napadati KC? Dakle ljudi molim vas da požurimo da tačku 11 donesemo da ovu Vladu uklonimo odavde. I da krenemo u potpunu reformu. Znači radikalnu, bit će bolno ili ćemo se svi morati seliti odavde. Ja nisam namjerno htio iseliti odavde, htio sam se boriti. Znači kada je riječ o KC u ovom trenutku ja žudim i čekam da dođem u tu poziciju da ljudima zabranimo neke stvari da rade. Da se na ovaj način da iz KC da se ne može prići. Ja znam, zaboravit ću neke stvari da tako kažem, znam da ljudi rade operacije. Dva dana je bila

operacija COVID pozitivnog pacijenta. Znam da postoje kreveti za COVID pozitivne pacijente. Znam, evo neću da napadam KC, hajmo evo sada ćemo se dići dotle. Kada gospoda koja u suštini vladaju primarnom zdravstvenom zaštitom imaju namjeru da puste da ovaj posao se završi do kraja? Da ovi ljudi imaju u konačnici zdravstveni sistem kakav treba? I ja možda, evo htio sam govoriti minutu, možda idem na 10 ili na 15. kolega Konaković je rekao što je imao da kaže, i apsolutno stav NiP e u toj liniji. Kolega Vitor Handžić evo prije mene uzeo mi je pet ili šest stvari koje sam namjeravao reći. Ja ću zamoliti evo u ovom trenutku možda i ne nastupam kao političar i kao da tako kažem ni član neke partije. Nas 35 ovdje bez obzira u kojoj smo partiji dužni smo da građanima obezbijedimo sistem kakav zaslužuju. Znači nas 35. ja očekujem, nadam se da ćemo vrlo brzo, čak od večeras ja bih zamolio predsjedavajućeg Čelika da ne prekidamo ovu sjednicu, da idemo do kraja kako i da ovaj sistem u kojem trenutno živimo kako reče kolega Vitor Handžić ovih nekih hokejaških izmjena i korištenja političkih nekih poena za te hokejaške kao što imamo priliku čuti od gospodina Zvonka Marića da divimo se sada hrabrosti ministre socijalne zaštite koja je preuzela zdravstvo. Nema tu hrabrosti nikakve. Nećemo pominjati ko je govorio da je ministar zdravstva nebitan da sistem može funkcionisati. Znači gospodo, zamolio bih sljedeće da zaključke koje donesemo konačno ispoštujete dok ne odete odavde. A ja se nadam da će večeras krenuti proces definitivno da građani imaju normalnu Vladu i da iz te normalne Vlade proizilaze normalna rješenja u zdravstvenim ustanovama jer ovo blato u kojem se trenutno nalazimo neće nas nigdje dovesti. Hvala.

Predsjedavajući:

Zahvaljujem uvaženi zastupniče Jakupoviću. Imamo repliku, Zvonko Marić replicira Jakupoviću. Kolega Mariću izvolite, imate riječ.

Poslanik/zastupnik Zvonko Marić:

Zahvaljujem se predsjedavajući. Zaista u nekoj sam dilemi da li mu replicirati jer je čovjek sam replicirao da nemam neke potrebe da mu repliciram. Ali ako nije u ovom trenutku hrabrost to, i to od čovjeka koji sada panično govori, u jednom odstrašćenom govoru kako neće nekoga napadi, a zapravo sve to radi i ja u toj konfuznoj i kontradiktornoj diskusiji ne vidim ništa konstruktivno. Dakle, i ono što hoću da kažem, upravo je gospodin ja nisam htio da kažem gospodin Jakupović još u aprilu rekao kako će biti održan kulturni Oktobarfest, mene demantirao, a sada govori panično. Sve meće paniku. A zapravo to i radi. A ja sam govorio u aprilu to gospodine Jakupoviću i vi sada osporavate hrabrost gospođi Jasni Agić. A šta da nije prihvatila to? Koliko bi procesa stalo? I nije nikakav problem i ja sam za da se to tačke 11. ali mogli smo tu tačku 11 isto predložiti pa je plasirati na 4. poziciju i raspravljati o tome. I imao je dovoljan broj i mandata i ljudi da odluče o tome da se ta tačka dislocira sa te pozicije na poziciju recimo 4. kao što smo ove dvije. Prema tome gospodine Jakupoviću ja ne vidim ništa sporno što sam pohvalio hrabrost i odgovornost gospođe Jasne. Eto vidite, to nije nikakva hrabrost. Ja mislim da jeste. Onda različito mišljenje imamo i različiti su nam kriteriji i standardi. Ali ne bih zaista da diskutiram i ni na koji način da polemiziram imali ste taj jedan odstrašćeni govor, koji evo, neka gledatelji kažu na šta je ličio. Hvala.

Predsjedavajući:

Imamo odgovor na repliku, zastupnik Jakupović Mariću. Kolega Jakupoviću izvolite, imate riječ.

Poslanik/zastupnik Vedran Jakupović.

Kolega Marić ja ne radim ništa što radim zbog gledatelja. Vi ste vjerovatno navikli tako da ta priča ne stoji. To što je bilo govoreno u martu nećemo se vraćati. U maju nismo imali, imali smo 0 pacijenata imali smo cijelo ljeto da vaš premijer Vlade uradi posao kako treba. Cijelo ljeto nije ništa urađeno. Ništa nije pripremljeno. Neću govoriti o opremi mojih kolega u DZ, gdje je ta silna nabavljena oprema? Ljudi kupuju sami sebi. Cijela priča se vodi ka KC. Mene

zanima primarna zdravstvena zaštita. Mi ćemo nakon ovoga što je kolega Konaković rekao, insistirat ćemo da uđemo kao Komisija u sve zdravstvene ustanove da vidimo kakva je to situacija. Gdje je ta oprema zaštitna? Gdje je ta CZ koja je trebala da nabavi opremu. Znali smo šta će se desiti u jesen. Ovo nije nimalo, ja mogu savršeno vjerujte odglumiti i mirnoću, i podivljati ako treba. A ne divljam dvije godine na raznorazne stvari koje su prolazile kroz ovu Skupštinu. I neću spominjati o čemu sam govorio od Apoteka Sarajevo kako ljudi zapošljavaju domare itd a farmaceut nema. Jedno po jedno. Ovo je oblast kojom se ja bavim i vidim kuda ide. I kažem opet, nisam uopšte imao namjeru da se javljam, ali ovo što čujem, mislim ja sam slušao kolegu Marića nisam htio ni replicirati. Izgubljen sam bio od onog šta on govori. Ali eto neću replicirati da ne trošim vrijeme. Da gospodine Marić SBB ministrica Jasna, koja je meni jako draga osoba 25 godina, i znam u šta je ušla sada, možda jeste hrabra, ali SBB ministricu vi ne treba da branite ovdje. Vi treba da se sklonite sa kompletnim sistemom koji ste napravili u zadnjih godinu dana. Hvala.

Predsjedavajući:

Imamo repliku Marić Jakupoviću ponovo. Kolega Mariću izvolite.

Poslanik/zastupnik Zvonko Marić:

Zahvaljujući predsjedavajući. Zaista ne bih da se iscrpljujem nakon ova konfuznog govora i kontradiktornog koji je imao gospodin Jakupović. Ali na neki način samo da mu kažem. Znao je šta će se desiti u septembru a govorio je da će se održati Oktobarfest. Eto koliko je znao. A druga stvar i ja sam mnogo toga čuo i uvijek iz pristojnosti šutim. I sada bih šutio, riječ ne bih progovorio iako takva kakvu mu je jest ostrašćen taj govor, i na kraju krajeva on meni sada prigovara. A ja to radim zbog gledatelja a on se sve vrijeme poziva na građane. I da treba raditi u ime građana. Pa na koga da se pozivam? Ako radimo onda radimo to zbog njih pa to je elementarna stvar. Druga stvar, gospodine Vedrane Jakupoviću, uvaženi zastupniče, mi nikada SBB nije imao premijera Vlade. Imao je predsjednika Vlade ili premijera Kantona Sarajevo. Premijer Vlade je premijer. Šta znači premijer? Pa ne može biti premijer Skupštine. To je elementarna stvar. Druga stvar, terminologija koju vi koristite zaista neprimjerena. Poslati na smetljište. Mislim to nije dostojno jednog zastupnika koji drži do svog dostojanstva. I zaista neću više da nabrajam naprosto ne želim da polemiziram i da zamaram gledatelje i naše građane ovom vrstom diskusija. Neka ocijene šta je ko govorio. I neću dalje da govorim ono o čemu ste vi govorili. Hvala.

Predsjedavajući:

Imamo i odgovor na repliku Jakupović Mariću i s tim ste vas dvojica završili s repliciranjem.

Poslanik/zastupnik Vedran Jakupović.

Jel to sve gospodine Mariću što imate da kažete na argumentaciju: premijer Vlade, predsjednik Vlade ili premijer? Jel to sve? Ostrašćen, konfuzan govor. To je argumentacija, to je nešto o čemu treba da pričamo večeras? Jel to tema? I tema neke Oktobarfest. Pogledajte moje inicijative, samo pogledajte inicijative od početka do kraja. Pogledajte pitanja. Gospodine Mariću, ja nisam profesor bosanskog jezika, iako savršeno dobro poznajem jezik, ja sam u zdravstvu. I ono što predlažem, inicijative koje predlažem, pitanja koja postavljam, i komentari koje dajem su rezultat dugogodišnjeg iskustva u oblasti zdravstva. I ja ću vas zamoliti kada govorimo o ovim temama da pokažete respekt a vjerujte da imate i te kakvog razloga da pokažete respekt i da saslušate šta sam vam govorio. A pogledajte moje inicijative i pitanja tokom ove dvije godine, konkretno o zdravstvu, o strategiji o zdravstvu. A evo sada ćemo gospodina vašeg iz ZZO kojeg ste vi postavili, nakon što je nekadašnja ministra opet vaša, prešla u Zavod, pa je otišla nakon dva mjeseca. Kada sam tražio da se Plan ZZO zastupnicima dostavi u septembru da imamo vremena da ga analiziramo do januara mjeseca. A ne da nam se dostavlja u januaru i da pod krinkom nekog urušavanja sistema moramo da ga donesemo iste minute, jer ako ga ne donesemo nema plana, nema finansija, nema ništa. I to iz

decenije u deceniju tako ide. Umjesto da ga napravite tri mjeseca ranije, da mi znamo šta i kako i da damo svoje inicijative. Ne, ne samo se drugovi dogovore interno.

Predsjedavajući.

Vrijeme kolega Jakupoviću na repliku ističe. Izvolite imate još. Jeste li završili? Pretpostavljam da jeste. Obzirom da nemamo više prijavljenih za prvu diskusiju dajem riječ Konakoviću koji se prijavio za drugu diskusiju.

Poslanik/zastupnik Elmedin Konaković:

Hvala predsjedavajući. Jel dobar ton čujemo se li? Dakle, problemi sa brojem ljudi u DZ i Hitnoj pomoći su ogromni. Očekivali danas da nam kaže neko te statističke podatke, kako je organizovan rad, koliko tih ljudi ima, šta im treba, može li im se pomoći. U međuvremenu evo priča o kojoj sam ja govorio ove dvije gospođe opet nisu primljene u bolnicu. Dvije žene s upalom pluća. Intervenihem pišem direktoru HP. Takvo nam je stanje danas bez da smo iz Vlade dobili i jedan konkretan, jednu sugestijicu barem. Ono što će danas biti bit će naši konkretni zaključci, ali ništa od Vlade i od ljudi od ustanova za sada nismo dobili konkretno što opet govori dodatno o ovom cjelokupnom stanju. Taj smiješni nalaz federalne politizirane inspekcije, zapravo još jednom pokazuje. Zna li vi da ove brojeve koje smo sada pročitali da ne možete ući u KC ako nemate čist PCR zadnjih 48 sati. I sada dobijemo informaciju da ko biva ovo ležećih pacijenata ima 200 COVID. Ili je to plan da oni koji uđu budu zaraženi na nekoj ne znam klinici, šta ja znam, evo Vaskularne bolest. Ako tamo dobiju virus da je to krevet planiran za njih. Dakle to je prevara i podvala iz KC. Zato se nadam da ćete podržati moju inicijativu koju ćemo mi otići to svojim očima vidjeti, uvjeriti se u stanje. Dakle to nam je danas realno stanje. Molim vas da se fokusiramo na ove ljude koji padaju s nogu. Sestara u DZ nema. Dovoljno. Nema dovoljno, Ljudi u Hitnoj pomoći popadaše, evo ne mogu da pakuje pacijente koji su u ozbiljnom, u stadiju upale pluća koje treba možda čak i hospitalizovati. Priča o čuđenju ko je rekao. Reklo 20 doktora Podhrastova potpisalo se kako ne funkcioniše gore kisik. Ta firma o kojoj je govorila Bišćević-Tokić izašla sa saopštenjem zabrinjavajućim u kojim kaže nije dobro stanje. Pretvarat ćete se da je to sve OK ko fol, da ne naruži neko s KC a ljudi gube živote. Nemojte se toga igrati. Uozbiljimo se i nemojte kolega Čelik prekidati ovu sjednicu. Bit će smiješno ako prekinete sjednicu prije nego što glasamo o datumu za nepovjerenje Vladi. Zaista ćete napravi dodatnu paniku u Kantonu. Hvala.

Predsjedavajući:

Kolega Konakoviću ja bih vas molio da se ponašate kao i svi ostali zastupnici. Ja dok predsjedavam ja ću poštivati Poslovnik i sve odredbe koje su naložene istim. Ukoliko se više niko ne javlja za riječ. Zaključujem raspravu. A sada ćemo krenuti na realizaciju zaključaka koje su dostavili zastupnici u Skupštini Kantona Sarajevo. Ja ću čitati, a sekretara ću moliti da napravi anketu da bi mogli o istim da se izjasnimo.

Poslovnička intervencija Konaković. Izvolite-.

Poslanik/zastupnik Elmedin Konaković:

U ime novoformiranog Kluba tražim pauzu od pola sata. Hvala predsjedavajući.

Predsjedavajući:

Pauza pola sata. Nastavljamo u 19,00 sati.

NASTAVAK NAKON PAUZE

Predsjedavajući:

Nastavljamo sa radom. 30 Radna sjednica Skupštine Kantona Sarajevo. Molim sekretara Skupštine da napravi anketu a ja ću čitati. Prvi je došao prijedlog zaključka uvažene zastupnice Segmedine Srne Bajramović.

1. Obavezuje se ZAVOD ZDRAVSTVENOG OSIGURANJA KANTONA SARAJEVO da shodno članu 21. važećeg Ugovora o pružanju zdravstvene zaštite osiguranim licima Kantona Sarajevo sa Kliničkim centrom Univerziteta u Sarajevu izvrši kontrolu izvršenja SVIH obaveza koje je Klinički centar Univerziteta u Sarajevu preuzeo pomenutim ugovorom
2. Obavezuje se ZAVOD ZDRAVSTVENOG OSIGURANJA KANTONA SARAJEVO da shodno Ugovoru o pružanju zdravstvene zaštite osiguranim licima Kantona Sarajevo sa Kliničkim centrom Univerziteta u Sarajevu utvrdi da li je Klinički centar Univerziteta u Sarajevu izvršavao u 2020. godini sve obaveze pružanja zdravstvenih usluga osiguranim licima Zavoda, te izvrši korekciju utvrđene naknade ukoliko je potrebno
3. Obavezuje se Ured za borbu protiv korupcije i upravljanje kvalitetom da u okviru svojih nadležnosti utvrdi zakonitost postupanja Zavoda zdravstvenog osiguranja KS i Kliničkog centra Univerziteta u Sarajevu po pitanju pružanja zdravstvenih usluga osiguranim licima Zavoda i namjensku dodjelu kao i trošenje sredstava predviđenih za te svrhe
4. Obavezuju se ZAVOD ZDRAVSTVENOG OSIGURANJA KANTONA SARAJEVO da o poduzetim koracima i utvrđenom stanju obavijesti Skupštinu Kantona Sarajevo u roku od mjesec dana.

Molim zastupnike da se izjasne o prijedlogu uvažene zastupnice Segmedine Srne Bajramović. Molim zastupnike da glasaju u Viber grupi Skupštine Kantona Sarajevo. Zaključujem glasanje.

Za je glasalo 20 zastupnika, protiv 1, suzdržanih 3.

Konstatujem da smo utvrdili prijedloge zaključaka uvažene zastupnice Segmedine Srne Bajramović.

Također, zastupnica Segmedina Srna Bajramović je podnijela četiri zaključka, i to:

1. Obavezuje se ZAVOD ZDRAVSTVENOG OSIGURANJA KANTONA SARAJEVO da sve podatke iz BIS-a (Bolnički informacioni sistem), a naročito broj hospitaliziranih bolesnika na svakoj klinici, broj pregleda, broj laboratorijskih nalaza učini dostupnim javnosti kako bi svaki građanin imao uvid u stanje svih javnih zdravstvenih ustanova na području Kantona Sarajevo uključujući i Klinički centar Univerziteta u Sarajevu.
2. Obavezuje se ZAVOD ZDRAVSTVENOG OSIGURANJA KANTONA SARAJEVO da ODMAH sve podatke objavi na svojoj web stranici i na dnevnoj bazi ih ažurira.
3. Obavezuje se ZAVOD ZDRAVSTVENOG OSIGURANJA KANTONA SARAJEVO da ukoliko je neki od podataka povjerljiv da ih posebno dostavi svakom zastupniku Skupštine Kantona Sarajevo.
4. Obavezuje se ZAVOD ZDRAVSTVENOG OSIGURANJA KANTONA SARAJEVO da odmah pristupi realizaciji gore pomenutih zaključaka, a Skupštinu izvijesti o učinjenom u roku od 7 dana.

Sekretara molim da napravi a zastupnike da glasaju u Viber grupi koju je napravila sekretar Skupštine.

Molim zastupnike da glasaju. Zaključujem glasanje.

Za je glasalo 22 zastupnika, protiv 1, suzdržanih 3.

Konstatujem da smo usvojili prijedloge zaključaka uvažene zastupnice Segmedine Srne Bajramović.

Prelazimo na izjašnjavanje zaključaka Kluba zastupnika SDP u Skupštini Kantona Sarajevo uvaženog zastupnika Stojanovića:

1. Obavezuje se VLADA KANTONA SARAJEVO da formira Krizni štab Ministarstva zdravstva KS koji će biti imenovan isključivo od 7 članova i to obavezno od: jednog epidemiologa koji će biti na čelu Kriznog štaba, infektologa, genetičara i pulmologa, te ostala 3 člana.
2. Obavezuje se VLADA KANTONA SARAJEVO i resorno ministarstvo da hitno iskoristi sve postojeće kapacitete u vlasništvu Kantona Sarajevo, kako bi se proširili kapaciteti testiranja u interesu građana KS.
3. Obavezuje se Vlada Kantona Sarajevo da organizuje veći broj Drive-in punktova sa kojih će uzorci direktno ići u ranije dogovorene laboratorije
4. Obavezuje se VLADA KANTONA SARAJEVO da hitno odobri prijem dodatnog medicinskog osoblja.
5. Obavezuje se VLADA KANTONA SARAJEVO da odobri uključivanje i privatnog zdravstvenog sektora po potrebi i po potrebnim profilima u borbi protiv pandemije korona virusa.
6. Obavezuje se VLADA KANTONA SARAJEVO da centralizira rezultate testiranja na Kantonu Sarajevo i njihovu objavu medijima isključivo preko ovlaštenog predstavnika Kriznog štaba.
7. Obavezuje se VLADA KANTONA SARAJEVO da izvrši hitnu nabavku dovoljnih količina Dexamethason ampula.
8. Obavezuje se VLADA KANTONA SARAJEVO da izvrši hitnu nabavku dodatnih testova na COVID-19.
9. Obavezuje se VLADA KANTONA SARAJEVO da izvrši interventni uvoz dovoljnog broja vakcina neophodnih za promptnu imunizaciju rizičnih grupa protiv sezonske gripe.
10. Obavezuje se VLADA KANTONA SARAJEVO da izvrši provjeru stanja medikamenata u apotekama.
11. Obavezuje se VLADA KANTONA SARAJEVO da poduzme hitne mjere za zaštitu zdravstvenog osoblja – nabavka zaštitne opreme, reduciranje hladnog programa-hitni program, smanjiti prijeme na hospitalizaciju, obustaviti kontrolne preglede kod bolesnika koji su dobrog općeg stanja, organizirati naručivanje na preglede po terminima.
12. Obavezuje se VLADA KANTONA SARAJEVO da u saradnji sa menadžmentima organizuje rad zdravstvenih ustanova tako da naprave smjene, da bi u slučaju oboljenja nekog od ljekara/sestara, bilo manje kontaktnih izolacija (uvesti smjenski rad).
13. Obavezuje se VLADA KANTONA SARAJEVO da pojača kontrolu broja putnika u javnom prijevozu.
14. Obavezuje se VLADA KANTONA SARAJEVO da obaveže KJKP Toplane Sarajevo, kao i druge isporučioce toplotne energije na vršenje kontinuiranog grijanja stanova svaki dan, bez obzira na pravilo +12C jer starija populacija je sklona lakim prehladama, te njihovim oboljevanjem će se dodatno usložniti zdravstvena situacija.
15. Obavezuje se VLADA KANTONA SARAJEVO da redovno vrši analizu epidemiološke situacije u okviru obrazovnog sistema, te u skladu sa rezultatima donosi odluke o redovnoj realizaciji nastave u interesu djece.
16. Obavezuje se VLADA KANTONA SARAJEVO da jednom mjesečno izvještava Skupštinu KS o realizaciji akcionog plana

Molim zastupnike da se izjasne o predloženim zaključcima zastupnika Stojanovića.
Zaključujem glasanje.
Za je glasalo 22 zastupnika, protiv 5, suzdržanih nije bilo
Konstatujem da smo usvojili prijedloge zaključaka uvaženog zastupnika Stojanovića.

Konaković je dostavio prijedlog da se formira Komisija koja će obići sve zdravstvene ustanove koje finansira Kanton Sarajevo, te će na terenu utvrditi stvarno stanje i o tome izvijestiti Skupštinu Kantona Sarajevo, u roku od 7 dana.

U komisiju predlaže zastupnike:

- Jasmina Bišćević Tokić;
- Elmedin Konaković;
- Sead Milavica;
- Amra Junuzović Kaljić;
- Zvonko Marić;
- Igor Stojanović;
- Neira Dizdarević;

Molim sekretara da napravi prijedlog ankete za glasanje a zastupnike da glasaju. Otvaram glasanje. Zaključujem glasanje.

Za je glasalo 22 zastupnika, protiv 5, suzdržanih niko.

Konstatujem da smo utvrdili prijedlog zaključaka da se formira Komisija i da urade ovo što je navedeno u zaključku.

Druga inicijativa, odnosno zaključak Konaković:

- Skupština Kantona Sarajevo traži hitno informacije o broju pacijenata koji su hospitalizirani na KCUS.
- Informacije se traže od Zavoda zdravstvenog osiguranja i Zavoda za javno zdravstvo.
- Izvještaji se trebaju dostaviti na osnovu statističkih listića ili drugih metoda kojima se utvrđuje broj pacijenata na KCUS.
- Informacije se dostavljaju za mjesec oktobar i novembar.
- Rok za dostavu podataka je 3 dana.

Sekretara molim da napravi anketu, zastupnike da glasaju. Otvaram glasanje. Molim zastupnike da se izjasne o prijedlogu zaključka zastupnika Konakovića.

Za je glasalo 21 zastupnika, protiv 5, suzdržanih nije bilo.

Konstatujem da smo utvrdili prijedlog zaključaka.

Konstatujem da je Skupština primila k znanju ovu informaciju u skladu sa članom 93. a uz konsultacije s dopredsjedavajućim, prekidam ovu sjednicu. O nastavku ćete biti obaviješteni. Zahvaljujem i doviđenja.

**STENOGRAM
DRUGOG NASTAVAKA 30. RADNE SJEDNICE
SKUPŠTINE KANTONA SARAJEVO**

**ODRŽANE U UTORAK 17.11.2020.GODINE
SA POČETKOM RADA U 10,00 SATI ONLINE**

NAPOMENA: SNIMAK NE POČINJE OD POČETKA SJEDNICE

Predsjedavajući Mirza Čelik (u daljem tekstu predsjedavajući):

6. Prijedlog Odluke kojom se daje saglasnost na notarski obrađen Nacrt ugovora o osnivanju prava građenja između Univerziteta u Sarajevu i Općine Centar Sarajevo u svrhu izgradnje spomen obilježja „Odred Lasta“ na uglu ulica Patriotske lige i Bolnička u Sarajevu, na zemljištu označenom kao k.č. 40/27 k.o. Sarajevo IV;
7. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu K-36, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Ljuca Džemal);
8. Prijedlog odluke o davanju saglasnosti na nacrt ugovora o kupoprodaji nekretnine nastale nadziđivanjem postojećeg stambenog objekta u ulici Behdžeta Mutevelića broj 10, općina Novo Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Mahmutović Adil);
9. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu “3B”, izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Suljović Mirsad);
10. Prijedlog odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Huremović Samir);

11. Utvrđivanje datuma održavanja sjednice Skupštine Kantona Sarajevo u vezi prijedloga za glasanje o nepovjerenju Vladi Kantona Sarajevo;
12. a) Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata „IKRE“ sa izvještajem o finansijskom poslovanju za 2019. godinu;
b) Prijedlog Odluke o davanju saglasnosti na Program rada sa finansijskim planom Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" za 2020. godinu;
13. Prijedlog Odluke o davanju saglasnosti na Program rada sa finansijskim planom Javne ustanove za 2020. godinu:
 - a) Narodno pozorište Sarajevo;
 - b) Sarajevska filharmonija;
 - c) Pozorište mladih Sarajevo;
 - d) Kamerni teatar ' 55 Sarajevo;
 - e) MES - Međunarodni teatarski festival - Scena MESS;
 - f) Muzej Sarajeva;
 - g) Kantonalni zavod za zaštitu kulturno-historijskog i prirodnog naslijeđa, Sarajevo ;
 - h) Historijski arhiv Sarajevo;
 - i) Bosanski kulturni centar Kantona Sarajevo ;
 - j) Biblioteka Sarajeva;
 - k) Muzej „Alija Izetbegović“ Sarajevo;
14. Prijedlog Odluke o davanju saglasnosti na Program rada i Finansijski plan Javne ustanove "Kantonalni centar za socijalni rad" za 2020. godinu;
15. Prijedlog Odluke o davanju saglasnosti na Program rada i Finansijski plan Kantonalne javne ustanove "Gerontološki centar" za 2020. godinu;
16. Prijedlog Odluke o davanju saglasnosti na Program rada i Finansijski plan Kantonalne javne ustanove Dom za djecu bez roditeljskog staranja za 2020. godinu;
17. Prijedlog Odluke o davanju saglasnosti na Program rada i Finansijski plan Kantonalne javne ustanove "Porodično savjetovalište" za 2020. godinu;
18. Prijedlog Odluke o davanju saglasnosti na Program rada i Finansijski plan Kantonalne javne ustanove "Odgojni centar Kantona Sarajevo" za 2020. godinu;
19. Prijedlog odluke o davanju saglasnosti na Izmjene i dopune Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu sa Odlukom o izvršavanju Izmjena i dopuna Finansijskog plana Javne ustanove “Služba za zapošljavanje Kantona Sarajevo” Sarajevo za 2020. godinu.
20. TAČKA PREBAČENA NA POČETAK
21. Izvještaj o radu Nezavisnog odbora za period mart 2020. godine - avgust 2020. godine;
22. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2019. godinu;
23. Izvještaj o snabdjevenosti Kantona Sarajevo lijekovima i sanitetskim materijalom u 2019. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti;
24. Informacija o finansijskom poslovanju javnih ustanova iz oblasti predškolskog, osnovnog i srednjeg obrazovanja za 2019. godinu (zbirno);
25. OBRAĐENA NA PRVOM NASTAVKU
26. Inicijativa za donošenje Zaključka u vezi Zaključka Skupštine Kantona Sarajevo broj: 01-04-35283-3/20 od 28.09.2020. godine.

Prelazimo na realizaciju tačke 20.

Poslovnička intervencija, dopredsjedavajuća Danijela Kristić. Izvolite kolegice.

Dopredsjedavajuća Danijela Kristić:

Zahvaljujem predsjedavajući. Pozdravljam sve kolege i gledaoce kraj malih ekrana. Imali ste tehničkih problema pa vas nismo sve čuli, mi smo vam u grupu pisali. Znači prvih šest tačaka otprilike vas nismo čuli. Tako da bih vas zamolila da nam ponovite iste. Hvala.

Predsjedavajući:

Prvih šest tačaka? (snimak je loš i gubi se)

Dopredsjedavajuća Danijela Kristić:

Jeste, prvih šest nismo čuli.

Predsjedavajući:

Evo kolegica dopredsjedavajuća.

NAPOMENA: (snimak nije dobar dolazi u prekidima)

20. Prijedlog Zaključka o izmjeni i dopunama Zaključaka Skupštine Kantona Sarajevo broj: 01-04-35283-3/20 od 28.09.2020. godine;

2. Prijedlog Zakona o dopunama Zakona o ublažavanju negativnih ekonomskih posljedica i uštedama u Kantonu Sarajevo-hitni postupak;
3. Nacrt zakona o izmjenama i dopunama Zakona o državnoj službi u Kantonu Sarajevo;
4. Prijedlog Odluke o davanju saglasnosti na Prijedlog Ugovora o prenosu prava vlasništva nekretnine uz naknadu, između Općine Novo Sarajevo i Kantona Sarajevo - Ministarstvo saobraćaja radi realizacije projekta izgradnje stambeno-poslovnog objekta kao zamjenske lokacije u cilju obezbjeđenja zamjenskih stambenih jedinica vlasnicima stanova u ulici Grbavička br. 62-68 u Sarajevu koji se uklanja radi izgradnje saobraćajnice–Južne longitudinalne;
5. Prijedlog odluke o ispravci Odluke o davanju saglasnosti na Nacrt Sporazuma koji se zaključuje između Univerziteta u Sarajevu, Fakulteta zdravstvenih studija Univerziteta u Sarajevu i Javne ustanove „Studentski centar“ Sarajevo, broj: 01-04-38520/20 od 05.10.2020. godine.

NAPOMENA:

(SNIMAK OD 8 MINUTE SE NE ČUJE ILI DOLAZI U PREKIDIMA SVE DO 16 MINUTE)

Predsjedavajući:

Kolegice i kolege da li me sada čujete? Evo zamijenili smo laptop. Hajte samo neko neka se uključi pa da kaže da li se čujemo da bi mogli TVSA javiti da nastavimo sa radom. Eh, super. TVSA vi možete najaviti. Evo startamo za 30 sekundi. Evo samo da najavimo TVSA. Evo test za TVSA. Zastupnici čuju, razgovara kolega Dino sa TVSA, pa evo svi su potvrdili da se čujemo, samo da najave i da nastavimo sa radom.

Nastavljamo sa radom 30. Radna sjednica Skupštine Kantona Sarajevo . Tačka 3. odnosno tačka 20 koja je zaključkom na prijedlog zastupnika Stojanovića razmatra se kao tačka tri, a to je:

AD – 20.

PRIJEDLOG ZAKLJUČKA O IZMJENI I DOPUNAMA ZAKLJUČAKA SKUPŠTINE KANTONA SARAJEVO BROJ: 01-04-35283-3/20 OD 28.09.2020. GODINE

Materijal ste dobili uz poziv za sjednicu. Upravo vam je sekretar prosljedila na viber grupu odnosno na mailove prijedlog izmjene i dopune Zaključaka skupštine Kantona Sarajevo od klubova zastupnika NiP, Naše stranke, SDP, NBL – Samostalni zastupnici. Zaključak o

izmjeni i dopunama Zaključka Skupštine Kantona Sarajevo. Molim predstavnika Predlagača da podnese uvodne napomene ukoliko ima potrebe. Da li predstavnici predlagača žele riječ? Izvolite, kolegica Duraković, izvolite imate riječ.

Poslanik/zastupnik Jasna Duraković:

Zahvaljujem predsjedavajući. Srdačno pozdravljam naravno sve kolegice i kolege i sve one koji prate rad današnje sjednice putem malih ekrana. (smetnje)...

Predsjedavajući:

Kolegice Duraković ja bih vas lijepo molio, mi vas (smetnje)...

Poslanik/zastupnik Jasna Duraković:

...(smetnje) samo još jednu korekciju koju smo dopunili u onom zaključku (smetnje)...čujete li sada predsjedavajući? (smetnje).

Predsjedavajući mi vas ništa ne čujemo. Da li vi mene čujete? Prekidate samo. (smetnje)

Predsjedavajući:

Duraković da li me sada čujete?

Poslanik/zastupnik Jasna Duraković:

Sada vas čujem. Evo nadam se da možemo nastaviti.

Predsjedavajući:

možemo nastaviti. Znači šta. Ja bih lijepo molio zastupnike da se prijavljuju u Viber grupu. Ovako kada imamo uključenih tri, četiri zastupnika koji pričaju, malo nam stvaraju problem. Ja dajem riječ i ja bih vas lijepo molio da se javljate u viber grupu. Ako me sada čujete, ja dajem kolegici Duraković riječ. A molim zastupnike da smetnje ukoliko postoje da javljaju u Viber grupi jer ako se javi još neko od zastupnika kada priča kolegica Duraković, ne možemo ispoštovati da se čuje na način kako je to i previđeno. Ja bih vas lijepo molio da se javljate u viber grupu. Kolegice Duraković imate riječ, ja vas molim da nastavite.

Poslanik/zastupnik Jasna Duraković:

Zahvaljujem se. Evo nadam se da nećemo više imati ovih tehničkih problema. Dakle još jednom zaista srdačno sve vas pozdravljam. I željela bih samo ovdje napomenu dati da sam poslala dopune ovih zaključaka jutros, prije početka sjednice svim skupštinskim zastupnicima i zastupnicima i naravno rukovodstvu. I evo tražim da se o istom izjasnimo. Da se napravi anketa da po ovom glasamo. Ali ako dozvolite samo radi stenograma i radi javnosti, naravno ja bih pročitala koje su to tačne izmjene, vrlo je kratko. Dakle, Zaključak o izmjeni i dopunama Zaključaka Skupštine Kantona Sarajevo.

Predsjedavajući:

Kolegice evo ja ću svakako to morati pročitati. Kolegice Duraković, ja se izvinjavam. Ali svakako ću ja morati te zaključke pročitati prije glasanja. Pa evo, ako se slažete, mi ćemo napraviti anketu kada zaključimo raspravu, kada budete vi glasali ja ću to svakako pročitati.

Poslanik/zastupnik Jasna Duraković

Dobro. Zahvaljujem. Može i tako hvala vam.

Predsjedavajući:

Hvala vam. Da li predstavnici radnih tijela žele riječ? Ima li pitanja? Otvaram raspravu. Premijer je tražio riječ da se obrati. Premijeru da li ste spremni? Nenadić premijer.

Premijer Mario Nenadić:

Jesam. Poštovani predsjedavajući, zamjenici predsjedavajućeg, prije svega želim vam uspješan rad. I na početku želim iskreno da čestitam svima koji ste ostvarili uspjeh na upravo održanim lokalnim izborima. Želim vam od srca svaku sreću i uspeh u budućem radu u institucijama Kantona Sarajevo i šire. A sve u interesu građana Kantona Sarajevo. Hvala vam za priliku da se obratim u vezi sa pitanjem suspenzije ili djelimične suspenzije moratorija koji je postao ozbiljna smetnja funkcioniranju javnog sektora u Kantonu. Hvala također onima koji su omogućili da se ova tačka dnevnog reda danas nađe među prvim tačka, odnosno evo prva o kojoj će raspravljati ova Skupština i nadam se donijeti odgovarajuće odluke. Želio sam se ustvari zahvaliti na namjeri da se moratorij suspenduje jer je isti danas velika smetanja realizaciji brojnih pitanja i poslova od kojih u dobrom dijelu zavisi položaj u kom se nalazi Kanton a posebno je to važno u kontekstu borbe protiv COVID-19 za koju znamo za koju ustvari ne znamo do kada će trajati. Moratorij je uspostavljen zaključkom ove Skupštine 28.09. danas je 51 dan od uspostave moratorija i stanje u kom se nalazimo nalaže mi da vam se obratimo sa molbom da ga ograničimo ili suspendujemo. Ako budem zvučao alarmantno, molim vas da mi ne zamjerite jer stane je baš takvo, posebno u pojedinim resorima. Navest ću par primjera zbog kojih sam se javio a na to sam obavezan i zaključkom broj 8. iz grupe zaključaka kojima je moratorij i prihvaćen gdje se kaže da o njegovoj primijeni potrebno je redovno informirati Skupštinu. Prvo napominjem da je na početku šest javno zdravstvenih ustanova nema upravljačku strukturu. U problemu su javne nabavke, potpisivanje radno pravnih ugovora sa zaposlenima u zdravstvu. U komunalnim uslugama, pored nemogućnosti zapošljavanja radnika i provođenja javnih nabavki, puno je operativnih problema. Prema najavama nadležnih službi očekuje se i prvi snijeg, so za ulice nije naručena. I puno drugih pitanja stoji. Odvoz smeća je skoro zaustavljen zbog operativnih zaprega i improviziraju se rješenja, ali i takva rješenja su već iscrpljena i sve je teže pokriti rad službi. Stipendije za djecu branitelja, boraca, njih 1930 se ne mogu podijeliti jer zbog moratorija nema upravljačkih i nadzornih struktura Fonda Ikre. Brojni NO su nepopunjeni što otežava javne nabavke. Pravosudni organi i Tužilaštvo traže popunu, ukazuju na nemogućnost realizacije redovnih aktivnosti, planova i normi sudaca i tužitelja jer se ne popunjava neophodna administracija uz nositelje pravosudnih funkcija. Brojne institucije ne mogu raditi pravilnike o sistematizaciji i time pripremiti osnov za bolju i funkcionalniju organizaciju tih pravnih subjekata. Kadrovski su nepopunjene naplatne službe u preduzećima. Nemogućnost registracije fiskalnih kasa u pravnim licima. Nemogućnost registracije vozila u komunalnim preduzećima. Nemogućnost nabavke pogrebne opreme. Jučer smo improvizirali nabavku kovčega za ukop umrlih osoba. Neophodni su radnici na isporuci komunalnih usluga i ne mogu se angažirati. Nije moguće otvoriti pripremljeni zajednički centar za komunalne usluge na Dobriniji jer je na snazi zabrana zapošljavanja pa čak i interni premještaj. Do 01.12. 150 radnika u komunalnoj privredi kojima ističe jednogodišnji ugovor, ostat će bez posla, tj komunalna privreda ostat će bez tih radnika. Ministarstvo zdravstva od 17 zaposlenih na poslu je četiri pet osoba, ostali su na bolovanju i izolaciji. U sektoru za zdravstvo Ministarstva zdravstva nema ni jednog službenika trenutno. Već više od mjesec dana svako popodne i vikend pretvorio sam se u referenta Ministarstva zdravstva pišem akte da makar zdravstvo manje osjeti ove probleme po osnovu moratorija. Zdravstveni radnici čije smo zapošljavanje ranije odobrili u brojnim slučajevima ne mogu se još radno angažirati jer se ne mogu okončati postupci po žalbama zbog nepostojanja upravljačkih struktura i potpisnika ustanovama. Nema mogućnosti zapošljavanja odbora za reviziju i kontrolora i inspektora. Kasne rješenja o izolacijama zbog nedovoljnog broja radnika. Kolaps je u toj oblasti i tek će biti. Problem je nemogućnost registracije vozila, posebno u komunalnoj privredi zbog nepostojanja potpisnika i pokretanja postupaka od javnih nabavki pa nadalje. Radnici u računovodstvu u brojnim pravnim subjektima se ne mogu zaposliti, posljedice su jasne. Sav javni sektor je na koljenima, puno je zaraženih. Nema zamjena za oboljele radnike i popune tih pozicija u zdravstvu, komunalnoj privredi, administraciji. Ogroman broj akata je na čekanju. Propuštaju se rokovi u upravnim postupcima. Naredbe Kriznog štaba Ministarstva zdravstva nema ko realizirati. U javnom prijevozu, inspekciji, MUP-u i drugim strukturama. Poneki od ovih nedostataka kadra mogao bi se pokriti angažiranjem kroz interne

premještaje ali i tu je moratorij na snazi. Čak i premještaje iz jedne u drugu javno zdravstvenu ustanovu su problem. Pravno nije čista situacija. Nemamo pravo zaposliti nezdravstveni kadar u javnim ustanovama, vozači, serviseri, tehničari, administracija. Brojni konkursi koji su bili u toku poništeni su. Neformiranje školskih odbora i njihov nepopunjen sastav stvara brojne probleme i otvaraju prostor za sporove koji se već pokreću. U oblasti kulture i sporta je veliki problem nemogućnost potpisivanja ugovora o djelu jer je taj sektor u značajnoj mjeri vezan za takvu vrstu angažmana: režiseri, glumci, kostimografi. Šest ustanova socijalne zaštite nema upravljačke i NO što je baš veliki problem i rizik. Zaustavljena je izrada socijalne mape Kantona, tu su bili angažirani ugovorci. Na snazi je zabrana zbog moratorija. Zbog zabrane popune, a pojačano zbog isteka ugovora i oboljevanja zaposlenih, ustanove socijalne zaštite su na koljenima, korisnici su u riziku. Svakodnevno dobijamo prijetnje rukovodilaca i upozorenja na pravne u druge posljedice zbog raznih oblika šteta i rizika po živote i zdravlje građana. Osiguranje objekata nekretnina u vlasništvu Kantona je u riziku od devastacija zbog isteka ugovora i nemogućnosti zapošljavanja radnika osiguranja. Npr kantonalni objekti u Gladnom polju. Do kraja nedjelje trebamo otvoriti Opseravatorij za lakše pacijente, nemamo pravo zbog moratorija zaposliti nezdravstveni kadar i gubimo ogromnu energiju za iznalazak rješenja. Poštovane zastupnice i zastupnici, sa mnogima od vas imam dugogodišnju saradnju i odlično razumijevanje. Nije mi cilj unositi neki nemir u skupštinske redove, nego sam naprosto u obavezi da i lično i funkcionalno zamolim za razumijevanje po ovom pitanju. Znete da radimo bez ministra zdravstva više od pola mandata ali u zadnjih mjesec dana i bez ministra privrede, koji je hospitaliziran. U prosjeku su još po jedan ili dva ministra u izolaciji, ili na liječenju od COVID. Ogromnu energiju ulažemo da pokrijemo ove praznine u samoj Vladi. Cilj moratorija je, ja mislim u svakom pogledu postignut. Objektivne okolnosti uzrokovane moratorijem sada vode procese u drugu krajnost. Otvaraju se sudski postupci po raznim osnovama, a najveću štetu trpit će očigledno građani Kantona. Mi smo svjesni da nas članove Vlade, poštivanjem moratorija vodi u kršenje zakonskih propisa. Na mene je veliki pritisak i od članova Vlade da se to promijeni i da se poštuju propisi umjesto samog moratorija. Za sada nisam dozvolio i preuzet ću taj rizik i dalje uz suštinsko poštivanje moratorija, teško mi je kao pravniku to pravdati. A sa druge strane želim ispoštovati zaključke i stavove ove Skupštine kao i do sada. Ali ponavljam, rezultat je zaista postignut, moratorij više nema svrhu. Danas je, podsjećam 51 dan od uvođenja moratorija. Iscrpljeni smo vjerujte svi skupa smo pred kolapsom. U određenim pitanjima vrtimo se sedmica u krug. Mučimo i sebe i kompletan javni sektor, a trpe građani. Epidemija je na vrhuncu, treba nam velika dodatna mobilizacija i zdravstvenog i nezdravstvenog kadra, oslobađanje zaustavljenih procedura, upravljačke strukture, dolaze zima, nemamo naručen ni sol za ulice. To za sedam dana već će postati novi i ozbiljan problem u Kantonu. Molim vas oprostite ako je nešto od mojih izjava zvučalo i pomalo dramatično. Trudio sam se da na jednostavan način pojasnim razloge zbog kojih predlažemo suspenziju moratorija u potpunosti, ili makar u njegovom velikom dijelu. Moguće je određenim mjerama kontrole i zaštite kontrolisati sve procese za ovo kratko vrijeme, do smjene Vlade i uspostave nove, čime će potpuno prestati ti razlozi za moratorij. U oblasti u uspostave upravljačke strukture također je moguće jednostavno riješiti problem uspostavim tj dozvolim imenovanja privremenih upravljačkih struktura na 30, 60, 90 dana a prijedloge te strukture možemo dobiti i naravno da ćemo ih prihvatiti i od novouspotavljene skupštinske većine ili uz neke mjere kontrole i na neki treći način se može relaksirati ova situacija. Ako ćemo ubrzati sve ove procese i najavljenju smjenu Vlade, a s ciljem poštivanja činjenice da je promijenjena skupštinska većina u Kantonu i da je to potvrđeno i na upravo završenim lokalnim izborima. Ja sam kao premijer spreman i tokom ove sjednice Skupštine podnijeti pismenu ostavku na mjesto premijera Kantona time pokrenuti, ubrzati promjenu vlasti u Kantonu Sarajevo. To sam najavljivao, to je moja moralna i svaka druga obaveza i to ovim putem javno izjavljujem. Kao što sam činio i više puta do sada i prije samih izbora, odmah nakon što je postalo jasno da je došlo do promjene većine u ovoj uvaženoj Skupštini. Zbog svega navedenog, molimo vas da suspendujete moratorij u potpunosti ili makar u zdravstvu bezuvjetno, i bez ikakvih ograničenja zapošljavanja, privremenim imenovanjima upravljačkih i nadzornih struktura, internim i

eksternim premještajima i drugo. A za ostale oblasti da se zapošljavanja dozvole uz neku kontrolu koju može uspostaviti da se imenovanja dozvole makar na kratko vrijeme. Da se procesi otkoče, tj da se moratorij suspenduje uz odgovarajuće kontrole koje možete uspostaviti. Zahvaljujem se svima koji su uvažili moj pismeni zahtjev i odobrili razmatranje ove tačke dnevnog reda na početku sjednice. A pošto je onaj prijedlog izmjene zaključaka tek na 26 tački današnje sjednice, evo ja sam procijenio da je možda bolje da reagiram i da ovo obraćanje koje je bilo možda malo duže od primjerenog da to napravim u okviru ove tačke. Hvala vam puno za razumijevanje i oprostite ako sam uzeo puno vremena.

Predsjedavajući:

Zahvaljujem premijeru. Kolegica Duraković se javila. Ovo je sve riješeno premijeru. Niste možda dobili mail od stručne službe ili niste pročitali., ali evo dajem riječ kolegici Duraković. Ako ima neko još da se prijavi za riječ, neka se prijavi u Viber grupu. Kolegica Duraković, izvolite.

Poslanik/zastupnik Jasna Duraković:

Zahvaljujem predsjedavajući. Pa evo ja bih se samo kratko osvrnula na ovo izlaganje premijera kojeg zaista izuzetno cijenim i uvažavam i očito je da evo kao što ste rekli da službe nisu dostavile dopunu, sa dodatnim korekcijama. I vi znate vrlo dobro da nam je onemogućeno da se ove iste dopune usvoje u nekom prethodnom periodu, zato što je ova sjednicama prekidana. I ja vas evo molim da samo uzmete u obzir činjenicu da smo zaista obuhvatili sve ove probleme o kojima vi govorite trenutno, da će to s ovim dopunama biti sve riješeno kada su u pitanju u kulturne ustanove, i viskoodgojne, dakle obrazovne ustanove, zdravstvene ustanove, također ove upravljačke strukture koje ponavljate. Dakle apsolutno sve u skladu sa pozitivno pravnim propisima u Kantonu Sarajevo. Tako da vas ja molim da još jednom pročitate molim vas lijepo šta tačno u tom zaključku sada piše i molim vas da date da se ovo stavi u anketu da glasamo po istom. Zahvaljujem. Toliko.

Predsjedavajući

Zahvaljujem. Obzirom da nemamo više prijavljenih, ja zaključujem raspravu. Sekretara molim da napravi anketu. Ovo je sastavni dio Prijedloga zaključka ova dopuna i ja ću samo pročitati dopunu o Izmjeni i dopunama zaključka Skupštine Kantona Sarajevo a sekretar će napraviti anketu:

u Zaključcima Skupštine Kantona Sarajevo broj: 01-04-35283-3/20 od 28.09.2020. godine .

U Zaključcima Skupštine Kantona Sarajevo broj: 01-04-35283-3/20 od 28.09.2020.godine, u tački 1. dodaje se novi stav 2. koji glasi:

"Ovo se ne odnosi na odobrenje hitnih prijema – ugovora o radu na određeno vrijeme do tri mjeseca u skladu sa Uredbom Vlade Kantona Sarajevo o postupku prijema u radni odnos ("Službene novine Kantona Sarajevo", broj 21/19). Za navedene je moguće produžiti ugovore, a o čemu će Vlada Kantona Sarajevo informisati Skupštinu Kantona Sarajevo.

2. Tačka 3. Zaključaka, mijenja se i glasi:

"Iz tačke 1. Zaključaka izuzimaju se odgojno – obrazovne, visokoškolske ustanove, naučnoistraživački instituti u okviru visokoškolske ustanove, ustanove kulture, zdravstveni radnici (u zdravstvu i ustanovama socijalne zaštite) psihoterapeuti i psiholozi u zdravstvenim ustanovama i ustanovama socijalne zaštite, Uprava policije, Ured za borbu protiv korupcije i upravljanjem kvalitetom Kantona Sarajevo za hitna i opravdana zapošljavanja uz obaveznu prethodnu saglasnost Vlade Kantona Sarajevo. Izuzima se i zapošljavanje preko programa Službe za zapošljavanje KS."

3. U tački 6. Zaključaka, dodaje se novi stav 2. koji glasi:

"Ovaj član se ne odnosi na imenovanje školskih odbora čija imenovanja se nesmetano odvijaju."

4. Iza tačke 8. Zaključaka, dodaju se nove tačke 9.,10., 11. i 12. i glase:

"9. Izuzimaju se pravosudne institucije Kantona Sarajevo od zaključaka donesenih 28.09.2020. godine."

"10. Izuzimaju se odluke/rješenja o postavljenju donesena prije 28. 9. 2020. godine."

"11. U posebnim slučajevima Vlada KS može imenovati vršioci dužnosti u upravljačkim strukturama čiji je osnivač Skupština Kantona Sarajevo ili produžiti v.d. mandate upravljačkim strukturama."

"12. Zadužuje se Vlada KS da svakih 15 dana informiše Skupštinu KS o saglasnostima koje je dala u skladu sa ovim Zaključcima."

Molim zastupnike da pristupe glasanju. Otvaram glasanje. Molim zastupnike da glasaju u viber grupi, anketa „Zaključak o izmjeni i dopunama Zaključka broj: 01-04-35283-3/20 od 28.09.2020. godine”. Zaključujem glasanje.

Glasalo je 21 zastupnik, suzdržanih je bilo 5, protiv nije bio niko.

Konstatujem da je Skupština usvojila ovaj Zaključak.

Prelazimo na realizaciju tačke dva:

AD – 2.

PRIJEDLOG ZAKONA O DOPUNAMA ZAKONA O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO - HITNI POSTUPAK

Prijedlog Zakona ste dobili u dopunskom materijalu. Molim predstavnika Predlagača da podnese uvodne napomene.

Ministar Jasmin Halebić: UVODNO IZLAGANJE
(SMETNJE POČELE NA 46 MINUTI IZLAGANJA)

Predsjedavajući:

Mi vas ništa nismo čuli Halebiću. Molim vas da ponovite ovo zadnje i da skratite. Samo dvije tri zadnje rečenice možete ponoviti, pošto vas mi u zgradi nismo čuli.

Ministar Jasmin Halebić:

Naravno. I mi zaista imamo otežan prijem. Ali evo pretpostavit ću da niste čuli ovaj drugi dio kreditno garantnog fonda. Dakle u zakonu je pored ove kratkoročne mjere predviđena i srednjoročna mjera a to je kreditno garantni fond. U implementaciji te mjere, mi smo se u Ministarstvu finansija već angažovali poduzeli smo određene korake, aktivnost provodimo sa UNDP, a obzirom da se bliži kraj godine i da je riječ sredstvima koja se ne mogu razgraničiti, ona se moraju dogoditi, implementirati u ovoj godini, na ovaj način stvaramo još jednu mogućnost, a to je da se pojača kreditna linija u kreditno garantnom fondu koji već funkcioniše, a to je također kreditno garantni fond Kantona, kantonalni u sklopu SERDE. Eto u tom smislu sam dao dodatno pojašnjenje.

Predsjedavajući:

Zahvaljujem uvaženi ministre. Da li predstavnici radnih tijela žele riječ? Kolegica Admela se javila i kolegica Kerla, da li ste vi ispred radnih tijela ili pitanja, evo pošto nemamo nikoga od radnih tijela. Dat ćemo vam riječ, možete se prijaviti vi ste to učinili. Kada vam damo riječ vi ćete se uključiti. Otvaram mogućnost za pitanja. Kolegica Admela Hodžić se prva javila. Nakon kolegice Hodžić, kolegica Kerla. Izvolite, imate riječ.

Poslanik/zastupnik Admela Hodžić:

Evo zahvaljujem predsjedavajući. Pozdravljam kolege i kolegice i sve one koji prate rad današnje naše sjednice. Ovako, imam par pitanja za ministra. (smetnje)

Predsjedavajući:
Imamo tehničkih problema, mi vas. (smetnje)

Ministar Jasmin Halebić:
Poštovani predsjedavajući mogu li samo da kažem da mi ne čujemo ništa (smetnje). Izvinjavam se što ovako upadam u vezu u komunikaciji, ali mi zaista ništa ne čujemo.

Predsjedavajući:
Također i kod nas ništa, samo (smetnje). Sačekat ćemo samo još par minuta.

Poslanik/zastupnik Damir Marjanović.
Poštovani predsjedavajući ako mi dozvolite sada vas jako dobro čujemo i mi smo vanjski kolegicu jako dobro čuli. Tako da možda ste uspjeli otkloniti te smetnje.

Poslanik/zastupnik Admela Hodžić.
Da li me čujete sada? Mogu naravno, nije problem. Koliko sredstava je planirano (smetnja), koja su to sredstva (smetnja), od MMF, završetkom prvog javnog poziva za april i maj, koliko privrednika je ostvarilo prava, koliko radnika? Da li su isplaćeni oni koji su uputili prigovor Komisiji? Komisija je svoj rad završila 22.10. koliko sredstava se planira na tu stavku i koliko privrednih subjekata i radnika treba da ostvari pravo i ako nisu isplaćeni, zašto do danas nisu isplaćeni? Da li se ova sredstva dio onih sredstava koja su trebala biti dodijeljena privrednicima koji nisu ostvarili prava rješavanjem prvostepene komisije? Da li će se desiti ako danas glasamo za izmjene i dopune ovog Zakona da konačno uvažite moju inicijativu i sve moje primjedbe koje sam navela radom u Komisiji za prigovore, propuste koji su navedeni? Da li će se desiti da date kolegama uporedo na glasanje da privrednicima koji su izostavljeni iz tih prava da konačno (smetnje). Ministarstva privrede Kantona Sarajevo broj :07-02-02- 37831/20 od 16.10.2020.godine vraća se predlagaču na doradu i ispravku u skladu sa primjedbama i sugestijama datim na 76. vanrednoj sjednici održanoj 16.10..2020. iznijela sam jasno svoje primjedbe i propuste koji su napravljeni, učinjeni prema mom mišljenju i prema mišljenju komisije koja je dala izvještaj na kraju svog rada. Do danas nisam dobila odgovor. Ja vas molim da mi neko odgovori konačno na ovo pitanje. Hvala lijepo.

Predsjedavajući:
Zahvaljujem kolegice Hodžić. Kolegica Kerla Bibija. Izvolite imate riječ kolegice Bibija.

Poslanik/zastupnik Bibija Kerla:
Pozdravljam sve prisutne. Ja nisam toliko da ne kažem da me ne interesuje toliko pitanje ko što interesuje moju kolegicu, mene interesuje samo koliko je ustvari do sada isplaćeno iz Kanton Sarajevo po ovom Zakonu i koliko se planira da se isplati za juni i juli. Hvala lijepo.

Predsjedavajući.
Zahvaljujem kolegice Kerla. Nemamo više zastupnika prijavljenih za pitanja. Premijeru ili Halebiću možete li odgovoriti na postavljena pitanja?

Ministar Jasmin Halebić:
Možemo naravno. Jedno pitanje je bilo koliko sredstava je opredijeljeno na ovu mjeru. Na ovu mjeru je opredijeljeno 20 miliona KM. Uz dodatna sredstva za kreditno garantni fond. U tom kreditno garantnom fondu je jedan dio MMF, sredstava od MMF a drugi dio je sredstava od transfera EU. Transfer EU se još nije dogodio, kada se dogodi onda će i ta sredstva biti operativna. Naravno, to ne zavisi od Ministarstva finansija, Vlade, nego su to sredstva koja bi trebala kao i MMF da dođu sa viših nivoa, preko države, FBiH. Naše informacije govore da bi se to moglo dogoditi do kraja godine. Pitanje je bilo koja su to sredstva. Dakle objasnio sam koja su to sredstva. Koliko je privrednika bilo obuhvaćeno ovom mjerom. Prema

informacijama iz Ministarstva privrede koje je raspisalo i provelo poziv obuhvaćeno je oko 11.300 preduzeća, i oko 42.000 plaća je isplaćeno na način da su po kriterijima je bilo, zavisno od toga koliko je prihod pao u određenoj firmi. Dakle zaposlenici te firme su dobivali podršku sufinansiranju plata. To su podaci koje smo dobili iz privrede. Šta je sa komisijom bilo je pitanje. Poštovana zastupnica je članica te komisije. Ovdje nisu obuhvaćena sredstva, ovim zakonom nisu obuhvaćena sredstva koja obrađuje komisija za prigovore. Komisija za prigovore je kako smo razumjeli završila svoj posao i taj posao bi trebalo da se naše na jednoj od sjednica Vlade. Ukupno je riječ za oko 900.000 KM sredstava koja su da kažemo u prigovorima. Ako bi se svi prigovori usvojili, drugim riječima ako bi se svi prigovori usvojili dodatno bi se isplatilo 900.000 KM. Što se tiče inicijativa i primjene, postojećeg Zakona, postojeći Zakon se primjenjuje na način da su raspisani kriteriji za njegovu primjenu. Objavljeni su javni pozivi za dodjelu sredstava za finansiranje dijela minimalne mjesečne neto plate za mjesec april i maj u junu, početkom juna. A jedan dio sredstva se implementirao putem općina koje su izrazile želju i spremnost da učestvuju u ovoj inicijativi Vlade. Ukupno je isplaćeno po ovom osnovu 10,4 miliona sredstava uz 900.000 evo ovih koja su rezervisana jer su na prigovorima. Tako da je realizacija ove mjere oko 52%. nešto iznad 52%. sa ovom izmjenom Zakona naravno mi bi mjeru implementirali u 100% iznosu, procentu. Stoga vas molim u ime privrednika mi smo sa njima u stalnoj komunikaciji da se izmjene i dopune Zakona usvoje. Sugerišem to. I da se na taj način omogući implementacija mjere. Koliko je isplaćeno sredstava i koliko je privrednika obuhvaćeno, to sam odgovorio na pitanje uvažene zastupnice Kerle. Poštovani predstavljajući nadam se da sam sva pitanja čuli i da ste vi čuli odgovore koje sam ja ponudio.

Predsjedavajući:

Zahvaljujem uvaženi ministre Halebiću. Nemamo više zastupnika koji imaju pitanja za vas. Otvaram raspravu. Institucija nezadovoljstvom ne može biti to može biti samo u poslaničkim pitanjima, inicijativama i odgovorima. Ja bih vas lijepo molio da isključite mikrofon. Da li je ostao mikrofon kod Nenadića? Da. Kolegice Hodžić možete samo kroz raspravu izraziti nezadovoljstvo. Otvaram raspravu. Ima li neko da se prijavljuje za raspravu? Kolegica Admela Hodžić, rasprava. Izvolite kolegice.

Poslanik/zastupnik Admela Hodžić.

Zahvaljujem predsjedavajući. Pa evo, mogu samo da konstatujem da je ministar uvaženi odgovorio na pitanja koja su njemu ono da kažem prihvatljiva za odgovor. Nisam dobila odgovor na glavno pitanje u vezi zaključka koji sam uputila da mi se rastumači, da mi odgovori šta znači ovaj zaključak, koji je Komisija za prigovore privrednika. To mi nije odgovorio vjerovatno s razlogom mi nije odgovorio. Ali nema problema o tome ću u svojoj raspravi. Naime, evo već sam spomenula da sam učestvovala u cjelokupnom procesu, od kako se formiralo ovo tijelo Koordinaciono tijelo za ublažavanje negativnih posljedica za privredu izazvane COVID-19. Od samog početka aktivno učestvujem. Podrška sam bila svim privrednicima, svim njihovim inicijativama, željama, prijedlozima. Ja sam uvijek bila na strani privrednika, to vam mogu potvrditi. Međutim, nakon toga sam, radom u tom koordinacionom tijelu imenovana sam kao predsjednica Komisije za prigovore privrednika koji nisu ostvarili prava, odnosno koji su dobili negativan odgovor po rješavanju prvostepene komisije. Naime, radi se o Uredbi, nisam bila zadovoljna time, i to sam jasno kazala, i više puta inicirala da se to ispravi. Prvi put sam to kazala na sjednici Koordinacionog tijela (smetnje) poslije toga (smetnje) naišla na neko razumijevanje, poslije toga sam podnijela inicijativu. (smetnje).

Ja vas čujemo odlično (smetnje).

Predsjedavajući:

Zastupnici se između sebe čuju pa evo ako možete ako ima neko (smetnje).

Poslanik/zastupnik Admela Hodžić:
Jel mogu nastaviti? Čujete li me?

Predsjedavajući:
Hajte vi, mi vas čujemo kolegice.

Poslanik/zastupnik Admela Hodžić

Evo nastavljam. Ponovit ću član 7. Uredbe Vlade Kantona Sarajevo za ostvarivanje prava privrednika za isplatu dijela minimalne neto plaće za mjesec april i maj. Čitam član 7 koji su oni donijeli. Uslovi za ostvarivanje prava za isplatu dijela plaće. Pravo na isplatu dijela minimalne mjesečne neto plaće u FBiH za mjesec april i maj 2020 mogu ostvariti poslovni subjekti, pravna lica i fizička lica koja samostalno obavljaju registrovanu djelatnost koji ispunjavaju sljedeće uslove:

a) da nisu subjekt iz člana 6 ove Uredbe tj da nije subjekt koji je isključen iz finansiranja dijela minimalne mjesečne neto plaće u FBiH za mjesec april i maj 2020 godine,

b) da ima sjedište u Kantonu Sarajevo

c) da je poslovna jedinica poslovnog subjekta sa sjedištem u Kantonu Sarajevo ili sa sjedištem izvan Kantona Sarajevo na području FBiH, nalazi u Kantonu Sarajevo, ako poslovni subjekt u svom sastavu ima poslovnu jedinicu. Da je u mjesecu aprilu 2020, odnosno u mjesecu maju 2020 godine imao pad prometa u odnosu na prosječni mjesečni promet u 2019 kako slijedi:

1) veći od 40 do 70%

2) veći od 70%

e) da do dana objave javnog poziva ima izvršene obaveze po osnovu javnih prihoda sa danom 29.02.2020 i

f) da je zadržao isti broj uposlenika na dan 30.04.2020.godine odnosno na dan 31.05.2020 u odnosu na 29.02.2020.godine. Osim onih radnika kojima je istekao ugovor o radu ili koji su sporazumno prekinuli radni odnos. Zatim imamo raspisan javni poziv. Na javnom pozivu također podsjetit ću vas da je obuhvaćeno pravo na isplatu dijela minimalne mjesečne plate u FBiH za mjesec april i maj. To je javni poziv koji je raspisan jasno kaže, da nije subjekt iz tačke 2) ovog javnog poziva tj da nije subjekt koji je isključen iz finansiranja dijela minimalne neto plaće u FBiH za mjesec april i maj,

b) da ima sjedište u Kantonu Sarajevo

c) da je poslovna jedinica poslovnog subjekta u Kantonu Sarajevo ili sa sjedištem izvan Kantona Sarajevo na području FBiH nalazi u Kantonu Sarajevo ako poslovni subjekt u svom sastavu ima poslovnu jedinicu.

Također, redom kao što sam pročitala u Uredbi, također je sve navedeno u javnom pozivu. Rezultati prvostepene komisije ne znam po čijem nalogu i na koji način se odlučivalo. A u javnom pozivu također kaže da poslovna jedinica ne može samostalno podnijeti zahtjev za ostvarivanje prava, odnosno da to mora odraditi sjedište obrascem 1 pa tek onda poslovne jedinice koliko ih ima popuniti obrasce 2 za sve poslovne jedinice. Dakle, imamo rezultate javnog poziva koji kažu da je prvostepena komisija rješavala zahtjeve po poslovnim jedinicama po prometu poslovne jedinice i po radnicima prijavljenim u toj poslovnoj jedinice. Dakle, poslovni subjekti, privredni subjekti se nisu uzimali u cijelosti. Mogli su dostaviti izmiriti sve svoje obaveze po pitanju poreza doprinosa, isplate plaća, MIP-ova sve to uredno prikazano u bazi Porezne uprave, međutim, neko se dosjetio, neko je dao upute da se obračunavaju prava i isplaćuju po poslovnim jedinicama. Dakle ako imate promet u poslovnoj jedinici i broj radnika koji je tu prijavljen, za tu poslovnu jedinicu ste ostvarili određena sredstva. Šta ćemo sa onim poslovnim jedinicama koje po Zakonu ne treba da imaju prijavljen promet i nemaju fiskalni printer. Federalni Zakon o fiskalizaciji kaže u članu 28 prodajno mjesto je dužno registrovati fizikalni printer i sa tog mjesta slati podatke Poreznoj upravi. Dakle, privredni subjekti koji imaju složen način poslovanja imaju u svom sastavu poslovnu jedinicu za proizvodnju, poslovnu jedinicu za skladištenje, imaju upravu preduzeća koja također nije prodajno mjesto i nema obavezu imati fiskalni printer i odatle prenositi podatke u

Poreznu upravu, dakle sve te poslovne jedinice, i ti privredni subjekti su uskraćeni za prava tamo gdje nemaju registrovan promet. Dakle što hoću dalje da kažem. Na način na koji se odlučivalo, mogli ste imati deset poslovnih jedinica, ako ste u jednoj otpustili radnike ta poslovna jedinica vam nije obračunata. Ali vi po ovoj Uredbi i Zakonu u javnom pozivu, vi ste smanjili broj radnika. Znači ukupnom poslovnom subjektu privrednom a ostvarili prava na ostalih pet poslovnih jedinica u kojima imate promet. Dakle ja tražim da se konačno kaže šta se tu desilo? Po čijem nalogu da li je propust napravljen, da li to tako treba, da li ne treba? Evo idemo po redu da se prvo ta stavka ispravi, da se prvo to ispravi, pa da se nakon toga krene u dalju realizaciju svega ovoga i da dalje nastavimo onako kako bi po Zakonu, javnom pozivu i ovoj Uredbi trebali ustvari da damo šansu privrednim subjektima Kantona Sarajevo da ostvare svoja prava. Evo ja vam se zahvaljujem. I izvinite ako sam malo duže vremena uzela. Hvala lijepo.

Predsjedavajući:

Zahvaljujem. Da li imamo još nekoga za raspravu? Ukoliko nema, ja zaključujem raspravu. Uvaženi Safudin Čengić iz Udruženja poslodavaca je zamolio da se obrati na sjednici Skupštine Kantona Sarajevo kada se bude razmatrala ova tačka dnevnog reda. U skladu s Poslovníkom ja ću morati dati na glasanje da li zastupnici dozvoljavaju obraćanje za gospodina Safudina Čengića iz Udruženja poslodavaca. Molim sekretara da napravi anketu. A nakon toga i da glasaju u anketi za obraćanje ispred Udruženja poslodavaca Safudina Čengića. Molim zastupnike da se izjasne u Viber grupi za obraćanje Safudina Čengića. Zahvaljujem. Kolega Čengiću da li ste spremni. Evo imamo potvrdu. Zastupnici su odobrili sa 26 glasova ZA, protiv nije bio niti suzdržan.

Ja dajem riječ uvaženom gospodinu Safudinu Čengiću iz Udruženja poslodavaca. Imate riječ kolega ako ste spremni.

Predsjednik Udruženja poslodavaca Safudin Čengić:

Hvala poštovani predsjedavajući. Uvažene zastupnice i zastupnici Skupštine Kantona Sarajevo, ovom prilikom želim vam se zahvaliti na prilici da vam se vezano za ovu tačku dnevnog reda obratim ispred Udruženja poslodavaca Kantona Sarajevo, ali moram da naglasim da ovo obraćanje i ispred Kolegija Ekonomsko socijalnog vijeća Kantona Sarajevo kao i koordinacionog tijela Vlade Kantona Sarajevo. Ja sam siguran da ste vi kao zastupnici zabrinuti za živote i zdravlje građana Kantona Sarajevo i da uz nesebični i nadljudski angažman zdravstvenih radnika činite sve šta je u vašoj moći kako bi se stvorile pretpostavke za spas svakog ljudskog života. Međutim život naših sugrađana ovi i od ekonomskih mjera koje se poduzimaju kako bi se omogućio opstanak velikog broja samostalnih obrta, malih, srednjih i velikih preduzeća, odnosno pravnih subjekata koji upošljavaju veliki broj radnika. Svako očuvano radno mjesto znači opstanak i bolju perspektivu uposlenika i članova njihovih porodica. Opstanak našeg društva ovi od toga koliko smo u vrijeme pandemije pravovremeno i efikasno pomagali ljudima ali i privrednim subjektima. Ovom prilikom želim napomenuti da je sredinom maja mjeseca, na prijedlog Vlade, Skupština Kantona Sarajevo prva u BIH reagirala i donijela set kratkoročnih i srednjoročnih mjera za ublažavanje negativnih posljedica izazvanih korona virusom. Na žalost i oko prvih tri mjeseca 90% privrednih subjekata nije radilo zbog više razloga, mali broj poslodavaca prijavio na javni poziv. Zbog toga imamo situaciju da su potrebe poslodavaca ogromne za finansijsku pomoć a da praktično ni 50% planiranih odobrenih sredstva u prvom javnom pozivu nije iskorišten. Kao predsjednik Udruženja poslodavaca Kantona Sarajevo upoznat sam sa problemima velikog broja privrednih subjekata kojima je neophodna pomoć države. Korona nije, kako su mnogi mislili, trajala 3 do 4 mjeseca, već je i ona i sada nakon skoro 10 mjeseci među nama prisutna i bojim se da će tako biti i tokom naredne godine. Zbog toga je upitno koliko dugo, bez ponovnog pokretanja poslovnih aktivnosti poslodavci u realnom sektoru mogu izdržati. Bojim se da bez hitne državne pomoći određeni broj poslodavaca i njihovih uposlenika neće uspjeti

da zadrže svoje poslove i radna mjesta. Želim napomenuti posebno da je pad prihoda i poslovnih aktivnosti nekoliko puta veći od pada broja uposlenih što govori da su poslodavci poduzeli sve što je u njihovoj moći da zadrže radnike. Bez njih sigurno je da nećemo biti konkurentni onog momenta kada sve ovo bude iza nas. Ono što nas posebno brine, jeste činjenica da najveći teret negativnih posljedica korona virusa snosi realni sektor i njihovi uposlenici. Javni sektor, kao i uposlenici u državnim službama, i pored značajnog pada prihoda i punjenja budžeta ne smanjuju troškove za plate i druga primanja. Očito je da se negativni ekonomski efekti ne reflektuju na javni sektor, te iz tih razloga očekujemo i tražimo od Vlade i Skupštine svih nivoa vlasti da reaguju i sa sindikatima dogovore korekciju kolektivnih ugovora zaposlenih u javnom sektoru i državnim službama. Zbog naprijed navedenog predlažem da zastupnici usvoje prijedlog izmjena Zakona ali i da zaduže Vladu Kantona Sarajevo da hitno pristupi izradi nove strategije za donošenje mjera radi suzbijanja negativnih posljedica korona virusa tokom 2021 godine. Siguran sam da veliki broj privrednih subjekata će imati smanjene poslovne aktivnosti i znatno manje prihode u 2021 godini i zbog toga očekujem da i zastupnici budu odgovorni i donesu odluku o usvajanju prijedloga Zakona. Hvala vam najljepša na ovoj mogućnosti. Želim vam dobro zdravlje i čuvajte se.

Predsjedavajući:

Zahvaljujem gospodine Čengić.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O DOPUNAMA ZAKONA O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO.

Molim zastupnike da glasaju u Viber grupu. Zaključujem glasanje.

ZA JE GLASALO 24 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVAJ ZAKON.

Prelazimo na realizaciju tačke tri:

AD – 3.

NACRT ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Premijeru ko nam je to od članova Vlade? Mi vas ministre odlično čujemo. Izvolite, ministrica Kustura.

Ministrica Mersa Kustura: UVODNO IZLAGANJE

Predsjedavajući:

Ministrice samo jedno pitanje molim vas prije nego što otvorimo mogućnost da predstavnici radnih tijela postave pitanja, samo još da predložite koliko će trajati javna rasprava to nismo mogli pronaći u materijalima. Pa evo vi predlažete javna rasprava koliko će biti za ovaj Zakon. Pa molim samo radi stenograma da to predložite zastupnicima.

Ministrica Mersa Kustura:

Hvala predsjedavajući. Javna rasprava bi trebala da traje najmanje 30 radnih dana. Hvala.

Predsjedavajući:

30 dana je tako i Poslovníkom definisano. Zahvaljujem. Da li predstavnici radnih tijela žele riječ? Ima li pitanja? Otvaram raspravu. Kolegica Kerla Bibija diskusija. Izvolite kolegice imate riječ.

Poslanik/zastupnik Bibija Kerla:

Pa s obzirom da je ova tačka dnevnog reda došla još prije 30 dana, a ja sam bila u izolaciji jedno vrijeme, tako da sam imala vremena da uporedim bivši Zakon i ovu dopunu Zakona. S obzirom da izuzetno cijenim ministricu Kusturu želim da vas zamolim da što je moguće prije usvojimo ovu dopunu Zakona i da damo je na raspravu da bi se Zakon usvojio. Hvala lijepo.

Predsjedavajući:

Zahvaljujem. Imamo li još prijavljenih zastupnika za diskusiju.

Ukoliko se više niko ne javlja za riječ, zaključujem raspravu i predlažem da Skupština po Nacrtu zakona o izmjenama i dopunama Zakona o državnoj službi u Kantonu Sarajevo donese sljedeće Zaključke:

1. Utvrđuje se Nacrt zakona o izmjenama i dopunama Zakona o državnoj službi u Kantonu Sarajevo.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o državnoj službi u Kantonu Sarajevo.

MOLIM ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

Otvaram glasanje. Molim zastupnike da glasaju u Viber grupi. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVE ZAKLJUČKE.

Prelazimo na realizaciju tačke četiri:

AD – 4.

PRIJEDLOG ODLUKE O DAVANJU SAGLASNOSTI NA PRIJEDLOG UGOVORA O PRENOSU PRAVA VLASNIŠTVA NEKRETNINE UZ NAKNADU, IZMEĐU OPĆINE NOVO SARAJEVO I KANTONA SARAJEVO - MINISTARSTVO SAOBRAĆAJA RADI REALIZACIJE PROJEKTA IZGRADNJE STAMBENO-POSLOVNOG OBJEKTA KAO ZAMJENSKE LOKACIJE U CILJU OBEZBJEĐENJA ZAMJENSKIH STAMBENIH JEDINICA VLASNICIMA STANOVA U ULICI GRBAVIČKA BR. 62-68 U SARAJEVU KOJI SE UKLANJA RADI IZGRADNJE SAOBRAĆAJNICE –JUŽNE LONGITUDINALE

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Ima li potrebe? Zahvaljujem. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PRIJEDLOG UGOVORA O PRENOSU PRAVA VLASNIŠTVA NEKRETNINE UZ NAKNADU, IZMEĐU OPĆINE NOVO SARAJEVO I KANTONA SARAJEVO - MINISTARSTVO SAOBRAĆAJA RADI REALIZACIJE PROJEKTA IZGRADNJE STAMBENO-POSLOVNOG OBJEKTA KAO ZAMJENSKE LOKACIJE U CILJU OBEZBJEĐENJA ZAMJENSKIH STAMBENIH JEDINICA

VLASNICIMA STANOVA U ULICI GRBAVIČKA BR. 62-68 U SARAJEVU KOJI SE UKLANJA RADI IZGRADNJE SAOBRAĆAJNICE –JUŽNE LONGITUDINALE.

Molim zastupnike da glasaju u Viber grupi. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO..

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke pet:

AD – 5.

PRIJEDLOG ODLUKE O ISPRAVCI ODLUKE O DAVANJU SAGLASNOSTI NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR“ SARAJEVO, BROJ: 01-04-38520/20 OD 05.10.2020. GODINE

Materijal ste dobili uz poziv za sjednicu. Molim predstavnika Predlagača da podnese uvodne napomene. Potrebno je da ministar Krivić radi stenograma pošto se radi ovdje o izmjeni a ne o ispravci pa radi stenograma da to i navedete. Ministre Kriviću dajem vam riječ, izvolite.

Ministar Anis Krivić:

Hvala vam uvaženi predsjedavajući. Pozdravljam sve. Naime Skupština Kantona Sarajevo je donijela Odluku DAVANJU SAGLASNOSTI NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR“ SARAJEVO, OD 05.10.2020. GODINE. U tački 2. predmetne odluke navedeno je da se ovlašćuje Rektor UNSA prof. dr. Rifat Škrijelj, dekanesa Fakulteta zdravstvenih studija UNSA prof. dr. Arzija Pašalići i direktor JU Studentski centar mr. Tarik Curić da potpišu sporazum iz tačke 1. navedene odluke. Materijal u vezi sa usvajanjem navedene odluke Ministarstvo je Vladi dostavilo 01.06.2020.godine. Vlada je 11.06. donijela odluku kojom se utvrđuje Prijedlog odluke na nacrt sporazuma koji se zaključuje između UNSA, Fakulteta zdravstvenih studija i JU Studentski centar. U periodu između usvajanja odluke Vlade Kantona Sarajevo i Odluke Skupštine Kantona Sarajevo imenovan je novi direktor JU Studentski centar gospodina Muhamed Omerović a na osnovu Odluke Vlade Kantona Sarajevo kojom se daje prethodna saglasnost za imenovanje. Kako je u tački 2. odluke Skupštine Kantona Sarajevo o davanju saglasnosti na Nacrt sporazuma koji se zaključuje navedeno ime bivšeg direktora JU Studentski centar, neophodno je izvršiti izmjenju predmetne odluke. Stoga predlažemo Skupštini Kantona Sarajevo da donese odluke kao što je i u materijalu, s tim da ima jedna izmjena, odnosno Odluka treba da glasi:

ODLUKA O IZMJENI ODLUKE O DAVANJU SAGLASNOSTI NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR“ SARAJEVO, BROJ: 01-04-38520/20 OD 05.10.2020. GODINE.

Ostatak Odluke ostaje nepromijenjen kao u materijalu. Hvala vam. S poštovanje.

Predsjedavajući:

Zahvaljujem ministre Kriviću. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu. Molim sekretara da napravi anketu za glasanje i

ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O ISPRAVCI ODLUKE O DAVANJU SAGLASNOSTI NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA

ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR“ SARAJEVO, BROJ: 01-04-38520/20 OD 05.10.2020. GODINE. Molim zastupnike da pristupe izjašnjanju o prijedlogu odluke. ZA JE GLASALO 26 ZASTUPNIKA, PROTIV I SUZDRŽANIH NIJE BILO. KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke šest:

AD – 6.

PRIJEDLOG ODLUKE KOJOM SE DAJE SAGLASNOST NA NOTARSKI OBRAĐEN NACRT UGOVORA O OSNIVANJU PRAVA GRAĐENJA IZMEĐU UNIVERZITETA U SARAJEVU I OPĆINE CENTAR SARAJEVO U SVRHU IZGRADNJE SPOMEN OBILJEŽJA „ODRED LASTA“ NA UGLU ULICA PATRIOTSKE LIGE I BOLNIČKA U SARAJEVU, NA ZEMLJIŠTU OZNAČENOM KAO K.Č. 40/27 K.O. SARAJEVO IV

Materijal ste dobili uz poziv za sjednicu. Molim predstavnika Predlagača da podnese uvodne napomene ukoliko ima potrebe.

Ministar Anis Krivić: UVODNO IZLAGANJE

Predsjedavajući:

Zahvaljujem ministre Kriviću. Da li predstavnici radnih tijela žele riječ? Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE KOJOM SE DAJE SAGLASNOST NA NOTARSKI OBRAĐEN NACRT UGOVORA O OSNIVANJU PRAVA GRAĐENJA IZMEĐU UNIVERZITETA U SARAJEVU I OPĆINE CENTAR SARAJEVO U SVRHU IZGRADNJE SPOMEN OBILJEŽJA „ODRED LASTA“ NA UGLU ULICA PATRIOTSKE LIGE I BOLNIČKA U SARAJEVU, NA ZEMLJIŠTU OZNAČENOM KAO K.Č. 40/27 K.O. SARAJEVO IV

Molim zastupnike da pristupe glasanju u Viber grupi. Zaključujem glasanje.

ZA JE GLASALO 23 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Mi pratimo, kada zaključimo i kažemo, oni koji nisu zadovoljni mogu tražiti ispravku odnosno pojedinačno izjašnjanje.

Prelazimo na realizaciju tačke sedam:

AD – 7.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (LJUČA DŽEMAL)

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko ima potrebe. Ima li potrebe za uvodne napomene za ove odluke? Nema. Da li predstavnici radnih tijela žele riječ? Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (LJUČA DŽEMAL) .

Molim zastupnike da pristupe glasanju u Viber grupi. Zaključujem glasanje.
ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke osam:

AD – 8.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE NASTALE NADZIĐIVANJEM POSTOJEĆEG STAMBENOG OBJEKTA U ULICI BEHDŽETA MUTEVELIĆA BROJ 10, OPĆINA NOVO SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (MAHMUTOVIĆ ADIL)

Materijal ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE NASTALE NADZIĐIVANJEM POSTOJEĆEG STAMBENOG OBJEKTA U ULICI BEHDŽETA MUTEVELIĆA BROJ 10, OPĆINA NOVO SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (MAHMUTOVIĆ ADIL).

Molim zastupnike da pristupe glasanju. Zaključujem glasanje.
ZA JE GLASALO 25 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Realizacija tačke devet:

AD – 9.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU “3B”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (SULJOVIĆ MIRSAD)

Materijal ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU "3B", IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (SULJOVIĆ MIRSAĐ)

Molim zastupnike da pristupe glasanju u Viber grupi. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka deset:

AD – 10.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (HUREMOVIĆ SAMIR)

Materijal ste dobili uz poziv za sjednicu. Molim predstavnika Predlagača da podnese uvodne napomene ukoliko ima potrebe. Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (HUREMOVIĆ SAMIR)

Molim zastupnike da pristupe glasanju u Viber grupi. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke jedanaest:

AD –11.

UTVRĐIVANJE DATUMA ODRŽAVANJA SJEDNICE SKUPŠTINE KANTONA SARAJEVO U VEZI PRIJEDLOGA ZA GLASANJE O NEPOVJERENJU VLADI KANTONA SARAJEVO

Molim predstavnika potpisnika Prijedloga da predloži termin za održavanje sjednice Skupštine Kantona Sarajevo za glasanje o nepovjerenju Vladi. Konaković je tražio riječ.

Poslanik/zastupnik Elmedin Konaković:

Predsjedavajući nadam se da se čujemo. Dakle (smetnje) zastupnika potpisalo je i predalo na protokol zahtjev za smjenu Vlade uz obrazloženje kao što Poslovník i nalaže. (smetnje) datum održavanja sjednice na kojoj će se glasati o nepovjerenju Vladi, mi predlažemo da ta sjednica bude održana 23.11. u 10 sati. Hvala.

Predsjedavajući:

Mi vas nismo čuli, možete li samo ponoviti termin?

Poslanik/zastupnik Elmedin Konaković:

23.11. u 10,00 sati.

Predsjedavajući:

Zahvaljujem. Ima li još neko drugi prijedlog? Dobro. Da li predstavnici radnih tijela žele riječ? Ima li pitanja? Otvaram raspravu. Ukoliko se više niko ne javlja za riječ, zaključujem raspravu.

PREDLAŽEM DA SKUPŠTINA PO PRIJEDLOGU PREDSTAVNIKA POTPISNIKA PRIJEDLOGA ZA GLASANJE O NEPOVJERENJU VLADI KANTONA SARAJEVO, POTPISAN OD STRANE 18 ZASTUPNIKA U SKUPŠTINI KANTONA SARAJEVO DONESE SLJEDEĆI ZAKLJUČAK:

Utvrđuje se termin održavanja sjednice Skupštine Kantona Sarajevo za dan 23.11.2020.godine sa jednom tačkom dnevnog reda, i to:

1. Prijedlog za glasanje o nepovjerenju Vladi Kantona Sarajevo. Početak sjednice je predviđen za 10,00 sati.

MOLIM ZASTUPNIKE DA SE IZJASNE O PREDLOŽENOM ZAKLJUČKU.

Sekretar će napraviti anketu. Zastupnike molim da se izjasne. Molim zastupnike da se izjasne u Viber grupi.

Konaković ima intervenciju izvolite. Poslovnička intervencija izvolite,

Poslanik/zastupnik Elmedin Konaković:

Samo prije konačnog prebrojavanja, naravno online je sjednica. Samo da ne bude neke zabune predsjedavajući kada budete pisali zaključak predsjedavajući, hvala puno.

Predsjedavajući:

Zahvaljujem. Zaključujem glasanje.

ZA JE GLASALO 24 ZASTUPNIKA, PROTIV NIKO, SUZDRŽANIH 6.

KONSTATUJEM DA JE SKUPŠTINA UTVRDILA TERMIN ODRŽAVANJA SJEDNICE SKUPŠTINE I TO ONLINE NA DAN 23.11.2020.GODINE SA POČETKOM U 10, 00 I PRIJEDLOGOM DNEVNOG REDA KAKO GLASI:

1. Prijedlog za glasanje o nepovjerenju Vladi Kantona Sarajevo.

Prelazimo na realizaciju tačke dvanaest:

AD –12.

a)IZVJEŠTAJ O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2019. GODINU;

b)PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM FONDA KANTONA SARAJEVO ZA STIPENDIRANJE I

ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA "IKRE" ZA 2020. GODINU

Materijale ste dobili u dopuni.

Predlažem da vodimo jedinstvenu raspravu obzirom da se radi o istom pravnom subjektu, a izjašnjavat ćemo se pojedinačno.

MOLIM ZASTUPNIKE DA SE IZJASNE O OVOM PRIJEDLOGU.

Molim sekretara da naprave anketu. Zastupnike molim da glasaju. Zaključujem glasanje.

ZA JE GLASALO 19 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA PRIHVATILA OVAJ PRIJEDLOG.

Molim predstavnika Predlagača da podnese uvodne napomene. Da li ima potrebe za uvodnim napomenama? Ima li potrebe za uvodnim napomenama? Nema. Da li predstavnici radnih tijela žele riječ? Ima li pitanja? Otvaram raspravu.

Ukoliko se niko ne javlja za riječ, zaključujem raspravu. Prelazimo na izjašnjavanje posebno po tačkama a i b.

a)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2019. GODINU

Molim sekretara da napravi anketu, zastupnike da glasaju. Glasanje je otvoreno, izvolite. Zaključujem glasanje.

ZA JE GLASALO 25 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA "IKRE" ZA 2020. GODINU

Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVU ODLUKU.

Prelazimo na realizaciju tačke 13 a to je

AD – 13.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE ZA 2020. GODINU:

a) Narodno pozorište Sarajevo;

b) Sarajevska filharmonija;

c) Pozorište mladih Sarajevo;

d) Kamerni teatar ' 55 Sarajevo;

e) MES - Međunarodni teatarski festival - Scena MESS;

f) Muzej Sarajeva;

g) Kantonalni zavod za zaštitu kulturno-historijskog i prirodnog naslijeđa, Sarajevo ;

- h) Historijski arhiv Sarajevo;
- i) Bosanski kulturni centar Kantona Sarajevo ;
- j) Biblioteka Sarajeva;
- k) Muzej „Alija Izetbegović“ Sarajevo;

Materijal ste dobili uz poziv za sjednicu. Predlažem da vodimo objedinjenu raspravu po programima rada svih ustanova iz oblasti kulture, a izjašnjavat ćemo se pojedinačno.

MOLIM ZASTUPNIKE DA SE IZJASNE O OVOM PRIJEDLOGU.

Zaključujem glasanje.

ZA JE GLASALO 25 ZASTUPNIKA, PROTIV I SUZDRAŽNIH NIJE BILO.
KONSTATUJEM DA JE SKUPŠTINA USVOJILA OVAJ PRIJEDLOG.

Molim predstavnika Predlagača da podnese uvodne napomene. Ima li potrebe kolegice i kolege zastupnici? Ima li potrebe za uvodnim napomenama? Nema. Da li predstavnici radnih tijela žele riječ? Ima li pitanja? Otvaram raspravu.

Ukoliko se niko ne javlja za riječ, zaključujem raspravu. Prelazimo na izjašnjavanje o programima rada svake ustanove posebno.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „NARODNO POZORIŠTE SARAJEVO“ ZA 2020. GODINU.

Otvaram glasanje. Zaključujem glasanje.

ZA JE GLASALO 27 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „SARAJEVSKA FILHARMONIJA” ZA 2020. GODINU.

Otvaram glasanje. Zaključujem glasanje.

ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „POZORIŠTE MLADIH“ ZA 2020. GODINU.

Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

d)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „KAMERNI TEATAR '55“ ZA 2020. GODINU.

Otvaram glasanje. Zaključujem glasanje.

ZA JE GLASALO 24 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

e)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „MES - MEĐUNARODNI TEATARSKI FESTIVAL - SCENA MESS“ ZA 2020. GODINU.

Zastupnike molim da glasaju u Viber grupi. Zaključujem glasanje.
ZA JE GLASALO 24 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

f)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „MUZEJ SARAJEVA“ ZA 2020. GODINU.

Otvaram glasanje. Zaključujem glasanje.
ZA JE GLASALO 27 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

g)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO ZA 2020. GODINU.

Otvaram glasanje. Zaključujem glasanje.
ZA JE GLASALO 27 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

h)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „HISTORIJSKI ARHIV SARAJEVO“ ZA 2020. GODINU.

Otvaram glasanje. Zaključujem glasanje.
ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

i)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „BOSANSKI KULTURNI CENTAR“ ZA 2020. GODINU.

Otvaram glasanje. Zaključujem glasanje.
ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

j)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „BIBLIOTEKA SARAJEVA“ ZA 2020. GODINU.

Otvaram glasanje. Zaključujem glasanje.
ZA JE GLASALO 27 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

k)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE MUZEJ „ALIJA IZETBEGOVIĆ“ ZA 2020. GODINU.

Otvaram glasanje. Zaključujem glasanje.

ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na tačku četrnaest a to je:

AD –14.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE "KANTONALNI CENTAR ZA SOCIJALNI RAD" ZA 2020. GODINU

Materijal ste dobili uz poziv za sjednicu. Molim predstavnika predlagača da podnese uvodne napomene. Ima li potrebe? Kolegice i kolege ima li potrebe za uvodnim napomenama? Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE "KANTONALNI CENTAR ZA SOCIJALNI RAD" ZA 2020. GODINU.

Otvaram glasanje.

Poštovane kolegice i kolege obzirom da je sada dženaza uvaženom prof. dr. Hasanu Muratoviću ja bih vas lijepo molio nakon glasanja da ovu tačku zaključimo i da damo pauzu pola sata kako bi zastupnici koji žele da odu na dženazu u haremu Alipašine džamije kako bi mogli obaviti obred ukopa uvaženog prof. dr. Hasan Muratovića.

Može sat. Evo 45 minuta. Moramo se odrediti da li je sat ili 60 minuta. Ali moramo otvoriti glasanje.

Zaključujem glasanje za

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE "KANTONALNI CENTAR ZA SOCIJALNI RAD" ZA 2020. GODINU.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

60 minuta pauza, nastavljamo u 13,20 minuta. Evo napraviti ćemo anketu za 60 minuta pauzu, ja sam traži o 30. molim zastupnike da se izjasne. Molim zastupnike da glasaju u Viber grupi. Zaključujem glasanje.

Za je glasao 21 zastupnik. Pauza od 60 minuta. Nastavak u 13,20.

NASTAVAK NAKON PAUZE

Predsjedavajući;

Evo za 30 sekundi ćemo nastaviti.

Nastavljamo sa radom 30. Radna sjednica.

Tačka petnaest:

AD – 15.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "GERONTOLOŠKI CENTAR" ZA 2020. GODINU

Prijedlog ste dobili uz poziv za sjednicu. Molim predstavnika predlagača da podnese uvodne napomene. Ima li potrebe za uvodnim napomenama? Nema. Zahvaljujem. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "GERONTOLOŠKI CENTAR" ZA 2020. GODINU.

Otvaram glasanje. Molim zastupnike da glasaju. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka šesnaest:

AD – 16.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE DOM ZA DJECU BEZ RODITELJSKOG STARANJA ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko ima potrebe. Mislim da nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE DOM ZA DJECU BEZ RODITELJSKOG STARANJA ZA 2020. GODINU.

Otvaram glasanje. Zaključujem glasanje.

ZA JE GLASALO 27 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka sedamnaest:

AD – 17.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "PORODIČNO SAVJETOVALIŠTE" ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene, ukoliko ima potrebe. Nema. Da li predstavnici radnih tijela žele riječ? Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "PORODIČNO SAVJETOVALIŠTE" ZA 2020. GODINU.

Otvaram glasanje. Zaključujem glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka osamnaest:

AD – 18.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "ODGOJNI CENTAR KANTONA SARAJEVO" ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene ukoliko ima potrebe. Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN KANTONALNE JAVNE USTANOVE "ODGOJNI CENTAR KANTONA SARAJEVO" ZA 2020. GODINU.

Otvaram glasanje. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke devetnaest:

AD – 19.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU

Materijal ste dobili u dopuni. Molim predstavnika Predlagača da podnese uvodne napomene.

Ministrica Jasna Agić: UVODNO IZLAGANJE

Predsjedavajući:

Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2020. GODINU.

Molim zastupnike da glasaju u Viber grupi. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i jedan:

AD – 21.

IZVJEŠTAJ O RADU NEZAVISNOG ODBORA ZA PERIOD MART 2020. GODINE - AVGUST 2020. GODINE

Materijal ste dobili uz poziv za sjednicu. Molim predstavnika predlagača da podnese uvodne napomene. Ima li potrebe kolegice i kolege? Kolegice i kolege ima li potrebe za uvodnim napomenama? Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU NEZAVISNOG ODBORA ZA PERIOD MART 2020. GODINE - AVGUST 2020. GODINE.

Otvaram glasanje. Zaključujem glasanje.

ZA JE GLASALO 23 ZASTUPNIKA, PROTIV NIKO, SUZDRŽANIH 5.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prelazimo na realizaciju tačke dvadeset i dva:

AD – 22.

IZVJEŠTAJ O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2019. GODINU

Materijal ste dobili u uz poziv za sjednicu. Molim predstavnika predlagača da podnese uvodne napomene ukoliko je potrebno. Ima li potrebe za uvodnim napomenama? Zahvaljujem. Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2019. GODINU

Otvaram glasanje.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i tri:

AD – 23.

IZVJEŠTAJ O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2019. GODINI SA OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG ZDRAVSTVENOG OSIGURANJA KROZ FUNKCIONISANJE MREŽE FARMACEUTSKE DJELATNOSTI - APOTEKA, SA PRIJEDLOGOM MJERA I AKTIVNOSTI

Materijal ste dobili uz poziv za sjednicu. Molim predstavnika predlagača da podnese uvodne napomene ukoliko ima potrebe. Ima li potrebe kolegice i kolege zastupnici? Nema. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2019. GODINI SA OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG ZDRAVSTVENOG OSIGURANJA KROZ FUNKCIONISANJE MREŽE FARMACEUTSKE DJELATNOSTI - APOTEKA, SA PRIJEDLOGOM MJERA I AKTIVNOSTI.

Otvaram glasanje. Zaključujem glasanje.

ZA JE GLASALO 11 ZASTUPNIKA, PROTIV 7 I SUZDRŽANIH 100.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na realizaciju tačke dvadeset i četiri:

AD – 24.

INFORMACIJA O FINANSIJSKOM POSLOVANJU JAVNIH USTANOVA IZ OBLASTI PREDŠKOLSKOG, OSNOVNOG I SREDNJEG OBRAZOVANJA ZA 2019. GODINU (ZBIRNO)

Materijal ste dobili uz poziv za sjednicu. Molim predstavnika predlagača da podnese uvodne napomene ukoliko ima potrebe kolegice i kolege zastupnici. Ima li potrebe? Nema potrebe. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za riječ, zaključujem raspravu.

I KONSTATUJEM DA SMO PRIMILI K ZNANJU OVU INFORMACIJU O FINANSIJSKOM POSLOVANJU JAVNIH USTANOVA IZ OBLASTI PREDŠKOLSKOG, OSNOVNOG I SREDNJEG OBRAZOVANJA ZA 2019. GODINU.

Prelazimo na realizaciju tačke dvadeset i šest:

AD – 26.

INICIJATIVA ZA DONOŠENJE ZAKLJUČKA U VEZI ZAKLJUČKA SKUPŠTINE KANTONA SARAJEVO BROJ: 01-04-35283-3/20 OD 28.09.2020. GODINE

Inicijativu ste dobili u dopunskom materijalu. Molim predstavnika predlagača da podnese uvodne napomene. Neko od članova Vlade ili premijer.

Premijer Mario Nenadić:

Poštovani predsjedavajući, gospodo zastupnici, iako smo mi jutros kao prvu tačku dnevnog reda razmatrali stavljanje van snage moratorija kroz Zaključke koji su ponuđeni, mi smo neovisno od toga, ne znajući da će se ti materijali naći na dnevnom redu, još ranije predložili i pokrenuli ovu inicijativu za donošenje Zaključaka u vezi Zaključka Skupštine Kantona Sarajevo. Ja ne bih ovdje sada uzimao puno vremena utoliko što sam detaljno prošao jutros kroz razloge zbog kojih smo dali prijedlog za izmjenu, odnosno suspenziju moratorija. Tako da ovi zaključci su bili u okviru redovne tačke dnevnog reda. Oni su predviđali potpuno ukidanje moratorija na zapošljavanje i sve ono što podrazumijeva. Tako da ja neću sada ponavljati ono što sam jutros rekao. To bi mogao biti uvod za ovu tačku dnevnog reda. Hvala vam.

Predsjedavajući:

Zahvaljujem premijeru. Da li predstavnici radnih tijela žele riječ. Samo premijeru molim da isključite mikrofona. Ima li pitanja? Otvaram raspravu. Ukoliko se niko ne javlja za riječ zaključujem raspravu. Molim zastupnike da se izjasne o predloženom Zaključku:

1. Prima se na znanje Informacija Vlade Kantona Sarajevo o štetnim posljedicama Zaključcima Skupštine Kantona Sarajevo broj: 01-04-35283-3/20 od 28.09.2020. godine.
2. Stavlja se van snage Zaključak Skupštine Kantona Sarajevo broj: 01-04-35283-3/20 od 28.09.2020. godine.
3. Zaključak stupa na snagu danom donošenja.

Molim zastupnike da glasaju u Viber grupi. Zaključujem glasanje.

ZA JE GLASALO 9 ZASTUPNIKA, PROTIV 15, SUZDRŽANIH NIJE BILO.
KONSTATUJEM DA SKUPŠTINA NIJE DONIJELA OVAJ ZAKLJUČAK.

Obzirom da smo iscrpili sve tačke današnje sjednice zaključujem rad na 30. Radnoj sjednici i zahvaljujem se uvaženim kolegicama i kolegama. Doviđenja.